

---

**ЖАБАЙЫ АЛМА**

---

**САЙЫН МҰРАТБЕКОВ**



## БІРІНШІ БӨЛІМ.

### КӨКІНАЙ

Тау бөктері тұтасқан жабайы алма болатын. Соғыс жылдары біз, жас балалар, қалың бөргезге қол-аяғымызды қызыл ала жоса ғыш жырғызып, ұзақты қүнге алмадан алма таңдап, сол бөктерде тентіреп жүруші едік. Қышиқылтым ақ алма тістегенінде мұз шайнағандай қаршылдайтын. Сәлден кейін тісті қамап қалатын да зар қақтырып бастырмай тастайтын. Сонда да жейтінбіз Тапшылықта қабысқан қарынды алмамен болса да істелеп жұбату керек. Шіміз көгеріп, ауырсына ыңқылдан жататын кезіміз де көп еді. Қоңыр самал соғатын, итмұрын, қарақат, бөргездердің неше алуан иісі аңқитын. Бірақ ақ алманың — жабайы алманың қымыз иісі бәрінен де ерекше еді. Қай жағында қарасаң да бұтақтары сынып кетердей боп иіліп, көзді арбаған ақ алма сықасып тұратын. Тістеріміз жарқырап, қашыр-қашыр шайнайтынбыз.

Кешке қарай өрістен қайтқан малмен бірге, алма толы бір-бір дорба-қоржындарымызды арқалап біз де ауылға бет алатынбыз. Ауылдың желке тұсына жеткенде, жолымыздағы көлденең тұрған жалғыз түп үлкен алып алма ағашты айналып өтеміз. Ирі ақ алмалары жерге түсіп төгіліп жатады. Бірақ біз оған жолай алмаймыз. Әйткені, бүралқы қара қаншық соның түбіндеңдегі үнгірді мекендер алған, жылда күшіктейді де, бізді мұлде маңайлатпайды. Жақындал кетсек-ақ үнгір түбінен тістері сақылдан, ырылдан, зәре-құтымызды ұшырады. Қарақаншық жайында балалардың арасында рас-өтірігі аралас толып жатқан аңыз-әңгімелер де бар, кейде бірімізден-біріміз білгішсініп асып тұсу үшін сол

әңгімелерді жарыса айтатынбыз: Қарақаншықтың анасы қыран бүркіт пен құмай тазыдан туған желқүйін түйғын екен, кезінде бұл төніректе жортқан төрт аяқты аңнан аң қоймапты, қолтығында қанаты болған көрінеді, ал одан туған Қарақаншық та соғысқа дейін атағы жер жарған тазы екен; иесі Бәсен соғысқа аттанып, әйелі Жайдар көрші аудандағы төркіндеріне көшіп кеткен сон, Қарақаншық далада қаңғып қалып қойған; Жайдар өзімен бірге әкетпек боп қаншама әуреге түскенімен Қарақаншық жат жерге баспай қойыпты, тіпті бір жолы Жайдар әдейілеп іздел кеп, қаңғып жүрген Қарақаншықты шақырып ап, алдына ыстық тамақ қуып, мойнынан құшақтай отырып жылап, кәдімгі адаммен сөйлескендей оған: «Мұның не, Көкінай-ау, менен неге қашасың? Не жаманшылығымды көрдің? Әлде көшкеніме қарсымысың? Бәсенім аман-есен қайтқан сон, әлі-ақ қайтып келеміз ғой бұл жаққа. Оған дейін бір жерде болайық та», - деп назын айттыпты, сөйтіп, жіппен байлап жетектеп әкетіпти; бірақ бірер айдан кейін Қарақаншық үйренген жеріне қайта қашып келген екен; иемденгісі келген үйлердің бірде-біріне жоламай, алып алма ағаштың түбіндегі ескі үңгірге барып панарапты, өзі алма жеуді үйреніпти, жылда жазда күшіктейді де, күшіктері бауырын көтерген кезде, ауылдың үлкендері жинальп келіп, Қарақаншықтың бір шетке жасқап тастап, алдына ас құяды да өздері бір-бір күшіктен үлесіп алып кетеді, сөйтіп, айналасы екі-үш жылдың ішінде ауылдағы иттердің тең жарымы Қарақаншықтың тұқымы боп кетті. Ит жайын жақсы білетін Байдалы шал айттыпты деген бір сөз бар: осы Қарақаншықтың көп күшіктерінің ішінен біреуі ғана тұқымына тартып құмай боп тууы тиіс, ал күшік дұрыс қолға тап келсе жортқан аңды құр жібермейтін нағыз желқүйінның өзі болмақ.

Біз алым алма ағаштың түбінен әрі-бері өткен сайын:

«Көкінай! Көкінай! Кә! Кә!» — деп Қарақаншықтың шын атын атап шақырамыз. Кейде ол үңгірден шығып тұмсығын көтеріп біз жақтан жеткен әуені ііскең қойып, құйрығын бұлғаңдатады, ал кейде үңгірден тұмсығын бір қылт еткізеді де, қайтып көрінбей қояды.

Бірде Қарақаншық үш күн қатарынан мұлде көрінген жоқ, із-түзсіз жоғалды. Біз балалар: «Көкінайлап!» — алма ағаштың түбінде қаншама шуылдасып шақырғанымызбен үңгір жақтан еш дыбыс болмады. Ақыры біреулеріміз: «Мүмкін, өліп қалған шығар», екіншілеріміз: «Мүмкін сағынған соң Жайдардың артынан іздел кеткен шығар» — десіп жорамалдар жасадық. Бірақ үңгірге жақындалап, үніліп қарauғa ешқайсымыз батпадық.

Ертеңіне таңертеп алып алма ағаштың түбінен бектерге қарай өтіп бара жатқанымызда Қарақаншық көзімізге оттай басылып ұшырай кетті. Алма жеп жүр екен. Иші салбырап, біртүрлі аянышты бұрсектейді.

- Эй, әнен қарандар, Қарақаншықты!
- Ой, байғұс-ай, тірі екен-ау!
- Көкінай, Көкінай! Кә, кә!

Бұл жолы Қарақаншық дағдысынша әуені ііскең, құйрығын бұлғаңдатқан жоқ, тістерін ақситып сақ-сақ еткізіп ырылдаپ қойды. Ашулы тәрізді.

- Байғұс, ауру болу керек, бұрсектеуін.
- Жоқ, көрмейсің бе қарның, емшектерінің салақтауын, осы дәуде болса күшіктеген сияқты.
- Рас-ей! Күшіктеген.
- Ур-ра! Қарақаншық күшіктепті! Биылғы күшігінің біреуін ін і аламыз! Ур-ра!

Онан соң бәріміз жерге шөке түсіп отыра қап, демдерімізді Ішке тартып тың тыңдай бастадық. Үңгір жақтан жас күшіктердің әлсіз ғана шиық-шиық қыңсызлағандары естілді. Сол арада дереу үйден қалтамызға салып шыққан азын-аулак нандарымызды жинап,

Қарақаншыққа таstadtық. Байғұс, әбден ашыққан екен, көзі қып-қызыл болып «ыр-ыр» етіп нанды қомағайлана асайды.

Бұл күн біз үшін мейрам болды. Төскейде алма теріп жүріп айтатын екі әңгімеміздің бірі Қарақаншық төніретінде: соның соғыстан бұрынғы ел аузына тараған алғырлық даңқы жайлы, әрқайсымыздың үйіміздегі оның күшіктері туралы, олардың анасына тартқан кейбір ерек қылыштары туралы айттып тауыса алмаймыз. Бірімізден біріміз асып түскіміз келеді.

- Байдалы шал айтқан құмайы күшігі меніңше осы жолы туған болу керек,- дейді Сыпатай деген бала білгішсініп.- Өйткені, үш күн бойы көрінбей жатып күшіктеуі тегін емес.

- Ендеше мен өзім осы жолғы күшіктерінің ішінен таңдаш аlam.

- Мен де осы жолғы күшігінен аlam.

- Онда естерінде болсын, құмайы болатын күшік өте нәзік, әлсіз болтуатын көрінеді.

- Өй, сен де соғады екенсін.

- Мен соғып тұрғам жоқ, со Байдалы шалдың айтқаны. Өйткені, күшік нәзік, әлсіз болса кейін желқұйын болуы оп-оңай.

Өстіп дуылдастып жүріп кештің қалай түскенін де аңғармаптыз. Дорба, қоржындарымызды арқалап ауылға қайттық. Дәл алып алма ағашқа таяғанымызда алдымыздан шант-шұң айқай, қыз баланың зар қағып жылағаны естілді. Жүгіре басып бәріміз жотаға көтерілдік: алып алма ағаштың түбінде, қолында көк шыбығы бар Сыптаидың апасы Бұбітай Тоштан деген жетім қызды шырылдатып қуып жүр екен. Тоштан біздерден бірер жас үлкен тұлдыр жетім қыз, шешесі жағынан ағайындағы сон, Бұбітай оны қолына кіргізіп алған еді. Ертеден кешке дейін үй шаруасын істететін. Міне, сол

Тоштан қолында күрегі бар, зар еңіреп қашып жылап жүр.

- Апатай-ай, апатай... Басқа не айтсаңыз да істейін, бірақ мұныңызды істей алмаймын, апатай... Обал ғой, апатай... - деп жылайды.

- Мен саған көм деймін, жаман қар! Сүтті ішкізген, нанды жегізген сенсің, енді көм, кәне! Мынау тілімді ала ма-ей, жоқ на?! — деп, көк шыбықпен қызды тартып-тартып қалды.

- Көмбеймін, апатай! Көмбеймін! Өлтірсеңіз де көмбеймін! — деп Тоштан қолындағы күректі лақтырып тастады да, жаңағы біз келген бөктерге қарай шырқырап қаша жөнелді.

- Ұстандар, ана қарды! Ұстандар! — деді Бұбітай соңынан ұмтылып. Біз тегіс дорбаларымызды тастай сала Тоштанның артымнан қуған болдық, бірақ сирағы ұзын қызы жеткізсін бе, лезде қалың бөргездің арасына кіріп адастырып кетті. Оны жер-жебіріне жетіп біраз қарғап, сілеген Бұбітай алып алма ағаштың, түбіне қайта оралып, әлгінде Тоштан лақтырып тастап кеткен күректі алды. Аңтарылып түрған біздерге, бүтін түсте Қарақаншықтың есік ашық қалған кезде ауыл үйлеріне кіріп бір қазан сүтті ішіп, бір таба нанды жеп кеткенін айтты және бүйте берсе кейін күшіктерінің бәрі ұры бол есіп, ауылға ұры иттер қаптап кетеді деді.

- Ондай болса мен ол Қарақаншықтың өзін де өлтіремін, - деп қоқыланды Сыпатай.

Біз үңгірге жақын келіп үңіліп қарағанбыз: бес-алты жас қүшік біріне-бірі ұйлығып ұмар-жұмар бол шишиқ-шишиқ қыңқылайды. Қарақаншық бұл маңайдан көрінбеді.

- Эдіре қалғыр, иесі жоқ қанышықтың күшіктей бергені қайбір жақсылық дейсің, - деп кеп, Бұбітай үңгір аузын күрекпен опырып, ішіне қарай құлата бастады.

Үстеріне ауыр кесектер құлаған жас қүшіктер жылаған балалардай баж-баж шаңулдастып қынсылайды. Бұбітай қарулы әйел еді, алма ағаш түбінің лезде астан-кестеңін шығарып, үңгірді жермен жексен ғып бітеп тастады. Әуелде қатты қынсылағандарымен қүшіктердің үні де тез өшті. Біз, балалар, бір-бірімізге жаутаңдаپ қарағанымыз болмаса осының бәрін бастан-аяқ үнсіз бақыладық та тұрдық. Оナン соң Бұбітайға еріп, шұбап ауылға қайттық. Імыйрт үйіріліп қалған. Артымызға қайырылып қарай береміз.

- Эне, Қарақаншық келді,- деді бір бала сыбырлай сойлеп.

Алып алма ағаштың түбінде жер иіскелеп Қарақаншық жүр екен. Бір-екі рет әлдекімді шақыргандай үріп-үріп қойды, онан соң қынсылады, жер тырмалап ұлыды.

Ертеңіне таңертен тұра сап біз — балалар алтып алма ағаштың түбіне тартқанбыз. Әуелі алыстау тұрып:

- Көкінай! Көкінай! Кә! Кә! — деп шақырып көрдік. Бірақ Қарақаншық еш дыбыс бермеді, көрінбеді де. Біз қорқақтай басып үңгірге таяп келдік: кешегі Бұбітай көміп, тегістеп кеткен үңгір қайта қазылып, іштегі топырағы қобырап сыртқа шығып қанты. Жақын кеп үңілдік: бірде-бір қүшік көрінбеді. Сірә, Қарақаншық әлі де болса қүшіктерін басқа жаққа қазып әкеткен сияқты. Төніректі тегіс шарлап, кешке дейін іздең көрдік, бірақ Қарақаншықты да, оның өлі қүшіктерін де таба алмадық.

Қарақаншық со күй ұшты-күйлі жоғалды. Біз біраз уақытқа дейін сөз қылып жүрдік те, кейін ұмыта бастадық. Алтып алма ағаштың алмасы өзімізге қалды. Үйден шыға саламыз да, күні бойы соның түбінде боламыз, асық ойнаймыз, онан қала берсе үңгірді кеңейтіп, түбіне сабан төсеп үйшік жасаймыз.

Күзге қарай алтып алма ағаштың ақ алмасы сарғылда-

ныш, уылжып пісе бастады. Қанша жесең де тісінді қармамайды. Дорбаға толтырып үйге әкелгеніңше езіліп кетеді. Ортасынан тіліп, жіпке тізіп қақ жасаймыз. Ауыл балалары тегіс жиналып күнде тасимыз алманы. Аз күннің ішінде алма ағаштың алмасы тек биіктегі бұталарының ұшар бастарында ғана қалды. Созсаң қол жетпейді, сілкісөң түспейді. Басқа алмалар сарғылданып піскенде, әлгі биіктегі алмалардың бір бүйірлері шиқандаій бол қызыарып, көздің жауын алады. «Шіркінай!» — деп аузымыздың сұы құрып қызығамыз. Бір күні Сыпатаі сол ұшар биіктегі қызыл алмаларды алам деп, тоқтау айтқанымызға бой бермей, алып алма ағаштың төбесіне өрмелеп шықты. Қызыл алмаларға жетіп, енді қол соза бергенде, аяғын тіреп тұрған бұтақ сыйып кетіп, төмен қарай құлап түсті. Балалар шу ете қалдық. Жүгіріп жанына барсақ, кекпенбек бол, тыныстай алмай бүгжиіп қапты. Бір-екі бала аттандалап ауылға қарай жүгірді. Ағыл-тегіл еніреп Бұбітай жетті. Баласын жерден көтеріп алған, былқ-сылқ етіп ыныранғаны болмаса тілге келмеді.

Сыпатайдың өлімінен кейін шешелеріміз бізді алмаға жіберуді қойды. Бектерге қарай аяғымызды қия басудан қалдық.

Сол екі арада қыс түсті.

Біздің ауылдың әу баста колхоз бол қалай үйисқанын біз — кейінгі жас ұрпақ тек үлкендер айтқан әңгімелерден ғана білеміз. Жонғардың жықпыл-жықпылда-рында шашылған тарыдай қысы-жазы бытырап көшіп жүрген көшпелі жұрт жиырмасыншы жылдардың аяғында әр түсқа кеп, жиырма-отыз түтіннен бірігіп қоныс теуіп, артельдер құрыпты. Сөйтіп, отырықшылыққа айналған. Онан колхоз болған. Ал кейінде тұған біздерге сол колхоздар адамзат жаралған күннен бастап құрылғандай бол көрінетін.

«Бай», «кедей» деген сөздерді ұлкендер аузынан естігениміз болмаса, мағынасына онша түсініп жатпайтынбыз. Біздер үшін колхоз бастық бар, бригадир бар және қатардағы жәй колхозшылар бар. Бай боп тұрған ешкім жоқ, және бір кезде, яғни біз тұмастан не бәрі он-он бес жыл ғана бұрын бүкіл бір ауылдың малы тегіс бір адамның меншігі болды деген ақылымызға онша сыймайтын. Қалайша дейміз: бір адам сонша малға жалғыз өзі ғана ие болады, колхозшылары болмаса ол малдарын қалай бағады? Әлі жететіндер барып ондай адамның өзін ұрыптұрып, көп малдарын бас салып тартып алмай ма екен, дейміз. Сондай-ақ ішерге асы, киерге киімі жоқ тақыр кедейлер болды дегенге де сенбейміз. Ондай адам бір-ақ күнде аштан өліп қалмай ма деп ойлайтынбыз.

Әйтеуір қалай болған күнде де біздер үшін өзіміз тұмастан бұрынғы өткен өмір ертегі-аңыз боп қана көрінетін. Ал біздің ауылдың өткені аңыз әңгімелер өте көп еді. Кейде соның қайсысының расында да болғанын, қайсысының ойдан шығарылғанын айыру қын болатын. Біздер үшін оның бәрі де қызғылықты қымбат еді, елтін отырып тындаитынбыз.

Біздің ауыл Алмалы деп аталады, өйткені жердің атын, жабайы алма сыңсып өскен тау бөктерін солай деп атайды. Колхоз үйисқанға дейін бұл тауда жабайы алманы қорек етіп аю өріп жүреді екен. Сондықтан болар, кейбір ұлкендер күні бүтінгө дейін жабайы алманы аю алма деп атайды. Ол кезде алма жегісі келгендер жүйрік атпен кеп, алманы ат үстінде тұрып жинаиды екен. Егер адамның алманы үзіп жатқанын бір аю қоріп қалса, қазандай тасты көтеріп ап, ақырып қуатын көрінеді. Сонда бүкіл Алмалы бойының аюлары тегіс үн қосып: «Біздің алмамызда адамзаттың ме қақысы бар», - десіп долданысып, жер-көкті азан-қазан

етіп, тітірентіп жібереді еken. (Әжеміз осы әңгімені айтып отырған кезде біздердің зәреміз ұшушы еді).

Бір көрімі, біз туған кезде сол өріп жүрген аюлардан із де қалмапты. Ол кезден қалған бір ғана белгі, әлгі алыш алма ағаштың түбіндегі үңгір ғана. Оны аюлардың патшасы мекендепті. Екі адамның құшағы әзер жететін кәрі алма ағаш о баста киелі санаған көрінеді. Ары өткен, бері өткен көшпелі ел әлгі киелі ағашқа қызыл байлап, яки теңге тағып өтетін бопты. Ал аюлардың патшасы сол ғұрыпты түсініп, ондай адамға тимейді еken.

- Ол алма ағаштың түбінен өткендерінде ең болмаса шүберек іліп кетіп жүріндер,- деп қоятын әжеміз.

- Тұу, әже, соған да сенесіз бе? Киелі түгі де жок,- дейтін сондайда Нәзира әпкем.

- Тек әрі! Тілінді кесейін бе осы! — деп әжем зекіп тастайтын.

- Әжеміз діншіл адам. Ертелі-кеш аузынан «алласын» тастамайды. Бес уақыт намаз оқиды, ең сонында ылғи күбірлей сөйлеп: «Е, жаратқан, ондағысына онда, мұндағысына мұнда бір өзің медет бола көр»,- деп қоятын. Оナン соң жапырлай қарап түрған бізге: «О, жаман түгелер, кәне, алақандарынды жайып көкемізді аман қыла көр деп, жақсы тілеу тілендер» — деп бұйыратын. Біз жапатармағай қолымызды жайып: «Көкемді аман қыла көр»,- «Көкемді аман қыла көр»,- деп әлденеше қайталап тілеу тілейтінбіз. Сүмірейе қалған түрлеріміз күлкілі болу керек, үй шаруасын істеп жүрген Нәзира әпкем шыдай алмай мырс ете беретін де, зытып далаға кететін.

- Осыған бірдене көрінетін шығар. Ой, пәтуасыз неме! — деп әжем оның соңынан күйіп-пісіп қалатын.

Тегінде, әжем мен Нәзира әпкем екеуінің арасында ымыраға келмес алшақтық болушы еді. Әпкем әжемнің

әрекеттерінің бәріне, әсіресе діншілдігіне қуле қарайтын да, соны сезіп қалатын әжем оған күйіп-пісіп ыза болатын.

Нәзира әпкем соғыс басталардың алдында аудан орталығында оқып, жетінші қласты бітірген. Онан әрі оқыған жоқ. Көкем әскерге кетісімен апама қолғабыс етем, төрт ұсақ бала мен әжемді асырауға жәрдем етем, деп үйде қалды. Қысы-жазы апаммен бірге жүріп колхоз жұмысын істейді. Осыдан үш жыл бұрын ілміген ап-арық қыз еді, бүгінде қол-аяғы балғадай бойжеткен болды. Көрші-қолаң кемпір-шалдың бәрі:

- Па, шіркін, қыз өссе Нәзирадай боп өссін. Бір үйдің ер-азаматын жоқтаппас! — деп тамсанады. Сондайда араға әжем килігеді.

- Осы жұрт сұқтанбаса жүре алмайды-ау деймін, түге. Қызыымды ауыртасындар тфәй дендер,- дейді. Онан соң үйге кіріп, қазандықтың қүйесін саусағына жағып қайта шығады,- Эй, Нәзира, бері келші.

- Немене, әже?

- Бері кел!

Аңқалақтап жүгіріп келген Нәзира әпкем:

- Иә, не айтасыз? — дейді әжемнің неге шақырғанын біле тұра.

- Еңкейші бері, құлағыңа бірдене айтайын.

Нәзира әпкем еңкейген кезде әжем саусағындағы қүйені оның бір жақ шекесіне болар-болмас жағып қояды.

- Болды, бара ғой.

- Түү, әже-ай, осыған бола жұмысынан бөліп. Маған ешкімнің көзі де, тілі де тимейді.

- Тәйт әрі! Құпір сөйлеме!

Балалық шақтан әсіресе мықтап жадымда қалғаны: көктемге қарайғы апам мен Нәзира әпкемнің жұмыстан шаршап титықтап қайтқан кейіптері. Құн ұзын соқамен

жер жыртып, қара сүйкта өндері қап-қара боп тотығып, шаң-топыраққа батып, әбден қалжырап қайтатын. Апамның белінің шойырылмасы бар еді, сол жанына бататын болса керек, қабағы кіржиіп күйзелген кескінмен өзін салқын ұстайтын, қарсы алдынан жаутаңдал өре түргелгенімізде ешқайсымызға түс жылытып, еркелетпейтін. Ләм-мим деместен тас қып байлап алған белін шешетін де пештің іргесіне барып, қашан белінің сырқырағаны басылғанша қозғалмай отыратын да қоятын. Сонан кейін ғана божылдай қайнаған шәүтімді алдына алып, мандайы терши түсіп, тұз қосып, ақ су — шай ішуге кірісетін.

Төсек салып, жатар алдында апам мен Нәзира әпкем екеуі қол диірменді орталарына алып, ертең пісіретін нан үшін үн тартуға кіріседі. Біз ұсақ балалар тауықтың балапандарынша шүпірлем кем әжеміздің бауырына кіреміз. Бізді үйиқтату үшін әжеміз ұзақ ертегі бастайды.

Үйдің іші ала көлеңке. Жалп-жұлп етіп сыйырайып жанған май шамның жарығы қуыс-қуысқа жете бермейді. Ірге жақтар құнғірт тартып зәремізді ұшырады, әжемізге қарай тығыла түсеміз. «Әже, бері қарап жатшы», «Әже, мен жаққа қарашы», - деп ор тұстан тартқылап қоямыз. Апам мен Нәзира әпкем екеуінің әңгімелері өздерінше, қол диірменді бір қалыпты баяу ғана айналдыра отырып, колхоздың жұмысы жайлыш, соғыс жайлыш екеу ара құнқілдеп сөз етеді. Ол екеуінің әңгімелері бізге онша қызықты емес. Кейде әжеміз, айтып жатқан ертегісін үзіп тастап:

- Тұқымды сеүіп болдындар ма? — деп сұрайды апамнан.

- Жоқ. Кіші Ақбелге ертең түсеміз, сонымен боламыз, - дейді апам даусын көтере үн қатып.

- Тездетсөндерші, топырақ құрғап кетпесін.

- Адам жетіспей жатыр емес пе.
- Е, жаратқан бір алла... Кіші Ақбелге биыл не себетін едіндер?
  - Тары.
  - Ә, жөн. Ол жерге тары жақсы өседі. Баяғыда Жәпіш деген жатақ сол Кіші Ақбелге бір қап тары сеуіп, жиырмас-отыз қап қып жинап алатын.
- Мұнан әрі әжеміз ертегісін қайта жалғастырып әкететін. Кейде әжеміз апам мен Нәзира әпкемнің әңгімелеріне құлағын түріп тына қалатын.

  - Сонан кейін не болды, әже?
  - Ары қарай айтсанышы! — деп біз әр бүйірден қынқылдай бастаймыз.
  - Жо, түге, қоя түріндаршы, сөз тындаійн.

- Өздерінің әңгімелерін әжемнің де тындал жатқанын білген Нәзира әпкем мұнан әрі естірте сөйлейді.

  - Бүгінгі келген газетте біздің әскерлер Украинаның екі үлкен қаласын жаудан азат етті деп жазыпты. Дұшпанның қаншама әскерін, соғыс құралдарын, техникасын жойған көрінеді. Кескілескен ұрыс дейді.
  - Е, алла, өзің жар бола көр... Әлгі көкендер қай жағында жүрген көрінеді?
  - Көкем Солтүстік батыс майданда ғой.
  - Эйтеуір, әлгі кескілескен жерден аулақ болсын да, сейдеп жазсандаршы.

- Осы кезде көшеден аттандаған әйел даусы шығып, ауыл үйдің арасы шаң-шұң болды да кетті.

  - Ойбай, тағы не боп қалды?! Тағы қай сорлының үйіне жаманат келді?! Нәзира-ау, жүгір!- деді әжем басын көтеріп.

- Нәзира әпкем атып далаға кетті. Апам диірмен тасты төңкөріп, тартылған ұнды жинап тегешке салып, үстібасын қаққыштай бастады.

- Элгінде кешкісін ғана ауылсоветте болғанымда ешқандай жаманат хабар жоқ сияқты еді ғой,- деп қояды.

Әлден соң Нәзира әпкем қайтып оралды. Көзі бағжандап ентігін баса алмайды.

- Бұбітай жынданыпты,- деді.

- Тек әрі, не дейді?! — деді әжем мен апам қосарлана тіксініп.

- Рас. Жаңа кешкісін өрістен қайтқан сиырын сауыпты да, сүтін астауға құйып есігінің алдына шығарын қойып, онан соң өзі соған қарап мөлиіп отырған. «Мұның не?» — десе, «пісріп отырмын»,- депті. Сөйтіп де аттандал жылап, өзінің бетін өзі тирнай бастапты.

- Астапыралла! — деп көкірегін ұстаған әжем күбірлеп дұға оқыды.- Айтып ем ғой, Көкінайдың қарғысы жібермес деп, айтып ем ғой.

Сөйтіп, келер жылы көктемде Бұбітай жынданды. Ертеден қара кешке дейін есігінің алдына шығып отырып алады да зарлап өлең айтады. Жылайды, күеуінің, баласының аттарын атап аттандал дауыс салады. Өзі қара қайыстай боп қатып-семіп, түрі адам шошырлық құйге түсті.

## ТОҚТАР МЕН НӘЗИРА

Сол жылы көктемде мен Нәзира әпкемді аңдитын әдет шығардым. Оным жақсы ма, жаман ба, дұрыс па, әлде бұрыс па,- ол жағын білмеймін. Эйтеу, ол ауыл үй арасы қайда барса да мен жансызданып, сыртынан бақылап жүрем: ауыл шетіндегі бұлаққа суға барғанында көрінбей соңынан ілесіп бұта-бөргездердің тасасында тұрам, екі кештің арасында көршілерден сұт, яки ыдыс-аяқ сұрай

кіргенінде бұрыштағы тасадан және аңдымын. Ол болса менің бұл қылыштымды әжем мен апамнан көретін, мені өзінің соңына солар салып қойды деп ойлайтын. Ал шындығында әжем де, апам да маған ештеңе айтқан емес, аңдитүғын менің өзім. Себебі соңғы кездерде мына ойдағы қауын салатын Шымырбай шалдың баласы — Тоқтар біздің үйді төніректеп шықпайтын боп алды. Нәзира әпкемнің соңынан қалмайды. Екеуі жанаса кетсе-ақ ыржак-ыржак құлісіп, жәпектеп кеп сөйлеседі. Не сейлесетіндерін кім білсін, әйтеу бірінің-бірі аузына кіріп кете жаздайды.

Тоқтар — ұзын бойлы, ақсары өнді, сұлу жігіт. Үлкендер оны әлі бала дейді, бірақ біздерге ол үлкен жігіт сияқты көрінеді: биыл өзіне мұрт өсе бастаған. Оның мұртын байқамас та едім, бірде біздің үйдің алдынан өтіп бара жатып, есік алдында күн шуақта жүн иіріп отырған әжеме:

- Амансыз ба, әже?! Деніңіз сау, күйлі-қуаттысыз ба? — деп амандақсан болатын. Ал өзіне бүйтіп сәлемдескен адамға әжемнің жаны қалмайтын әдеті.

- Эй, бұ қай баласың? — деген.

- Мен, Тоқтармын ғой, әже.

- Шымырбайдың Тоқтарысың ба?

- Иә.

- Ой, айналайын, өркенің өссін, қарағым,- деп әжем обден разы боп қалған.

Ал Тоқтар:

- Ағадан хат кеп тұра ма? — дегендеге әжем оған мұлде кулап түскен еді.

- Кеп тұрады, қарағым. Кеп тұрады. Эй, Нәзира! — деген онан соң дауыстап.- Айран альип шықшы мына Тоқтарға.

Тоқтар алғыс айтып кете бермек болып еді, бірақ әжем жібермеді.

- Қарағым, есік алдынан құр ауыз өткенің болмайды,

дәм татып кет,- деді.

Нәзира әпкем іштен бір тостақан айран алып шығып ұсынды. (Бұл күні ол үйдің ішін тазалап, кір-қонды жумақ боп жұмысқа бармай, сұранып үйде қалған). Тоқтар айранды асықпай ұрттай отырып, әжеммен біраз әңгімелескен.

Мен болсам Тоқтардан да, Нәзира әпкемнен де көз жазбай, бұлар қайтер екен деп, екеуіне алма-кезек қарап байқастап түрдым. Қуларын-ай десенші, әжемнің көзінше екеуі де түк білмегенсіп сзызыла қалыпты. Бір-біріне тек көздерінің астымен ғана қарап қояды.

- Қарағым өзің әйттеу әскерге шақырганнан амансың ба? — деп сұраған әжем.

- Қыста бір рет шақырган, жасым әлі толынқыра-матты. Енді осы жазда шақыратын шығар.

- Е, алла-ай, тал шыбықтай бұралып енді жеткендерінде сендерге де ауыз салды ма?! Қу соғыс, қараң өшкір пәшиш?.. Эй, Нәзира, тағы құйып әкеп бер, айран!..

- Рақмет, әже, тойдым.

Есік көзінде тұрған Нәзира әпкеме Тоқтар босаған тостақанды қайтарып беріп жатып:

- Рақмет,- деді сыйырлап. Нәзира әпкем көздері күлімсіреп басын изеді.

«Ой, қуларын-ай» деймін-ая!

Сол жолы Тоқтар кеткеннен кейін де ойында басқа дәнене жоқ әжем баяғы «қу соғысты», «қараң өшкір пәшисті» қарғап-сілеп ұзақ отырды, бір ауық әскердегі баласын (біздің көкемізді) есіне алып, жылап та алды.

Кешкісін апам жұмыстан қайтып, шайға отырғаны-мызда, әжем сөз арасы:

- Апыр-ай, әлгі Шымырбайдың баласы мұрты өсіп, зіңгіттей азamat бопты,- деген тамсанып.

- Оны қайдан көріп жүрсіз? — деп сұраған апам.

- Бағана есік алдында жұн иіріп отырғанымда кеп, өзі

амандасты. Тіпті бір инабатты боп өсіпті: «Ағадан хат кеп тұра ма?» — дейді.

- Ол мұнда неғып жүр? — деп апам Нәзира әпкеме көзін аларта қараған. Нәзира әпкем жерге кірердей боп қысылды.

- Білмеймін. Эжем екеуі сөйлескен,- деді.

- Е, есік алдынан өтіп бара жатып амандасқаны ғой,- деді әжем, апамның сөзіне мән бермей.- Шіркін-ай, тал шыбықтай бұралып өскенін қайтейін, биыл жазға әскерге шақыртпақ еді дейді.

- Оған қайдағы әскер,- деген апам немқұрайлы сөйлеп,- әлі екі жылды жетпейді. Біздің мынадан,- деп апам Нәзира әпкемді нұсқап қойды,- үш айдай ғана үлкендігі бар. Тоқтар жазға салым туды да, мынау күзде туды емес пе?!

- Онысын қайдан білейін, маган өзі қыста бір шақыртып, жасым толмай қалғам, енді осы жазға шақыртады деді. Сөйдеді емес пе, Нәзира? — деп әжем әпкеме қарады.

- Иә,- деді Нәзира әпкем.- Ол анау жылды комсомолға өтемін деп екі жасты қостыртып жазғызған болатын.

- Ә-ә,- деп апам аңырып қалды.- Қап, эттегене-ай, а...

- Әй, бірақ өзі де сүйекті бала екен,- деді әжем.- Тіпті алпамсадай ғой.

Міне, сонан бері мен кездескен жерде Тоқтардың мұртына қараймын. Әрине, жақыннан абайлап, үніліп қарасаң мұрты онша мұрт сияқты боп көрінбейді екен, жаңада ғана тебіндеген ұп-ұсақ, сирек-сирек, ал алыстау тұрып қарасаң, екі ұртының үстінен әп-әдемі боп қызылып, ақсары өніне ерекше жарасып тұрады. Жүрттың бәрі өзін жақсы көреді. Мен ғана онша ұнатпаймын. Өйткені, ертеңді-кеш Нәзира әпкемді жағалай беруі ұнамайды.

Әнеу бір күні Нәзира әпкем бұлаққа суға барған кезде,

мен де соңынан көрінбей ілесіп барып, анадай жердегі қалың бөргездің тасасында тұрғам. Бір мезетте атын суғармақ бол Тоқтар жетіп келді. Бірақ атын түк те суарған жоқ. Ал кеп Нәзира әпкем екеуі сөйлессін, сықыглықтасып кеп құле ме-ау, бір-бірінен асып түскілері келгендей ауыздары-ауыздарына тимей, әй, жарысып сөйлейді. Қол-аяғымама бергөздің тікендері инеше қадалғандарына қарамастан, «Осылар не сөйлеседі еken, осы?» — деп сөздеріне құлағымды түріп, жақындау келгем. Сөздерінің пәлендей қызың, соншама мәз бол құлетіндегі ештеңесі де жоқ еken, баяғы мектепте оқыған күндерін, кімнің сабақ үстінде қалай отырғанын анау өйтүші еді, мынау бүйтүші еді деп, соны сөз қып тұр екеуі де. Тіпті бұлақтың басында тұрғандарын да ертең ауыл арасы өсек етер сырт көз барын да мұлде ұмытқан өздері.

Шыдай алмай кеттім, жұдырықтай тас алдым да екеуінің дәл ортасына лақтырып жібергем, екеуі де селк етіп, сасып қалды. Тасты қай жақтан, кім лақтырғанын біле алмай аң-таң. Мен тағы тас лақтырдым. Осы кезде ғана Нәзира әпкем өзі мені көре алмаса да, мен жасырынып тұрған қалың бөргез жаққа қарап:

- Эй, Қанат, көкшешек, қой енді, әйтпесе желкенде қиям, — деді.

Тоқтар бірдеңе деп күнкілдеп сөйледі де тез атына мініп, түк білмегендегі желдірте жүріп кетті. Нәзира әпкем иінагашпен сүйн көтеріп, мен жаққа қарай тағы бұрылды да:

- Шың бері, жүр! — деді.

Мен бөргез арасынан шыңқам жоқ, со жасырынған күйімде қала бердім.

- Сені ме, бәлем, тұра тұр! — деді әпкем.

Бірақ Нәзира әпкемнен қорқып жүрген мен жоқ. Шында сам оның жігітпен сөйлескенін әжем мен апама

айтып, жанын шығартам ғой. Сондықтан қүштің өзім жақта екенін жақсы білетінмін.

Кеше доп қуудың қызығымен кештің қалай тұскенін білмей, ымырт үйірле ойыннан қайтып келе жатқам, дәл өзіміздің сиыр қораның іргесіне жете бергенімде, бұрышта сөйлесіп тұрған екеудің үстінен тұскенім. Тағы да со Тоқтар мен Нәзира әпкем. Тоқтар Нәзира әпкемді білегінен ұстап ап, жібермей тұрған сияқты.

- Қойшы, Тоқтар, сүйісken деген не ол, ұят емес пе. Айтып тұрмын ғой енді, өмір бойы сендікпін деп, сенсөнші сөзіме.

Тоқтар бірдене-бірдене деп сыйырлай күнкілдеді.

- Қойшы, жіберші. Үйден біреу шығып қалса, құртады мені.

Қараңғыда еңкейіп жүріп қолыма іліккен кесекті ала салдым да лақтырдым. Тоқтар Нәзира әпкемді жібере салды да, әрі қарай қаша жөнелді, ал Нәзира әпкем үйге қарай зытты. Жолында тұрған мені қағып кете жаздады.

- Кекшешек, аңдығаныңды қашан қоясың осы?!

Желкенді қияйын ба!

Қыып көр,- дедім мен.

- Қиямын,- деп кеп ол желкемнен ұстай алды. Қолы мұндай қатты, қарулы болар ма, мытып жіберді. Мен еркексініп айбат білдіріп бұлқынып көріп едім, босатар емес. Онаң сайын сығымдай түседі.

- Қоясың ба, аңдығаныңды?

- Қоймаймын.

- Мә, ендеше қоймасаң, мә...

Желкемнен со сығымдап қысқан күйінде, май құйрығынан бір-екі рет тартып-тартып жіберді. Ұрғаны қаудырлаған тері шалбардан онша өте қойған жоқ, бірақ желкемнен қысқаны жиырма бата бастады.

- Эже-е! Апа-а!..- деп бақырып жібердім.

Нәзира әпкем жібере салды.

- Қоймасаң, көрдің ғой, алатын сыбағаң осы!
- Мен қазір әжеме, апама айтам.
- Айтып көр!
- Айтам,- деп мен есікке беттедім.
- Қанат, тоқта! Жә, тиіспеймін. Әништейін әзілдегенім ғой, шынымен кек тұтып қалдың ба?
- Бәрібір айтам, Тоқтармен әнеу күнгі бұлақ басында тұрғаныңды да, жаңағы оның сені сүймек болғанын да... бәрін айтам қазір.

Есікке қарай шегіншектеп аттай түскем.

- Қанат, айналайын, не істе десен де істейін құлың болайын,- деді жаны шыға жаздаған Нәзира әпкем жалынyp.- Рас, сен не істе десен де істейін.

Нәзира әпкемнің өзіме осынша жалынып, жалбарыңғанына қыбым қанып, рақаттанып қалдым.

- Ал жарайды,- дедім өзімше күжірейіп.- Енді менің құлым боласың. Не бұйырсам да орындаіссың.
- Орындаімын дедім ғой.

Осы арада оны құлым қылу үшін не бұйырсам екем деп ойладым да, қапелімде жөнді ештеңе ойлап таба алмадым. Тек:

- Бір аяғыңды көтеріп, бір қолына кірпіш ұстап тұрасын,- дедім.

- Не дейді?

- Біздің класта Мұқан ағай тәртіп бұзғанымызда бір аяғымызды көтертіп, бір қолымызға кірпіш ұстасып бұрышқа тұрғызып қояды. Сен де сөйтесің.

- Мақұл.

Үйге кірген соң қабағы салыңқы апам екеумізді де біраз қуырып алды.

- Сен қайды жүрсің, осынша тұн жарымына дейін тентіреп?! — деп, әуелі мені тергеді.

- Ойнадың...

- Ойының осылсын, ойының осылғыр. Үсті-бастан

саяу тамтық жоқ, алым-жұлым боп. Шыңқ былай, сүмірдеймей.

Осымен мен құтылдым. Енді апам Нәзира әпкеме ауысты.

- Сенің не ауруың бар осы, жұмсаған жерге жоғалып кететін. Мына тұрган үйден елеуіш әкеле қой дегеніме дәл бір шай қайнатым уақыт болған шығар.

- Елеуіштері бос емес, өздері үн елеп жатыр екен, қутіп отырып қалдым.

- Эйтеу, сылтау тапсаңшы. Айтпады деме, бір күні шашың, ды талдағ жұлам.

Нәзира әпкем зәре-құты қашып үндемейді.

- Негып тұрсың енді селтиіп, еле анау үнды! — дейді апам зекіп.

Осымен Нәзира әпкем де құтылады.

Біз, балалар, қарнымыз сыздағанша атала көжеге тойып, әжем мен апам мандалары терши отырып шөлдері қанғанша қаймақ қатып, тұз салып ақ су — шай ішіп болған соң, үй ішінде аса бір көнілді жақсы шақ орнайды. Қабағынан қар жауып тұратын апам да жадыграйды. Басы Нәзира әпкем болып балалар бір-бірімізді тұртпектеп ойынға кірісеміз. Әсіресе, мұндайда апам көрші үйлердің біріне шаруасы боп шығып кетсе тіпті рақат. Онда көзіміз үйқыға кеткенше біраз асыр салып қаламыз. Әжеміз үйде ойнағанымызға эсте үріспайды.

Бүтін де апам бір шаруасымен бригадирдің үйіне барып келмек боп шығып кеткен. Апам кетісімен-ақ мен дереу Нәзира әпкеме қызындауымды бастадым. Ол үлкендігін істеп бағынғысы келмей қиқандамақ болған. Мен:

- Эже десе, мына Нәзира әпкем әлгінде кешкісін...- дей беріп едім, әпкемнің жаны шығып кете жаздады.

- Қанатжан, Қанатжан, мен сенің құлынмын фой,- деп аяқ жағыма кеп отыра кетті.

- Ендеше, ана бұрышқа бар да бір аяғынды көтеріп, бір қолыңа кірпіш үстап тұратын бол,- деп бұйырдым.

Амалы қанша, Нәзира әпкем айтқанымды еріксіз орындағы. Ауыз үйдегі ошақтың алдында күйе-күйе бос кірпіш жататын, соны алып кеп, бір қолына көтеріп тұрды.

- Мен ұйықтағанша сөйтіп тұрасын,- дедім де өзім шешініп, үйқыға кірістім.

Сөйтіп, Тоқтар мен Нәзира әпкемнің бұ дүниедегі қас дұшпаны мен едім. Мен дегенде екеуінің де төбе шаштары тік тұратын. Қолдарына түсken жақсы заттары болса маган сыйлайды. Бір рет кешкісін ойыннан қайтып келе жатқанымда қарсы алдыннан Тоқтар шықты.

- Қанат, мә, қызыл қарындаш керек пе? — деді.

Куанып кеттім.

- Керек,- дедім. Шынында да бояу қарындаш. Кәдімгі, Мұқан ағайдың біздің дәптерімізге баға қойып жүрген бояу қарындашы сияқты.

- Менде неше түрлі бояу қарындаштар көп,- деп қойды Тоқтар.- Керек десен берін де саған әкеп берейін.

- Экеп берші.

- Қанат, Нәзира әпкендей шақырып жіберші, аздаған шаруам бар еді.

- Макұл,- дедім мен.- Тек ертең тағы бояу қарындаш әкелетін бол.

- Макұл,- деді ол да.

Мен үйге кірсем бір жақсысы апам жоқ екен, ұсақ балалар әжемнің баурына тығылып ертегі тыңдал жатыр да (бұл көктемде мен өзімді есейдім деп біліп, бұрынғыдай әжемнің баурына кіріп жатуды қойғам, тіпті өйтүте намыстанатынмын), ал Нәзира әпкем жемпір тоқып отыр. Мен оған бояулы қарындашты көрсетіп құлана күлдім.

- Жүр далаға,- дедім.
- Немене, сыртынан мені бір қарындашқа сатып келгеннен саусың ба? — деді ол да құле сыйырлап.
- Ол маған ертең тағы да әкеп беретін болды,- дедім.
- Ақымақ,- деп Нәзира әпкем мені шекемнен ақырын нұқсып қойды.

Өзі дереу киіне бастады.

- Эй, қайда барасындар? — деген әжем.
- Мен сақамды жоғалтып алдыым есік алдында, соны іздейміз,- дедім мен табанды өтірікті қыстыстырып.

- Ә-ә...

Сыртқа шыққан соң мен екеуіне де өктем сөйлем, өзімнің басымдығымды білдірдім.

- Тек сүйісуші болмаңдар және көп тұрмандар. Мен өзім бақылап тұрам,- дедім.

Және солай істедім де. Төрт-бес қадамдай жерде екеуінен көз айырмай қарадым да тұрдым.

- Иә, не айтасың? — деді Нәзира әпкем.
- Жәй, әншнейін сені көргім кеп кетті...

Мұнан әрі екеуі де үндеген жоқ. Бір-біріне қарама-қарсы қарады да тұрды. Әлден соң Тоқтар әпкемнің қолынан ұстаған.

- Эй, эй, онша жақындаспаңдар! — дедім мен қатал ескертіп.

Екеуі менің ескертпеме күліп қана қойды. Ауыл арасы тым-тырыс. Терезелерден өлеусірей жанған май шамдар жылтырайды. Бақа шұрылдады. Бір сәт Бұбітайдың зарлаған даусы естілді.

Қара көзім,

Жете алмадым,

Жер шалғай,

Жалғыз өзім...

Менің өне бойым қалтырап, зәрем үшүп кетті. Қап-қараңғы мынау тұн, жынды әйел салған зарлы ән, үн-

тұнсіз тұрған Тоқтар мен Нәзира әпкем... Екеуі тас бол қатып қалған сияқты.

- Эй, неге үндемейсіңдер?! — дедім.

- Қанат, қорқып тұрсың ба? Кел, біздің қасымызға,- деді Нәзира әпкем.

Мен екеуінің қасына барып тұрдым. Кенет Нәзира әпкем мені бас салды да қатты қысып тұрып бетімнен сүйіл алды.

Көп ұзамай етектен тауға қарай көшкен мал ауылға кеп жағалай қонып, төл аяғы жетілгенше көктеуде отырған. Мәре-сәре шуга толы қызықты кез туды. Ала қыстай сыз қорада үстері сауыс-сауыс болған қора-қора қойлар мол, тегін көкке жетіп, өлі жабағыларын сілкіп, бауырларын жазып, емін-еркін тойына бастады. Ауылаймақ тегіс жапатармағай қой сауып, аузымыз ақса бір жарыған еді. Сүт пен айранды күндіз-түн ішем десең еркің. ор үйдің қазанында бүркүлдап ірімшік-құрт қайнап, ашқұрсақ қарын бір майланған.

Біз, балалар, ертеңді-кеш қозы қайырысып, шешелерімізге сауылатын қойларды қосақтасқаннан кейін-ақ зытып отырып ауылдың сыртындағы тас қораға тартамыз. Мұнда колхоздың құмнан көшіп келе жатқан жылқысы қамалады. Ауылдың ереккінде кіндік атаулысы сонда жиналышп, тай-құнандарды қүзейді, жылқыға колхоздың таңбасын күйдіріп басады, әскерге жіберілетін аттарды іріктейді, асаулар үйретіледі. Осқырына жер тарпыған айғырлардың төбелесі, ойнақ салып жарыса шапқан тай-құлышындар, бұғалық салған кездегі аспанға шапшыған асаулар — жатсақ-тұрсақ тауыса алмайтын әңгімеміз. Және де бәріміздің аузымыздың сұы құрып сөз ететініміз — Тоқтар. Кәдімгі, маған күнде бояу қарындаш берігі «Нәзира әпкенде шақыршы» деп жалынып жүретін Тоқтар. Бұ күндерде өзі қолы тимейтін болу керек,

біздің үйді жиі торуылдауын қойған. Үш күн, төрт күнде бір:

- Қанат, өзің білесің ғой, бүгін уәделі жерде жолығайык,- дейді қулана жымысып. Сол күні мен ымырт үйіріле әр түрлі сылтау айтып Нәзира әпкемді ертіп шығамын да, өзім көз жазбай бақылап қарап тұрып, екеуін бір шай қайнатымдай ғана сөйлестірем. Онан соң Нәзира әпкемді алдыма салып үйге алып кірем. Екеуі менің осы қызметіме де өлердей риза. Өйткені мен болмасам өйтіп те кездесе алмас еді ғой, апамның қатал мінезі белгілі, Нәзираның жалғыз өзін мұлде тырп еткізбес еді. Менімен бірге шығатын болған соң құдіктенбейтін болу керек, апам онша қадалып, тексеріп жатпайды.

- Көп жүрмей тез қайтындар,- дейді де қояды.

Сол Тоқтар әскерге жарайды деп іріктелген аттардан күнде бір асau үйретеді. Небір жүген-құрық тимеген құр асауларға тақымы тиді-ақ болды, жалына мысықша жабысады да тастай қатып айырылмайды. Мейлі аспанға шашысын, мейлі мөнкісін бірақ одан жығылар Тоқтар жоқ. Қайта біраз тулатып-тулатып алғанинан кейін қос өкпеге тепкілеп, әрлі-берлі ойқастата көслітіп шабады, қамшыны да басады аямай. Сөйтіп, біраз шапқаннан кейін ала өкпе болған асаудың үсті-басы ақ көбік тер болып, сайтаны бастыға бастайды. Ал кешкісін құр осқырынғаны болмаса таңертенгідей аспанға шашуға де, мөнкүге де шамасы келмей титықтап кеп, кермеде ауыздықты күтір-күтір шайнап, таң асуға қантарылады. Ертеңіне кез келген адам ерттеп мініп, жүре беруіне болады.

Күн сайынғы Тоқтардың асau үйретуі біз үшін дүниеде теңдесі жоқ қызық көрініс. Тоқтарды да, ол үйреткен асауларды да менсінбейтін бір-ақ адам бар, ол — колхоздың бригадирі Байдалы шал.

- Тәйірі, осы күнгінің жылқысы жылқы ма,- деп насы-

байды аузына тастап жіберіп, астыңғы ернін тырсита малжандаپ тұрып алады.- Сиырдың бас жібін ілмектеп мойнына тастай салсаң тұра қалады, ерттеп мініп ал да шаба жөнел, құйрығын шыжбындағып бір-екі шоқа-лақтайды да соныменен тынады. Шіркін-ай, бір асауға мінгендей боп тақымыңды қыса алмайсың ғой. Мына Тоқтарлардікі, әншейін асау үйретті деген аты ғана да. Баяғыда асауға төрт қабат арқаннан ескен бұғалықты тастап жіберіп, әлекедей жалаңдаған бес-алты жігіт өкшемізді қадап, шірене тартып, тұра қалатынбыз. Сонда әлгі асау аспанға тік шапшып сүрете жөнелгенде етіктеріміздің ұлтаны қақырап кетуші еді. Жануарларды ұстағаныңда жылқыны емес тап бір жолбарысты ұстағандай болатынсың. Эне, асау деп соларды айтсаңшы!..

Байдалы шалдың әңгімелерін тындасан, бұрын тумай, қазіргі заманда туғаныңа өкінесің. Бүтінгінің адамдары да қораш, малдары да азғын, ең аяғы иті екеш итіне дейін бұралқы. Ал біздерді — балаларды ол мұлде іске алғысыз деп біледі.

- Мұрындарын сүрте алмай жүрген осыларды қойшы. Баяғыда бұлардың жасында өзіміз отау тігіп, үй болып едік. Ал бұт түгелер ертеңнен қара кешке салпақтап киім тоздырып, ойнағаннан басқаны білмейді.

- Ата, сіз неше жасыңызда үйлендіңіз? — деп сұраймыз.

- Мен бе?!!- ол аузындағы насыбайын алғып тастап, түкірініп қойып, неше жасымда үйленгенін іштей есептеп сәл ойланып қалады. — Маған әкем алты жасымда қыз айттырыпты. Содан он толып, он бірге шығарымда ұрын барып, келер күзінде үйлендім ғой.

- Осы кемпіріңізге ме?

- Жоға тәйірі. Бұл кемпіріме кейін, бертінде совет заманында теңдік алған кезде үйлендім.

- Ал, әлгі, айттырып алған әйеліңіз қайда сонда? — деп біздер де қоймаймыз.

- Бәтшагарлардың тақымдауын сонша,- деп Байдалы шал шегір көздері жасаурай күлімсіреп бәрімізді сыйқырта бір боқтап алады.- Қара бұларды қатын десе тақылықтай қалғандарын, окуға осындаі бол тақылда-сашы, боқмұрын немелер... Кәне, аулақ жүріндер, жылқыны үркітесіндер!

Мұнан әрі ол сөйлескісі келмейді, қолындағы қамшысын үйіріп, жасқап біздерді тас қораның аузынан кейін қарай едәүір қуып тастайды. Оның құғанынан кетіп жатқан біз жоқ. Біраздан кейін қайта қаумалап аламыз.

- Ата, әлгі бұрынғы айттырып алған әйеліңіз қайда, айттыңызшы? — деп тағы қыламыз жан-жақтан. Эрине, біздерге шалдың бұрынғы үйленген әйелінің қайда екені бес тыынға да керексіз, тек оны тағы да сөйлетуге, әңгіме айтқызуға құштармыз.

- Немене, қайда екенін айтсам, барып ала қояйын деп пе едіндер, қыztәләктар, ей, мұрындарынды...- деп тағы бір сыбап алады.- Қайда болсын, оны жер жүттү дейсіндер ме, мына Ақтасты колхозында тұрады. Бәтшагар, Әнеке дегеннің баласымен ашына бол, сөз байласып жүреді екен, совет үкіметі орнаған соң бір түнде сонымен қашыпты да кетіпті.

- Ал сіз қайттыңыз?

- Қайтушы ем. Ата-бабамда қатыннан зарығып өлген ешкім жоқ, кетсе кетсін дедім. Сөйттім де бір түнде мен де мына қазіргі әжелеріңе үйленіп алдым.

- Қалай үйлендіңіз сонда, ата?

- Не дейді?! Қалай үйленгені қалай?! Жә, басымды қатырмай аулақ жүріндер. Кәне, кейін тұрындар, жылқыны үркітесіндер!.. Әй, Тоқтар, бүгін анау Жиренқасқа бестіні үйретші. Өзін әскерге айдаң әкет-

кенше біраз күн мен мініп қалайын. Жануардың әкесімен әнеу бір жылды қөкпарға шапқаным бар еді.

- Бұл, кәдімгі, атақты Жирен айғырдың баласы ма-ей, Байдалы? — деді шалдардың бірі.

- Иә, Шіркін, айғырым-ақ еді-ау. Сонау Ұзынбұлақта болатын үлкен той есінде ме? Жұрт қөкпарды колхоз-колхоз боп жақ-жаққа бөлініп тартысып еді ғой. Әуелде біреке қашағайлар, біреке қоңырлар алып, бірақ ешқайсысы ұзаққа әкете алмаған. Қөкпарға бергендері бір нән серке екен, тіпті ешкім өңгеріп жүре алмай, қайта-қайта түсіріп алады. Мен болсам, жұрт біраз қызықтай түссін деп Жирен айғырды тың сақтап, шеттеу жүргем. Бір кезде шыдай алмай кетті-ау деймін, өзіміздің Байарыстан: «Ой, өңшең тыраштар, қөкпарды өстіп тарта ма екен»,— деп, атын тебініп қап, тартыстың ең ортасына кіріп кетті де, серкені қос қолдан төбесіне көтеріп, суырып алып шықты.

- Паһ, шіркін, азаматым, балуан еді ғой.

- Серке сөз бе екен. Байарыстан дегендер құдыққа түсіп кеткен атан түйені жұлдып алушы еді ғой,— деп басқа шалдар да бір-бір үн қатысып қалды.

- Иә, сонымен,— деп Байдалы шал әңгімесін жалғастырды,— әлті Байарыстан жұрт алдына өңгере алмай жүрген нән серкені лақ көтергендей төбесіне көтеріп алып шықты да: «Мә, Байеке, әкет, тарт ауылға!» деді. Серкені алдыма өңгердім де, Жирен айғырдың басын қоя бердім. Жануар, зорға шыдан түр екен. Тақымды қысыум-ақ мұң екен құстай ұша жөнелді. Ауыл қайдастың деп аңырады-ау, дейсің. Мен болсам серкені түсіріп алмайын деп үстінен қос қолдан басып, ердің алдыңғы қасына етпеттеп жатып алдым. Осы төңіректегі алты колхоздың небір бота тірсек саңлақтарына шалдырмай ауылдан кеп бір-ақ шықтым ғой.

- О, Жирен айғырлар мал емес құс еді ғой, жануар,—

деп шалдардың бірі қостап қойды.-Менің де бір көкпарға түскенім бар Жирен айғырмен. Жануар көкпардың жайын адамнан артық түсінетін.

- Иә, иә. Алдыңғы жылы өзін әскерге әкеткенде, әлгі боянкомның адамы: «Нағыз қолбасшы мінетін айғыр екен», - деді ғой.

- Сөйдеді ме тіпті?

- Міне, Жақып тірі ғой, осының көзінше айтқан.

- Онысы рас,- деді сөзге сараң Жақып шал да.

Бұл кезде Тоқтар әлгі Жиренқасқа бестіге бұғалық салған. Құдай сақтасын, асау деп осыны айт. Аспанға шапшыды дейсің кеп, шапшыды дейсің. Арқаннан шірене тартқан төрт-бес адамды қаңбақ құрлы көрген жоқ. Тулап-тулап, ақыры жұлыш шықты да құйрығын тік шашып ап құла дүзге бет алып, шыбын-шіркей боп жөнелді. Тоқтар ерттеулі тұрған бір атқа міне сап қуған болып еді, қайда Жиренқасқа мұлде қарасын көрсетпей кетті.

- Е, бәсе, шын асау осылай болушы еді. Шіркіннің шапшуын көрдіңдер ме. Атым-ақ болғалы тұр екен,- деді айызы қанып, риза болған Байдалы шал.- Ал, бала, екі айналымға келмейтін мәстектерді үйретіп мәз болғанша, енді мықты болсаң осы Жиренқасқаны үйретші,- деді Тоқтарды қайрай түсіп.

Тоқтар жылқыдан қашаған қуатын Көкбиені ұстап міне сап, Жиренқасқаның соңынан кеткен. Элден уақытта асауды кейіп қайырып оралды. Қашаған күүп әбден әккі болған Көкbie бастырмалатып-ақ келеді екен, тіпті жалтартпайды. Жылқыға жете бере Жиренқасқа шабысын сәл баяулатып, Көкbie онымен үзенгілесе берген. Енді байқадық: Жиренқасқа шұбатылған бұғалықтан әйеншектеп, бір қырындал, көсліп шаба алмай келеді екен.

- Қап, өстіп жүріп осы жалғыз арқанды құртады-ау,-

деді Байдалы шал күйзеле сөйлеп, онан соң Тоқтарға дауыстады: — Эй, анау арқанды... арқанды босат!..

Мұнан әрі қалай болғанына тіпті көз ілеспей қалды. Тоқтар шауып келе жатқан бойда лып етіп Жиренқасқаның үстіне бір-ақ ырғып мінді. Мұндай оқыс қимылды күтпеген Жиренқасқа ышқына кісінеп жіберді де атқаңтай тулап, қарғып-қарғып кетті. Бірақ Тоқтар оның жалына тастай қатып жабысып былқ еткен жоқ. Жиренқасқа дүркірек үріккен жылқыдан кейін бұрылып ап, тулаған күі далаға қарай қайта алып жөнелген. Шұбатылған бұғалық жерді кесіп шаң көтеріп барады.

- Ойпырмай, асауға жүгенді мініп мына Шымырбайдың баласы жүрек жүтқан екен.

- Жазым болмаса игі еді.

- Арқанға аяғы шалынысып ат жығылмасын десенші. Онда екеуінің де мойыны үзіледі,-десіп шалдар дүрлігісіп түр.

Тоқтар қақпайлады ма кім білсін, бір кезде Жиренқасқа орағыта айналып кейін бұрылды. Бері қарай өрлеу болатын, Тоқтарға керегі де сол болу керек, ал кеп қамшыны басты дейсің. Жиренқасқа жұлдыздай ақсан күйде кеп қалың жылқының ортасына қойып кетті де қақ жарып өте шықты.

- Бұғалық қайда қалған?

- Арқан жоқ қой! — десті жүрт.

Жиренқасқа қатты шабыстан енді іркіліп, жылқыға қарай тағы оқыс бұрыла берген сэтте, Тоқтар ыршып секіріп жерге түсті, жығылған да, дәнеңе еткен жоқ, екі аяғымен дік еткен. Бағанадан не болар екен деп демімізді ішімізге тартып түрған біздер «үһ» дедік.

- Арқан қайда? — деді Байдалы шал.

- Энеу жерде, ши қияқтың тұсында қолымнан түсіріп алғаным,- деді Тоқтар.

- Пах шіркін, Жиренқасқа да ат-ақ екен, сен де жігіт-

ақ екенсің! — деді ауылдың ең үлкен ақсақалы, тоқсанға келген Қуатбей шал сүйсініп.

- Мен мұны өзін мігіт пе деп жүрсем, жо, жігіт екен,- деді Байдалы шал да.- Эй, Әжібек, анау ерттеулі атқа міне сап барып, арқанды алыш келши.

Біздің, балалардың, Тоқтарға сүйсінуімізде шек жоқ еді.

Көктемге қарай біз, балалар, сиырдың түлеген өлі жұнінен алақанымызға сап домбақтап-домбақтап бір-бір жұн доп жасап алатынбыз. Бірауық көше ортасында сол жұн доптарымызбен ойнаушы ек. Неше түрлі ойында-рымыз болатын: «қашпалы доп», «жұмыртқа», «шошқа доп», деп .бірінен-бірі қызық боп кете беретін. Сондай бір ойынның кезінде, қасымыздан бригадирдің атына мініп алған Әжібек өтті. Бізге таяй бергеннен-ақ қатты-қатты тебініп, тізгінді жұлқа тартып аттың текірек жорғасына салды да, өзі көлеңкесіне қарап қойып, тікіреңдеп әндете жөнелді.

Тұбіне Қособаның жатып алдым,

Біреуді мергендікпен атып алдым.

Болған соң өзім батыр кімді аяйын,

Өлтіріп, Байдалының атын алдым.

Гик-кай-та-та-та

Гик-кай-ай-ай-а-ай...

Біз болсақ ойыннымызды тоқтатып аузымызды ашып, оған қызыға қарап қалғанбыз. Әжібек анадай жерден аттың басын кілт қайта бұрып, біздің қасымыздан тағы да бір ойқастата әндетіп өтті. Қыз Жібектің тұсына кеп, Төлегенді өлтіргенін естірткенде, сірә Бекежан да Көкжорғамен дәл осылай ойқастатқан шығар дейміз.

- Эй, Әжібек,- деді осы кезде көшениң сонау басындағы үйінің алдында тұрған Байдалы шал бүкіл ауылды басына көтере айқайлап.- Ә, әкеннің аузын, басынды...

шақша бас! Эй, мен саған шаппай барып суғар дедім, ғой!.. Желкең үзілгір, қинама атты!..

Әжібек болса бет-аузын қисандатып оны мазақтап қойды:

- Кинәмә этті,- деді тілін шайнай мәңкілдеп,- Ой, кәкпәс. Өлтіріп кеттім бе десем тірі тұр ғой, әлі.

Эрине, Байдалы шал алыстан мұның бет-аузын қисандатып мазақтағанын да, айтқан сөздерін де көріп, естіп түрған жоқ.

Әжібек қоленкесіне қарап қойып:

Гик-кай-ти-та-тата

Гик-кай-ай-а-ай... -

деп еліре әндетіп, атты тағы да езуlep, тебіне тұскен. Едәуір ұзап барды да кенет тізгінді тартып, тағы кейін қайырылды.

- Эй, Қанат, бері келші! — деді маған. Мен жүгіріп қасына барғам.

- Сен негып жүрсің мұнда?! — деді қабағын шытып.— Дабай, үйіне қайт! Көкенен қаралы қағаз кеп, жұрт соны естірткелі үйіңе жиналып отыр, ал сен болсан, панимайш, ойнап жүрсің. Ой, доп қуған дозар!..

Мұнан әрі не болғаны анық есімде жоқ, үйге жүгіріп қалай жеткенім, талып жатқан апамның үстіне қалай құлап тұскенім, әйелдердің бетіме су бүріккені — бәрі еміс-еміс қана. Құлағымда тек азан-қазан жылапсықтаған дауыстар, ауыл адамдарының өң мен түстей бет әлпеттері: бірінен кейін бірі дауыстап келіп жатыр, кейбіреулері құшақтап жылап менімен де көріседі, ондайда өнен бойым ұйып, тұншыға бастаймын, бетіме біреулер тағы да су бүркеді... Тұннің бір мезгілінде талықсып ұйықтап кетіппін. Таңертең оянып, басымды көтерсем: үй ішінде ауылдың кемпір-шал, қатын-қалаштары шай ішіп отыр екен. Дастарқан үстінде әр үйден келген: бауырсақ, туралған таба нан, қазан жаппа, ірім-

шік-құрт, сүтке шыланған талқан. Көзім әжеме түскен, бет-аузынан сау-тамтық жоқ, жосадай боп тырнаған, көгеріп ісіп, көлкілдеп тұр, өзі жиі-жиі: «У-үх!» — деп күрсініп қойып, шай үрттайды. Дастанан апам көрінбеген, кейіннен байқадым, мен жатқан кереуеттің түбінде жерде шалқасынан жатыр, көзі жұмулы, тек кеберсіген ернін ғана жыбырлатады. Қасында оты рған әйелдердің:

- Басынды көтеріп, ыстық шай ішші,- дегендеріне үндемейді. Маған ешкім көніл аударған жоқ. Кереуеттен сырғып түстім де сыртқа шықтым.

Сәске кезі боп қалған екен. Күн күндеңісіндей жайма-шуақ маужырап тұр. Есік алдында екі-үш самауыр қойыг-лыпты, жерошақ қазылып, қазан асылып жатыр. Көкемнің бәсіресі атап, көкем соғыстан аман-есен қайтқан күні соямыз деген, ала қыстай үй-ішіміз боп тегіс мәпелеп, басқа малдан ерек күтіп жемдеген, шөптің де тәуірін соның аузына ұстаған Көксеркенің терісі қораның іргесінде ілулі тұр. Эрине, қазанда асылып жатқан — сол Көксеркенің еті. Көрші-қолаң әйелдердің бірі шай демдеп, бірі қазанның көбігін алып жатыр, енді бір-екеуі қол диірменді орталарына алып, қаптың түбінде қалған соңғы бидайдан үн тартып отыр. Кәдімгі, ауылдағы қаралы қағаз келген қаралы үйдің қалыпты әрекет-тіршілігі. Мені сәл таңдандырған — отын бұтап жүрген адам болды. Әдетте мұндаидар шаруаны ең жақын туыс-туғаның атқаруы тиіс, ал біздің үйдің отынын Тоқтар жарып жүр. Ол бізге ешқандай да жақын туыс-туған емес қой деп таңданам. Нәзира әпкемді іздестір-гем, анадай жерде иинағашпен бұлақтан су әкеле жатыр екен. Өңі сынық, тұңжыраңқы, ешкімге көз салмастан, бос тұрған самаурынның біріне әкелген сұнының бір шелегін қўйып, от тұтатты.

Мен үйдің бүрышында күн шуақта екі тіземді

құшақтаған күйі ұзақ отырдым. Үйдің ішінен жылаған дауыс шыққанда селк ете түскем, әжем екен жоқтау айта бастаған. Зарлы қоңыр даусы өне бойымды дірілдетіп жіберді.

Құлышым кетті-ау, бел асып,

Беліне белбеу жарасып.

Жарасқаны құрысын-ай,

Қапыда қалдым адасып...

А-ай...

деген кезде, көз алдыма беліне белбеу буынған көкем келді, со күйі түсі сүкі, артынан жылап-сықтаған бізге еш қайрылмастан, адымдай басып бел асып кете барады; дәл бір отынға баратын адамша жайбарақат адымдайды, бірақ енді бізге еш уақыт қайтып оралмайтындей бол кетіп барады; өзі жападан-жалғыз... «Қайда барасың, көке-ау, бізді тастап? Қайда кеттің?».. Ып-ыстық жас көзіме құйыла берді. Көз жасының ып-ыстық болатынын мен сонда бірінші рет сездім. Дауыстап жылап жібере жаздал, өзімді-өзім зорға тежеп тістеніп, бетімді еki тізeme бастым. Әлден уақытта біреу басымнан сипады, қарасам Тоқтар екен. Оның да көзі жасқа тольп, иегі дір-дір етіп, тістеніп қасымда отыр екен. Оған қарай еңкейе беріп, баурына бетімді басқан күйде еніреп жылап жібердім.

- Қанат... Қанат...

Ол басымнан, арқамнан сипап жұбатқысы келеді, мен онан сайын өксі түсем. Біраз жылаған соң ішіме толған аңы өксік түгел сыртқа шығып, көкірегім босағандай болды. Жылауымды қойып, басымды көтердім. Іштегі жоқтау айтқан әжемнің даусы да басылыпты.

- Беті-қолынды жу,- деді Тоқтар шәугімнен қолыма су құйып. Салқын сумен жуындып, есімді жинап, сергін дедім. Тоқтар өзі де жуынды. Нәзира әпкем екеумізге үйден сұлгі алып шығып берді, өзінің көзі ісініп қызара

жасаурап түр екен, мені жылатқысы келмеді-ау деймін, қабағын шытынып, тез теріс айналып кетті.

- Сен еркексің ғой, бүйтіп көп жылай берме,- еді енді Тоқтар.- Эйтпесе, әне, апаң қайта-қайта қысылып қап жатыр, сенің жылағаныңды көріп онан әрмен қиналады ғой.

Осы кезде есік алдына колхоз бастығы — Нұғыман кеп атынан түсіп жатқан, Тоқтар со кісіні қарсы алуға түрып кетті. Нұғыман өлікке эсте жылап келмейтін адам, қаралы үйге ылғи осында жылау-сықтау басылды-ау деген кезде келіп, көңіл айтып қана шығатын. Оған жылауға да және жылап-сықтау дауыс шыққан жерге баруға да болмайтын. Бір кездері — колхоз ұйымдастыру жылдарында оны бай-құлақтар өшігіп, тірідей жерге көмген екен, содан аурулы боп қалған. Аурулы екені түрінен де белгілі, ап-арық, жағы суалған, көзі бажы-райып, еш уақытта күлмейді. Қасында түрған адамға қарағаның өзінде, бір түрлі, сонау алысқа қарап басқа бірденені ойлап түрғандай болады. Соғысқа дейін пенсия алып, ешқандай жұмыс істемейтін. Үйінің төңірегіне бау-бақша өсіріп, ермек етіп, тау бөктеріндегі жабайы алмаларды екпе алмамен будандастырам деп әуре болған көрінеді. Ал соғыс басталып, дені сай ер-азаматтар тегіс майданға аттанған соң, амалы жок, колхозға бастық болған.

Үйге кірген Нұғыман көп отырмастан қайта шықты. Нәзира әпкемді шақырып алып, хал-жағдайымызды сұрады да бір парап қағаз жазып берді.

Осы қағаз бойынша колхоздан жәрдем ретінде бір қой, екі пүт ұн алындар,- деді.- Тоқтар қалқам, сен өзің жәрдемдессерсің.

- Мақұл, аға.

Атына мініп кетуге ыңғайланған Нұғыман:

- Нәзира шырағым, егер бірдене қажет болса ұялмай өзіме кел,- деді тағы да.

Сөйтті де атын тебініп жүріп кетті. Бағанадан байқап тұрғам, маған бастықтың аттан түсісі де, мінген кезі де, ат үстінде отырғаны да бір түрлі қызық көрінді.

- Онысы несі? — деп сұрағам Тоқтардан.

- Кеудесіне көрсет киеді,- деді.

- Ол не?

- Темірден жасаған кеудеше.

- Онысы несі, оқ өтпесін дей ме.

- Эй, Қанат-ай, қайбір жетіскенінен киеді дейсің.

Кеудесі ауру ғой, оның үстіне екі қабырғасы және жоқ.

- Қабырғалары қайда кеткен?

- Анау жылдары бай-құлақтар жерге тірідей көмгендे екі қабырғасы сынған екен, кейін оны операция жасап алғып таставды.

- Э-э...

Қаралы қағазға қарап отырып апам көкемнің қырқын беретін күнді есептеп шығарған. Соған әзірлене бастадық. Анадағы колхоз берген қойды әжем аннан-мұннан қаққыңштап жем тауып байлап әжептәүір семірткен болатын, соны сойып алдағы жұмада құдайы тамак бермекпіз. Үйде отын жоқ еді. Нәзира әпкем екеуміз таудан тобылғы шауып әкелуге шықтық. Екеуміз түске дейін жүріп, бүр жарып гүлдей бастаған тобылғыдан әрқайсымызға арқалап жүре алатындаі етіп лайықтап екі арқа тобылғы шауып алдық. Нәзира әпкем оларды тап-түйнақтай ғып буды да төмен қарай домалатып жібердік. Табанға түскен соң өзді-өзіміздің тобылғымызды арқалай бастағанбыз, ауыл жақтан қылтадан сопаң етіп Тоқтар шыға келді. Анадайдан сүйінші сұрайтын адамша ыржиып күліп келеді.

- Екеуінің отынды қалай домалатқандарынды бағанадан көріп түрдым,- деп қояды.

- Мұның не, Тоқтар-ау?! Әнеу күні келісіп едік қой,- дейді Нәэира әпкем абыржып.

Әнеу күні бұл екеуді менің алдымда: «сөзге ілікпеу үшін, күндіз жұрт көзінше кездеспейік, бір-бірімізді көрсек, анадайдан бұрылып кетейік», - деп келіскен болатын.

Оның үстіне соңғы кездері апам бұл екеудің жиі-жиі кездесулеріне наразы еді. Бірде Тоқтарды тоқтатып альш:

- Қарағым, мен сені артықсынбасам кемсінбеймін. Қызыымды сенен артық ханның баласына берер деп пе ең. Тек, уақыт болса мынадай, сенің алдында әлі әскери міндетің тұр. Соны өтеп, аман-сау қайт. Қайтқан күннің ертеңіне үйге кеп қолынан жетектеп кетсөң «тек» демеймін. Ал оған дейін басын қатырып, ұятқа қалдырма.

Тоқтар қып-қызыл: бол ұялып:

- О не дегеніңіз, тәте?! О не дегеніңіз?! Мен ондай емеспін ғой... Ондай емеспін... - дей берген.

Сонан бері екеуді кездессе де, қас қағымдай уақыт қана сойлесіп, ете сақ жүретін. Енді, міне Тоқтардың арты-мыздан келісі мынау.

- Апам байқап қалады ғой, Тоқтар-ау...

- Нәэира, маған шақырту келді, ертен, жүрем,- деді Тоқтар күліп.

- Біржола ма?

- Иә, біржола. Осы ауылдан ертең таңертең төрт адам аттанамыз. Әкем мен шешем де мені шығарып салуға осында келген, қазір нағашымдікінде отыр. Жаңа сыйылып әзер шықтым.

- Тоқтар-оу, Тоқтар-оу... сен әлі жас емессің бе?!

Мұның не?!

Нәэира әпкем өзі арқалайтын тобылғының үстіне теріс қарап отыра кетті.

- Құдай-ау, соғысқа баруға сен әлі жассың ғой... - деді

тағы да, Нәзира әпкемнің даусы дірілдеп, соншалық аянышты шықты. Тоқтар болса со құлген күйінде түр, біресе маған, біресе Нәзираға жалтақтап қарай береді. Әлден соң Нәзира әпкем со теріс қарап отырған қалпында басына тартқан орамалын алып көзін сүртті.

- Жарайды, кешкісін уәделі жерге кел, біз Қанат екеуміз құтеміз,- деді.

Ол тобылғысын арқаламақ болған, бірақ Тоқтар оған көтертпей өз иығына салып алды. Сөйтіп ауылға кіре беріс қошеге дейін көтеріп барды.

- Енді аз қалды ғой, өзіме бер,- деді Нәзира әпкем. Тоқтар тобылғыны жерге қойып, екеуі бір-біріне қарсы қарап тоқтаған.

Тоқтар со бұрынғысынша құліп түр, ал Нәзира әпкемнің көзі жасаурай береді. Тоқтардың бетінен сипады, онан қолынан ұстады.

- Келші кешкісін,- деді қайталап.

Кешкісін мен Нәзира әпкемнің ақылымен мал қоралған кездे, (мал дегенде үш ешкіміз болатын) тік мүйіз сары ешкіні жекелеп бөліп, ауылдың сыртына қарап айдал жібердім. Сөйттім де апақ-сапақ шақта апама келіп:

- Әлгі тік мүйіз сары ешкі жоқ, жалғыз іздеуге қорқам,- дедім.

- Эне, Нәзира екеуің ізден келіндер.

Өзіміздің де тілегеніміз осы еді, зытып далаға шықтық та, уәделі жерге қарай жүгірдік. Нәзира әпкем екеуміз ойлап тапқан құлышымызға мәз боп қүлеміз. Қазір Тоқтар келген соң, апамды қалай алдаш шыққанымызды оған да айтпақпаз.

- Қанат-ай, сен сонан кейін, анау жерге барып түр, жарай ма?

- Қорқам ғой.

- Корықпа. Неменеден қорқасың?! Мә, қолыңа мына таяқты ұстап ал.

- Мақұл. Тек сендер көп сөйлеспендер.

- Жо, көп сөйлеспейміз.

Біз естіп тықырышып Тоқтарды күтіп түрдүк. Бірақ ол келіп қоймады. Імьирт қараңғылығы қоюлана, дала тым-тырыс тынши бастады. Элдеқайдан зарлаған дауыс естіледі. Күндегі осы мезгілдегі әдетінше есігінің алдына шығып алып әндетken жынды Бұбітайдың даусы.

Тоқтар әлі жоқ. Нәзира әпкемде төзім қалмады.

- Неге келмей жатыр енді? — дейді маған.

Мен қайдан білейін. Менің де мазам кетті. Уақыт деген зырлап өтіп жатыр. Қараңғыда біреу бізге қарай жүрген.

- Біз мұндармыз! — дедім қуанып кеткен мен дауыстап.

- Құдай атсын сен екеуінді! — деді келе жатқан адам.

Апам екен,- Эй, үйдің іргесінде маңырап жүрген ешкіні айдаладан іздеп, сен екеуіне, сірә, бірдене көрінген шығар. Жүріндер кәне!

Нәзира әпкем екеуміз апамның алдына түсіп үйге қайттық. Дәл есікке таяғанымызда, біреу жүгіре басып, біздің үйдің тұсынан өте берді. Нәзира әпкем де, мен де танып қалдық, соның өзі. Мен:

- Қазір кірем,- деп кейінде, сыртта қала бердім. Эрине, апамның аңдығаны мен емес, соңдықтан маған онша көніл бөлместен Нәзира әпкемді алдына салып үйге кірді.

Мен үйдің сырт жағында түрған Тоқтарға келдім.

- Біз сені күттік. Көп күттік,- дедім оны кінелап.- Ақыры, міне, соңымыздан апам барып қуып қайтты.

- Көрдім. Бәрін де көрдім. Мен уақытында шыға алмай қалдым, Қанат-ай. Экем мен шешем екі жақтап жылап, тіпті тырп еткізбеді. Әлгінде ғана екеуін әзер

дегенде қойғызып, шыққан бетім. Бар, Нәзира әпкенді жіберші, ең болмаса бес минутқа.

- Апам жібермейді ғой енді.

- Бірдене ғып шықсын да...

Мен үйге кіріп, апамның көзін ала берे Нәзира әпкеме сыртқа шық деп ымдағым. Бірақ Нәзира әпкем сыртқа шығудың еш ретін таба алмады. Бір-екі рет шығып кетуге оқталған еді, апам:

- Жә, отыр, сыртқа шығатын түк те жоқ,- деді зекіп.- Осыдан аяғынды қия басып көр!..

- Бұған неғып соңша қадала қалдың,- деген әжем ара түспек бол.

- И-и, ене-ай, қажетсіз жерге араласып қайтесіз. Мұны қазір еркіне жіберіп, ертең анау Жақыптың Гұлсара расы құсатып не қыз емес, не әйел емес дегізейін деп отырсыз ба? Эне, қалды ғой, Гұлсара зар еніреп, Беріктен қара қағаз келді де.

- Ей-ә, десенші... У-үх!..- деді әжем күрсініп.

Төсекке жатқан соң да үлкендер күрсінісіп, «аһылап-үхілеп» ұйықтамай қойды. Біз, Нәзира әпкем екеуміз, кереуетте жатқамыз, шеттегі маған көше жақ терезеден жылтыраған темекінің шоғы көрінді. Мен Нәзира әпкеме сыйырлап соны айттым.

- Ол темекі тартпаушы еді ғой,- деді Нәзира әпкем де сыйырлап.

- Енді, әскерге кететін болған соң, тартқаны ғой,- дедім мен.

- Сен екеуің жыбырламай ұйықтайсындар ма, әлде менен бірдене көргелі жатырындар ма,- деді апам.

Біз жым болдық. Мен терезеден көз алмай қарадым да жаттым, темекінің шоғы қозғалады, кейде өше бастайды да, сорған кезде қайта жайнап қоздайды.

Ертеңіне таңтерең әскерге аттанатындарды шығарып салуға бүкіл ауыл жиналды. Бәрі жылап-

сықтап қош айтысып, аман-сау барып қайтуларына тілек білдіріп жатыр. Эжем де, апам да осында еді. Тек Нәзира әпкем ғана ондық-мұндық шаруа істеген бол өзіміздің үйдің алдында жүр. Бері келуге апамнан батпайды. Қос ат жегілген арба қозғала бастады. Әкесі мен шешесінің құшақтарынан зорға деп босаған Тоқтар жүртпен тез-тез қоштасты да, менің қасыма жүгіріп келді. Мені құшағына қысып, қатты-қатты сүйді де:

- Нәзира әпкеңде айт, мені күтсін,- деді.
- Енді байқадым, көзі жасаурап түр екен.
- Қош бол! — деді сыбырлап.

Осы кезде Нәзира әпкем де біз жаққа қарап қадалып қалған екен. Тоқтар оған қоштасып қолын бұлғады да арба соңынан жүріп кетті.

## **НҰҒЫМАН, ӘЖІБЕК, БАЙДАЛЫ**

Біз, бір топ бала, сәске кезінде ескі клубтың көлең-кесінде асық ойнап жүргенбіз. Ойымызда дәнеңе жоқ, ойынның қызығына алаңсыз кіріскең шағымыз еді, клубтың тасасынан Әжібек шыға келді. Келді де тігулі түрған асықтарымызды тегіс сыйрып алды. Біз шулап қоя бердік. Біріміз жыламсырап, біріміз «ағатайлап» жалынып Әжібектің етегіне жабыстық, бірақ ол тісін ақситып ыржиған күйінде бірімізге де міз бақпастан асықтарды қалтасына салды. Шаужайлап жармасып болмаған бір-екі баланы май құйрықтан теуіп-теуіп жіберді. Амал қанша, әлімжеттік қылғанға көнгеннен басқа шара бар ма. Төбелесіп жеңе алмаймыз, өзімізді ұрып тастайды, үйге барып шағым еткенмен Әжібек қатын-қалаш, кемпір-шалдың сөзін құлағына да қыстырмайды, қайта ерегесер болса ұлкендерге тас лақтырып, балағаттап кетеді. Өзін қыуip және ешкім ұстай алмайды,

шапқан атқа жеткізбейтін жел аяқ. Соғыс кезінде ондай бәтуасыз, бетімен кеткенді жөнге салар кім бар.

Сөйтіп ойынымыздың шырқы бұзылды. Эжібек тұрғанда асықты қайта тігіп ойнауға ешқайсымыздың батылымыз бармады. Ұйлығып түрдүқ та қойдық.

- Ал, кәне, асықтарыңды қайтып берем,- деді ол ойына бірдеңе түскендей көзі жылт-жылт етіп күлім-сіреп. Сөйтті де қалтасынан бір асықты шығарып:

- Мынау кімдікі? — деп сұрады.

- Менікі,- деді асық иесі Сәмет.

- Сенікі ме...- Эжібек қақырынып ап, асыққа түкірді де: — Мә асығың,- деп Сәметке қайтып берді.

Анау асығын алмастан көзі жасаурап теріс айналған. Эжібек оны бір қолымен шап беріп желкесінен ұстай алды да, енді кеңсірігіндегі бар қақырығын жинап альп, асыққа тағы жақты.

- Мә, ұста асығыңды, әйтпесе көкенді танытам,- деді кікініп. Анау бұл жолы да алмаған. Эжібек енді асықты қақырық-түкірігімен оның қалтасына салды да өзін бүйірлете теуіп кеп жіберді. Сәмет анадай жерге топыраққа бүрк ете түсті де, бақырып жылап үйіне кетті.

- Бар кет! Маған десен құдайына бар шағынып. О несі-ей, менің қақырығымнан жиіркенгені. Осыдан бала-лардың маңына жолап көрші!.. Ешқайсың жолатушы болмаңдар. Онымен ойнағаның менен жақсылық күтпендер! — деді ескертіп.

- Мынау кімнің асығы? — деді Эжібек енді екінші асықты шығарып.

- Менікі,- деді шашын ұстарамен бүтін ғана алғызған Бәтен деген бала.

- Эй, сенің тақырайған мандаіың жақсы екен, кәне, бері кел,- деп қасына шақырды да, Бәтеннің мандаіына дың-дың еткізіп екі шертіп, асығын қайырып берді. Біз

кулкіге баттық, ал Бәтен көзі жасаурап, маңдайын сипалай берді, бірақ жылаған жоқ.

Осылайша біріміздің асығымызыға түкіріп, бірімізден шертпек алып, бір-екі баланы май құйрықтан теуіп, онан қалған асықтарды құлаштап тұрып лақтырып жіберді де:

- Барындар, тауып алындар! — деп қарқылдай күлді. Сөйтіп, қалғандарымыз оның тәлкегінен оңай құтылдық.

Онан соң Әжібек алым-жұлым жейдесін шешіп тастап көк шөпке етбетінен жатты да:

- Эй, жетпегірлер, кәне, келіндер, бойымның құрысып тұрғаны, кішкене жыбыр-жыбыр жасап жіберіндерші! — деп бұйырды.

«Жыбыр-жыбыр» — Әжібектің біраздан бері ойлап тапқаны. Өзі қышыма қотыр, сол қышыған кезде қолдығаяққа тұрмай безілдейді-ау, қолмен қасуға әйенкестенеді де жұмсақ шөппен жыбырлатады. Өзі жыбырлатқанға айызы қанбай, бүкіл өне-бойын бізге жыбырлаттырады. «Жыбыр-жыбыр» осыдан кеп шықсан.

Қазір де біз жапа-тармағай кеп, біреуіміз табанын, біреуіміз алақанын, біреуіміз жотасын, желкесін, құлағының түптерін жұмсақ шөппен жыбырлатып сипап, қытықтауға кірістік.

Әжібек көшениң шетіндегі көк шөптің үстінде қап-қара бол тыриып рақатқа батып, маужырап жатыр. Сыриған күс-күс қол-аяғын соза түседі. Белінде, екі қолының қары мен білегінде,- екі балтырында қотыры бар, соларын шөппен жыбырлатқан кезде жаны кіріп, аузынан сілекейі шұбырып кетеді. Сәлден соң шалқасынан аударылады, енді көкпеңбек бол қабысқан қарның жыбырлатамыз.

- Тағы да, тағы да... Кішкене жоғарырақ... сәл төмен-деу...- деп есі кетеді. Біз онан сайын жанымыз қалмай бар өнерімізді салып-ақ жыбырлатамыз. Жыбырлататын

шөпті де таңдай білу керек: аса жұмсақ болса қышындырмайды, ал сәл қатаңдау болса тікенше қадалуы мүмкін. Ондайда Әжібек жыбыр-жыбырды дұрыс жасай алмаған баланы не теуіп қалады, не жұдырықпен салып жібереді. Егер біреуізге риза болса:

- Маладес, маладес... - деп мақтап қояды.

Шіркін, Әжібектің мақтауын естігеннен артық бақыт бар ма еken десенші! Мақтау естіген бала оның ең жақын етенесіне айналып, басқалардан сүйем қарыс биіктеп кетуші еді. Ол күні ондай баланың десі жүріп, әрқайсымызға орынды-орынсыз қожандап тиісе беретін. Арқа сүйері Әжібектің өзі болған соң кімнен қорықсын.

Бүгін до сөйтіп әркім өз өнерін салып Әжібекті жыбыр-жыбыр жасадық. Қабысқан қарындағы қатпар-қатпар қышымаға шөп тигенде Әжібектің мүлде есі кетті. Сілекейі шұбырған үстіне шұбырып, тілі салбырап, бет-аузы қисандады да жатты. Бүкіл өне-бойы қалақай шаққандай қып-қызыл бол беріте бастаған.

- Ух, рахат-ай!.. Ух, рахат-ай!.. - деп ыңқылдан кеткен.

- Эй, бұларың не? — деген дауыс бәрімізді селк еткізді.

Атымен дәл үстімізге төніп кеп колхоз бастығы Нұғыман түр еken. Әжібек жайлап басын көтеріп, малдасын күрып отырды.

- Устім дуылдан қышып болмаған соң, мыналарға жыбыр-жыбыр жасатып жатыр едім,-деді байсалды ұнмен.

- Жыбыр-жыбыр дейсің бе? Қызық еken. Ал енді қотырынды мыналарға жүқтыврасың ғой.

- Е, жүқса бұлар менен әулие ме?

- Қой, олай деме. Өз қотырынды жүртқа жүқтыврып қаскөйлік жасама. Ондай адам көгермейді. Қайта бұлар үйірсектей берсе, өзінен аулақ ұста. Сен осылардың

ішіндегі естиярысың ғой, бұларды жамандыққа емес, жақсылыққа баулының керек.

- Бұ жетпегірлерді баулып-ақ жүрмін Қиқандағандарын ептең төмпештеп те алам, тірісіне тірі көкесін, өлгендеріне өлген көкесін танытып қоям.

- Сен өзің тіпті ірі сөйлейді екенсің, э. Қәне, бір әңгімелесейікші,- деп Нұғыман атынан түсіп, қасымызға отырды.- Жә қорықпа, тиіспеймін.

- Кез келгеннен қорқа беретін қоян жүргегіңіз мен емес. Неменеге қорқам, сіз азар болса сілейтіп тұрып бір сабарсыз қазір, ал мен өскеннен кейін оның есесін он есе тып қайтарам ғой. Сіз шал болған кезде.

Нұғыман күліп жіберді.

- Қалқам, біріншіден мен сені соқпаймын, ал екіншіден сен ер жетіп өскенше тірі де болмаймын. Мына соғыс аяқталғанға дейін жаным шыдаса со да олжа маған.

- Соғыс қашан аяқталады?

- Кім біледі, қашан аяқталатынын. Осы күні біздің әскерлер жаудың өкшесін жерге тигізбей қуып барады ғой. Енді кепке созылmas.

- Сіз соғыстың тез біткеніне қуанбайтын шығарсыз,- деді Эжібек.

- Неге?

Соғыс тез бітсе, сіз де тез өліп қаласыз ғой.

- Жоқ, мен тез біткеніне қуанам. Мен өлгеннен мына сендер барсындар ғой. Қотырдан жазылып, нанды қалағандарыңша тойып жеп, мынау ит талағандай алым-жұлым шоқпыттарыңды тастап, әп-әдемі киініп, гулдей жайнап ойнап жүрсендер, онан артық қандай мұрат болмақ адамда.

- Ой, олай болу қайда-а?..- деді Эжібек күрсініп.- Шіркін, ақ нанға ынқия бір тойып ап өлсем, еш арманым болmas еді-ay!

- Сенің арманың оңай екен. Енді бірер айдан кейін астық піседі, сол кезде мен біздің үйдегі апаңа бір пеш қып ақ бөлкө пісіртейін, бір тойшы.

- Шіркін-ай, сөйтінізші.

- Тек соған дейін менің сендердің барлығына салар бір қолқам бар.

- Айтыңыз. Мен өзім-ақ орындаатам. Бұлардың бірде-бірі менің айтқанымнан шықпайды.

- Сендердің топыр-топыр бол көшеде осы жүрістерің маған ұнамайды. Соғыс болса анау қиян-кескі. Бәрініңде әкелерің, ағаларың жауған оқтың астында қан кешіп жүр...

- Менің соғысқа кеткен ешкімім де жоқ, әкем соғысқа бармай-ақ ажалынан өлген,- деді Әжібек.- Сондықтан маған солса бәрібір. Ал, мына ақымақтар ғой,- деді ол барлығымызды жағалай мегзеп,- саналарында түк жоқ. Әлгінде асықтарын мен тартып алмасам ғой, әлі күнге ойнай беретін еді.

- Соғыста туыстуғаның бар ма, жоқ па — ол есеп емес. Жауға қарсы көтерілу біздің бәріміздің де міндетті-міз. Сондықтан былай болсын, балалар, ертеңнен бастап қолдарыңа бір-бір орақ алып, егіннің арам шебін отауға шығындар. Күнде түсте егіннің басында ыстық тамақ бергіземіз.

- О-о, онда барамыз.

- Ыстық тамақ дейсіз бе?

- Ол қандай ыстық тамақ?

- Ет тураған көже,- деді Нұғыман.

- Oho!-ho-o!..

- Ур-ра, жұмысқа барамыз!..

- Келістік пе, балалар? — деді Нұғыман орнынан тұрып.

- Келістік, келістік...

- Онда бригадирлерің мына Әжібек болсын.

Оған да бір ауыздан келістік. Әжібек мұлде шіреніп, тіпті жер баса алмай қалды. Ол аздай Нұғыман тағы да:

- Ал, бригадир, сен мына қотырынды емдетеүің керек. Ат берейін, бүгін Қоңырға емханаға барып қайт,- деді. Сөйтті де Байдалыға бір жапырақ қағаз жазып берді. Онан соң қалтасынан елу сомды және суырып алды.- Мә, мына ақшаға дәрі ал.

Нұғыман кетісімен Әжібек журуге жиналды. Әуелі:

- Ал, жүгірмектер, жөкелеріңнің қандай екенін көрдіңдер ғой. Біліп қойындар — деп, бәрімізді өзіне құдайдай бір табындырып алды да, әрқайсымызға бүйірық бере бастады: -Қоңырға барып қайтқанша қарным ашады ғой, сондықтан сен, Қайрат, Самат екеуің маған құрт-ірімшік тауып әкеліндер. Үйлеріңнен, болмаса анау Қазима кемпірдің есігінің алдында бағана құрт жаюлы тұрғанын көргем, содан ұрлап әкеліндер. Ал сен, Қанат, мә, мына қағазды Байдалыға тапсыр да берген атын алып кел,- деді, әлгінде Нұғыман жазып кеткен бір жапырақ қағазды маған берігі. Қуанып кеттім. Әжібектің атын экеп бергеннен асқан мәртебе бар ма, десенші шіркін.

Жүген тауып ап жүгірген бойда ұста дүкені жақта жүрген Байдалыға келдім, осылай да осылай деп бастығын қағазын ұстарттым қолына. Байдалы шал хат таныгмайтын, сондықтан қағазды қайыра өзіме ұсынды да:

- Кәне, оқышы! — деді.

- «Бәке, мына Әжібекке бүгінше бір ат беріңіз. Қоңырға емханаға барып, қотырына дәрі алып қайтсын. Нұғыман.»

- Эй, саған емес, Әжібекке дейді ғой.

- Иә, Әжібек мені жіберді. Өзі анау жерде тұр.

- Ә, басынды... шақша бас. Енді оған да малай керек болды ма?! Бар, өзі келсін деді де!

Мен мойныма су кеткендей сүмірейіп, кейін қайт-

тым. Қайрат пен Самат ұрлап әкелген ірімшік-құртты Әжібек қалтасына тығып түр екен, мен Байдалының айтқандарын айттым.

- Өй, жаман неме. Бастықтың қағазы қолында тұрғанда со Байдалымен тәжікелесіп, сен де... Қолына қағазды ұстаттың ғой?

- Ұстартым.

- Е, болды. Онан әрі қорага кіруің керек еді де, тәуір деген атты жүгендеп мініп, алып келуің керек еді. Мынадан ба, мына Қанаттан түк шықпайды. Осы адам болса мына мұрнымды кесіп берейін. Экел жүгенді бері!

Сөйтіп Әжібек өзі кеткен, сәлден кейін Байдалының торы жорғасымен текіректетіп шыға келді. Соңынан баж-баж етіп жер-көкті жұлышп жеп Байдалы келеді. Қолында білем темір.

- Эй ит, тоқта деймін енді! Жаныңың барында тоқта!.. Осыдан қолыма түссең жақсылық күтпе!.. Апырай, бұ итке басқа ат жетпегендей, менің мініп жүрген атымда несі бар-ей!.. Тоқта деймін!..

- Қолдан бермегенді өстіп жолдан аламыз. Экеңізден қалған ат жоқ, ақсақал, бұл колхоздың аты,- деп Әжібек тебініп-тебініп қояды.- Онысы нес-ей, сіз бригадир болсаныз мен де бригадирмін бүгіннен бастап. Әлгінде, мыналардың алдында колхоздың бастығы өз аузынан сайлады.

- Қап, мына шақша басты-ай, ә!.. Әй, ең болмаса, астыңа тоқым сап мінсенші, әйтпесе алдыңдағы аттың арқасын құртасың ғой!

- Мә-мә-мә-мә!..- деп Әжібек оған бет-аузын қисаң-датып мазақтады да, біздерге: — Ал қош-аман бол. Жағалбайлы, Төлегенің Қыз Жібектей аруды әкелуге Ақжайыққа жол тартты! — деп, торы жорғаның басын Қоңырға қарай түзеп шаба жөнелді. Артына қарап Байдалыны мазақтай түсіп ақсия күліп қояды. Әжібектің

тақымы атқа тисе қалай жүретіні белгілі ғой, әне-міне дегенше белден-бел асып мұлде көрінбей кетті. Аяғымен жер тепкілеп, Әжібекті жер-жебіріне жете боқтап-сілеп Байдалы шал қала берді.

- Ә, шақша бас!.. Шақша бас!.. Осыдан қайтып келер-сің, бәлем! — деп кіжінеді.- Әй, сендер көрдіңдер ме, мына қағазды шынымен бастықтың өзі жазды ма?

- Иә, өзі жазды.

- Мына жерде тұрып жазған.

Былай тұрып жазды,- десіп, біздер жан-жақтан жамырай растадық.

- Қап, мына шақша басты-ай, ей ә! Бәрінен де қорлығы торы жорғаны мініп кеткенін айтсаңшы. Пішен басталғанша біраз күн белі сұысын, отықсын деп өзім де мінбей жүр едім. Қап!..

Байдалы шал қайтадан ұста жаққа кетті де, біздер сол орнымызда үйлігіп қала бердік. Әжібектің мына ісін тамсана сөз ғып, сүйсініп, тауыса алмаймыз. Енді екі көзіміз Қоңыр жақта: «Қашан қайтар еken Әжібек? Не бітіріп қайтар еken? Шіркін-ай, тезірек қайтсаши», - деп тілейміз. Ойын дегеннің бәрі жайына қалды. Түү, Әжібектің мына ерлігінің қасында ойын деген сөз бе еken. Түскі тамаққа да ешкім үйіне қайтқан жоқ. Қоңырдың жолына телміре қараймыз. Әжібекті зарыға күтеміз. Бірақ Әжібек күн батқанша қайтқан жоқ, со күйі ұшты-күйі жоғалды.

Ертеңіне таңертең сырттан, терезенің түбінен:

- Қанат, тұр жұмысқа! — деген ашы дауыстан ояндым. Ұшып тұрып, көзімді уқалай сала, жейдемді жүре киіп тысқа шықсам, клубтың жанына кешегі жерге балалар жиналып та қалған еken, қолдарында бір-бір орақ. Бәрін үйді-үйіне барып оятып, жинап, басқарып жүрген Әжібек еken. Әжібекті көргенде қуанып кеттім.

Әжем берген тамақты апылғұпты ішे сап, қолыма орақ алдым да мен де жүгірдім.

Әжібек өзінің кешегі Қоңырға барып қайтқан сапарын айтып тұр екен.

- Лектірге барып, сау басыма сақина тілеп, мені жын қағып кетіп пе. Барсаң бас салып жатқызып қояды олар. Сондықтан барғам жоқ. Қоңырдың дүкеніне кірдім де елу сомға түгел екі қалтамды толтырып қамыт сатып алдым. Эй, бір тойғанымша жедім-ау. Талқан қүйсегендей күрсілдеттім-ау. Былай уыстап аламын да аузыма толтырып тұрып, эй күрсілдетіп кеп шайнаймын. Қоңырдың бер жағындағы сайға келдім де, торы жорғаны шылбырмен тұсан қойып, қант пен ірімшікті қосып жеп, су ішіп рақаттанып тойып көк шөптің үстіне жатқам. Ұйықтап қаптын. Көзімді ашып алсам, күн батып кетіпті, атқа міне салдым да ауыл қайдасың деп аңыраттым... Міне, екі қалтамда да қанттың ұнтақтары әлі жүр,- деп ол екі қалтасын айналдырған. Біз алақандарымызды тосып, түйір-түйір қанттың үгінділерін тілімізге тигізіп, соның өзіне мәз бол қалдық.

- Нұғымен дәрі алдың ба деп сұраса не дейсің?

- Ой, сол нені біледі дейсің, алдым дей салмаймын ба. Міне, мына бір қалбырға салидол мен ақ топырақты арапастырып шылап-шылап салып алдым, сенбесе осыны көрсетем, дәрі деп...

Кеңсе жақтан атқа мінген Нұғыман шыға келді.

- Ал дайынсындар ма, балалар?

- Дайынбыз.

- Онда қазір Жарбұлақтағы күздікке барындар.

- Ой, алыс қой.

- Жаяу қалай барамыз.

- Әйірі, сендерге жер алыс па, жарысып ойнап қазір жетіп бармайсындар ма? Түсте арттарынан ыстық тамақ жібергізем. Ал, Әжібек бригадир, сенің бұл

тұрысын ңе? Баста бригаданұы. Өзің кеше емханаға барып қайттың ба?

- Барып қайттым.

- Дәрі алдың ба?

- Алдым. Мінекей,- деп Эжібек әлгіндегі қалбырды көрсетті.

- Дұрыс болған екен. Ал енді бригаданұы баста өзің.

Бәріміз Эжібектің аузына қарадық.

- Немене тұратыны бар, кеттік күздікке,- деді Эжібек.

Эжібектің бастауымен Жарбұлақтағы қүздікке қарай тартып кеттік. Ауылдан ұзап шығып, төбе асқаннан кейін Эжібек бәрімізді иіріп тоқтатты.

- Ақымақтар, жұмысшыға бастықтың көлік бергенін қашан көріп едіндер,- деп бәрімізді сөгіп алды.- Мұндауда тапқырлық керек. Эне, өгіздерді көрдіңдер ме?

- Бақташысы жүр ғой.

- Көлбай керең өлсе жолатпайды.

- Қазір мен оның жөнін табам,- деді Эжібек. Сөйтті де бас киімін алыш бұлғап Көлбай керендей шақырды.

Ат үстінде одырайып біз жаққа қарап тұрған Көлбай керең далбақтай шауып жетіп келді.

- Ассалаумаликум! — деді Эжібек.

- А?! — деді Көлбай керең естімей.

Эжібек оның қасына барып, құлағына айқайлады.

- Ассалаумаликум деймін! — деді.

- Әликісалам! — деді Көлбай керең ақырын ғана.

- Сізді Байдалы ауылға келіп кетсін деді.

- А?!

- Сізді Байдалы ауылға...- деп Эжібек аттандай айқайлады.

- Мына өгіздерді қайтем? — деді Көлбай керең тағы да ақырын сөйлеп.

- Өгіздерді қасқыр жемейді. Өздері жайыла тұрады.

- Е, мейлі онда. Барсам барып қайтайын,- деді де Көлбай керең өгіздер жаққа бір қарап қойды да, жусай жайылған олардың ешқайда кетпейтініне көзі жеткендей болған соң, атының басын ауыл жаққа бұрып, бұлк-бұлк желіп жүріп кетті.

Көлбай кереңнің қарасы көзден таса болысымен-ақ өгіздерге екеу-үшеуден мінгесіп-мінгесіп алдық та, өнкілдете жарысып Жарбұлаққа тарттық. Күздікке жетісімен өгіздердің бетін кейін қарай қайырып, ұрып-ұрып қуып тастадық. Эжібек адымдап-адымдап әрқайсымызға жер өлшеп берді де:

- Ал, жүгірмектер, қиқандағандарынды ондырмаймын, дұрыстап істендер жұмысты,- деп, өзі әудем жерге барып, бұталардың басын байластырып құрке жасауға кірісті. Онан соң ішіне қалындалп шөп төсеп, соның үстіне созыла жатты.

- Эй, дұрыс істендер! — деп басын шығарып анда-санда айқайлап қояды.

Белуардан кеп қалған астық масақ жара бастаған, үлп еткен жел үрлеп өтсе-ақ болғаны судың бетіндегі жыбырлап, толқын-дала жөнеледі. Арам шөптер астықтан гөрі биіктеу өсіп кетіпті: алабота, сасыр қурай, сиырқүйрықтар мен мұндалап анадайдан көрініп тұрады, орақты қылышша сермен қиып түсіреміз де мәз боламыз: өзіміз ұрыс даласындағы батырлармыз да, арам шөптер — фашистер. Өстіп бір-бірімізді кеу-кеулеп елігіп жүріп талай жердің арам шөбін қалай отап тастағанымызды да, білмей қаппыз. Бір кезде арт жағымыздан Эжібектің:

- Ойбай, аттан, аттан, тығылындар! — деген даусы шықты. Жалт-жалт қарадық. Эжібек зымырап кеп егіннің ішіне қойып кетті де, еңкендең бұға қалды. Енді көрдік, осылай қарай Көлбай керең шүйіле шауып келеді екен. Лездің арасында барлығымыз да бөденеше жып-

жып етіп егіннің арасына бұға-бұға қалдық. Көлбай ентелеп кеп егіннің шетінде бізді сыйқырта боқтап тұр, атымен егінге кіріп аралап іздеуге батпады. Біраз қамшысын үйіріп, док көрсетіп қоқандады да көзіне тірі жан түспеген соң айналып өгіздеріне кетті. Ішегіміз түйілгенше күліп алдық та, арам шөп отауға қайта кірістік.

Тұсте өгіз арбамен ыстық тамақ та жетті. Байдалы өзі бастап келіпті, біраз аралап біздің жұмысымыздың сапасын көрді.

- Эзірге жаман емес екен,- деп қойды.

Онан соң берімізді Әжібек жасаған үйшіктің қасына қатар-қатар отырғызып, аспазшы әйелге:

- Аяма, тойғандарынша бер,- деп бұйырды атала көжеден.

- Еті бар ма? — деп сұраған Әжібек

Сол-ақ екен Байдалының Әжібек дегендегі шика-нының басы жұлдынды да кетті.

- Ә, шақша бас, саған еті бар көже керек екен ғой,- деп қамшысын үйіре ұмтылған. Әжібек ыршып тұрып, қашып үлгірді.- Саған еті бар көже керек екен ғой... Кәне, жақындашы бермен, мен саған еті бар көжені көрсетеій! Әй, сенен көрген қорлық па, шектен астығ-ау. Кеше торы жорғаны кешке дейін шапқылап қан сорпа қылдың. Бүтін ғой, анау, керенді алдап жіберіп, бүкіл өгіздерді былай міндің. Қыс, көктем әбден титықтап шыққан байғұс хайуандар, аз күн дем алсын деп ем. Сенің қорлығың ба, әй сенің қорлығың өтті-ау, әбден.

- Өгіздерге жалғыз мен міндім бе, мыналардың бері де мінді.

- Сен болмасаң осылар білер ме еді сол құлықты. Бәленің бері мына сенен шығады. Желкенді қияйын ба осы, ә!

Бірақ қанша ұмтылып, тап-тап бергенімен Әжібекті үстай алмады. Ақыры ыза болған Байдалы:

- Сен итке көже тұрмақ көк су жоқ. Аштан қатырам!  
— деді.

Біз сүт қатқан атала көжені екі аяқтан ішіп, ыңқия тойып алдық. Тамақ тасыған өгіз арбаны алдына салып, Байдалы пішенишлерге кетті. Аш қалған Әжібектің қасына кеп, оның аш қалғанына өзіміз кінәлідей бастарымыз салбырап үнсіз отырдық та қойдық. Әжібек шынымен-ақ қарны ашқан болу керек, көзін уқалап жылагап алды.

- Осы қақпасқа көресісін бір көрсетермін әлі,- деді тістеніп, онан соң біздерге: -Істемендер! Қараң қалсын егіндері! — деді.

Біз бұл бүйрығын үнсіз мақұл алдық.

Өстіп отырғанымызда желе жортып Нұғыманның келе қалғаны.

- Ал, балалар, хал қалай?

- Түске дейін жақсы істедік. Эне, аралап, тексеріп көріңіз. Ал енді істеуден бас тартып отырмыз,- деді Әжібек.

- Иә, не боп қалды? Себебі не?

- Себебі біріншіден мен ашпын.

- Неге?

- Байдалы маған көже бергізбеді. Екіншіден, көженің ішінде түйірдей де ет жоқ.

- Қалайша? Сендердің тамақтарыңа деп қойдың бір санын бергізіп ем ғой.

- Сенбесеніз сұраңыз мыналардан.

Біз тұс-тұстан:

- Рас, рас...

- Көженің ішінде түйірдей де ет жоқ,- дедік шуылдан.

- Жарайды, оны мен өзім анықтаймын. Әжібек, кәне,

сен менің артыма мінгес. Ал сендер, балалар, жұмысқа кірісе беріндер.

Әжібек бастықтың артына көзді ашып-жұмғанша мінгесіп те алды. Әлгіндегі мұңаудың, жылаудың ізі де қалған жоқ жүзінде, жайраң қағады.

- Дабай, жұмысқа кірісіндер! — деп бұйырып қойды бізге.

Айналасы бірер сағаттың ішінде қайтып оралды Әжібек.

- Көкеге де тойдым. Байдалыны да орнынан түсір-тетін болдым,- деді масайрап.- Біздің тамаққа деп берілген етті өзі жеп қойған еken. Бастық әлгінде, бүкіл пішенишлердің алдында масқаралап, желкесінен шығарды. Бүгіннен бастап біргәдірліктен босатам деді өзін.

Кешкісін ауылға қайтқанымызда жұрт клубқа жина-лысықа жиналып жатыр еken. Ондайдан біз қалушы ма ек. Үлкендердің соңғы жағынан қараңғы түпкірде сабан үстінде апыр-топыр алысып-жұлысып біз де отырдық. Біріміздің бас киімімізді біріміз қағып «анда кетті мұнда-лақ, мұнда кетті мұндалақ» ойнаймыз.

- Эй, балалар, тышталындар! — деді бастық. Сәл тынышталдық.

Жиналыс: бірінші, пішенге әзірліктің барысын талқылады, екінші, үйімдастыру мәселесі қаралып, «колхозшыларға тамаққа деп берілген етті қымқырып қалғаны үшін» Байдалы шал бригадирліктен босатылып, оның орнына менің апамды сайлады. Апам: «Істей алмаймын»,- деп бас тартып еді, жұрт: «Істей аласың»,- деп шулап отырып алды.

Қараңғыда, біреу қолымды қысты, Әжібек еken.

- Маладес! — деді сыбырлап.

Апамды айтқаны ма, әлде соның баласы болған соң мені айтқаны ма, білмеймін.

Жинальыстан кейін үйге қайтып келе жатқанда апам бастыққа:

- Нұғыман-ай, осы жұмысқа мені бекер сайладыңдар-ау. Соңғы кезде денсаулығым нашарлап барады, істей алмаймын ба деп қорқам,- деген.

- Жеңгей-ай, кім денсаулығы жетіскеннен істеп жүр дейсіз. Жә, қорықпаңызы, істеп кетесіз,- деді Нұғыман.

Астықтың арам шөбін бір айдан астам отағаннан кейін, бастық бізге бір күнге демалыс берді. Ертеңіне пішенге шығатын бол келістік. Бұл кезде жұмысқа едәуір көндігіп, мойынсұнып алған едік. Бастық та біздің әжетке жарап қалғанымызға қуаныш, келген сайын мақтап, риза бол кетеді.

Жауды женуге ұлес қоспады деп ертең сендерді кім айттар екен енді. Азамат болды деген осы, айналайындар,- деп қояды.

Біз бұрынғыдан әрмен жанымызды сала істейміз. Оның үстіне бригадиріміз Эжібек те желкемізден түспейді, әрқайсымыздың жұмыссымызды көз айырмай қадағалап, қит етсең бас салып төмпештеп алады.

Сөйтіп, бір күнге арқамыз босап, демалыс альш, көшениң ортасында ойынға кірістік: доп қудық, асық ойнадық, одан екіге бөлініп қызылдар мен ақтар бол соғыстық. Эжібек бұл ойындардың бірінде де болған жоқ. Ол түске жақын бір-ақ шықты үйінен.

- Эй, жетпегірлер, бері келіңдер! — деді самарқау ғана даусы дарылдап.

Үйқыдан жаңа тұрган екен, басы-көзі ісіп кетіпті, шашы ұйысқан мамық.

- Бүгін үйқым бір қанды,- деді есіней тұрыш.- Эй, Қайрат, анау шәугімді әкеп су құйып жіберші, беті-қолымды жуып алайын!

Беті-қолын жуып тұрыш, әрқайсымызға қолының суын сілкіп, біз ыршып-ыршып түскенге өзі рақаттана

куліп, мәз боп қалды. Жуынып болған соң бәрімізге жағалай бастан аяқ бір қарап өтті де, жақтырмайтындағы әдетімен бет-аузын тыржитты.

- Ой, өңшең тобан аяқ кулар, азып-тозып ойнағаннан өзге ғой ештеңені білмейсіндер. Пайдалы бірдене ойлау деген ғой жоқ сендерде.

Біз пайдалы ештеңе ойлай алмайтын кінәмізді толық мойындал, үнсіз тұрмыз. Рас қой енді: «тобан аяқ» десе,- тобан аяқпыш, «азып-тозған» десе,- азып-тозғамбыз, не дейік, жайымызды басқа білмесе де Әжібек біледі. Сондықтан өзінен сөз күтіп аузына телміре қараймыз.

- Былай, жетпегірлер, түскен кейін осы араға жиналындар, қауынға барамыз,- деді.

Біз, балалар, сәл аңтарылып қалдық та, артынша біреу:

- Қауын әлі піскен жоқ қой,- деді.

- Кім айтады?! Ой, салпы ауыз. Сен нені білуші ең. Мұрныңды бет қып жіберейін бе осы! Әне, астық сарғайды ма? Ендеши қауын пісетін кез болды. Ал кім барады?

- Мен барам!

- Мен!..

- Мен!..- деп шулап қоя бердік.

- Жоқ, бәрің бірдей бармайсындар,- деді Әжібек. Сөйтті де: — сен барасың. Сен... сен...-деп өзіне серіктікке жарайды-ау деген он баланы іріктең алды. Сол онның бірі мен болдым.

Түстен кейін Әжібек бастап күн батыстағы Ағешкі сайын бетке алып жүріп кеттік. Ағешкі сайы ауылдан алты-жеті шақырым. болатын. Сайдың ішінде колхоздың мал қыстайтын қораларын күзетіп Тоқтардың әкесі — Шымырбай деген жалғыз үйлі шал отырушы еді. Кемпірімен екеуі ала жаздай бақша салып, қауын-қарбыз өсіретін. Бақша салуды еріккеннің ермегі

сияқты көретін біздің ауыл үшін Шымырбай шалдың қауын-қарбызы анда-санда барып, жеп қайтып тұратын таңсық нәрсе ғана болатын. Үлкендер жағы:

- Эй, осы Шымырбай алжының деген шығар, сірә. Енді қартайғанда көк шөпті күнкөріс қып,- деп сыртынан жазғыратын да, қапырық ыстықта қаңырығы түтеп кеп сүйк қарбыздан қарбыта асап, тамсана отырып шөлін басатын. Ал балалар жағы қауын-қарбыз пісті дегенше, Шымырбай шалдың үйінен шықпаймыз. Ауылдан безіп, үйді ұмтып, Ағешкі сайында көккарын боп жатып аламыз. Кемпір-шалдың күнделікті толып жатқан шаруасын тындырып, баласындаі боп кетеміз. Қысқасы бұл кез біз үшін де, кемпір-шал үшін де абыр-дабыр қызыққа толы көнілді күндер болатын. Жақсы дәурен еді.

Міне, сол Шымырбай шалдың үйіне биыл бірінші рет бара жатырмыз. Қауын-қарбыздың піскен, піспегенін әзірге білмейміз. Бар үмітіміз, дәлеліміз Әжібек айтқан «астықтың сарғайған» белгісі. Өйткені қауын-қарбыз бұл кезде пісуі тиіс. Қара жолдың ыстық топырағын борпылдата отырып, бірде жарыса жүгіріп, бірде аяңдап күн еңкейе Шымырбай шалдың үйіне де жеттік. Анадайдан бірі сарыала, бірі аққасқа қабаған иттері арсылдай көтерілген. Әрқайсысы тайыншадай, адамның зәре-құтын ұшыратын төбеттер еді. Жалаң аяқ, жалаң бас тырандап келе жатқан біздерді сонадайдан танып, көріп тұрған Шымырбай: «Жә, жатындар!» — деп иттеріне жекіп тастанды. Біз болсақ:

- Ассалаумалейкүм, ата!

- Ассалаумалейкүм, ата! — десіп жамырасып алдына келдік.

- Ұағалайкүм ассалам! Ой, үлкен азамат болындар,- деп шал риза боп сәлемімізді алды. Әрқайсымызға көз қының сала тұрып:

- Опай, өздерің былтырғыға қарағанда дырдай жігіт боп есіп қапсындар ғой,- деп қойды.

- Эй, кемпір, мына қонақтарға айран бер. Ал, балалар, үйге кіріндер, мен мына бір шөпті түсіріп тастайын. Жөн сұрау сонан кейін болат та.

Сөйтті де қарт есек арбага тиелген шөпті түсіруге қайта кірісті. Шөпті жаңа ғана тиеп әкелген беті болса керек. Бір-екі ашадан кейін алаша шекпенін шешіп, есік алдындағы бақанға апарып іліп қойды да әр жерінен ыдырап сетіней бастаған бәтес жейдесінің жеңін қайырды. Маңдайының терін сұртіп, бөркін қайта киіп алды.

- Эй, желтіректеме, абыла, шаншу ұстап қап жүрмесін,- деп қойды кемпірі. Онан соң бізді жақтырмашан кейіп танытып жыртия бір қарады да: — Эне, отырындар! — деді лапастың ішін нұсқап.

Біз құрым киіз төсеген лапастың ішіне кеп жайғаса отырдық. Өзімізге бұрыннан таныс, талай аунап-қунап жатып жүрген лапасымыз, жылда келген сайын діңгек тіреулерге ескерткіш қып ойып, яки сия қарындашпен әшекейлеп жазып кеткен аттарымыз да со күйі. Кемпірдің де жақтырмашаның көнілімізге алғамыз жоқ. Өйткені мінезі өзімізге мәлім — әуелде өстіп қабағын кіржитіп бырысып-тырысқанымен, артынан жаны қалмай асты-үстімізге түсетін болады әлі. Сондықтан ә дегенде жұп-жұас боп монтиып отыруымыз керек. Сәлден кейін кемпір үйден ағаш шелекке толтыра үйіткілған айранды алыш шықты. Жаңа ғана үйіткін, әлі шеті ойылмаған уыздай боп мәймілдеп тұрған айран екен. Қышқылттым иісі анқып сала берді. Ернімізді бір-бір жалап үлгірдік.

Кемпір болса асықпай, әуелі, бір шетінен сыры көшкен есқі тостағанға бір-екі қасықты құйып алды да:

- Піссімілда,- деп өзі ұрттап дәмін көрді. Сонан кейін

ғана сол жалғыз тостағанмен шетімізден жағалатып бере бастағы. Тостаған кіші ме, әлде біздің қарнымыздың аштығы ма, бір тостаған айран бұйым құрлы болған жоқ. Сіміріп-сіміріп салдық та, ернімізді жалап, тамсанып отыра бердік. Бірақ кемпір тостағанды бір жағалатқаннан кейін қайтып құймады.

Әлден уақытта шебін түсіріп бол Шымыrbай қарттың өзі келді. Бір тостаған айранды ұрттай отырып, ішті де:

- Эй, кемпір, әлгі Тоқтаржаннан келген хаттарды әкеші, мына балаларға оқыталық,- деді.

Кемпір үйіне кіріп кетті де, ак бәтеске ораулы бір бума хатты алғып шықты. Онан соң аяқ жаққа отырып бәтестің орауын жазды да, өліпті таяқ деп танымаса да әр хатқа үңіле қарап қойып:

- Бұрын келген хаты осы,- деп әуелі бір хатты ұсынды. Ішімізде хат оқуға жүйрік Санат деген бала бар, бәріміз соны мегзедік. Санат хатты қолына алды да, судыратып оки жөнелді. Хатты судыратып оқу да мақтанды.

Бірінші хатта Тоқтар жараланып госпитальға түскенін жазыпты. Жарақаты женіл екен оқ бүйірін жалап өткен көрінеді. Хатты бұрын да ары өткен, бері өткендерге талай оқытып, талай жылаған кемпір бұжолы да иегі кемсендеп қоя берді.

- Жарығым... қайтып шықады екен? Жанына батпады дейсің бе?..- деп күнкілдеп қойды.

- Жә, енді қоя тұршы жыламай,- деді Шымыrbай. Санат келесі хатты оқыған: мұнда Тоқтар жарақатының жазылып қалғанын, тәуір болғанын жазыпты.

- Иттің баласының еті жақсы еді, маған тартқан. Қандай жара болса да ем-домсыз тез жазылып кететін,- деп Шымыrbай мәз бола сөйледі.

- Иә, со қашанда өзінде қолпашта, байғұс,- деді көз жасын сұрткен кемпір.

Санат үшінші хатты оқыды: онда да со госпитальда жатқанын тәуір болғанын жазыпты, ал төртінші хатта қайтадан майданға аттанып бара жатқанын жазған, бесінші хат — майданнан жазылышты. Жауып түрған оқтың астындамыз депті.

Кемпір тағы да жылады.

Алтыншы, жетінші хат, бәрі де со жауып түрған оқ астында жазылған екен. Ең соңғы хат осыдан бір ай бұрын келген, онан кейін хат жоқ...

Шымырбай қарт орнынан тұрып кетіп, әр нәрсені бір шұқылай бастады. Сірә, бізге көз жасын көрсеткісі келмеген болар. Кемпір болса ағылтегіл жылап отыр. Үн шығармайды, бірақ көз жасы тыйылар емес.

- Құлышын... қайда жүр екен?..- деп ах ұрып курсін-генде, біздер де жас толып қалған көзімізді бір-бірімізден тайдырып, жер шұқып кеттік.

Әлден соң кемпір беті-қолын жуып кеп, әлгіндегідей емес, кәдімгідей дастарқан жайып, үйден ала дорбаны алып шығып, бір таба нанды алдымызға қолымен опырып турады да, әлгіндегі ағаш шелектегі айранды араластырып-араластырып қайта құйды. Бұл жолы әрқайсымызға жеке-жеке тостаған тиці. Біз таба нанды аузымызға бұралай тығып шайнамай қылғытып, айранды қомағайлана сіміреміз.

- Іше ғой, айналайын, кәне тағы ішші,- деп кемпір де үстелей түседі.

Ағаш шелектегі айран да, дорбадағы нан да әп-сэтте сап болды. Қарнымыз қампиып қозғала алмай қалдық. Бір-бірімізге мұрттымыздан күле қараймыз. Кемпір болса:

- Айналайындар...- деп елжіреп отыр. Ауық-ауық ұлы есіне түсіп кететін болу керек:

- О-о! — деп терең күрсініп қояды.

Керіліп-созылып орнымыздан тұра бастағанбыз.  
Шымырбай қарт қасымызға қайтып оралды.

- Ал, балалар, жол болсын,- деді.

Біз жымың-жымың етіп бір-бірімізге сен айт, сен айт дегендей тұртпектесіп тұрдық та, ең соңында бәріміз жол басшымыз еді-ау, деп Әжібекке тоқталдық.

- Қауын жегелі келдік,- деді ол түйеден түскендей етіп.

- Ә, бар бұйымтайларың сол ма? Жөн-жөн,- деді Шымырбай шал сақалын тарамдай тұрып, ойланған кейіпте:

- Бірақ менің бір қысылып тұрған жайым бар, бала-лар. Қауын әлі піскен жоқ қой, әне, пәлекте жатыр,- деп үй іргесінен жүз-жүз елу қадамдай жердегі жыраны кеуlep салынған бақшасын нұскады. Төңкерілген қара қазандай үлкен-үлкен қарбыздар теңқиіп-теңқиіп көрінеді. Қызыға-қызыға көз тастап, бір-бірімізді тағы да тұртпектейміз.

- Энең қарашы! — деп Санат маған сыйыр ете қалды. Көк есектің алдында бір үлкен қарбыз жарылып жатыр екен. Әжептәуір. Қам жүгіріп қызара бастаған қарбыз. Енді бәріміз сол қарбызға қарап қаппыз.

- Міне, көрдіңдер ме, әлі піспеген. Мал үзіп кеткен екен кеше, жарып көк есектің алдына таstadtым,- деді қарт әлгі жарылған қарбыздың бір бөлегін аяғымен қозғап.

Әжібек сол жарты қарбыздың үстіне төніп түсе жаздал тұр.

- Былай болсын, балалар, сендер араға енді бір он күн салып келіңдер эй бір, қарық қылайын бәрінді де,- деді Шымырбай.

Біз қипақтасып кете қоймай, біресе көк есектің

алдында жарулы жатқан қарбызға, біресе анау пәлекте теңкіп жатқан қарбыздарға қарай бергенбіз.

- Эй, Тоқтаржанның көкесі-ау, көк қарбызды аяйсың ба, біреуін әкеп жарып бер балаларға, көрсін,- деді осы кездे кемпірі.

- Сен де қызықсың, піспеген жемісті үзуші ме еді. Ол болмайтын ырым,- деп Шымырбай қарт кесіп тастады.- Сөйтіндер, балалар, енді он күннен кейін келіндерші...

Басымыз салбырап, сүлесоқ басып, келген жолымын зben ауылға қайттық. Күн еңкейіп, көлеңкеміз үзара бастаған. Алдымызға түсіп ап, ербен-ербең етеді: қол аяғымыз шидей ұп-ұзын, басымыз соп-сопақ, менің көлеңкем анау деуге намыстанасың. Біріміздің көлеңкемізді біріміз мазақтаپ, жыртақтаап қулеміз: асқабаққа теңейміз, қиярға теңейміз, астауға теңейміз, келсанқа теңейміз... теңемейтін затымыз қалмайды.

Жыланша бұраландаған ирек жолмен біріміздің артымыздан біріміз тізіліп жотаның үстіне шықтық. Иіріле қап кейін қарағанбыз. Шымырбайдың үйі табанда сай ішінде жәпірейіп кіп-кішкентай ғана боп қалыпты. Мұржасының түтіні будактайды, тасада тығылып отырып тартқан шылымның түтіні сияқты: қарттың өзі қорасының төбесінде бағанағы шебін жаймалап жүр, кемпірі есігінің алдында қуйбің шаруаға кіріскен, ал көк есек ойыншық сияқты кіп-кішкентай боп сол бір орнында сілейген де қалған.

- Бір қарбызын аяды-ау мына шал,- деді Эжібек тісінің арасынан сөйлеп.- Зәуімен сонау ауылдан келгенімізде көк есегі ғұрлы болмадық қой. Қап, қорлығы-ай, мына қақпастың.

Әуелі ренішпен жай бастаған сөзінің соңын кіжіңмен аяқтады.

- Ал енді ерегескенде бар ғой, бүтін осы шалдың қауын-қарбызынан дәм татпай кетпеймін.

- Мен де,- деді Қайрат іле қоштап.

- Мен де,- деді тағы бір бала.

Сол-ақ екен, тұс-тұстан, бәріміз де: «Мен де, мен де» — десін шулап кеттік.

- Айтқанымнан қайтпан, ант етем сендердің алдарың-да,- деп Эжібек оң қолын көкірегіне апарып, батып бара жатқан күнге қарап тағзым еткен. Мына қылышы бізге мұлдем қатты әсер етті, кәдімгі үлкен жорық алдындағы ердің антындаі. Дереу бірімізден кейін біріміз Әлсі-бектің сөзін қайталап, батар күнге қарап тағзым ете тұрып ант бердік.

- Жүріндер, күн батқанша анау қылтада жасырынып жатамыз,- деді Эжібек.- Шабуылға шығардың жоспарын сол жерде ойластырамыз.

Әжібектің айтқаны біз үшін екі дегізбес заң. Қайрат пен және бір баланы барлаушы ғыпп жотаның үстіне отырғызып қойды. Ол екеуі Шымырбай шалдың үйіне біреу кеп, біреу кете ме, түнге қарай не істеп, не қояды соны тегіс бақылауға тиіс. Қалғандарымыз тасаға барып жасырынып жаттық. Бастау-шымыз өзің, бір саған сендік дегендей бәріміз Эжібекке қарай береміз.

- Кәне, мені бір жыбыр-жыбыр жасап жіберіңдерші,- деп ол етпетінен жата кетті.

Тау шөптерінің арасынан бір-бір шоқтан таңдал алып жыбыр-жыбырға кірістік. Эжібек тағы да, ой, есінен танып, рақатқа батты дейсің. Шетімізден мақтау естіп, мәз бол қалдық.

- Бәрің менің сарбазымсындар, оң қолымсындар! — деп бір таstadtы.- Бүгіннен бастап жұбымызды жазбайтын боламыз. Біреуіңе қиянат істер адам болса, ол біздің бәріміздің қас жауымыз.

Шіркін, сол кезде жер үстінде біздерден бақытты жан болды ма екен?! Әй, қайдам! Эжібектің қарамағында

булу, оның айтқандарын қалтқысыз атқарып, нөкері боп жүруден артық не арман бар еді бізде.

Усті-басы әбден қызыарып, қотырларының аузы қанталаған Эжібек орнынан тұрды.

- Жыбыр-жыбырға осы жердің шебінен алып кету керек екен,- деді.

- Алып кетуге болады. Мен мына жейдемнің етегін ышқырланып алам да, ішіне салып жүрем,- деді мәймөн-келеген бір бала.

- Мен де сөйтіп алам,- деді екінші бала. Қойшы, қысқасы, әлгі жердің шебінен бәріміз де жейдемізді қампитып тығып алдық.

Кештің тұсуін күтіп иіріліп отырмыз. Күн қып-қызыл бол шелденіп батуға таяу. Найза тастардың үштары бояулы қарындаштай қызыл күрең тартып жаңжақтан состиып тұр. Аспандағы ала шабыр бұлттардың бауыры жарып-жарып қойған қарбыздай қып-қызыл.

- Хе-хе-хе-хе, шіркін! Қазір күн батсын кішкене, аш бөрідей тиісерміз, бүйірден,- деп сақылдай күлді Эжібек, батырлар жырын оқығандай мақамдан.

Діңкелеп шаршаған күн де ұясына барып қонды-ау ақыры. Найза тастар ымырт қараңғылығына сұғынып қарауыта бастады. Тау жақтан салқын самал соқты. Бойымыз сәл тоңазып, орнымыздан ширыға көтерілдік.

Шабуылға шығатын тұсты бағана күн жарықта Эжібек белгілеп қойған: Шымыrbай шалдың үйінің желке тұсындағы тік қабақтан дәл қауындықтың үстіне құлап тұспекпіз, жегенімізше жеп, көтергенімізше алып, ушусыз сол тікпен қайта көтеріліп кетпекпіз. Біздің жоспарымыз бойынша Шымыrbай ол тұстан ұры келеді деп күтпейді де, ештеңені сезбей де қалады.

Әлгі тік қабаққа келдік, алды-артымызға қарамастан темен қарай шұбыра домалап жөнелдік. Қалың бөргез, тобылғы, қараған өскен, жықпыл-жықпыл тастары көп

қия екен. Эзер түстік. Алдымыз қауындыққа жетіп бірбір қарбызды көтеріп ұрып, енді бас қоя бастағанбыз, Шымырбайдың бағанағы тайыншадай төбеттері арсылдап қоя бермesterі бар ма. Ең болмаса, бір асап ұлгірмеген жарулы қарбызды тастай сала кейін қарай зыттық бәріміз де. Сүріне-қабына, бірімізді-біріміз басып кетердей боп тік қияға қаштық. Төбеттер арсылдап жетіп те қалған. Артқы бір-екі бала қорыққандарынан бақырып жіберді. Осы кезде үй жақтан:

- Майлыаяқ, Құттөбет! Кә, кә! — деген Шымырбайдың даусы шығып жанымыз қалды. Екі төбет те ұмтылғандарын қойып, жай ғана арсылдай үріп кейін қала берді.

Біз болсақ өліп-өшіп, екі өкпемізді қолымызға альп, қияның үстіне шықтық. Бөргез тікен мен бұталар үстібасымызды алым-жұлым ғып жіберді. Қияның үстіне шыққан кезде Әжібек:

- Кәне, тас жинаңдар! — деп бұйырды.- Егер қуатын болса шалды да, иттерін де тастың астына аламыз.

Дереу қараңғыда сипаланып жүріп тас жинай бастадық. Бірақ Шымырбай артымыздан қуған жоқ. Әлден уақытта төменнен:

- Эй, балалар! — деп дауыстады.- Шырақтарым, бұларың не? Піскен жоқ деп бағана айтппап па ем өздеріңе. Міне, піспеген көк қарбызды босқа жарып тастапсындар. Не шықты содан. Эй, балалар-ай!.. Өздерің жейтін қауын-қарбыздар еді ғой.

Біз тырс етіп дыбыс бермestен құлағымызды елеңдей тігіп тыңдал тұрмыз. Демігіміз әлі басылар емес. Шымырбай тағы бірдеңелерді айттып құңқілдеп сөйлеп жүр. Арпылдап үріп қоймаған иттеріне: — Жә, жатындар, әрі! — деп жекіргені естілді. Кемпірі келді. Екеуі құңқілдей сөйлесіп, біраз жүрді. Онан соң! — Эй, балалар! — деп, бізге бір-екі рет дауыс берді де, жауап

болмаған соң иттерін ертіп, үйлеріне кетті. Сірә, бізді де кетті деп ойласа керек.

- Біржола үйіктасын енді,- деп қойды Эжібек.- Қап, жаңағы менің жарғаным піскен қарбыз еді, алып кетті-ау, э.

- Мен ортасынан бір асап едім, тәп-тәтті екен,- деді Қайрат.

Біз сол отырғаннан ұзақ отырдық. Қараңғылық әбден қоюланды.

Табанымыздың асты тастай қараңғы шынырауға айналды, үнірейіп жатыр, бір кішкентай ғана от жылт-жылт етеді. Шымырбай шалдың есігінің алдындағы қоламтаның оты.

- Ал еріндер соңымнан! Домалап кетпей, абалап түсіндер! — деп сыйырлап бұйрық етті Эжібек. Өзі төмен қарай қараңғылыққа сұңғіп кетті, аяқ астындағы тастардың тықыры, бұта-бұтандың сыйдыры ғана естіледі. Қалғандарымыз жүрексініп іркіліп қалғанбыз.

- Жүріндер! — деп зекіген бұйрық естілді төменнен.- Тек дыбыс шығармандар!

Қараңғыда қолымызға ілінген бұта-бұталардан қарманып ұстанып біз де домалана жөнелдік. Тік қия, өте тайғақ, мұлт бассаң кеткенін, бөргез тікендері, сойдіған бұталар үсті-басымызды жұлмалап, тырналадап келеді, аяқ асты — қырлы тастар сүрініп омақаса жаздай-сың, табанды тілгілейді.

Сүріне-қабына қауынға да жеттік. Эжібек үлкен бір қарбызды жерге гұрс еткізіп қойып қап, қақ айырып, қолды салып та жіберіпті. Қомағайланған асайды. Қолы-мызға ілінгенді біз де жерге қойып қап бір-бір асап үлгір-дік. Піспеген ап-аңы екен, тастай бере келесі бір теңкіп жатқанды көтеріп ұрдым. Сөйтіп, қозы қораға түскен аш бөрілердей әп-сэтте қауындықтың үстін әлем-тапырық қылдық, қолға іліккеннің жарылмағаны қалмады, жесек

те, жемесек те жара бердік. Бұлдірудің құмарлығы, қызығы әбден билеп алған еді бойымызды.

Әуелде үнсіз келіп сақтықпен кіріссек те, сәлден кейін кей бірімізді есірік жеңіп, дыбыс шығарып «аңыг-лап, ұһілеп», бір-бірімізге дауыстай мақтанып, мұлдем есіріп кеттік. Шу-шу етіп аяғымызға ілінген қарбыз желілерін тепкілеп үзіп, қараңғыда қарбызға таласа бастадық.

Осы кезде Шымыrbайдың қос төбеті тағы да арпылдаپ үре бастады. Біреуі тіпті ұлып-ұлып үрген.

- Жә, өй, өз басыңа көрінгір! — деген шалдың даусы шықты.

Біз тағы да зәре-құтыймыз қалмай кейін зыттық. Тағы да бұта-бұтаға бет-аузымызды жырғызып қияға өрмеледік.

- Тас! Тас! Тас алындар!.. Итті ұратын! — деп бүйірдыш Эжібек. Бірақ бір таңқаларлығы үй жақтан жүлкінып үргендері болмаса иттер әлгіндегідей қуған жоқ соңымыздан. Оның есесіне:

- Эй, иттің балалары-ай, сендерді ме! — деп ақырган Шымыrbайдың даусы өте жақыннан естілді. Сірә, өзі қуып келе жатса керек.

Біз қияның орта тұсына таяп қалғанбыз. Балалардың біреуі үлкен бір тасты сайға қарай домалатып жіберген, сайдың іші салдырлай жөнелді. Сөйткенше болған жоқ, тағы біреу тас домалатты. Алдыңартымызға қарамай тағы зыттық. Соңымыздан салдыр-тұлдір домалаған таастардың жаңғырығы, «о-о!..» — деп күнірене айқайлаған Шымыrbай шалдың даусы естілді. Біздерді қарғап-сілей бастады. Көпке дейін басылған жоқ. Тау арасын жаңғырықтырып зарлай созған даусы естілді де тұрды.

Біз сол қашқан бойда екі-үш жотаны асып барып, бір-

ақ тоқтадық. Алдымызда келе жатқан Әжібек кейін қайырылып:

- Түгелсіндер ме? — деп сұрады.
- Түгелміз.
- Ештеңе ала алдындар ма?
- Мен екі қарбыз алдым,- деді Қайрат.
- Маладес!
- Мен де екеу алып қашып едім, біреуін домалатып алдым,- деді Санат.
- Мен мына бір үлкен қарбызды алып шықтым,- деді тағы біреу.

Сөйтіп үрлап шыққан қауын-қарбыздарымызды ортаға салдық.

- Ал енді бұларды ауылға апаруға болмайды,- деді Әжібек.- Осы арада отырып рақаттанып жеп алайық.

Айдалада, түннің бір ортасында су татыған көк қарбыз бен көк қауындарды дірдектей отырып жеп алдық...

Ертеніне үй ішіндегі абыр-дабырдан ерте оянып кеттім. Бет-аузым тұндеңі жеген қауын-қарбыздан сірне-сірне боп тырысып қапты. Ернімді жалап керіп едім, дүрдиіп ісіп кетіпті, ұшық шыққан сияқты. Үй ішінде әжем мен көрші кемпір сөйлесіп отыр екен.

- Сорлы Шымырбай, сорлады ғой, сорлады ғой,- деді әжем күйзелген үнмен. Мен елең етіп қулағымды түргем: Тоқтардан қаралы қағаз кепті, ауылдың аксақалдары жинальып соны естіртуге барғалы жатыр екен. «Түү, мен де бір, тұндеңі жорығымызды сетіп қойды ма деп, зәрем ұшса, қаралы қағаз екен ғой...» — деп ойладым.

Бұл балалық дегенді қойсанышы. Сол бір оқиға есіме түссе күні бүгінге дейін кірерге жер таппай қысыламын. Сонымыз не біздің? Неге біз сондай болдық? Жалғыз үй шал-кемпірге не үшін қиянат жасадық сонда? Жазығы не еді олардың? Неге?.. Неге?.. Бәлкім, балғын балалығы-

мызға жара салған соғыс кінелі шығар, күтімсіз өскен жабайы алмадай аңы болуымыз да содан шығар, жабайы алманың тісті қамап сырқырататыны тәрізді жанға батар қылыштар істеуіміз де содан шығар? Кім білсін. Бір нэрсе ғана ақиқат: өзің ақымақ, әрі қорқақ болсаң жауыз болуың да оп-оңай, тек бастаушың болсын.

Сәлден кейін Нұғыман кешегі қауынға үрлыққа аттанған барлығымызды кенсеге шақыртып алды. Менің апам да осында екен. Екеуді де түнеріп ашулы отыр, бізге жек көріп сүйк қарайды. Ортамызда Әжібек жоқ бол шықты.

- Әлгі басшысы қайда бұлардың? — деді Нұғыман біздерді шақыруши балаға.

- Ол таң атпай тұрып станциядағы нағашысына кетіпті. Сол жақтан жұмыс істеп, оқу оқимын дейтін көрінеді.

- Қашқан түрі ғой. Сол жақтан-ақ ұстаймыз оны. Ал сендерді қазірден бастап анау тас қораға он күнге қаматам, ешқандай тاماқ бергізбеймін,- деді Нұғыман біздерге түйіле қарап.- Сендердей ұрыларды аштан қатырғаннан басқа амал жоқ.

Біздер зәре-құттымыз қалмай дірілдеп кеттік. Нұғыманның тас қораға апарып он күн бойына қамайтынына, еш тاماқ бергізбей аштан қатыратынына титтей де күмәніміз болған жоқ. Мен араша түсे ме дегендей апама қарағам, мұлде селт етер емес, қабағын қарс жауып алған, алдында баласы — мен емес, тұра бір фашист отырғандай түсін бермейді. Нұғыман одан:

- Сіз балаңызды қамағанға қарсы болмайсыз ба? — деп сұраған.

- Жоқ, қарсы емеспін. Алыс бір жаққа айдатып жіберсеңіз тіпті жақсы болар еді. Мұндай қарақшы баланың маған барынан жоғы,- деді апам түнілгендей.

Мен шыдай алмай жылап жібердім.

- Апатаі-ай, ендігәрі ондай ештеңе істемейін, кешірші мені... кешірші...

Сол-ақ екен басқа балалар да шуылдаپ жылап қоя берді, олар да бастыққа, менің апама өлердегі сөздерін айтып, жалынып-жалбарынып кешірім сұрап жатыр.

- Жарайды,- деді әлден уақытта Нұғыман,- бір жолға кешірейік. Ендігәрі олай істеуші болмаңдар.

- Истемейміз.

- Енді Әжібекке ілеспейміз,- деп бір ауыздан уәде бердік.

- Барыңдар! — деді енді Нұғыман даусын жұмсарта сойлеп,- Бір сағаттан кейін пішенге баруға дайындалып, осы кеңсенің алдына жиналышындар. Байдалы арбамен Қоғалыбұлаққа апарып салады.

Айтқанындаі бір сағаттан кейін қос ат жегілген Байдалының арбасына тиеліп, ауылдан алты-жеті шақырымдағы пішенишілер қосы — Қоғалыбұлаққа жол тарттық. Қос көк ат бастарын шүлғып қойып, сонадан қорғаншақтап өздерін өздері құйрықтарымен сабалап бұлқ-бұлқ желеді, арба борпылдақ қара жолмен былқ-былқ етіп тербетіледі. Төңіректегі балқұрақ сәске күннің қыздыра бастаған аптабына майланған қайысша балбырап, былқып тұр. Гүл қуған неше түрлі көбелектер сайпалактай ұшып аттардың баурына, арбаның астына кіріп кете жаздайды, ал шегіртке дегенің жыртылып айырылып жатыр, Аттың шашасынан шашылған құмдай бытырайды. Байдалы шал дамылсыз сойлеп келеді. Бар сөзі Әжібекті жамандау.

- Бас бітімі жаман ғой иттің шақшадай бол. Эй, әсте жақсылық шыға қоймас ол бастан. О, ол ма? Ол әлі жер өртейді, көріндер де тұрындар. Осы айтқаным келмесе мына мұрнымды кесіп берейін,- деп қояды.

Қоғалыбұлаққа жеткен соң әрқайсымыз бір-бір өгіз сүйреткінің басына мінуге бөліндік. Мен әуелден-ақ

Нәзира әпкемнің жетегіндегі сүйреткінің басына мінуді меншіктеп алғам. Солай қарай жүрдім. Мені анадайдан таныған Нәзира әпкем де жайраң қағып қуанып қарсы ұмтылды. Он күндей көрмегенге сағынысып қаппыз. Мені баурына қысып құшақтап бетімнен, көзімнен сүйді. Өзі күнге әбден қарайыпты және бір байқағаным бұрыг-нұғыдан да гөрі өсіп, толысып кеткен сияқты. Мұрнының үсті шып-шып тершіл түр. Құшағы да, демі де ып-ыстық екен, мені де лезде терлетіп жіберді.

- Эжем, апам ауырмай ма? Балалар қалай? Ауылда не жаңаңықтар бар? Маған хат келген жоқ па? — деп бастырмалата сұрап жатыр. Әрине, хатты кімнен күтетінін мен жақсы білем.

- Бәрі аман, бәрі жақсы. Ешқандай хат келген жоқ,- деймін мен, бірақ көзіне тұра қарап айтуда жүзім дауала-май, теріс айналдым. Тоқтардан келген қаралы қағаз есіме түскенде жүрегім суылдап қорқып кеттім.

- Ал жарайды, кейін сөйлесерміз. Кәне, өгізге мін,- деп аяғымнан көтеріп мінгізді,-Келгендерің жақсы болды ғой, әйтпесе өзіміз өгіз жетектеп, одан шөмелетиен ит әуре боп жүр едік.

Мен егіздерді қакпайлап шөмелелерді жағалата жүріп отырдым да, әпкем сүйреткіге шөп тиеге кірісті. Қимыл-қозғалысы нық, қарулы. Анда-санда маған күле қарап қояды. Сүйреткіге шөпті таудай қып тиегеннен кейін салынып жатқан маяның түбіне әкеп, маяшыларға көтеріп бере бастады. Маяның үстінде Көлбай керен екен, қағып алып жаймалайды.

Түсте қос басына жинальп, тамақ ішуге отырдық. Әйелдердің бірі:

- Балалар, айтсандаршы, ауылда не жаңаңық бар? Ешкімнен жаманат хабар жоқ па? — деп сұраған. Осы арада Қайрат:

- Ойдағы Шымырбай шалдың баласынан қаралы қағаз келді,- деп дүңк еткізіп қойып қалды.

- Не дейді?

- Не дейсің, ойбай, Тоқтардан ба?! — десіп әйелдер шу ете түсті.

Нәзира әпкемнің, отыра бергені сол еді, көзі шарасынан шыға жалт етіп Қайратқа қадалды. Қайрат болса қаннен-қаперсіз қаралы қағаздың қашан келгенін, ауыл ақсақалдарының жиналып Шымырбайдікіне естіртуге кеткенін егжей-тегжейімен айтып шықты. Енді бір сәтке жұрт тегіс Нәзира әпкеме қарай қалған. Ол басын түқыртқан күйде өні бұзылып, сұрланып өне бойы дір-дір етіп, менің білегімнен тастай қып қысып ұстап алды да, мелшип отырды да қойды. Тоқтарды естеріне алып, көздерін сығымдаған, әке-шешесіне жанашырлық айтқан әйелдердің сөздеріне де селт еткен жоқ. Алдына қойылған быламың көжеге де қол созған жоқ, со күйі қалды. Жұрт орындарынан көтерілген кезде, ол да тұрып, мені ертіп әлгіндеңі сүйреткіні доғарған жері-мізге қарай жүрді. Жасаурай берген көзін маған көрсеткісі келмей аспанға, ала шабыр бұлттарға қарады.

Кешке дейін ләм деп сөйлеген жоқ, жұмысты үнсіз істеді. Екі-үш рет айырға сүйене тұрып әбден титықтап шаршағандай жабырқау, жүдеу кейіпте: «О-о...» деп күрсініп қойды.

Жұмыс қас қарада тоқтатылып, пішеншілер қос басындағы, құжынаған жынды көбелектер мен шыбыншіркейлердің талауына түскендей жалп-жұлп еткен май шамның көмескі жарығында қалғып-мұлғіп отырып кешкі тамақтарын ішті де, әркім қалаған жеріне шөп төсеп, қисая-қисая кетті де үйқыға кірісті. Мен Нәзира әпкемнің ірге жағына кеп тығыла жатқам. Енді үйықтап барады екем, астымдағы қурайлы шөп сылдыр етті. Селк ете түсіп, көзімді ашқам, Нәзира әпкем түрегеп

кетіп барады еken. Алдыңартына қарайтын емес, қарандап алыстап барады. Ұшып түрдым да соңынан ілестім. Қараңғыда аяғыма шөгірлер батып ұшып түсे жаздаймын, бірақ сонда да Нәзира әпкемнен көз жазбай келем. Қостан кеп ұзап, алыстап кеттік. Бір кезде алдымда келе жатқан Нәзира әпкемнің өксігені, одан үн шығарып жылағаны естілді. Тағы біраз жүре түскен соң, кәдімгідей дауыс салып жылады. Эуеліде сөйлеп-сөйлеп алып жылаған:

- Неден осынша бақытсыз болдым. Неден осынша сормандаі едім. Жарық дүниет-ау, қай күні ғана қарғысыңа шалынып тудым еken. Экеден айырылғаным анау, сүйгенімнен айырғаның мынау... Неден жаздым?.. Неден?..

Біраздан кейін сөзді қойып, ыңырсып жылап, зарлы жоқтауға ауысты. Өзі дамылсыз жүріп келеді, шабылмаған қалың шабындыққа шыққамыз, соны кешіп келеді, сөйтіп келе жатып жоқтау айтып келеді. Жанына батқан қайғыға қабырғасы қайысып, егіле жылап, зар илейді. Мен де жылап келем. Тоқтарды есіме түсіріп, ол енді еш уақытта Нәзира әжеме кеп, біздің үйді торуылдан жүрмейді-ау деп, ойлаған сайын ішім удай аши түседі. Өкіріп жылағым келді. Нәзира әпкем құсан ішімдегімді мен де сөзбен, зарлы жоқтаумен шығарғым келеді.

- Тоқтар аға!.. Тоқтар аға!..- деп еніреп жылап жібердім де алға қарай жүгірдім, шабындыққа аяғым оралып сүрініп жығылғам, тұра сап қайта жүгірдім.

Нәзира әпкем екеуміздің құшақтарымыз айқаса кетті, айдалада екеуміз де ішіміздегі құсталықтарымызды ағыттық. Дауыс сап, көрісіп түрып жыладық. Қанша уақыт жыладық, аз ба, көп пе, білмеймін. Есімді жиып, басымды көтерсем, бозарып, қауынның тілімімдей боп ай туған еken. Айнала төнірек бозамық тартып, май

шамның жарығы түскендей боп көмескі көрінеді. Эпкем екеуміз өксігімізді тартып қойып, солығымыз басылғанша отырдық. Ол мені шашымнан сипайды, баурына тартып қыса түседі. Бауыры жып-жылы.

Біреу өкпе тұсымыздан ағарандап жүріп өтті.

- Өк! Ой арам қатқыр, өк! Сыпатай-ау, былай қайырсаңшы!..

Жынды Бұбітайдың даусы. Қорқып кеттім.

- Байғұс, күнде түн жарымында осы жаққа кеп, жоқ малды қайырып жүргені. Өстіп қанғып жүріп бір күні далада өліп қалады ғой,- деді Нәзира эпкем ауыр күрсініп.

Бұбітай өзімен-өзі сейлеп ұзай берді. Бір сәт алыстан зарлаған әні естілді.

Қара көзім,

Жете алмадым,

Жер шалғай,

Жалғыз өзім...

Көпке дейін естілді де тұрды.

Біз, Нәзира эпкем екеуміз, ақырындалап аяңдалап қос басына қайттық. Шабындық үстін шық басыпты, аяғым суланып келеді. Өне бойым дірілден, тітіреніп қоям.

## КҮЗ БЕН ҚЫС

### I

Жаздың соңғы күндері болатын. Бір күні түсте станция жақтан келетін қара жолмен бүркүлдата жүтіріп: «Сүйін-шілеп!» біреу шыға келді.

- Сүйінші!.. Сүйінші!..- деп екі санын сабалап келеді.

Жақындаған береге таныдық, кәдімгі өзіміздің Әжібек. Тұнеукүнгі станцияға нағашысына қашып кеткеннен қайтқан беті. Басында пилотка, бұтында галифе

шалбар — құдды әскердің өзі дерсің, екі өкпесін қолына алғып ұшып келеді. Өзіне қарай өре жүтірген біздерге:

- Сүйінші... сүйінші, Ырысбек қайтып келе жатыр соғыстан,- деді алқына дауыстап.-«Мына төбенің астында келе жатыр. Жүтіріндер, сүйінші сұрандар ауыл-аймақтан!..

Біз әуеліде сәл абдырап қалдық. Әйткені, осыдан бір жыл бұрын Ырысбектен өлді деген қара қағаз келген еді, әйелі — Дурия қыста Көлбай керенді әйелінен айырып, соған тиіп алған болатын, сөйтіп елжүрт мұлдем қүдер үзген адамды мына төбенің астында келе жатыр дейді. Сенерсің бе, сенбессің бе, әлде Әжібектің тағы бір ойлап тапқан қалжағы бол жүрмесе.

- Эй, сенбей тұрсындар ма? Міне, мына киімдерді сол берді маған. Кеше станция басында ауылға қалай жетерімді білмей сенделіп жүргем. Апамды сағындым: «Сорлығ-ай, менсіз күні не бол жүр екен?» — деп; Мына сен жетпегірлерді сағындым: «Менсіз бастары бірікпей тоз-тоз бол жүрген шығар»,- деп. Сөйтіп жүргенімде поезд тоқтаған. Бір адам вагоннан түсіп елден ерек сарт-сұрт етіп келеді. Анадайдан көзіме оттай басылды, әкемді көргендей айқайлап жіберіппін: «Ырысбек аға!» — деп. Көзімнен жас ыршып кетті, жүтіріп барып бас салдым. Содан кешке дейін екеуміз станцияны арала-дық. Ырысбек ағаның неше түрлі сұлу таныс қызы-келін-шектері бар екен. Шетінен «во!» деген, солардың үйінде болып шай іштік. Кешкісін ымырт үйіріле біреулердің тұсан жіберген аттарын ұстап міндік те, тұнделетіп жүріп кеттік.

- Ал аттар қайда?

- Қайда болушы еді, әлгінде ноқталарын мойнына байладық та кейін қайырып, айдал жібердік. Жануар, жылқы деген жершіл болады емес пе, бүтін-ақ жетіп

баарар иелеріне. Түү, сөзге айналып қалдық қой. Ал жүгіріндер тез! Сүйінші сұрандар!..

Біз тым-тырақай ауылдың тұс-тұсына жүгірдік, үй-үйді аралай жүгіріп есіктің алдынан, төрөзенің тұсынан айқайлап өтеміз:

- Эже, сүйінші, Ырысбек келе жатыр!

- Апа, сүйінші, Ырысбек келе жатыр!

Соғыстан қайтқан адамды бүкіл ауыл болып алдынан шығып қуана қарсы алу салтқа айналған. Соңдықтан сүйіншіні де кезіккен адамның бәрінен сұрай береміз. Ілездің арасында ауылдың кәріжасы тегіс бірі қалмай қара жолға қарай жүгірді. Бірі сенеді, бірі сенбейді.

- Былтыр қара қағаз келмене пе еді?!

- Е, қара қағаз деген кейде жаңылыс келе беретін көрінеді ғой. Мына көрші колхозда да артынан қара қағаз келген біреу үш ай өткен соң аман-есен тірі қайтыпты.

Мұндайда қуанышқа да шыдай алмайтын кемпірлер көздерін сығымдап жылап келеді.

- Байғұс-ай, тірі екен-ау!..

- Дәм-тұзы әлі таусылмаған ғой.

- Менің құлымын да бір күні өстіп жетіп келер кез болар ма екен, дүние-ай!..

- Ей, әмірі құшті жаратқан...

- Әлгі Дүрия сорлы қайтер екен енді?

- Е, сорлы боп оны біреу төлеуіне беріп пе?! Өз обалы өзіне, жаман қардың. Ең болмаса, бір жыл отырмадығау, артын күтіп. Енді бармағын шайнап отырсын.

- Е, алланың ісі десенші оны да. Әйтпесе, Көлбай керенге о байғұс қайбір жетіскенінен тиді дейсің...

- Ибай-ау, Ырысбек қайда баарар екен, енді? Кімнің үйіне тұсер екен? Тұыс дейтін тұыс та жоқ қой байғұста?

- Е, ел-жүрт емеспіз бе? Қайсымыздың үйімізге кірсе де қарсы аламыз ғой.

- Иә, бәрінен де азаматтың аман-сау оралғанын айтсаңшы...

Өстіп кемпірлер мен әйелдер сан-саққа кетіп тұрғанда төбеден Ырысбектің де қарасы көрінген, біз балалар жарыса лап қойдық.

- Аға-а!..

- Ырысбек аға-а!..- деп шүркүраса дауыстап, құстай үшшіп келеміз. Бірімізден-біріміз бұрын жетіп, беті-мізден бұрын сүйгізуге асығамыз. Соғыстан қайтқан адамның бетіңнен бір сүйгені — әкеңнің, яки бауырыңның сүйгеніндей олжа, дәл солардың қасынан қайтып, солардың ыстық сағынышын, солардың сәлемін жеткізгендей көрінетін. Соның өзіне мауқымыз басылып, масайрап бір жасап қалатынбыз.

Әне, балалардың алды оған жетті де, енді Ырысбек оларды кезек-кезек құшақтап сүйеді-ау беттерінен,- деп ойлағанбыз... Жоқ, түк те олай еткен жоқ. Сүймек түгілі амандақсан да жоқ. Топырлап жеткен балаларға қабағын шытып.

- А, ну, шандатпандар!..- деді ақырып. Көзін алақ-жұлақ еткізіп алартып-алартып қойды, иығына асынған мылтығын жөндеді, қынай буынған әдемі жалпақ белдігін дұрыстап, жейдесінің етегін кейін қарай ысырып сәнденді де, онан соң жолдың тақ-тақтау жиегімен әскери тәртіpte екі қолын сермел таастап, сарт-сұрт адымдап жүріп кетті. Етігінің табаны дүк-дүк еткен сайын өкшесіне байладап алған әдемі жылтыр темір де сәнімен шылдыр-шылдыр етеді.

- Ол шпор! — деді Әжібек біздерге түсіндіріп,- Ырысекем атты әскерде болыпты, соның белгісі.

Біз аузымызды ашып, көзімізді жұмдық. Мұндай сәнді киімді де, мұндай сәнді жүрісті де, шпорды да тұмысымызда бірінші көруіміз еді. Бәрінен де иығындағы мылтығын айтсаңшы! Ырысбектің алды-артына

шығып, әр затына қызыға қарап, шұбап келеміз. Үлкендерге де таяу қалғанбыз, шыдамсыз бір-екі кемпір құшақтарын жайып үмтүлыша берді.

- О, айналайын, сені де көретін күн бар екен-ау!..

- Асылдан қалған тұяғым-ай, ата-бабаңың аруағы жебеп, аман-сау оралдың ба!..

Екі кемпір қабаттаса кеп, құшақтап сүймек еді, бірақ Ырысбек оларды қолымен сәл кейін ысырып, өзін құшақтапады да, сүйгізбеді де:

- Есенсіндер ме, аналар! — деді даусы гүр етіп.- Есенсіндер ме, туған жер, елг-жұртым! -деді онан соң өзін қарсы альп тұрған көпшілікке даусы саңқылдал.

Даусы мұндай зор, ашық болар ма, әр сөзі балғамен соққандай естіледі. Екі кемпірден кейін қалай амандалярның білмей жүрт аңтарылып қалған. Ырысбек сол шақ-шүқ етіп адымдаған күйінде олардың қақ ортасынан жарып өтіп, тура өз үйіне тартты. Ешкімге бұрылып қараған жоқ, ешкіммен сойлескен жоқ. Енді бүкіл жүрт соңынан ілесті. Дәл есігінің алдына барғанда өкшесін сарт еткізіп тоқтады да:

- Эжібек! — деді.

Әжібек жүтіріп барып оның қарсы алдына қалишиып тұра қалды да, қолын шекесіне апарып нағыз әскерше честь берді.

- Бар, Дүрияны шақырып кел, мына үйдің есігін ашсын! — деді Ырысбек әр сөзін шегелеп бұйыра сойлеп.- Шаңырақтың иесі өлген жоқ, аман-есен келіп тұр де. От жағып, тұтін шығарсын!

Бағанадан Ырысбектің қылышына түсіне алмай делсал бол тұрған жүрт бір ауыздан күрсініп, көздеріне жас алды. Ырысбектің мына сөздері бәрінің де ет жүрегін езіп жіберген тәрізді.

- Алда, сорлы-ай, енді қайтсін!..

- О, опасыз дүние десенші.

- Шіркін-ай, осы азаматты күтпеген қатынды айтсаң-шы!..- деп кемпірлер мен әйелдер тағы да құнқілт-күбір сөзге көшті. Ырысбек болса ештеңені естімегендей бір қолын мықынына салып, шіреніп тұр. Аспанға қарайды, қайта бастаған қунгеге қарайды, онан тауға қарайды, шоқыларды санағандай қадала түседі.

- Тұған жер, жеттім топырағыңа, енді өлсем де арманым жоқ,- деді тебірене сөйлеп, көзі жасаурағандай болды. Кемпірлер: «айналайын-ай!..» — десіп мұрындарын мырс-мырс тартып жылап жіберді.

Әжібек те жеткен Дүрияны ертіп. Дүрия анадай жерден тартыншақтап, екі көзі жасқа толып боталап, кілтті Әжібекке ұстата берген.

- Дүрия-ай, өзің кеп ашшы есікті! — деді Ырысбек тағы да даусын көтере саңқылдай сөйлеп.- Сүйіп алған жарым едің ғой. Неке бұзып ажырасқан жоқ едік. Өзінің от жаққан жерің еді, тағы да кеп өзің жақшы отты!

- Жөн-ай! Жөн-ай, Ырысбекжанның сөзі!...

Дүрия жасқана басып жақын келді де Ырысбектің алдына жеткенде еңіреп жылап, оның аяғын құшақтай құлады. Көз жасы Ырысбектің шаң-шаң етігін айғыздап жіберген. Ырысбек әуелде екі иығы селк-селк етіп, бет-аузы тыржиып құліп түрғандай боп көрінген, енді бір сәтте тарам-тарам жас оның көзінен де сорғалады.

Екеін осы бір күйде тұрды да қойды: Дүрия оның аяғын құшақтап бас көтерместен көлт-көсір боп еңірейді, Ырысбек болса екі иығы селк-селк етіп, аяғынан байлаулы адамдай тапжылмайды, не еңкейіп илікпейді. Әлден уақытта кемпірлер барып, Дүрияны қолтықтап түрғызып алды.

- Есік аш, қарағым,- деді.

Дүрия жылағанын қойып, көз жасын жаулығының ұшымен сұртті де, барып есікті ашты. Ырысбек өзі

бастап үлкендердің бәрі ішке кірді. Әйелдер дереу сыпыртқы тауып, су сеуіп үйдің ішін тазартып, сипыруға кірісті. Екі-үш әйелді Дүрия үйіне ертіп әкетті де, көтергендерінше көрпегжастық, киіз, ыдыс-аяқтар алып келді. Есік алдына көрші-қоландаңдарың самаурындары әкелініп, шай қойылды. Ілездің арасында, бір жылдан бері қаңырап иесіз тұрған Ырысбектің үйі гу-ту еткен қызық думанға толды да қалды. Үйдің іші ысып кеткен соң терезені жақтауымен түгел алып тастаған, мұнысы бізге — балаларға рақат болды, енді іштегілердің гу-ту сөздерін сыртта ойнай жүріп-ақ тыңдай беретін болдық. Үлкендердің сөздерін тыңдауға шетімізден әуес-ақпыш. Ол сөздері біз тыңдауға лайық па, жоқ па,- ол жағын білмейміз, әйтеуір олардың ауыздарынан шыққан жақсы сөзді де, жаман сөзді де, қағып ап, бойымызға сініре беретінбіз. Біртіндеп жұмыстан қайтқан еркектер мен шалдар да келе бастады. Дүрияның кейінгі тиген қүйеуі Көлбай керең де келді. Екеуі төбелесетін шығар деп, біз, балалар, терезеге үймелей қалғанбыз, жоқ, төбелеспеді, қол алысып амандасты да, Көлбай керең есік жаққа мыжырайып отыра кетті. Бөркін алып, басын қасынды да, онан соң көзіне дейін түсіріп қайта киіп алды. Үй шаруасымен кіріп-шығып жүрген Дүрияға бірдене деп күнкілдең еді, анау қабағын шытып, сөйлеспеді.

- Дүрия! — деді Ырысбек дауыстай сөйлеп.- Жаным, менің домбырам, гармоным, мандолинім, скрипкам қайда?

- Қазір, қазір...— деді Дүрия. Әжібекті ертіп үйіне қарай жүгіре басып кетті де, сәлден соң екеуі, әлгінде Ырысбек сұраған бар аспаптарды көтеріп жетті.

- Ой, бәрекелде! Дүрияның мұнысы іс болды,- десті риза болған ақсақалдар.

- Рақмет, жаным! — деді аспаптарын көргенде жүзі жайнаңдап кеткен Ырысбек. Домбырасын жұлып ап,

құлақ күйін келтіріп қағып-қағып жібергенде, үйдің ішіне уыс-уыс күмісті шашып-шашып қалғандай болды. Тосаңсып қалған қолын жаттықтыру үшін құлақ күйлердің біразын бірінен кейін бірін шұғыл-шұғыл қайырып тастап отырды да, бір кезде еті қызған жүйріктей құмбірлетіп ап жөнелді дейсің. Үйдің ішінде гілер де, сыртта терезе түбінде түрған біздер де демдері мізді ішімізге тартып, сілтідей тына қалдық. Қос ішекті ағашта осынша құдірет болады деп кім ойлаған, бірде бебеу қағып, бірде сұнқылдан, көңілді алай-дүлей аласа-пыран күйге түсіріп, мұлде естен таңдырды. Екі көзіміз телміріп Ірысбекте, оның ерекше қасқайып отырган отырысына да, күреңіте тершіген сұлу жүзіне де, ойнақшыған өткір көзіне де, қайратты қара шашына да ынтызар боп қызыға қараймыз. Үйдегі бүкіл ауыл адамдары бір тәбе де, Ірысбек өзі бір тәбе, байқаусызда қаз, тауықтардың арасына кеп қонақтап қалған қыран бүркіт сияқты.

Күйді ойнап болғаннан кейін домбырасын көкірегіне басып, көзін жұмып, бала тербеткендей ырғатылып сәл отырды.

- Жұртым,- деді онан соң, даусы елжіреп, егіліп шықты.- Алыста қан майданда жүргенімде отырсам ойымнан, ұйықтасам түсімнен шықпады туған жерім. Жонғардың мынау жоталары дүниенің төбесіндей де басқа жер осының етегіндей боп көрінді. Сондайда: «Дүние-ай, туған жерге аман-сау оралып, сол жоталарға бір шығып, дүниенің төбесінен қарап күн болар ма екен?!» деп армандаушы едім. Сол арманыма бүгін, міне, жетіп отырмын. Элгінде де айттым ғой, тағы да айтам: қазір табанда осы арада жан тәсілім етсем өкінбеймін енді. Өздерің өліп-тірілген адам деп отырсыңдар мені. Ол рас. Мен бір өліп, сонан қайта тірілген адаммын. Мені тірілткен мына сендердің ақ тілеулерің,

дарқан пиғылдарың! Ризамын, елім, жүртүм. Мен жауған оқ пен жанған оттың ортасына қанды ұрысқа үш рет кірдім. Екі рет аман шықтым, ушінші ретте жараландым. Өте ауыр жараландым. Мына қеудеме оқ тиіп, екі күн ұрыс даласында есімнен танып, қансырап жатқанымда орыстың бір қаршадай қызы жанымды арашалап аман алғып қапты. Мені өлдіге жорып қойған екен, енді болмаса көп өлікпен бірге көмгендей де екен, сонда әлгі қыз бала менің әлі де тірі екенімді біліп аузыма су тамызыпты. Мен, бейбақ, сөйтіп, дуниеге қайта оралдым, сөйтіп тірілдім... Госпитальға әкеп, қеудемді тіліп, өкпемнің оқ тескен тұсын ойып алғып тастады. Сөйтіп, орнымнан тапжыла алмай үш ай жаттым.

Үй ішіндегілер «ah» ұрып күрсініп, кемпірлер мен әйелдер көздерін сығымдай берді.

- Айналайын-ай, көрер қызығың әлі бітпеген ғой.
- Ой, дүние-ай, талай боздақтар қалды ғой, сөйтіп, қансырап, талай жерде.
- Қу соғыс, көрінде өкіргір пәшиш!..
- Орысымнан айналдым! Шіркін, қаршадай қызының істеп жүргенін қараши!

- Ей, түге, тоқтаңдаршы, тұс-тұстан сапылдан жарыг-спай, әңгімесін тыңдайық! Ірысбекжан, сен өзің пәшиш деген иттерді көре алдың ба? Қандай болады екен.

- Иә, иә, соны айтшы. Тұрларі қандай өзі, кәпірлер-дің? Адам сияқты ма? — деп Байдалы шал да қозғалақтап қойды.- Қазиттердегі суреттеріне қарасаң жаңың түршігеді ғой өздерінен, неше түрлі хайуан-жәндіктерге ұқсайды. Иіріліп-иіріліп жатқан жылан сияқтысы да, тісі ақсиган қорқау қасқыр сияқтысы да, әйтеуір толып жатқан жексүрындар ғой тұрлери.

- Фашист дегенді көрдім,- деді Ірысбек.- Бір офицері қолға түсіп, соны, мына, тап сіз отырғандай

жерден күзетіп тұрдым. Өндөрінде қан-сөл деген болмайды екен...

- Е, кісі өлтіретін адамның түрі сондай болады ғой.
- Көздері қанталап тұрады екен.
- Астапыралла, қанға тоймайтынның өзі десеңші.

Тұмсықтан салмадың ба иттің баласын.

- Қолға түскенді ұруға заң жоқ қой. Әлгінің қасында бір сағаттай тұрғанымда әлгі жұтқан ауадан жұтқаным жиіркендім. Бірақ амал қанша, шыдау керек.

Күн батып, ел орынға отыратын кез болды, бірақ бірде-бір адам тараған жоқ. Ырысбектен соғыс жайын, өзінің қай майданда, қай жерлерде болғанын, ауылдан кеткендерден кімді көргенін үсті-үстіне сұрайды, бір айтқандарын қайта-қайта айтқызыды, таңырқасып, таңданады, жандары ашиды, бір ауық көздерін шылап жылайды. Оның әңгімелерін анық ести алмай қор болған

Көлбай керең ғана кенірейіп, әркімнің аузына жапақтай қарап көңілсіз отыр. Алғашқыда ол қасындағылардан: «А?!» «Не дейді?» — деп сұрап отырды да, ақыры олар мезі болғандай теріс айнала бастаған соң мазалауын қойды. Бір мезгіл Дүрияға: «Әй, үйге қайтайық та» — деген; «Жә, отыршы жайында!» — деген Дүрия зеки сөйлеп. Өзі дастарқан жайып, шай әзірлең, тыным тапқан жоқ. Ырысбектің әңгімелерін үзік-үзік тыңдалап жур, ести алмай қалған тұстарын әйелдерден сұрап алады. Есік алдына шыққан сайын егіліп-егіліп жылайды да, ішке кірерде көз жасын сұртіп тастайды.

Терезе алдында топырлай тұрып іштегілердің бірде-бір сөзін, әңгімелерін қалт жібермей тыңдаймыз, бір ауық жалыққандарымыз есік алдындағы қалың көк шөпке алысып-жұлысып ойнап аламыз. Мұндай күндері біздің қуанышымыз бөлекше. Өйткені бүкіл ауыл көнілденіп, думанды боп қалады. Жұрттың

қабақтары ашылып, жүздері жадырап бір күнге болса да бастарындағы ауыр қайғы-қасіреттерін сейілткілері келгендегі күйге ауысады. Қайтқан адамның әңгімелерін тындалап, өздері де сөйлеп шерлерін тарқатады. Мұндай күндері бастарына секірсек те біздерге ұрсып-зеку деген болмайды. Кірген-шыңқан табақшы әйелдер: «Әй, мына балалар аш қалмасын» — деп, бірі тостаған толы сүтке шылаған талқан берсе, бірі қуырған бидай уыстатады. «Өй, айналайындар-ай!» деп мұсіркеп қояды. Осыдан кейін біз шаттанбай, кім шаттансын. Тұннің жарымы тұрмақ таң атқанша, қашан үлкендер тарағанша жату жоқ, ойынның түбін түсіреміз.

Тұннің ортасы болды, бірақ жиналған жұрт қозғалар емес. Ірысбек біресе гармонын тартты зарлатып, біресе мондолині мен скрипкасын ойнады сыңсытып, қолына қайсысын алса да іркілмейді, қуйқылжыта жөнеледі, нешетүрлі әуендер: татар, орыс, қырғыз, қазақ саздары бірінен кейін бірі төгіледі.

- Пан, шіркін, өнеріңе болайын! Өнерпаз деп осыны айт!

- Он саусағың бал екен-ау!

Елти тындаған жұрт таңдайларын қағып, тамсана түседі.

- Ірысбек-ай, даусынды сағындық қой, шандозым, бір әу деп жіберсенші! — деді шыдай алмаған Байдалы шал.

- Иә, иә, бір әу деп жіберші!

- Эн салшы, эн салшы! — деп енді оны тұс-тұстан қолқалады.

- Халқым қалау айтты ғой, әпкеші, домбырамды! — деп Ірысбек көтеріле бір сөйлеп, қолына домбырасын алды да құмбірлетіп қүйлей жөнелді. Өні сұстанып ойлы күйге түсті.- Дүрия қайда? — деді онан соң саңқ етіп.

Дүрия есіктен басын сүкқан.- Келші бері! Отыршы қасыма!

Дүрия ыңғайсыздынып, қипақтап қалған.

- Кел, отыр қасыма! — деді Ырысбек екінші рет әмірлі үнмен.

- Эй, Дүрия, бар, отыр, қарағым, қасына!

- Өзі шақырды ғой, отырсаныш!

- Иә, отыршы қасына! — десіп жүрт жан-жақтан кеү-кеуlep, қолынан тартқандай ғып апарып, оны Ырысбектің қасына отырғызды. Дүрия қып-қызыл бол қызырып, шамның жарығына жақын отырған жүзі ерекше алаулап сұлуланып кетті. Көлбай керең Ырысбектің саңқылдай айтқан сөздерін естіген кезде көзі бажыграйып, Дүрияға кіжіне қараған, енді тук көрмегендей басын түқыртып бүгжие берді.

Ирысбек домбырасын қағып-қағып қалды да, майдада қоңыр үнмен бастай жөнелді.

Айтады Біржан өлең ентелетіп,

Біржанды халқым қойды-ау еркелетіп... —

деген кезде шалдар бір қозғалып:

- Уай, не дейді-ау!

- Пәлі, шіркін! — десіп кеү-кеуlep, мәз бол қалды. Мұнан әрі Ырысбек тынысын бір кеңейтіп алды да даусының бар қуат-құдіретін әннің қайырмасына салды:

Ахай ха-ла-ла-ла, ла-ла-лай,

Ахо-оу-у ха-ла ла-ла ла-ла-лай

лай ла-ла лай...

Мұндаидай да зор, мұндаидай да асқақ, мұндаидай да әсем, сазды сұлу дауыс болар деп кім ойлаған. Соңғы үш жыл бойына жылау-сықтаудан, қасірет-қайғыдан, қаралы күйден ығыр болған, мынау май шамдары сыйырайған ауылды, мынау менірейген қараңғы тұнді, сонау күрсінгендей бол дүңқиіп жатқан биік шың-жоталарды осы бір асқақ ән лезде кеуlep, сілкіп-сілкіп қалғандай болды.

- Уа, өркенің өссін, азamat!
- Көп жаса, қарағым! — деп, жұрт естен тана тәнті болп, мұлде есептіреп қалды.
- Ал тағы да деп жібер!
- Тағы да, тағы да... - дейді.

Ырысбек те көп жалындырған жоқ, Біржаннан кейін Ақан серінің, Иманжүсіптің, Әсессітің әндегін бірінен бірін асыра шырқады, бірде еңіретіп егілтіп, бірде наздандырып, бұрын түйсініп, сезіп-білмеген әсем күйге түсірді. Біз, балалар, ойын дегенді ұмытып, дүниеде осындаидай да сұлулық, осындаидай да сырлылық, кербездік, тіпті түсіндіріп айтуда тіл жетпес бір тәтті сәттер болатынын ұғып тұрмыз. Ырысбек:

Қозы Көрпеш — Баяндай,

Бір молада өлсек-ау... -

деген тұста кіп-кішкентай жүректеріміз ыршып, бұлқынып-ыршып бұлқынып түскендей болды. Терезеге ентелеген күйде біріміздің қолымыздан біріміз тастай қатып ұстай беріпшіз.

- Қайран Ырысбек аға... Байғұс Ырысбек аға... - деді балалардың бірі сыйырлап.

Ырысбек болса енді Дүрияға аса бір мұңлы кейіпте қадала қарап қапты.

- Ей, алланың жазмышы-ай, пендеңе көрсетпейтінің жоқ екен-ау, - деді кемпірлердің бірі қатты құрсініп қап.

- Жә, көп отырып қалдық қой, қайталық енді. Ырысбек жан алыс жолдан келді ғой, жатып дем алсын, - деді Байдалы шал.

Жұрт орын-орындарынан қозғалып, тұрып кетуге ыңғайланды. Дүрия да тұра берген.

- Тоқта, отыр! — деді Ырысбек оны қолынан тартып. Онан соң даусын көтере: — Ағайын, тізе бүгіндер. Айтар арызым бар, бәріңе! — деді ның үнмен.

Жұрт ошарылып қайта отырысты, бәрі аңтарыла

қарайды Ырысбектің аузына. Ырысбек әлі со Дүриядан көз айырмаган мұңлы кейіпте отырып толқи сөйлемді:

- Мынау отырған менің сүйіп қосылған жарым еді. Бүгінде басқа біреудің әйелі боп отыр. Бірақ мен неке бұзып ажырасқан жоқ едім. Амал қанша, сүм тағдыр екеумізді де тәлкекке салыпты. Жоқ, мен мұны кінәла-маймын. Қарғысымды соғысқа айтам... Уа, ағайын, жарымды қайтарып беріңдер маған!

Үйдің іші тым-тырыс боп тына қалды. Енді жүрттың көзі тегіс есік жақта кенірейіп отырған Көлбайға ауған. Ол әлі де толық ести алмай бағжандай береді әркімге.

- Дүрияны қайтарып алам деп отыр Ырысбек. Сен не дейсің? — деді жақын отырған біреу құлағына айқайлап.

- Жоқ, жоқ, мен қатыннымды қайтарып бере алмай-мын! — деді ол үзілді-кесілді көзі шатынап.

- Сен не дейсің, қарағым Дүрия? — деді қарттардың бірі.

Дүрия сәл үнсіз отырды да, көзіне толған жасты ысырып тастап:

- Егер Ырысбек қал десе, мен осында қалам. Бүгін түнде өліп, сүйегім осы босағадан шығар болса риза-мын,- деді.

- Алда байғұс-ай, енді қайтсін.

- Шын сөзі-ау!...

- Не десін енді, өзі де солай ғой...

Көлбайдың қасында отырған адам Дүрияның сөзін оған айқайлап жеткізген болатын. Көлбай ұшып тұрып, қонышынан екі жүзді ұзын сапыны жарқ еткізіп сұрып алды. Тұнеуқуні Махмуд деген чеченнен бір лаққа сатып алған болатын.

- Жарып өлтірем! — деді үмтүлішп, бірақ төңірегінде отырғандар ұстап жібермей қалды.

Осы кезде Ырысбек те атып тұрып, қабырғада ілулі тұрған мылтығын жұлышп алды да, Көлбайға қарап басып

қалды. Абиыр болғанда қолын біреу қағып үлгеріп, оқ Көлбайдың төбесіндегі бөркін ғана ұшырып түсірді. Үйдің ішіндегілер апыр-топыры боп естері шығып кетті. Үш-төрт адам Көлбайды даға сүйретіп әкетті.

- Ал, ағайын, сендердің алдарыңнан өттім. Ендігі сөзді Көлбайдың өзімен сөйлесем. Тараңдар енді! — деді Ырысбек.

Сөйтіп, жұрт таң алдында тарады, Ырысбек пен Дүрия екеуі оңаша қалды.

Біз де тарамақ едік. Әжібек үш-төртеумізді басқа-лардан бөліп алып қалды да:

- Токтаңдар, қызықтың көкесі енді болады,- деді сыбырлап.- Қазір Ырысбек Дүрияны итше тепкілеп сабайды әлі, тіпті атып тастауы да мүмкін, соны көріп кетейік.

Ондай қызықты көруге біз қарсы болушы ма ек, қайта жанып түстік. Сырттан ашық терезеден бастары-мызды қылттыңдатып көзге түсіп қалғаннан гөрі, ауыз үйге кіріп, ішкі үйдің есігінің саңылау-тесіктерінен сығалауды жөн көрдік. Әжібек бастап, аяғымызды ұшынан басып тас қараңғы ауыз үйге кірдік. Ишкі есіктің саңылаулары шынында да аңғал-саңғал екен, іштегінің бәрі көрініп, естіліп тұр. Саңылауларға кеп, жабыса-жабыса қалдық.

- Үршы мені, Ырысбек, үршы,- деді Дүрия жалба-рына сөйлеп.

- Сені үрганша мен жынданып кетейін де, сәулем...

- Құдай-ау, сенің алдындағы кінәмді қайтсем жуып-шаям!? Сен мені пышақсыз кескілеп тұрсың ғой, Ырысбек-ау, ең болмаса шапалаққа бір тартшы, көнілім көншісін... табаныңды сүйейінші...

Дүрия оның аяғын құшақтап отыра кеткен, бірақ Ырысбек оны деру еттеріп алды.

- Асылшы мойныма! — деді.

Онан соң Дүрияның аяғын жерге тигізбей тік көтерген күйде бетіне бетін тақап шашыла қарады.

- Жаным-ау, жараң ауырады ғой. Қойшы, қайтесің мені көтеріп. Мен бұрынғыдай емес, зілдеймін.

- Сағындым сені...

Біздің қасымызда түрған Эжібек ыза бол кетті.

- Ой, мынаның өзін жігіт пе десем, қатынжанды бірдене ғой, бұзауша жаланып,- деді күйіп-пісіп.- Мұндай қатынды әкесіне көрістіру керек қой. Эттең!..

Дүрия көрпе-жастықтарды жинап, төрдің алдына төсек салды да, үрлеп шамды сөндірді. Біз өзіміз күткендей қызық ештеценің болмағанына әжептәуір көңілсізденіп қалдық.

- «Сәгіндім сені» дейді ғой, өй жалақ неме! Бұзау!..- деді Эжібек сақаулана мазақтан.

Біз енді кеткелі түрғанда тыстан тасыр-тұсыр басып біреу кіріп келді де, қараңғыда сипаланып барып ішкі есікті іздей бастады. Қабырғаға жабыса қалдық та, кейін түкпір бұрышқа қарай жылыстыдық.

- Көлбай керең! — деді Эжібек қуана сабырлап.- Құдай берді, қызық енді басталады, хе-хе,- деп, алақанын шыдамсыздана ысқылап құліп қойды.

Көлбай есікті тапты да жұлқып серпіп шалқасынан ашып тастанды. Іштен сіріңке шағылған, көзді ашып жұмғандай қас қағым сәттің ішінде: тарқатылған шашы ишінена төгіліп, үрейлене төсектен басын көтерген Дүрияны, сіріңке шағып, орнынан тұра берген іш киімшеш Ұрысбекті, сапысын жарқ еткізіп екеуіне қарай дүлей бол ұмтылған Көлбай кереңді көріп үлгірдік. Дүрия шынғырып жіберді. Сіріңке өшті де, үйдің іші тастан қараңғыланып, апыр-топыр айқас бол кетті. Көлбай керең Ұрысбекке сапысын салды ма, жоқ па, кім білсін, біз Эжібектен өзгелеріміздің үрейлеріміз үшін, қалтырап кеттік. Еркектердің ышқына ынқылдаған-

дары, тарс-тұрс дыбыстар ғана естіледі. Қаранғыда бірін-бірі шақ-шүқ соғып жүргені анық. Бір сәт ауыз үйдің біз тұрған бұрышына қарай лақтырылған бір нәрсе сарт етіп, аяғымыздың астына кеп түсті. Эжібек лып дегізіп көтеріп алған. Көлбай кереңнің сапысы екен. Енді біреуін біреуі былшылдатып соққан жұдырықтың дыбысы шықты. Бет-ауызға ұрып жатыр.

- ІІ-ы... - деп ыңырсыды біреуі.

- Жүріндер, құрысын кетейік,- деді Эжібек.- Пәлесінен аулақ!

Күткеніміз де осы бұйрық еді, зытып даға шықтық. Эжібек Көлбай кереңнің сапысын қойнына тығып ала кетті.

- Е, бәсе, ерек деген осында болмаушы ма еді! Тек қаранғыда төбелестерін көре алмадық, әттең. Қай жеңгені біздікі. Солай емес пе! Таңертең белгілі болады ғой, әлі. Айтам ғой, Көлбай керең бәле!..

Таң құлан иектеніп, төнірек бозамық тарта бастапты. Эр үйдің қорасынан баж-баж етіп әтештер шақырып жатыр. Былайырақ ұзаған соң Эжібек қойнындағы сапыны шығарып, көше шетіндегі қалың шептің ұшар бастарын орып-орып түсті де:

- Бұл сапы енді мына Эжікеңдікі болады! — деді насаттана.- Ауыздарыңнан шықпасын!

Аузымыздан шығарып неміз бар, Эжібектен өле алмай жүрміз бе.

Сөйтіп үйді-үйімізге тарадық.

Сәске кезінде балалар көше ортасына тары топталғанбыз. Эжібек келді де түндең төртеуімізді оңашалап алғып шықты.

- Сендер ештеңе естіген жоқсындар ма? — деп сүрады.

- Жоқ.

- Не жайында?

- Не боп қалыпты?
- Ойбай, масқара болатын түрі бар. Көлбай керең ұшты-күйлі жоқ.

- Неге?

- Қайда кетіп, қайда жүргенін ешкім білмейді. Бүгін ертемен қырманға астық тастауға шығуы тиіс екен, әлгінде бастық, бригадир, есепші болып барлығы жабылып іздел еш жерден таба алмады. Үйі кешегі құлышталған күйінде түр. Ырысбектен сұрап барған екен, жөнді жауап бермепті. Бектай есепші кішкене қадалыңқырап тұрып алған екен. «Қаныңды ішем, иттің баласы, құры, кәне, көзімнен!» — деп мылтыған ала ұмтылып, қуып шығыпты. Меніңше, со керең сорлыны өлтіріп тастап, жасырып отырған болу керек. Бектай айтады: «Көзі қып-қызыл боп қанталап, тұра ұмтылғанда зәрем ұшып кетті», — деп. Бобшег Ырысбектен бәрін күтүте болады. Стансада кездескен соң мен бір-екі құн қасында болып көрдім ғой. Кей-кейдегі істері тіпті қызық. Сау адамның ісі емес. Дұп-дұрыс келе жатып мінезі аяқ асты сайтан сияқты құбылады. Әйттеуір, бір кілтипан бар өзінде. Жүріндер, барын байқастап көрейік, бәлкім Көлбай кереннің өлігін байқап қалармыз.

Біз келгенде терезе сол кеше кештегі жақтауымен алулы үнірейген қалпында түр екен. Іштен домбыра үні естілді. Ашық терезеден көз салғанбыз: тұндегі Дүрия салған төрдегі төсек әлі жиналмапты, Ырысбек шалбaryн, шпорлы етігін киген, іште жейдешең күйінде шалқасынан түсіп, төбеге қарап жатыр, қолында домбырасы, тыңқылдата шертеді. Бізді байқап қап:

- Эй, Эжібек, адъютант, кір бері үйге! — деді.

Эжібек бізге күте тұрындар деп ымдады да, ішке кірді.

- Ассалаумалейкүм! — деп сәлем берген.

Ырысбек басын көтеріп алды да оған шытына қарап:

- Ассалаумағалейкүмің не-ей, сенің? Мойныңды бұрап алайын ба, осы?! — деді жекіп.-Бар, ауыз үйге шықта қайта кіріп солдатша сәлемдес!

Әжібек ауыз үйге шығып, одан қайта кірді де есік алдына қалт тұра қап, қолын шекесіне апарып:

- Здробие желаем, жолдас кәмәндір! — деді.

- Міне, енді дұрыс. Вольно! Саған тапсырма бар. Қазір анау ошақ басында жатқан қышқашты ал да, есік алдына от жағып, әбден қып-қызыл болғанынша қыздыр. Қызарған кезде маған кеп айт! Бар, орында бүйрықты!

Әжібек бұрыльып кете берген.

- Эй, тоқта! Не деу керек? Қалай шығу керек?

Әжібек қалт тұра қалды да, тағы да қолын шекесіне апарып:

- Құп болады, жолдас кәмәндір! — деді саңқылдан.

- Бар, орында!

Біз Ырысбек пен Әжібектің мына қылықтарына мүлде қайран боп, қызығып тұрмыз. Әжібек болса сыртқа шыға бере кейін қарап, аузын қисаң еткізіп мазақтап тілін шығарды да, біздерге көзін қысып қойды. Онан соң Ырысбектің өзіне тапсырған бүйрықтарын бізге бүйірдьы: біріміз ошақ басынан қышқашты тауып әкеліп, қалғанымыз отын жинастырып от тұтаттық. «Мұнысы несі?», «Мұны қайтер екен?» — деп аң-таңбыз. Отты біраз өртей жаққаннан кейін қышқаш қызып, бас жағы қызара бастады. Әжібек ішке кіріп Ырысбекке хабарлады. Сәлден кейін гимнастеркасын киіп, белдігін буынып, сарт-сұрт етіп Ырысбек шықты да Әжібекке кілт ұсынып:

- Аш, анау есікті! — деді қораның аузындағы тот басқан үлкен қара құлышты нұсқап.

Әжібек барып қораның аузын ашты.

- Ишінде Көлбай байлаулы жатыр. Бар да аузына тығындалған шүберекті алыш таста! -деді тағы да.

Әжібек тастай қараңғы қораның ішіне кіріп, айтқанын орындаш шыққан.

- Өлтір әкенін... осыдан мені! Өлтіріп қанымды іш!..- деп тістене ақырған Көлбай кереңнің даусы естілді.

- Ал сендер энеу жерге барып тұрындар! — деді Үрысбек бізге. Өзі қып-қызыл болған қышқашты ұстап қораға кірді де есігін жауып алды. Біз үрейіміз қалмай арты не боларын тосып, үрпісіп тұрмыз.

- Өлтір, кәне! Күйдір мені! — деп шаптықкан Көлбайдың даусы тағы шыққан, төбе қүйқамыз шымырлап кетті.

- Өй, сорлы, біреудің қатынына таласып несі бар еді-ей, онан да тыныш қана анау ескі қатынын, қайтып алмай ма,- деп қойды Әжібек.- Үрысбек аямайды ол, қаны бұзылып келген адам.

Осы сәтте қораның ішінен, әуелі, ыскырып-ыскырып қалған, онан соң бір түрлі үрейінді ұшыратын қорқынышты үнмен түсініксіз бір сөздерді күніренте зарланған, әнге де ұқсамайтын, жылағанға да ұқсамайтын Үрысбектің даусы естілді. Сөздері бізге еміс-еміс жетіп тұр, бірақ мұлде түсініксіз.

- Ағатай-ай! Ағатай-ай!..- деп зар еніреп жалына аттан салды Көлбай. Әжібек шыдай алмай қораның іргесіне жүгіріп барым, ішіне сығалады. Біз жалт беріп тымтырақай үйді-үйімізге аттан сап жүгіруге дайын тұрмыз. Әлден соң Әжібек жанымызға қайтып келді.

- Мынау сүмдық-ей! — деді жағасын ұстап.- Билеп жүр ме, негып жүр, білмеймін, әйтеуір өзін-өзі жүлшеп жеп, бірдеңелер істеп жүр. Әлгі қып-қызыл қышқашты тілімен жалап-жалап қояды.

Біз оның айтқанына сенбей:

- Көлбай керенді күйдіріп жатқан жоқ па? — деп қосарлана сұрадың.

- Жоқ, оны күйдірген жоқ сияқты.

Өстіп тықырышып тұрғанымызда қораның есігі шалқасынан ашылды да Ырысбек шығып, қолындағы қышқашты тастай салды.

- Эжібек, ананың қол-аяғын шешіндер де, бетіне су алып шығып бүркіндерші! — деді.

Біз қорқақтай басып топырлап қораға кіргенбіз. Көлбай керен түкпір жақта қол-аяғы байлаулы, көзін жұмып талықсып жатыр екен. Эжібек әзер деп оның қол-аяғын шешті. Біреуміз жүгіріп барып үйден сұық су алып шығып бетіне бүріктік.

- Уh, жаным-ай, аман қалдым ба, әйтесін,- деді есін жиған Көлбай керен. Сүйемелдеп орнынан тұрғыздық. Өне бойы дір-дір етеді.

- Айналайын, Эжібек-ай! Айналайындар-ай!.. дейді иегі кемсендеп.

- Өзіне де обал жоқ! — дейді Эжібек.

- А?! Не?!

- Ескі қатыныңды, Әпішті қайтып ал деймін! — деді Эжібек құлағына айқайлап.

- Қатыны құрсын!.. Қатыны құрсын!..

Сыртқа шыққан соң тәлтіректеген күйде алды-артына қарамастан үйіне қарай тұра безді. Астық қоймасы жақта жүрген салт атты есепші Бектай шауып жетіп қасына келген.

- Қайда жүрсін, қырманға бармай?! — деп дікілдей бастаған.

- Сақтады мені құдай, сақтады. Көрмегенім Ырысбек болсын. Сүмдық!.. Сүмдық!..- деп басын шайқады. Бектай оның сөзін тындаластан:

- Кәне, дереу қырманға жет! Басқа сөзді білмеймін! — деді айқайлап.

- Барам, барам...

Карқ-карқ күлгөн дауысқа жалт қарасақ, Ырысбек терезесінен бәрін қарап, бақылап түр екен. Ишін басып күледі, көзінен жасы ағып күледі.

- Эй, Эжібек қалай, кереннің зәресін зәр түбіне бір жібердім-ау деймін,- дейді.

Біраздан соң күлкісінен тыйылып, гимнастеркасын шешті де, қолына домбырасын алыш төсекке қайта қисайды. Тағы да бағанағысындаі төбеге тесіле қарап жатып, тыңқылдатып шертпе күйлерді тарта бастады. Көңілді торықтыратын мұнды күйлер. Өкініші бар шерлі адамның өкси отырып басындағы қасіретін айттып, мұнын шағынғандай көкірегінді астан-кестең ғып, жылағынды келтіреді. Әсіреле төменгі пернелерге жеткенде айрықша зар илеп, жүргегінің бір жерін үзіп ала жаздай шым-шым еткізеді. Домбыра деген осы екен-ау! Күй деген осындаі болады екен-ау!..

Ірысбек домбыраны ұзақ шертті. Бір ауық со жатқан күйінде ыңырса әндептіп, бұрын біз естімеген зарлы бір әуенде бастады. Басқа сөздерін жаттай алмасақ та, қайырмасын бірден қағып алдық.

Әскер бол тудым,

Белімді-ай будым.

Қайтейін, сүм фашиске

Карсы-ай тудым-ай...

Екі-үш ауызын қайталағаннан кейін, қалтасынан орамалын алыш, көзін сұртті. Біз оның жылап жатқанын енді байқадық.

- Эжібек-ай, баурым-ай, өмірің тек қуанышпен өтсін,- деді даусы жарықшақтанда дірілдеп.- Әлгі жеңгенді, Дүрияны шақырып келші. Мені жаны ауырып, күйзеліп жатыр деші...

Эжібек қасына мені ертіп алды да, екеуміз, эне-міне, дегенше ауылдың шетіндегі төбеге -қырманға жарыса

жүгіріп жеттік те, Дүрияны ертіп кейін қайттық. Ырысбек әлі со зарлы әуенде айтып күніреніп жатыр екен, Дүрияны көре сала, домбырасын тастай сап ұшып тұрды. Эйелін кешегі күні емес, дәл бүгін көргендей ұмтылып кеп құшақтай алды да, еңкейіп оның көкіретіне бетін басып тұрып алды. Бізге ол балаша солқылдан жылап тұрған сияқты боп көрінді. Үй ортасындағы бұл тұрыстарынан қысылғандай болған Дүрия күйеүінің құшағын босатпақ боп көрген: «Отырши, Ырысбек, қойшы, бұл тұрысымыз ұят қой!» — дей берген, бірақ Ырысбек айырылмады, жібермеді.

Эжібек, кетейік дегендей ым қақты, бұрылып көшеге шықтық. Эжібек тағы да Ырысбекті «Жалақ, бұзау» деп даттайтын шығар, мазақтайтын шығар деп ойлағамыз, жоқ, ол ештеңе деген жоқ. Мырс етіп күлді де басын шайқады, онан соң қолын қунге көлегейлеп аспанға қарады. Шаңқай тұс. Қарнымыздың ашқанын енді сездік. Үйде жаңа астықтың ұнынан пісірілген нан бар, табадан бойы жып-жылы тұрған шығар. Нанды сөз етуі-міз-ақ мұң екен, жаңа піскен нанның іісі танауымызды жарып, бұрқырап қоя берді. Бұқіл ауылда жаңа піскен нанның пісі аңқып тұр.

Ырысбек бір жетідей тырп етіп үйінен шыққан жоқ. Қашан барсаң жинаусыз төсектің үстінде шалқасынан түсіп домбырасын тыңқылдатады да жатады. Бұ дуниеде не боп жатыр, не тіршілік бар, оның бірде-бірімен ісі жоқ. Бір ауық күнірене әндетіп өзімен-өзі жылап алады. Кейде ол үйін төніректей ойнап жүрген біздерді ішке шақырып ап, жағалай отырғызады да, өзі бәрімізге мұсіркей, аяй қарап: «О, көзімнің нұрлары»,— деп елжірейді. Үні соншалық жүмсақ, жанары мейірімді, асты-үстіне түсіп, еркелетіп, дәл бір туған ағандай көрінеді. Эрқайсымызды басымыздан сипап: «Көкесінен айнымаған, күнім!» — деп қояды. Мұндайда біздер

тамағымызға бірдене кептеліп тұрып қалғандай жұтына береміз, жапалақтай бастаған көзімізді жасырамыз. Өстіп бәрімізді жылы сөздерімен бір-бір айналып-толғанып болғаннан кейін әңгіме бастайды: соғыстағы бастан кешкендерін, көрген-білгендерін, қырғын өлім жайлы, ұрыс даласында қалып азап шеккен жаралылар жайлы егіле отырып айтады. Біздің қиналған түрлері-мізді көрген сайын неше түрлі аянышты, үрейлі оқиғаларды бірінен-бірін асырып бастырмалата түседі. Ақыры әңгімесінің бір тұстарында өз айтқандарына өзі шыдай алмай булығып жылаг жібереді де, қол орамалын алып қалш-қалш етіп бетін басқан күйде: «Енді кетіндер, шығындар үйден!» — дегендей қолын сілтеп, жастыққа қисаяды.

Біз үрпісіп сыртқа кетеміз. Тағы да домбыраның шерлі күмбірі, өкінішке толы азалы шертпелер, құніренген зарлы әуен.

Эскер боп тудым,  
Белімді-ай, будым.  
Қайтейін, сүм фашиске  
Қарсы-ай тудым-ай...

Оның бұл әуені бізге де қатты әсер ететін боп алды. Естіген кезімізде тәбе қүйқамыз шымырлап, дірілдеп кетеміз. Көзіміз боталап бір-бірімізден теріс айналамыз.

Күнде тұс кезінде Дүрия тамаққа қайтады, сондағы Ырысбектің қуанғанын керу тіпті керемет. Домбырасын тастай сала ұшып тұрып әйелін құшақтай алады да, оның көкірегіне, мойнына, қалың бұрымды шашына бетін басып қашан мауқы басылғанша тұрып алады. Дүрия оны арқасынан қағып, шашынан сипап, мейірлене иіскеп баласынша еркелетеді, сөйтіп тұрып тезірек құшағынан босанғысы келеді, бірақ Ырысбек айырылмайды, жібермейді. Мұндай сэтте біз де тым-тырыс қана бұрылып ап, жөн-жөнімізге кетеміз.

Ауыл арасында Ырысбек туралы әр түрлі әңгімелер тарай бастады. Біреулері оны: «Аурулы екен, ауыр жарақаттан кейін ептеп ауысқан көрінеді», - деп аяныш білдірді; екіншілері: «Жарықтық, бабасы аруақты, арқасының ұстамасы бар бақсы кісі еді, бұз Ырысбек те тегін емес, бойында тұқым қуалаған бірдене бар», - деп жорамал жасады; үшінші біреулер: «Өй, қойши әрі, бұз Ырысбек баяғыдан белгілі емес пе. Айдың-күні аманда окудан қашып оку оқымай, не береке тауып жұмыс істемей, гармонь-домбырасын арқалап ел кезіп, өзінше сері атанып той-томалақ іздең тентіреп жүрмеуші ме еді. Бәрі со жұмыс істемеудің амалы», - деп кінә тақты. Соңғылардың сөз төркінінің бір жанды жері бар еді. Колхоз бастығы — Нұғыман оған: «Өзің қалаған бір жұмысқа шық, мұндай кезде үйде жатқаның келіспейді», - деп екі дүркін кірген екен, бірақ Ырысбек сазарған күйде онымен мұлде сөйлеспей қойыпты.

Ал Көлбай керең Ырысбек десе әзірейілінің атын естігендей азар де безер қашатын болды. Энеу күні қора ішінде Ырысбектің бұған не істегені со күйі жұмбақ. Сұрағандарға Көлбай керең: «Атай керме, сұмдық!» — деп түніле жағасын ұстайды. Бірақ не сұмдық екенін түсіндіріп және айтпайды. «Сен сұрама, мен айтпайын», - дейді. Керенің мінезі белгілі, айтпаймын десе бітті, айтпайды. Өзі Дүриядан мұлде күдерін үзіп, сиыр фермада сауыншы боп жүрген бұрынғы әйелі — Эпішті қайта алды.

Ол екеунің қайта қосылуы да ауылға жырдан қызық әңгіме бол тарап кетті. Көлбай керең ат-арбамен жем тартып фермаға барса, Дүрияның мұны тастан кеткенін естіген Эпіш қарсы алдынан жылап шығып: «Жәкемнің баласы-ау, не боп кеткенсің азып-тозып?!» — деп кеп бас салады. Көлбай керенің түрі шынында да адам аяйтында алым-жұлым екен. Ырысбектің соққысынан

бет-аузы көкпеңбек, неше күннен бері ыстық тамақ ішпей көзі шұнірәйіп, жағы суалған, сақал-мұрты қауғадай боп өскен. Жалғызысырап ішкүса боп жүрген адам бұл да шыдай алмай еңіреп қоя береді. «Бір ажалдан қалдым ғой, Эпіш!..» деп, өзінің Үрысбектен көрген зәбір-жапасын айтып шағынаңды, бір лаққа айырбастап алған екі жүзді алмас сапысынан айрылғанын айтады. Ұрынарға қара таппай жүретін ұрысқаң Эпіш: «Сенің кемтарлығында басынғаны ғой, әдіре қалғыр. Оның қатынының сенен қай жері артып тұр еken, сонша қорлайтындай.

Жүр, екі аяғы көктен салбырап түссе де көрейін мен оны!» — деп долданып, көрпे-жастығын арқалай-марқалай арбаға отырады. Есігінің алдына жеткен бойда: «Ал сен мына көрпе-жастықты үйге кіргізе бер!» — деп, өзі екі кештің арасында Үрысбектікіне кетеді. Кешенің басынан кіре сықпырта бастайды: «Әдіре қалғыр, байымды сонша қорлайтындай қатыныңың несі артық еді?! О несі-ей! Әлде сені соғыстан қайтарғанда, ауылдағы кем-кетіктерді қырып-жой, деп қайтарып па еді?!» Эпіш араласқан жерде бір сойқанның болатының білетін көрші-қоландар тегіс жиналып қаран тұрыпты. «Әй, Дүрия, қайда әлгі байың? Шықсын бері!» — депті жете бере айқайлап, «Көлбайымды жеңгенін білейін, кәне менімен ұстассыншы!» Үрысбек Эпіштен шынымен-ақ қорықсаны ма, әлде көкдолы әйелмен беттесуді ер басына ар көргені ме, әйтеуір, ауыз үйдің артқы тере-зесін жұлып тастап, қашып шығыпты да, тығылып, қашан Эпіш кеткенше үйіне жоламапты. Дүрия болса Көлбайдың сапысын Үрысбек алмады деп ант-су ішіп, қарғанып, нан ұстап әзер құтылыпты. Ақыры Эпішті Көлбай керенінің өзі кеп ертіп кеткен көрінеді. Бір қызығы сол Эпіш, бүкіл ауылда ешкімнен беті қайтпайтын, таймайтын Эпіш Көлбай керенінің дегенине екі

дегізбей бағынатын және қорқатын. Көлбай керен Дүрияға үйленем дегенде еш дау-жанжалсыз өз еркімен ажырасып, өзіне тиесілі көрпе-жастығын арқалап алғып, зар еніреп жылап фермаға кете беріп еді. Сонда біреулер қолтығына су бүрікпек боп: «Әпіш-ау, ұн-тұңсіз кете бермегің қалай?» — дегенде, Әпіш: «Қайтейін, құдай қосқан қосағым, бақыр басты азаматым еді, оны қарғап сілеп, онымен соттасып не опа табам. Бұ да құдайдың маңдайыма жазғаны шығар», — деген екен. Енді, міне, сол қосағына қайта қосылып, жағасы жайлай, көнілі жаз болды да қалды. Бірақ бәрібір Ырысбекке деген қитығы басылатын емес, деседі жұрт. «Сапыны таптырмай қоймаймын», — дейтін көрінеді. «Е, неге қояйын, бақандай бір лаққа айырбастан алған дүниені».

Әпіштің бұл сөзін естігенде Ырысбек ойланып қалды. «Апыр-ай, шынында да со сапыны жер жұтты ма? Аяқ асты қайда жоғалып кеткенін білмей қор болдық-ау. Көлбай керенің қолын қайырып бұрап, тартып алдым да қараңғыда ауыз үйге қарай лақтырып жібердім. Бірақ ертеңіне Дүрия екеуміз екеуlep ізден таппадық. Таңым бар»... — деді.

Әжібек біздерге қарап қабағын сәл түйінкіреп, ауыздарыңа сақ болындар, дегендей ескерту жасап қойды.

Оку жылы басталған. Біз түске дейін оқимыз. Мұғаліміміз Мұқан ағай аурушаң кісі еді, оның үстіне түске дейін қосалқы екі класты, түстен кейін және қосалқы екі класты оқытып әбден шаршайтын болу керек, екі сағат-үш сағаттан көп ұстамайды. Оナン кейінгі уақытымыз қара кешке дейін ойынмен өтеді. Көбіне Ырысбектің есігінің алдына жиналады. Бұл үй біздің бас қосар орталығымыз боп алған. Бізді еліктіретін қызың атаулының бәрі осында.

Әжібектің ойлап таптайтыны бар ма! Бірде ойнап

жүргенімізде аяқ асты: «Дабай, Ырысбекке концерт көрсетейік», - деді. Біз түсінбей қалдық. «Кәдімгі әртістерше ойын қойып береміз, - деді Эжібек. - Біріміз Төлеген, біріміз Бекежан боламыз, Қызы Жібек болады, Шеге, Қаршыға болады... Әйтпесе, байғұстың келгеніне бір жеті болды, күндіз-түні үйінен шықпайды. Бір ауық көнілін көтерейік те». Эжібектің бұл сөзі онша түсініп болмасақ та бізге ұнап кетті. «Дабай, дабай»... - деп түстістан құлшынып шыға келдік. Эжібектің өзі Бекежан болды, Бәтен Төлеген болды, Шеге де табылды арамыздан, Қаршыға да табылды, ал Қызы Жібек жоқ... Бала-лардың ешқайсысы әйел болғысы келмеді. Қыздардың бірі келісер деп Қайрат пен Санат соларға кеткен, біраздан кейін екеуі де салы суға кетіп қайтып келді. Ешқайсысы көнбепті, ең аяғы жетім Тоштанға дейін: «Кетіңдер әрі, Қызы Жібек түгілі одан зорғыны айтсандар да әйел болып ойнамаймын», - депті. Амал қашпа, ойынды Қызы Жібексіз-ақ қоятын болдық. Қораның іргесінен орын әзірлеп, дайындыққа кіріспін те кеттік. Бәтен үйінен ұрлап алғып келген жыртық-жыртық ескі алашаны екі бала екі жағынан ұстап тұратын шымылдық жасадық. Қасы-көзімізді бояйтын күйе-көмір оңай-ақ табылды, бірақ бетімізге жағатын ештеңе таба алмадық. Бор дегенді Мұқан ағай тоғызың қабаттан қол орамалына орап қалтасына сальп жүреді, не істейміз? Ақыры оның да жөнін таптық. Ойынға қатысатын балалар жүгіріп барып колхоздың кеңесесінің әктелген (Бірінші Майға қарсы әктелген еді) қабыргасын алақандарымен үйкеп-үйкеп ап бетіне жағуы тиіс болды.

Сөйтіп, түгел дайын болған кезімізде Эжібек барып Ырысбекке хабарлап, ертіп шықты. Ойынды бастауымыз сол екен, Ырысбек дәл біреу екі қолтығынан бірдей шап беріп қытықтап жібергендей қарқылдай жөнелді. Ақтаңдақ-ақтаңдақ бол әк жағылған бетімізге,

күйемен боялған қасы-көзімізге, сақал-мұртымызға, алым-жұлым ұсқынымызға, күс-күс боп жарылған кесе-удей қап-қара аяқ-қолдарымызға қарайды да, ал кеп құледі. Шалқалай бере «ха-ха-лайды», бұкшиіп ішін басып сылқылдайды.

Жайықтың ақ маралы ар ма Жібек?

Ірысбек мұлде ішегі түйіліп, көзінен жасы сорғалап, санын шапақтап өлді де қалды. Қысқасы не керек, ойын біткенше есін жиған жоқ. Ойынымыз біткеннен кейін ол құлкісін тыбып сәл үнсіз отырды да:

- Талаптарың жақсы екен, балалар,- деді, қабағын шытып ойланып қалды.- Жә, сендердің бұжүрістерін бостан-бос азып-тозу. Сендерге мықты тәрбие керек екен,- деп және тоқтады, тағы ойланды.- Былай, балалар, бүгіннен бастап, тап қазірден бастап сендер әскер дайындығын өтіп, әскери ойындар ойнауларың керек. Эжібек! Адъютант!

- Из,- деген шөп үстінде отырған Эжібек селқос қана.

- Отставить! Кәне, қалай келуің керек менің алдыма, қалай жауап беруің керек?! — деді Ірысбек жекіп.

Эжібек ұшып тұрып, Ірысбектің алдына кеп қалт тұра қалды да, қолын шекесіне апарып.

- Иест! Мен мұнданын, жолдас кәмәндір! — деді.

- Міне, дұрыс. Атынды атап мен шақырғанда ылғи еститін бол! Қазір мыналарды тегіс бойларына қарай сапқа тұрғызы. Мен үйден киініп шығайын. Соナン соң әскери дайындықты бастаймыз.

Даусы мұздай боп, сөздері қатқыл шықты.

- Иест, кәмәндір! Эй, жетпегірлер, кәне бойларыңа қарай сапқа тұрғындар! Тез! Желкелерінді үзіп жіберем! — деп Эжібек те дікілдей жөнелді.

Үйіне кірген Ірысбек іле-шала бар әскери киімдерін киініп, иығына мылтығын асынып шықты да, тізіліп сапқа тұра қалған біздерді қабағын түйе жағалай бір

қарап өтті. Аяқтарының басы, кеуделері сәл озынқырап түрған бір-екі баланы кейіндеу шегіндірді, бір-екі балаға «мұрындарыңды сүртіндер» деп ескерту жасады. Сонан соң өзі биіктеу жерге барып тұрды.

- Ең әуелі, сапта түзу тұратын болындар! Тәртіп бұзғандарыңа көк шыбықпен дүре соғылады. Эжібек, әнеу бұталардың ішінен бір шыбық сындырып әкел. Бар!

Эжібек жүгіріп барып шыбық сындырып әкелді. Ырысбек шыбықты алып былқылдатып көріп, ауаны осып-осып қойды.

- Сен менің бірінші орынбасарым боласың! — деді Эжібекке.- Мына әскерлердің жүріс-тұрысын, тәртіптерін бақылап, маған баяндап тұрасың! Тәртіп бұзғанда-рына қатал шара қолданылады: көк шыбықпен дүре соғу, қораға аш қатырып қамап қою. Үйлеріне ешкім шағым айттып, жылап барушы болмасын. Ондай балаға екі есе қатал шара қолданылады. Эке-шешесінің қойнында жатса борбайынан ұстап суырып алам. Менің қолымнан әулиесі тартып көрсін соңан кейін! — деп Ырысбек мылтығын қозғап, жөндең қойды.- Бәріңе түсінікті ме?

- Түсінікті! — дестік.

- Кәне, әскерлерше бір кездे айтындар.

- Түсінікті!..

- Тағы да қайталап айтындар! Бір, екі, үш...

- Түсінікті!..

- Тағы да!

Біз тағы қайталадық... тағы қайталадық... Дұрыс! — деді бір кезде.- Ал кімде сұрақ бар?

- Менің сұрауым бар,- деді Эжібек.

- Иә, сұра.

- Мен сізді Басқолбасшы десем қайтеді?

- Мақұл. Солай де. Ал сөйтіп бүгінгі бірінші дайындық сапта жүріп үйрену, онға, солға бұрылуды үйрену. Онан кейін секіру, жарысу ойындары...

Сөйтіп, біз ойламаған жерден әскер боп шыға келдік те, әскердің ойындарына кірістік. Обалы не керек, Ырысбек түсін сұтынып, қатал сөйлегенімен, ойындарды тәптіштеп түсіндіріп, жанын сала үйретті. Өзіміз де оның айтқандарын бар ынтымалызбен қызыға орындаімыз.

- Раз, два!.. раз, два!.. - деп шпорлы етігімен жерді дүк-дүк еткізіп адымдаған кезде біз де жалаң аяқтарымызды ылпың топыраққа тып-тып еткіземіз. «Шіркін-ай, Ырысбектікіндей қалың ұлтан етігіміз, шпорымыз болса!» — деп қояммыз.

Онан соң онға бұрылу, солға бұрылуды үйрендік. Ең соңында Ырысбек сағатын қолына ұстап, өзі қадағалап санап тұрып қашықтыққа жүгіртті, биіктікten секіртті. Эйтеуір кешке дейін қасымыздан екі елі ұзамай ойына келгендерін істетті. Кешкісін әбден сілеміз қатып, аяғы-мызды тең баса алмай шатқаяқтап үйге қайттық.

Ертеңіне сабактан тарағымен, үйден апайлұптыл тамақтанып, тағы жиналдық. Ырысбек кешегісіндей тағы да мылтығын асынып шықты да, тағы да әскери ойыннымызды бастадық. Әжібектің де білмейтіні жоқ, Ырысбектің айтпағын емеурінінен қағып алады.

- Құп болады, жолдас Басқолбасшы! — деп қояды, сарт етіп.

Бұл күні ойнап жатқанымызда қасымызға салт атпен колхоз бастығы Нұғыман келген. Ол сырттай қарап біраз тұрды-тұрды да одан соң Ырысбекке таяп кеп, бәсек үнмен бірдене деді.

- Кедергі жасамаңыз! — деді Ырысбек дүңк етіп. Нұғыман тағы да бірдене-бірдене деген.

- Мен өзім білем не істейтінімді, аулақ жүріңіз! — деді Ырысбек тағы да қатты сөйлеп.

Бұл жолы Нұғыман даусын көтерінкірей сөйледі. Біз оның «соғыс», «колхоз», «аудан» деген жекелеген сөздерін

ғана естідік. Ырысбектің жүзі күп-күрең бол тұтігіп, көзі алақ-жұлақ ете қалды.

- Кет, кәне, өлмей тұрғаныңда!- деді ақырып.- Мен қанымды төгіп келдім! Мына сендер үшін төктім! Сендер үшін кеудемді жау оғына төсеп, өкпемді оқça тескіздім!..- деп көкірегін соғып-соғып қалды. Біздің зәреміз ұшып кетті. Иығындағы мылтығын жұлып ап, Нұғыманды табанда атып тастайтындаи боп көрінді.

Нұғыман атының басын бұрды да қырманға қарай жүріп кетті. Ырысбек болса оның соңынан көпке дейін айбат шегіп, ашуын баса алмай селкілден тұрып алды.

- Соғысқа көмек дейді ғой, мен көмек етпегендей. Саған қарағанда көмекті мен көрсеттім, қанымды төгіп... Ауданмен қорқытады ғой мені, ауданнан асып облысқа бар, таярым жоқ сөзімнен. Ешкімінен қорықпаймын. Өзім қаным қарайып келген адаммын, шетінен жайратайын!..

Мұнан кейін біздерге мулде ешкім маңайламайтын болды. Әжібек қарап жүре ме, күнде бірденені ойлап шығарады. «Басқолбасшының алма жегісі келді. Қазір барып, анау алып алма ағаштың сарғайып піскен алмала-рынан әрқайсың елу-елуден таңдал алма әкеліндер!» — деп бұйыраады. Лаж жоқ, орындаимыз. Қиқаңдасаң көк шыбықпен дүре соғады. Бәтен мен Санатқа бір-бір реттен дүре соғылған, көк шыбықтың ізі құйрықта-рынан бір жеті бойы кетпей көгеріп жүрді.

Алғашқы күндердегісіндей емес соңғы кездерде Ырысбек бір түрлі өзгере бастады. Әнеу күні ауылды арапап шыққан, өзгеріс сонан бері пайда болды. Әжібек екеуміз қасына еріп жүріп ек сонда. Ол әуелі қара қағаз келген үйлерге кіріп көңіл айттып, онан кейін үлкен ақсақалдары бар үйлердің кемпір-шалдарына сәлем бермек еді.

Ең бірінші ауылдың ең үлкен қариясы, тоқсаннан

асқан Қуатбай шалдың үйіне кіргенбіз. Осыдан екі. жыл бұрын жалғыз немересінен қара қағаз келіп, жадап-жүдеп, шөгіп отырған қария алғашқыда Ырысбекті танымай, шүйіле қарап:

- Өкілмісің? — деп сұраған.

- Жоқ, ата, мен Ырысбек деген балаңызбын ғой.

- А! Өй, айналайын, жақсыдан қалған тұяғым. Кәне, бері еңкей! — деп, Ырысбекті ійттіп маңдайынан иіскеді.- Марқұм, бабаң Көкенаймен дәмдес, көнілдес болып ек. Ат жалын бірге тартып мініп, мал табуға бірге аттанып ек. Не заман өтті сонан бері...— деді көнілі жасып, даусы бұзыла сөйлеген қарт. Бір сәт түйіліп отырып қалды.- Шау қарға құсан әңгіріп енді отырған отырыс мынау. Өкілмісің дегенім, осында ауданнан жүрген шолақ қол бір өкіл бар. Не керек екенін білмей-мін, атаңың аузына... біраз күн болды, айналышқ жегендей осы үйдің алдынан шықпайды.

- Ей-и, жарықтық-ай, нең бар айдаладағы біреуді жазғырып,- деді жүн түтіп отырған кемпірі.

- Жоға, неменеге келе береді деймін-ау, осында. Суқаным сүймейді өзін.

- Е-е, құдай басқа салған соң көнбеске шараң не. Темірім тұрса келмек түгілі аяғын қия басар ма еді! — деді кемпір көзіне жас алып, ауыр күрсіне.

- Иә-ә, өлмеген соң көнеді екенсің бәріне де. Бір заманда жел жағымнан ешкімді өткізбеймін деген көкжалиңың бірі мен едім, бүгінде әркімнің аяғының астында тапталып жатқаным мынау,- деді мұңзын шаға сөйлеген шал.- Жә, қол-аяғың аман келдің ғой, қарағым! Бәрінен де үлкен олжа сол. Эй, кемпір, жүніңді таста! Шай қайнат, қазан көтер. Әлгі қоңыр кебені ұста, алыс сапардан бала келген екен.

- Ас-суға рақмет, нан ауыз тисем болады. Ауылды

тегіс бір аралап шықсам деп едім. Элі асықпай келіп өзінізбен әңгімелесем ғой,- деді Ырысбек.

- Жөн, онда сөйт, кейін асықпай отыратындаі бол, бір кел.

Сыртқа шыққанымызда, қырманнан тас қоймаға астық тартып жүрген осы үйдің келіні Зибаш өгіз арбасымен есік алдына кеп тоқтап тұр екен. Ырысбекті көріп Зибаш анадайдан күлімсіреп келді де, қолдасып амандасқан сәтте шарасы жасқа еріксіз толып кеткен кезін жаулығының ұшымен сұртіп, сәл-пәл булыға өкссіп жылагап алды.

- Тұу, Ырысбекті көріп ем көзіме оттай басылды ғой. Темірімді көргендей болдым ғой,-деп, күйеуін есіне алды.

Зибаш ақ құба өнді, көзі боталаған әдемі, толықша келіншек. Әжібек ылғы: «Осы біздің ауылда Зибаштан сұлу келіншек жоқ. Нағыз бота көз. Мұсіні қандай, уыздай толықсып көзді арбайды, балтыры қандай, тұптузу топ-толық... Шіркін!.. Тезірек ер жетіп кәмелетке толсам үйленер едім»,- дейтін аузының сұы құрып. Мен қазір Зибаштың со Әжібек мақтаған аяқтарына қарағам, қолдан тоқылған қалың, жүн шөлки киіп апты, тұзуқисығын айыра алмадым. Устіндегі ескі шыт көйлегінің иық тұстары сетінеп-сетінеп жыртылыпты, ар жағынан жылт-жылт етіп жалаңаш еті көрінеді. Күн қақтап қүреңіткен жүзі сәл тершіп тұр.

- Зибашжан, халің қалай? — деді Ырысбек.

- Хәлдің несін сұрайсың, Ырысбек-ау, көріп тұрсың ғой, өзің.

- Сол баяғы эсем көркің.

- Эй, Ырысбек-ай, көңіл үшін айтасың ғой, әйтпесе енді бізде не көрік қалды дейсің,- деп күлді Зибаш. Аппақ тістерін жарқырата күлімсіреп Ырысбектен көз

алмай қарайды. Қымсынып қайта-қайта иығындағы жыртықтарын жапқансып қояды.

- Баяғыда өзінді алып қашу үшін Темірге күйеу жолдас боп барғаным есінде ме? «Әй, Зибаш, сен бір тұлкі қырдан қашқан...» — деп Ырысбек сөзінің соңын сол әндегінде жіберген.

- Неге ұмыттайын, дәл қазіргідей есімде. Енді қайтып оралмас дәурен ғой ол бір.

- Иә, десенші. Темір дегендер жігіттің сұлтаны еді ғой. Қайран замандас!..

- Ең болмаса екі қол, екі аяғынан айрылып, кеудесінде бір жаны келсе де риза болар ем-ау, тағдырға,- деді Зибаш көзі тағы жасқа толып.

- Сабыр ет...

- Сабыр етпегенде не істеймін. Жылап-жылап болғанбыз. Тек өстіп өзің сияқты ер-азаматты көргенде көnlің еріксіз бұзылады екен,- деп көзін сұрткен Зибаш тағы да жайдары күлімсіреді.

Осы мезетте іштеп шықкан кемпір:

- Зибаш-ау, сен екенсің ғой,- деген.

- Сусын ішкелі келіп ем. Бір шалап жасап жіберіңізші, ене,- деді жалт етіп көзімен қоштасқан Зибаш есікке қарай бұрылып.

Мұнан кейін Ырысбек біздің үйге кірген. Эжем қалбалақтап есі шығып, мулде қуанып қалды.

- О, айналайын! Жарықтық көкемнің баласы екен ғой! Басынан айналайын, көзінен айналайын, қолыңнан айналайын... - деп бір сүйіп, бір жылап, шұбырта айналып-толғанып жатыр.

Қызғанып кеттім де шыдай алмай:

- Эже! — деп жетіп бардым алдына айқайлап.

Эжем меселінді қайтарушы ма еді суюден.

- Сені де айналайын, жігіт боп, ағасына ауылды көрсетіп ертіп жүрген,- деп шолпылдатып мені де

мұрыннан, көзден сүйіп-сүйіп алды. Одан есік жақта тұрған Әжібекке таяп: -Әжібекпісің? Ой, тентек, одырайып түр ғой өзі!.. Кәне, бетті әкел! Сені де айналайын, тентегінен! — деп оны да сүйді.

Әй, әжем-ай, осынша дарқан сүйешек болармысың, дүниеде сендей әже жоқ-ақ шығар. Кәне, кімнің әжесі өстіп жұрттың бәрін алаламай мейірленіп сүйе алады?! Мен төбем көкке екі елі жетпей түрмyn. Міне, әжен болса осындаі болсын деп, айқай салғым келеді мақтандып.

Бұрысбек біздің үйден де нан ауыз тиіп қана шықпақ болған. Сырттан алтыға ентелеп Нәзира әпкем кіріп келді де, Бұрысбекті көріп қысылып қалды.

- Мынау Нәзира ма?! Түү, әже, тілім тасқа, балаңыз тіпті азамат боп кетіпті ғой! — деді Бұрысбек езуін жия алмай, Нәзира әпкеме ішіп-жеп қарап. Өзі қол беріп амандасты.- Кім ойлаған мұндай боп өседі деп, мен әскерге кеткенде кішкентай ғана бала еді ғой.

- Нәзира деген күнім осы менің. Өй, көзіннен айналдым сенің! Дастанарқан жайып, нан турап, мына ағаңа айран құйып әкел,- деді әжем.

Нәзира әпкем дастанарқан жайып, нан турады, одан айран құйып әкелуге шығып кетті де, біразға дейін кірмей қойды.

- Әлгі Нәзира қайда жоғалып кетті? — деді әжем шыдамсызданып: — Эй, Нәзира! Нәзира!

Нәзира әпкем есіктің саңылауынан:

- Қанат, бері шығып кетші! — деді.

Мен жүтіріп шықтым. Нәзира әпкем екі тостақанға айран құйып, есік сырттында ұстап түр екен.

- Мә, сен апарып берші, әйтпесе мен ұялам,- деді.- Әнен біреу Бұрысбек дегеннің көзі жаман екен тіпті.

Біздің үйден шығып келесі үйге бет алғанымызда Нәзира әпкем соңымнан:

- Эй, Қанат! — деді дауыстап.- Қайт кері! Саған апам жұмыс тапсырып кетті.

Мен амалсыз кейін қайрылдым. Апам айтты десе зан, қиқаңдауға болмайды.

- Ал немен? Не жұмыс ол?

- Тентірейтін түк те жоқ, ендігі осы үйдің еркегі сенсің, анау отынды жар! — деді.

Сөйтіп, мен одан әрі ілеес алмай қалып қойып ем.

Содан бастап Ырысбектің өзгерісі күрт. Жайдары бір әуендерді ыңылдалап айтып, жez түймелерін құрым киіздің қындысымен құніне әлденеше ыскылайды.

Өзі өстіп құннен-құнге қөнілденген сайын біздерді — балаларды болымсыз нәрсеге бола жазалауы да жиілеп, қатайып кетті. Бұрынғы «көзімнің нұрлары», «көкесінен айнымаған құнімнің», елжірей қарап айналып-толғанудың бәрі жайына қалды. Енді Әжібек құсан ол да бізді: «Әй, жетпегірлер!», «Әй, жүгірмектер!» — деп шақырады. Артымызды жалаңаштап, жерге етбетімізден жатқызып қойып көк шыбықпен шып-шып еткізіп дүре соққан кезде өзі айызы қанып, рақаттана тістеніп тұрады.

Жаза да көбейді, салықтың түрлері де көбейді. Сол көп салықтарды өтеу үшін тау бөктеріндегі жабайы алманы дорбалап тасимыз. Шымыrbай шалдың қауын-қарбызына да жиі-жій аттанамыз, бірақ бәрібір жазадан қашып құтылу жоқ. Иріктең әкелген алмаларыңың ішінен құрты бар бір алма шықса да, әкелген қауының дәмсіз болса да жаза тартасың, көк шыбықпен дүре соғады, ол аздай саптың алдына тұрғызып қойып, дәу табан әскер етігімен май құйрықтан теуіп қап қалпақтай ұшыратын «сорынды алам» дейтін жазасы және бар. Оны да ойлап тапқан Әжібек. Бұл құнде Әжібек эбден семірген. Басқолбасшының бірінші орынбасары — он қолы ретінде ол да бізден салық алады. Ырысбектен артылған тәтті қауын мен піскен алмалар соның

аузында. Ендігі бізден салық ала алмай жүрген, есе тимей жүрген, Ырысбектің екінші орынбасары боп кейінде сайланған Қайрат қана. Әжібектен кейінгі Ырысбекке жаққан бала сол. Өзі білдіртпей ғана Әжібекпен тайталасатынды шығарды. Ырысбектің үйіне Әжібектен бұрынырақ кеп, етігін сұртіп тазалап, жez түймелерін жылтыратып ысқылап бәйек қағады. Кеше әуелдеп Әжібекті Ырысбектің үйіне кіргізбей қойды. «Басқолбасшы қазір шығады, осы далада күте тұр!» — деп. Әжібектің тұрі жаман бұзылып кетті, бірақ ештеңе деген жоқ. Қызырақтаған қүйі бізді сапқа тұрғызып, өзі есіктің көзінде тұрған Қайратқа қалай тиісерін, қалай мұқатарын білмей тістенумен болды. Онан соң әскери ойындар кезінде байқамағансып, ойнағансып барып Қайратты бір-екі рет аяғынан шалып қап, тоңқалаң асырған. Екі ретінде де жерге оңбай гұрс ете түскен Қайрат көзі жасаурап, жамбасын сипалай берді. Жылауға ұяды, көзі шілдеп жасқа толып кетсе де күлгенсіді өзінше. Өйткені, ойнап жүріп жыласа басы таз болады ғой.

Әскери ойындар аяқталып, енді алмаға барамыз ба, әлде қауынға аттанамыз ба, деп бүйрық күтіп сапта тұрғанбыз. Ырысбек күрт түсі сұып, ызғарланып келді алдымызға.

- Әжібек!

- Мен мұнданын, жолдас Басқолбасшы!

- Қазір, табаның жерге тимей барып, Көлбай керенің сапысын әкел! — деді жеп жіберердей түйіле ақырып.- Бол! Бес минут уақыт берем!..

Әжібек жүгіріп кетті де әлден соң сапыны алып қайтып оралды. Ырысбекке ұсына берген.

- Тарт ары! — деді Ырысбек дәл бір лас нәрсені көргендей сапыға жиіркене қарап.- Тағы бес минут уақыт берем, осы күйінде Көлбайдың үйіне апарып

Әпіштің қолына тапсыратын бол. Өзіңнің қашан, қалай үрлап алғанынды айт! Ал сен екеуін,- деді сапта тұрған екі баланы нұсқап,- бірге ілесіп барындар да мынаның қалай тапсырғанын қарап тұрындар. Маған айтып келесіндер!

Енді Әжібек пен әлгі екі бала жүгіріп Көлбай керенінде үйіне кетті де, көп кешікпей ентіге жүгіріп ушеуі қайта жетті. Біз саптағылар әлі тым-тырыс, қозғалмай тұрмыз.

- Мен айтқандай түсіндіріп тапсырды ма? — деп сүрады Ырысбек екі баладан.

- Иә, өзім үрлап алып едім деді...

- Дұрыс. Орындарыңа тұрындар!

Ырысбек басын сәл төмен салып, жерден бірдене іздеген адамдай саптың алдында ерсілі-қарсылы адымдап ойланып жүр, шпоры шылдыр-шылдыр етеді. Әжібек боп-боз болып саптың басындағы өз орнында тұр.

- Қайрат! — деді сәлден кейін Ырысбек қалтасынан кілтті шығарып.- Мә, мынаны айдағап апарып қама анау қораға!

Біз Әжібек тайталасып бірдене дер, сөз қайтарар, болмаса қаша жөнелер деп ойлағанбыз, түк те өйткен жоқ. Қолын артына қайырып үстады да, Қайраттың алдына түсіп, қораға қарай өзі жүрді. Әжібек қамалғаннан кейін, сапыны алған кезде, оның қасында болған төртеумізді алға шығарды Ырысбек.

- Эрқайсыңа екі көк шыбықтан дүре, екіден «сорынды алу!» — деп жаза кесті.

Біз бір-бірімізге жаутаңдай қарап, үн-түнсіз ышқыры-мызды босатып, арқамызды жалаңаштадық та қатар-ласып етпеттей жаттық. Ырысбектің қолындағы көк шыбық екі реттен «шып-шып» етіп арқаларымызды тіліп-тіліп өте шықты, көзіміз жасқа толып-толып кетті,

бірақ тістеніп жылағамыз жоқ. Оナン соң қатар тұрып кезекпен екі реттен «сор алғыздың», теуіп қалады, ұшып түсеміз, қайта кеп тұрамыз, тағы тебеді. Көзіміздің жасын жеңімізben сұрте бердік, бірақ ешқайсымыз қың етіп дыбыс шығарғамыз жоқ. Шыдап бақтық.

Бізді жазалап болғаннан кейін сапқа қайта тұрдық та, Ырысбек қораға кіріп кетті. Эжібекке не істегенін білмейміз, бір кезде оның:

- Ойбай-ай!.. Ойбай-ай!.. - деп зар қағып шырқыраған даусы шықты. Өкіріп жылады.

Шып-шып еткен көк шыбықтың ысылы, онан ғұрст-гұрс тепкен «сор алудың» дыбысы, «Ағатай-ай!.. Ағатай-ай... құлың боп өтейін!...» деп шырқырай жалынған Эжібектің құлындағы даусы... Көзімізben көрмесек те Ырысбектің Эжібекті аяусыз қатты жазалағанын сезіп тұрмыз. Эжібекке жанымыз ашып, бір-бірімізге жапақтай береміз. Ара түсуге қолдан келер дәрмен жоқ.

Ырысбек көптен кейін шықты корадан. Терлеп кетіпті, орамалын алып бет-аузын, мойнын сұртті. Қолы қан екен, Қайратқа су алғызып, жуынды. Біз әлі тырп етпей тұрмыз. Қанды көргеннен кейін мұлде үрейіміз қалмады. Элден уақытта сүйретіліп Эжібек те шықты: аузы-мұрны қан-қан, қолымен арқасын, артын ұстай береді, өксігін әзер деп басып кеп орнына тұрды.

- Бүгін ешқандай тапсырма болмайды, тараңдар! Вольно! — деді Ырысбек.

Эжібек екі күн үйінде ауырып жатты. Апасына Ырысбектен жеген таяғын айтқан жоқ: «Абайсызда теміртұмыр жатқан шұңқырға домалап құлап түстім», - деп қойды. Мен оған аяныш білдіріп:

- Ырысбек деген жауыз екен ғой... - дей берген.

- Былжырама әрі! — деді ол бірден кесіп түсіп-Ырысбектікі дұрыс. Осындаи болмаса оның қай жері Басқолбасшы. Дұрыс істеді. Менің өзіме де керегі сол

еді. Әскери тәртіпте жүріп, Басқолбасшыға қиянат істеуге бола ма еken. Егер нағыз әскердің қатарында жүрсек, мұндай қылмысым үшін мені ату жазасына кесер еді. Так што, Ірысбек мені дұрыс жазалады.

Мен тосылып қалдым. Әжібектің сөзі маған дәлелді, жанды көрінді. Осыдан кейін Ірысбектің қалған төртегімізді жазалауын да дұрыс деп білдім. Күнделікті, сабактан шыққан соң, бұрынғымыздай Ірысбектің үйінің алдына жиналып, әскери ойындарымызды өтей бердік.

Бірде Ірысбек ойынды күндегіге қарағанда ертерек таратты да, маған:

- Сен тоқтай тұр! — деді.

Мен балалардан бөлініп, оның қасында жалғыз қалдым. Ол шырт дегізіп тісінің арасынан түкіріп қойып, маған бастан-аяқ сынай қарады.

Ірысбекпен бірінші рет бетпе-бет жеке қалуым еді. Көзі тұра қарағанда алақ-жұлақ етіп өңменіңнен өтіп, қорқынышты еken.

- Сені өзі тәуір жігіт бола ма деп жүрген баланың бірісін,- деді даусы жұмсақ шығып.-Сондықтан, ете бір жауапты тапсырма жүктегелі тұрмын. Қалай, аузыңа берік пе едің?

Мен басымды изедім.

- Олай болса, мә, мына хатты ал да, қазір анау тас қоймаға барып, күтіп отырып, астық құюға келген кезінде Зибашқа беретін бол. Тура қолына ұстад! Байқа, хат бергенінді ешкім көрмейтін де, білмейтін де болсын. Үқтың ба?

- Үқтым, Басқолбасшы Ірысбек аға!

- Бар онда, орында тапсырманы! Эй, тоқта! Көшениң ортасымен жүрмей, мына шет жақпен кет. Көп ешкімнің көзіне түспе!

Мен ауыл үйлерінің сырт жағымен елеусіздеу айна-

лып, тас қоймаға қарай тарттым. Ұзақ күтіп отырып, дәл күн батар шақта Зибаш келген кезде жүгіріп қасына барып, жып еткізіп хатты қолына ұстата салдым да, алдыңартыма қарамай зыта жөнелдім.

- Эй, бұл не?!. Эй, тоқта!..- деп артымнан дауыстағанына қарағам жоқ. Хат тасығаным бір түрлі қатты ұялдым.

Үйге кеп, әжем құйып берген жылы суға қолаяғымды жуып, аяғымның жарылған жерлеріне шикі қаймақ жағып, онан тамағымды ішіп, жатуға ыңғайланнып отырғам. Әжем кішкене балаларды баурына алып, ертегі айтуда кірісті. Апам мен Нәзира әпкем қырманда, екеуі де әзір қайтпайды. Біз ұйықтап қалған кезде, тұннің бір уағында келеді де, таң қылаң бере қайта кетеді. Сондықтан оларды біз — балалар көп кере бермейміз. Бас-көзіміз — әжем.

Тұсымдағы терезені біреу шертіп қалды, жалт қарасам Әжібек еken, тез тысқа шық дегендей белгі берді. Лып етіп шыға қойдым.

- Эй, әлгінде кешкісін ойыннан тараған кезімізде Ырысбек саған хат берді ме, Зибашқа тапсыр деп?

Мен бұлтара алмай қалдым.

- Иә, берді.

- Ол хат қайда?

- Зибашқа бергем.

- Ақымақ!.. Ақымақ, есек!..- деп Әжібек күйіп-пісіп, ыза боп кетті.- Осы тұрғанында мұрныңды бет қып жіберсе обалың жоқ-ay!

- Мен қайдан білейін, Ырысбек тапсыр деді. Басқол-басшы айтқан соң әскери тәртіп қой...

- Тфу!.. Кеңе!.. Менімен ақылдаспайсың ба әуелі. Түү, енді қайтейін-ай! Ишім удай ашып кетті-ay!.. Сары майдай сақтап, сыртынан құзетіп жүргенімде... Ал енді не болады?.. Не болады?..

- Оны неғыласың күзетіп? Кімге сақтамақсың? Күйеүі болса қара қағаз келген...

- Мынаның көкүін-ай ей! — деп Әжібек мұлде күйініп кетті.- Немене, сонда мен адам емеспін бе сеніңше?!. Немене, мен Зибашты сүйіп, ғашық болсам аузым қисайып қала ма?!

- Сен... Сен кішкентайсың ғой әлі.

- Өспейім бе екем, ей ақымақ-ау!..

- Мен қайдан білейін.

- Бәсе, сен қайдан білуші ең, сен нені білуші ең!.. Дабай, үстіне, аяғыңа бірдене киіп шық! Екеулеп іздейміз.

- Кімді?

- Зибашты. Бүгін кешкісін ол үйіне қайтқан жоқ. Дәуде болса Ырысбек оны бір жерде ұстап, басын айналдырып отыр...

Мен үйге кіріп тез ғана киініп шықтым. Құздің кеші қоңыр салқын болатын. Ымырт үйіріліп, қас қарайыпты. Екеуміз құстай ұшып ең әуелі Ырысбектің үйіне келдік. Ырысбек жоқ. Дүрия жұмыстан қайтып, оның кешкі тамағын әзірлеп қойып елегізе күтіп отыр екен, қайда кеткенін білмейді. Ол үйден шығысымен Әжібек сәл ойланып алды да:

- Қорықпайтын болсан жүр! Не де болса, анау шеттегі жылқы қамайтын тас қораға барайық! — деді. Тартып кеттік.

Долбарымыз дәл боп шықты. Зибаштың өгіз арбасы осы қораның алдында тұр екен. Әжібек екеуміз сыртынан айналып кеп, қораның төбесіне шықтық. Сабаны тұсіп қалған ашықтау тұсынан қораның ішіне құлақ тосқанбыз. Ырысбек пен Зибаштың сөздері ап-аның естілді.

- Ырысбек-ау, ұят қой ел-жүргіттан. Қойшы, жіберші!..

Мұның не сенің шынымен-ақ зорламақсың ба?! — дейді Зибаш.

- Зорлаймын,- дейді Ырысбек.

- Мен сені адам деп шықтым ғой, Темірдің досы деп шықтым. Мұның қалай енді?! Қойшы, босатшы!.. Мен аттан салам ендеши.

- Аттандаңап көр!.. Кәне, аттандашы...

- Егер аттандаса барып ара түсеміз,- деді Әжібек құлағыма сыйырлап.

Бірақ Зибаш аттандаған жоқ, қайта сыңғырлап күліп жіберді.

- Қытығым келеді, Ырысбек, ағатай, қойшы енді...

Ұяла-мыгын...

Мұнан әрі екеуі де сыйырлап сөйлесе бастады.

- Ал көрдің ғой! — деді Әжібек қайтадан маған ызалаңып,- Ақымақ!.. Осы қазір итеріп жіберейін бе, екеуінің үстінелі.. Әкеңнің... иттер...

Әжібек ызақорланып жылап жіберді де, жерге секіріп түсіп кетті. Мен соңынан секірдім. Бірақ ол маған қарамастан ауылға қарай жүгіре жөнелді. Күа жүгіріп едім ілесе алмадым, қараңғыда екі-үш рет сүрініп, ұшып түсे жаздағым.

- Әжібек! Әжібек! — деп дауыстап едім, жауап болмады.

Үйге қайттым. Қөнілім сынып, торығып келем. Ырысбекті де, Зибашты да өлердей жек көріп, өз-өзімнен бұлығып келем. Бір түрлі ызалану, қорлану бар бойымда. Айқай сап екеуін де дүниедегі ең жаман, лас сөздермен боқтағым келеді...

Ертеңіне мен төсектен түрмай жатып Әжібек келді үйге.

Әдеттегісіндей ыржып құлмейді, өңі сынық.

- Қанат, мен дегендерің бүтіннен бастап Ырысбектің үйіне жоламаңдар,- деді.- Энеу күні сен дұрыс айттысың

ол деген жауыз адам еken. Кездескен балалардың бәріне мен де айтайын, сен де айт.

Мен үнсіз басымды изедім.

Екі құннен кейін, ата-енесін еңіретіп жылатып, Зибаш Ырысбектің үйіне көшті, ал Дүрия зар еңіреп, жылап Көлбай кереңнің үйіне барды, Эпіш жылап-сықтап, көрпе-жастығын арқалап сиыр фермаға кетті.

2

Сабақтан келсем, Нәзира әпкем үйден сусын алыш, қырманға қайта кеткелі түр еken. Мені көріп қуаныш қалды.

- Жақсы болды ғой, сені апам ертіп кел деп еді,- деді.-  
Кәне, тез тамағынды іш те, менімен бірге жүр.

- Иә, бармаймын. Мен не істеймін қырманда? —  
дедім, бірденеге жұмсаған кезде қыржия қалатын жылаңқы әдетіме басып қынжылып.

- Не істейтінінді барған соң көресің. Қыржиятын түк  
те жоқ! — деді Нәзира әпкем құдды апамша дікілдей  
ұрсып.- Ырысбек пен Эжібекке ілесіп әбден бетіңмен  
кетіп болдың ғой. Жетеді енді! Қырманға барып, бір  
ауық малатастың басына мін. Сейтіп қолқабыс ет.  
Немене, дардай болғаныңша сандалып көше таптап  
жүре бермексің бе?! Астық деген барлық участкелерде  
пісе қауырт бастады. Күні-тұн дамыл көрмейтін қызу  
науқан енді туады. Адам деген жетіспей жатыр. Ал бұл  
деген әлдекімдерге ілесіп ап, ойыннан басқа білері жоқ.  
Желкенді үзіп жіберейін бе осы!

Сонғы кездері байқап жүрмін, осы Нәзира әпкем кей-  
кейде апамнан мұлде айнымай кетеді: түрі де, мінезі де,  
даусы да, қаталдығы да, ең аяғы дікілдеп ұрысқанына

дейін. Қазір де дәл апам сияқты ұрсып тұр. Жо, мұндай кезінде оған қарсыласып абырой таптайсың. Дойырлығы ұстап ұрады да тастайды. Кімге шағынасың? Әжеме айтар болсам: «Әй, Нәзира, сен бе!.. Сен!..» деп құр доңайбаттанып сес көрсетіп ұрасады да қояды, ал апама айтар болсам Нәзираның сөзін қостап, өзімді онан әрмен таяқтауы мүмкін. Соңдықтан: «Бәріңнің әлің маған жетеді, бәрің маған қожасың. Қит етсем желкемді үзуге дайын тұрасындар!» — деп жыламсырап, біраз қомпылдадым да қойдым.

Нәзира әпкем қырманға ертіп экелді де, айтқанындағы-ақ, Байдалы шал мен Көлбай керен екеуді кезектесіп мініп жүрген малатастың басына мінгізді.

- Е, енді дұрыс болды ғой,- деді қуанып кеткен Байдалы шал.- Малатастың басына атқа жеңіл осылар мінуі керек қой. Ойбай-ау, бұларға ойын сияқты емес пе бұл. Ал Қанат, тартып ұста тізгінді. Сенің апаң өзі кәмөнес, өзі біргәдір, соңдықтан оның балалары мына сендер басқаларға үлгі-өнеге көрсетіп отыруларың керек. Бүтін сенің қырманда істегенінді көрсе, ертең басқа балалар да келеді жұмыс істеуге.

Ала көз торы ат дүңк-дүңк желіп, астықтың бауы төсеулі таптанды шеңберді айналып жүріп кетті. Соңындағы дөңбек көктас да дүңк-дүңк етіп домалап келеді. Бір айналдым шеңберді, екінші айналдым, үшінші, төртінші... тағы да айналдым, тағы да... тағы да... Әбден бір мойын боп қыржиып алған торы ат бір қалыпты дүңк-дүңк желісінен аумайды, соңындағы көктас та дүңк-дүңк домалайды. Айнала бердім, айнала бердім... сәлден кейін төңірек тегіс маған қосылып шыр көбелек айналып жөнелді.

Торы аттың желісі мұндай қатты түйдек болар ма, ішімді солқылдатып түйгіштеп жіберді, бүйірім түйнеп ауырып кетті. Далбасалап, аз да болса себі болар деп

ердің қасынан ұстап алдым, бірақ түймештеген дүңк-дүңк желіс ес таптырар емес, мұлде берекемді қашырды. Осы кезде:

- Эй, жығылып қалма! — деген Байдалы шалдың даусы альстан жер түбінен жеткендей болды.

Тістеніп көзімді жұмдым, бәрібір дүние тегіс айналып тұр. Қайта-қайта құлап бара жатқандай болам да, шеңбердің ішкі жағына қарай қисайып, ердің қасынан қыса түсем...

- Тоқта! — деген дауыс шықты. «Uh!» — деп аттың басын тарттым. Түү, шіркін-ай, тоқтап тұру қандай жақсы, рақат. Ішімнің түйнегені сап басылды. Тек төнірек қана әлі зыр қағып айналып тұр. Көзімді жұмып ем, бәрібір тоқталмады үйірліп айнала берді. Ат ұстінен ауып түсе жаздадым.

- Ештеңе етпейді, өсти-өсти үйренеді,- деген Байдалы шалдың сөзін құлағым шалды.-Мұндай күнімізде өзіміз жапан дүзде апталап жалғыз қалып жылқы бағушы ек.

Шеңбердегі бастырылған астықтың сабаны мен дәнін екі жаққа бөліп, сыптырып үйіп, жаңадан астық баулары төсегенше едәүір ес жиып, өзіме-өзім келіп қалдым. Үзенгіні қысқарттырдым, астыма ескі бір көрпеше салғыздым.

Торы аттың дүңк-дүңк желісі қайта басталды. Қырмандағы у-шу құлаққа тек зың-зың, зың-зың ғана естіледі. Жұрт сөйлесіп жүр ме, әлде жамырасып жүр ме, айырып болмайды. Эйтеуір тек ішімді түйгілеу азайды, үзенгіге аяғымды шіреп қопаң-қопаң етем, дүние тегіс тағы да шыр көбелек айналып тұр, бірақ алғашқы-дағыдай емес, оған да үйренейін дедім.

- Тоқта! — деген таныс дауыс шықты.

Әбден дағдыланған торы ат өзі-ақ шеңберден шетке шығып қалт токтай қалды.

- Ой, бәрекелде, міне, жігіт болды деген осы,- деді

тағы да Байдалы шал.- Тіпті көзіміз ашылып қалды ғой, көп жасағыр-ай! Эй, Нәзира, шешеңе айт, той жасасын, мына ұлнының жігіт болғанына.

- Ибай-ау, қайнага-ау, оны айтатын дәнеңе жоқ, тана тағып жіберсек болды ғой,- деді астық қаптап жүрген әйелдердің біреуі майыса сөйлем.

- Иә, сөйтілік. Эй, қатын, қалтанда танаң бар ма?

- Тесік тыын да жарайды емес пе?

- Жарайды ғой, әкеші кәне!

- Менің қалтамда бір моншақ жүруші еді.

- Экел моншағынды да, тана ғып тағуға жарай береді.

Сөйтіп, қырмандағы әйелдер кеү-кеулесіп тесік тыындарын, тана-моншақтарын жинап, менің қарсылығымға қарамастан омырауыма, етегіме тізілтіп тігіп тастады.

- Ал енді шешең той жасамай көрсін.

- Бәсе, кешеден бері иегім қышып жүр еді, бригадир жеңешемнің үйінен бір тоятын болдым.

- Өзі қайда жүр, шешесі?

- Орақшылар жаққа кеткен.

Әйелдердің қоршауынан Байдалы шал кеп айырып алды.

- Эй, шырақтарым, болды енді, жұмысты тоқтатпаңдар,- деді.

Торы атты тебініп қап, шеңберге түсіп дүңк-дүңк желе жөнелдім...

Неше айналым бау астық бастырғаным есімде жоқ. Кешкісін торы аттан тәлтіректеп түскен кезімде бойым бір-ақ тұтам боп қысқарып қалған сияқты көрінді. Тақығымым, үзенгі бау қажаған сирағым ду-ду ашиды. Басым шыр көбелек айналып тұр. Көзімді жұмыспи жата кеткім келеді, бірақ өйтуге болмайды, онда Байдалы шал мен басқа жүрттың алдында масқара болам ғой. Бар күшімді жиып, аяғымды барымша нықтап түзу басып ауылға

қарай бет алдым. Ұясына қонуға сүйем қарыс қалған күн шілілден қызырып тұр. Эзі дөңгелеп айналып тұрған сияқты. Құлағыма лақ маңырағандай болады. Едәүір жүріп қырманның шуынан алыстаған соң ептең есімді жидым. Артымнан лақ әлі маңырап келе жатқан сияқты. Қарасам, Мәри деген қыз, маған тоқта дегендей айқайлап келеді. Сөйті тұрып өзі мүлде асығар емес, аяғын санап басқандай жүреді.

- Жүретін болсаң жүрсөңші енді! — дедім ит жыным ұстап.

- Маған қатты жүргүре болмайды,- дейді.

Әншнейінде тыраңдал көшениң ана басынан бір көрінсе, мына басынан бір көрініп жүтіретін, аяқ асты мүләйімси қапты. Мен ыза боп, қарайламай кете беріп ем.

- Қанат, ағатай... күнім, ағатай, тоқташы...- деп жыларман боп жалынды.

- Енді жүр дедім ғой мен саған.

- Маған қатты жүргүре болмайды.

Амал жоқ, күтіп алдым. Қырман мен ауылдың екі ортасында қалың қамыс пен қара қоға өскен кішкентай жыра-сай бар болатын, содан қорқып келеді. Ол жырадан жалғыз өтуге қыздардың бәрі қорқады, сондықтан ылғи өстіп біздерге — балаларға жалынып жүргендері. Жақындан келген Мәри артына, қырман жаққа қарай жалтақтап қарап қойып:

- Мен саған қазір бірдене айтам. Т-с-с!..-деді құпия-лағандай сыйырлай сөйлеп.- Туу, омырауындағы тана-лардың әйбетін-ай, маған да неге тақпайды екен өстіп.

Мәри менен бірер жасы кіші және бір класс тәмен оқиды, бірақ өзі сонысына қарамастан қол-аяғы сидандал бойы менімен бірдей. Өзін жүрт «әртістің қызы» дейді, әкесі әртіс бопты. Әртіс әкесі соғысқа кеткен соң шешесі біздің ауылдағы төркіндерін сағалап

қаладан көшіп келген. Қазір шешесі, бірінші класта оқитын інісі үшеуі ғана тұрады. Эртістің қызы болған соң ба, Мәри кейде ауылдың басқа қыздарына қарағанда өзін тәлпіштеу ұстап, белін бұраң-бұраң еткізіп жүретіні бар. Біз — балалар ондайда сыртымыздан: «Ой, өзін ырбандағатпай қағып жіберсе!» — деп кіжінеміз де, іштей оның сол қылышын өлердей ұнатып тұрамыз. Ұнататыннымызды сезетін болу керек, қарсы келгенімізде көзін сүзілдіріп, өп-өтірік құлімсірей қалатыны бар. Жұқалтаң ақ құба өні, қаламмен сызғандай қылышп тұратын қасы мен көзі сүйкімді-ақ. Өзінің мінезі де жақсы. Эсте мұңдаю, қынжылу дегенді білмейді, қашан көрсөн сықылышқтан күліп жүргені. Мысалы, көктемде шешесі қойда сақманда жүргенде Мәридің шашы биттеп кетіп, Мұқан ағай ұстарамен тып-типыл, айнадай ғып сыпырды да тастады. Сонда ғой басқа қыздар болса өгіздей өкіріп, буыныш өлер еді, ал Мәридің ойына да кіріп шыққан жоқ. Өз басын өзі қауын шерткендей шертіп қойып: «Урра!, енді мен еркек баламын!» — деп сықылықтан күлді де жүріп кетті. Соңан бері өзі еркек балаша киінеді, көйлегінің етегін шолақ шалбардың ішіне салып, ылғи ышқырланып алады.

Бүгін де көйлегін ышқырланып алған. Қырмандағы шешесінің жанында бол, содан қайтып келеді. Іші ауырған адамдай аяғын тіпті кібіртіктей қапты.

- Қанат, ақырын жүрейік. Мен саған қазір жыраның ішіне түскен соң бірдене айтам,- деп қояды.

Жалғыз аяқ жолмен мен алда, ол артта ауылға қарай төтелеп жүріп келеміз. Екі жағымызда ат бойы қалың құрақ, күз түссе де сарғаймай көкпенбек бол тұныш тұр.

- Қанат, осы құрақтардың ішінде үлкендігі нақ жолба-рыстай жабайы мысық бар көрінеді,-дейді Мәри.

- Бар. Сен немене, қорқасың ба?

- Қорықпай ше. Қыз басыммен қорықпайтындей мен кім едім, сонша.

Жырақтың табанына таянғанымызда. Мәри:

- Қанат, қолынды әкеші,- деп қолымнан шап беріп қысып ұстап алды.- Осы арадан кеше мен ұзындығы тура қос құлаштай жылан көргем. Ойбай-ай, қорқам. Ақырын жүрші, ағатай.

Жырақтың табанынан өтіп, қарсы қабакқа шыққанымызда Мәри:

- Ух! Жаным-ай, аман-есен өттік-ау, әйтеуір,- деп жүргегін ұстады. Оナン соң кейін қарай бұрылып қарап қойды да, бұл төніректе кемінде бір шақырымға дейін тірі жан жоқ болса да сөзін сыйырлай сөйлемді: — Элгінде саған айтайын дегенім...- деп бастады да, көзіме көзін қадап іркіліп қалды.- Саған сенуге бола ма өзі?

Мен иығымды қиқаң еткіздім. Ол со көзімнен көзін айырмай қадалған күйде:

- Тегінде сенің көзінде құлық жоқ,- деді.

Мен ыңғайсызданып қысылып көзімді тайдырып кеттім де:

- Қойшы әрі,- дедім, ызаланған боп.

- Рас айтам. Сенің көзінде ешқандай құлық жоқ, демек саған сенуге болады. Ал бері қара...- деді тағы да құпиялай сыйырлап,- бері, құлағынды әкеші... Мен қырманнан бидай үрлап келе жатырмын.

- Не?!

- Тс-с!.. Ақырын, айқайлама. Мен бидай үрлап келе жатырмын деп тұрмын. Міне, мына ышқырым толы бидай, сондықтан қатты жүре алмай келем. Тек аузыңнан шықпасын, ауданнан келген өкіл, немесе колхоздың бастығы естісе, онда мені тұра соттайды.

- Айтып нем бар.

- Өзім де сенің айтпайтыныңды білем. Саған сеніп тұрмын ғой.

- Мамаң бұл ұрлығынды біле ме?
- Қайдан білсін. Білсе мойнымды үзеді тура. Сенің апаң сияқты менің мамамның да мінезі тік, қатал ғой.
- Білем.
- Білсөн сол. Енді бұл бидайды апама көрсетпей қарнымыз ашқан кезде қуырып жеп қоюымыз керек ініміз екеуміз. Бүгін қуыра алмаймыз, кеш боп кетті. Ертең сабактан шыққан соң болмаса... Қолың тисе кел, бірге қуырып жейміз...
- Көрермін,- дедім мен.

Күн ұясына қонып, төнірек алагеуім тарта бастады. Ауыл үйлерінің мұржаларынан жарыса көтерілген түтіндер сырыып сонау көктеңбіл аспанмен сіңісп жатыр. Үйдің мұржаларынан ұшқан от ұшқындарындағы әр түстен жылт-жылт етіп жүлдyzдар көрінді.

- Қанат, мә, сағыз шайнайсың ба?
- Жер сағыз ба? Экел.
- Иә. Бағана түсте жинап алғам. Шайнай берсөң тісінді аппақ қылады. Міне, қарашы менің тістерімді.

Мәри тістерін көрсетіп күлімсіреді. Ымырт шапағында жарқыраған аппақ тістері маржандай тізіліп сүп-сүйкімді көрінді. Өзі көзін сүзілте қарайды.

- Мә, мына таналарды сен қиып ал.
- Жо, болмайды ғой, өйткені оларды саған тақты ғой ұлken кісілер.
- Онда біреуін ал. Таңдағанынды.
- Біреуін алуға болады. Міне біреу көгін... жоқ, қызыг-лын... жо-жо-жоқ, ағын алайын.

Ол омырауыма еңкейіп, өзіне ұнаған тананы тісімен қырш еткізіп қиып алды.

- Ой, Қанат-ай, рақмет...- деді мәз болып.
- Ол өз үйіне қарай, мен өз үйіме қарай кеттік. Басымның шыр көбелек айналғаны, тақымымның,

сирағымның ду-ду ашығаны қайта басталды. Өне бойым салдырап, әбден шаршағанымды да сездім.

Үйге келісімен тамақ ішуге де мұршам келмей мұрттай ұштым. Көз алдымын, төнірегімнің бері айналды да түрдү. Өзім де айналып жатқан сияқтымын, айналу... айналу... айналу... Өстіл үйқылыгояу талаурап жатқам, біреу кеп басымнан сипады, одан омырауым-дағы тана-тиындарды көрді. Мырс етіл күлді, апам екен. Еңкейіп манғайымнан иіскеп, ернің ұшымен жумсақ қана сүйді. Көкемнен қара қағаз келгеннен кейінгі жердегі апамның бірінші рет күлгөні осы шығар, сіра.

- Эжесі-ау, мына балаңның омырауын көрдің бе? — деді онан соң.

- Е, не болты?

- Қырмандағы әйелдер тана тағып жіберіпті.

- А! Сейтіп пе? Е-е-е, баласынан айналды... Құлдығым... Көкесіне тартқан құлныым... Сенің жолында мен неге құрбаның боп шалынбаймын, садағаң боп неге кетпеймін!.. Көзімнің қарашығы... - елжірей кеп үстіме төнген әжем дүниедегі ең асыл сөздерді маған ғана теңеп шұбырта бастады.

Мен үйіктаған боп өтірік пысылдай түсем. Әжем мен апамды қуантқаныма көңілім өсіп, көкірегім жарылардай боп масайрап жатырмын. Шаршағанымды да мүлде ұмыттым. Шашымнан сипай түскен апамның қолы жұп-жұмсақ, ып-ыстық. Бүкіл өн бойыма бір түрлі бір алып күш толып кеткен сияқты, дүниеде менің қолымнан келмес, мен істей алмас іс жоқ сияқты. Өз-өзімнен сақылдап қуліп жіберуге шақ жатырмын. Бірақ ояу екенімді білдіргім келмейді. Өстіл «үйіктаған боп» жатып еркелегім келеді апама. «Әлі тұра тұрындар, әже, апа... мен әлі көрсетемін...» — деймін іштей. Осы сэтте біреу кеп мұрнымды шымшыды.

- Ой, мақтаншақ-ой...- деді Нәзира әпкем.- Осы мақтаншақ өтірік үйиқтап жатыр.

- Жә, оятасың онысы несі, үйиқтап жатқан баланы мазалап,- деп апам оған жекіп қойды.

Мен Нәзира әпкем тағы бірдене деп кеп тұртпектесе шыдай алмай күліп жіберерімді білдім де, үйқысыраған боп аударылып, бетімді шамның жарығынан бұрып жаттым. Апамның қолы шашымды әлі де сипап отыр.

- Амандық боп, мына астықты жинап алған соң анау кебе лақтың бірін сойып, әйелдерге кішкентай бір той-томалақ жасап беру керек енді,- дейді.

- Онда мен анау сары ешкінің лағын ептеп, жемдей берейін,- дейді әжем.

- Түү, өсти қалатындарының-ай, осы сіздерде ғана бала бардай. Бір күн, жарым күн барып қолқабыс еткенде тұрған не бар екен, соған бола той-томалақ деп дабырайтатын түк те жоқ,- дейді Нәзира әпкем.

- Халқымыздың дәстүрі, ырым ғой,- дейді апам.

- Баланың жұмыс істегені де ырым бопты. Онан да бұлардың бәрін желкелеп отырып жұмысқа салу керек. Әйтпесе анау Ырысбек деген мен Эжібекке ілесіп істе-мейтіндері жоқ. Мына біздің ұл Зибаш пен Ырысбектің арасына хат тасушы болған көрінеді.

- Жә, не боса соны сөйлемеші әрі,- деді апам жақтырмай.

- Рас айтам. Маған сенбесеніз оятып ап, өзінен сұраныз.

Нәзира әпкемнің мына сөзі мені төбемнен ұрғандай қылды.

Теріс қарап жатқан қүйде тынысым тарылып, жерге кірердей қысылдым. Бет-жүзім дуылдан кетті. Нәзира әпкеме ыза боп жатырмын: «Тоқтар екеуінің кездескендерін талай жасырып едім... Бәлем, тұра тұр», - деймін іштей кікініп.

Апам мені оятқан жоқ.

- Бар, сапылдамай, мына әжеңе бидай түйіп беріп кет, көжеге салатын,- деді, Нәзира әпкеме.

Мұнан әрі Нәзира әпкем ауыз үйге шығып, түрсілгедетіп кеп түйе бастады.

Әжем мен апам екеуі шаруа жайын сөз етіп кетті. Дәйім бәрін білгісі кеп отыратын әжем астықтың тусімін сұрайды, апам орташа дейді, бірақ соның өзін төкпейшашпай жинап алса мемлекетке тапсыруға да, түқым құйып алуға да жетер еді, дейді.

- Еңбекке ештеңе бермейсіңдер ме?

- Білмеймін. Эй, қыын... қыын...- дейді апам күрсініп.- Мынау ойдағы колхоздардың биыл астықтары қүйіп кетіпті, олардың тауқыметі де бізге түсе ме деп ойлаймын. Бүгін бастықты ауданға шақыртып кеткен, сірә сол жайында болар.

- Е, жаратқан алла, пейілінді тарылтпа...- деп әжем ауыр күрсінеді.- Мәшинемен орып жатырсындар ма?

- Иә, мына жазықтағы астықты лобогрейкамен орып жатырмыз. Бірақ өндірімсіз, екі айналып тоқтап қалады, сына береді... Оны дұрыстап жөндептін ұста да жоқ.

- Әлгі неміс бала бар емес пе?

- О, байқұс, жайын салып мықшындалп-ақ жатады, бірақ бала емес пе... қазір жөндегені қазір бұзылып қалады.

- Әттегене-ай, э, темірді пісіре алмайды-ау, э... Қайран Ақаттай ұста қайда дейсің?! Ой, қу соғыс-ай!.. Ал жат енді, шаршап келдің ғой. Таңтертен ерте тұрасындар.

- Жоқ, жатпаймыз. Қазір қырманға қайта кетеміз. Станцияға алты өгіз арбамен астық жөнелтуіміз керек. Соның екеуіне айдан баратын адам іздеймін. Әлгінде Қанаттың бүгін қырманға барып, жұмыс істегенін естіп, бетінен бір іскеп кетейінші деп келіп ем үйге.

- Нәзира да қайта кете ме қырманға?

- Иә. Со жөнелтілетін алты арбаға астық тиеседі қазір барып. Қырманның басында үйиқтай салады ғой... Қой, тұрайын енді. Суық түсейін дегендікі ме, түнге қарай белім сырқырайтын боп жүр. Менің әлгі бел орағышым қайда екен? Төсектің ірге жағында сияқты еді ғой... Иә, сол ғой, бері тастаңыз... Эй, Нәзира, түйіп болдың ба?

- Болдым.

- Жүр онда. Екі арбамен кімдерді жіберсем екен деп, басым қатулы. Жүрттың бәрі жұмыста, ешқайсысын айыруға болмайды... Тіпті білмеймін...

- Бір арбаны мен айдайың,- деді Нәзира әпкем.

- Саған бір арбаны айдатуды өзім де біліп тұрмын-ау, бірақ станцияға барған соң қаптарды көтеріп апарып қойманың терезесінен құю керек, оған сенің шамаң келе ме?

- Осы апам қызық. Мені әлі қолынан түк келмейтін бала көресіз-ау, деймін. Бір қап түгілі екі қапты екі қолтығыма қысып көтерем.

- Өй, алаңғасар! — деді апам оның сөзіне ыза болып.- Екі қапты көтерем дейді ғой. Саған бір қапты көтерудің өзі ауыр. Шамаңнан тыс тыраштанба деп қанша айтамын осы.

- Менің еш жерім де ауырмайды.

- Сөйлеме әрі! Кийін жылы киімдерінді.

- Станцияға барам ба?

- Көреміз оны. Әлгі Ырысбекке барып сөйлессем бе екен, соқталдай ерек, қайтқанына жарты айдан асты, әлі үйінде жатыр. Бүгін Зибаш та шыққан жоқ, жұмысқа... Сол екеуін жіберсем дұрыс болар еді. Егер Ырысбек бармаса, онда Зибаш екеуінді жіберем, амал жоқ.

- Ол антүрғандар үйленіп алған дей ме?

- Е, сөйтіпті ғой... Ал кетейік...

- Байқа, абай болшы. Сенің мінезіңнің кейде тік

кететіні бар. Ірысбек өзі соғыстан бұзылып, қаны қарайып қайтқан көрінеді, сөзге кеп қап, өзінді жазым ғып жүрмесін. Мына ұсақ балалармен ойнап, ауыл арасында мылтық асынып жүрген түрінен шошимын. Эй, тегін емес... бір пәлеге ұшырайды сол... ұшырайды...

Апам мен Нәзира әпкем шығып кетісімен көзімді ашып, басымды көтердім.

- Эже, Ірысбектікіне мен де барайын ба? — дедім.

- А! Сен әлі үйиқтамап па ең, қарғам-ау? Бар! Бар жүгір, ойбай,- деді әжем қолды-аяққа түрғызбай.- Анау шешеңнің мінезін білесің, артық кетіп бара жатса, етегінен сүйресен де аулақ әкет, пәлден.

Жүгіріп тысқа шықсам апамдар Нұрсұлу деген көрші әйелдің терезесін қағып түр екен.

- О кім-ей? — дейді іштен Нұрсұлу.

- Біз ғой. Шық бері, бір шаруа бол қалды! — деді апам.

Кеудешесін жүре түймеленіп шыққан Нұрсұлу:

- Көзім енді ілініп бара жатыр еді. Не бол қалды ей, қатын? — деді даусы гүжілден.

Нұрсұлу — түр-түлғасы еңгезердей еркек пішінді, даусы гүжілдеген, өзі күшті әйел. Ауылдағы әйелдердің ең күштісі. Қайдағы ауыр, қыын жұмыстарға осы Нұрсұлу барады. Шіреніп тұра қап үлкен ағаш күрекпен астықты құлаштай тастаған кезде Байдалы шал да, Көлбай керен де астар болмай қалады,- дейді апам. Соғыстан бұрын, той-мереке кездерінде балуан деген еркектерінің өзімен белдесіп күреске түсіп, талай рет бәйге алышты.

- Екі күн үйиқтамағанынды да білем, жә, қайтып кеп үйиқтарсың, қазір анау Ірысбекке кіріп шығайықшы, бар шаруа сол,- деді апам.- Жалғыз баруға дәтім жетпей түрғаны.

- Оның да жөн екен, бір есептен.

Апам терезесі қап-қараңғы бол түрған келесі үйді нұсқады.

- Мына Бәтиқа үйінде ме?

- Ол да осы әлгінде келді ғой қырманнан. Жатқаны жаңа шығар.

- Оны да ертіп алайық.

Енді үшеуі барып Бәтиқаның терезесін қақты.

- О кім?

- Біз ғой, жігіттерміз! Есігінді аш, шық бері! — деді Нұрсұлу гүжілдеп.- Қасына қайсымызды аласың? Таңда өзің.

- Өзім таңдасам, сені қайтем гүжілдетіп, жай колхозшысың, онан да бір құн де болса жаным жай табар, біргәдір жігітті қаламаймын ба,- деді есігін ашқан Бәтиқа.

- Қалағаның мына біргәдір болса ондырап. Жүрттан бүрын сені жұмысқа сап зорықтырып өлтірер.

- Оның да рас. Бұл сөйтеді.

Үшеуі де өзара әзілдеріне сылқ-сылқ құлісіп алды. Онан соң апам мен Нұрсұлу екеуі екі жақтап Бәтиқага бірдене-бірденені түсіндіріп айта бастады.

- Бұларың дұрыс екен,- деді Бәтиқа да сылқылдай құліп.- Не боса о босын, бір зәресін алайық өзінің...

Осы сәтте ғана сондарынан ілесіп жүрген мені байқап қалған апам:

- Қанатпышың! Сен неғып тұрып кеткенсің? — деді қатқыл үнмен.- Бар, үйге!

- Эжем жіберді,- дедім мен.

- Эжең жіберсе де бар, қайт! Жарықтық-ай, ұйықтап жатқан баланы мазалап.

Мен тайсақтап шегіншектей бердім де, Нұрсұлудың үйінің тасасына тығылдым.

- Жә, журе берсін де,- деді Нұрсұлу.- Тобымыз көп болсын, онан да Қанатты жүгіртіп, анау Қалипа мен

Сәруені де шақыртып алайық. Ол екеуі де жуан жұдырық қатындар ғой.

- Оның да ақыл екен,- деді апам келісіп.- Эй, Қанат, бар онда, Қалипа мен Сәруені тез шақырып кел. Бір тығыз шаруа бол қалды де.

Мен жүгіре жөнелдім де, әне-міне, дегенше Қалипаны да, Сәруені де оятып, асықтырып алып келдім.

- Эй, әүселесін көріп алайықшы өзінің,- десіп Қалипа да, Сәруе де білектерін сыбанысып қызынып кетті. Эйелдердің бәрі жиналған соң апам бастап, барлығы Ырысбектің үйіне бет алды.

- Сендер ауыз үйде тұра тұрындар. Мен өзім жалғыз кіріп, сөйлесіп көрейін,- деді апам, бәлкім, айтқанға үрыс-жанжалсызақ көніп қалар.

Эйелдер әуелі терезеден қараған: Ырысбек шалқасынан түсіп домбырасын тыңқылдатып жатыр да, Зибаш қазан-ошақ жақта тاماқ пісіріп жүр екен.

- Эдіре қалғырлар, Қозы мен Баян ғұсан қапты ғой,- деді Нұрсұлу қүңқілдеп.- Екеуін де осы қазір тырдай жалаңаштап шешіндіріп ап, біріне-бірін теріс қаратып байлап, әнеу шұңқырдағы суға тастай салсақ па екен.

- Қайтесің жүзіқараларды.

- Жоға деймін-ау, сайтаным ұстап тұрғаны түрлерін көріп.

Апам ішке кіріп кетті де, басқамыз ауыз үйде қалдық. Мен бірден есіктің саңылауына жабыстым.

- Кеш жарық! — деді апам.

Ырысбек көзін бір рет алақ-жұлақ еткізгені болмаса, жатқан күйінен қозғалған жоқ, ал Зибаш есі шығып:

- Э, тәтем екен ғой, жоғары шығыңыз,- деп бәйек болоп қалды.

- Шықпаймын жоғары. Келген шаруамды осы арада тұрып-ақ айтайын,- деді апам.- Қараң қалғыр, Ырысбекке тидім де, германды жендім дедің бе, неге

жұмысқа шықпадың бүгін? — деп Зибашқа бірден дүрсे қоя берді.

- Тәте-аяу, мен бүгінше... бүгінше...

- Бүгінше дейтін түк те жоқ. Бүгін, ертеңді көтеретін уақыт па, осы кез. Адам жетіспей мұрнымыздан қан кетіп жатқанда. Қазір жинал да арбаңды жек. Станцияға астық тартасың! Бол, тез! — деп апам қамшысын үйірді.

- Қазір ме?

- Тура осы қазір! Ал сен, Ырысбек шырағым, не мына әйеліңмен бірге арбамен астық тартуға шық, әйтпесе, жүр анау қырманға, бидай тастасасың. Созылып жатуың жетті енді. Қатын-қалаш, бала-шағаның мойнына масыл болма. Нанымызды бекер жеме. Сен соғыста қан төгіп келсөң, біз жанымызды беріп отырмыз.

Зибаш біресе апама, біресе Ырысбекке жалтақтай қарап, киіне бастаған. Апамның сөзін шыбын шаққан тұрлы көрмей жатқан Ырысбек:

- Зибаш-ай, тамағынды беріп, төсегінді салсаңшы, жаным. Жаталық та,- деді жайбарақат үнмен.

- Қазір, қазір...

- Эй, шырағым, мен кімге айтып тұрмын. Тұр, көтер басынды! — деді апам ақырып.

- Зибаш-ай, мына кісіге есікті көрсетіп жіберші, кіруін кіріп ап, шыға алмай тұр ғой деймін.

Шыдай алмай кеткен болу керек, апам Ырысбекті қамшымен көсліте бір тартып жіберді. Атып тұрған Ырысбек қалш-қалш етіп апама қарай тап берген. Көзі шатынап, жұдырығы тастай бол түйіліп алпамсадай ереккі енді бүруге шақ қалғанда апам тайсалмастан оны тағы бір тартып жіберді де:

- Эй, қатындар! Келіндер, ұстандар мынаны! — деп айқай салды.

Осы сәтті күтіп тұрған әйелдер бірін-бірі итеремитере білектерін сыбанып кіріп барған.

- Эдіре қалғыр, саусағынды қымылдатшы кәне, жүнше түтелік! — деді Нұрсұлу гүжілдей ұмтылып.- Сенің қаның соғыстан бұзылып келсе, біздің қанымыз осы ауылда жүріп-ақ бұзылды. Біз де қанымызға қарайып өш алып, өлтіретін адам таппай жүрміз. О несі-еї, шала пішілген сәуріктей қодыраңдап. Эй, қатындар, байлаңық мынаның аяқ-қолын!..

Алақ-жұлақ етіп есі шыққан Ырысбек шегіншектей түсіп, қамшы тиген иығын сипай берді.

- Апрай, сендер ме едіңдер?!.— деді бағанадан мұлде танымай тұрган адамдай. Онан соң бет-аузы түшкіргісі келгендей тыржындал қисаңдай бастады да, кенет өтіздей өкіріп жылап жіберді.

- Шынымен-ақ ұрдың-ау мені, шыныменен қол көтердің-ау маған, жеңешем-ай!.. Қор болған жерім-ай!.. Θ-о-ө...

Екі қолымен бетін басқан, саусақтарының арасынан шып-шып жас сорғалайды...

Әйелдер түйіліп келген бойлары енді не істерлерін білмей үрпісіп тұрып қалған.

- Құдай-ау, қор болдым-ау...- дейді Ырысбек, күнірене дауысталп.- Ал неғып тұрсындар? Талаңдар мені! Үрын-дар!.. Фашистен қалған мына тесік өкпені суырып алың-дар!.. Θ-о-ө... О, қайран жеңгелерім, сағынып келгенімдегі, маған деген сыйларың осы болғаны ма?!. Ей, сүм тағдыр, неге мені тірі қалдырың бүйтіп қорлағанша?! Әлде көрсетпегің осы тәлекек пе еді... Неге тірі қайттым, мен бейбақ!.. Θ-о-ө...

Солқылдан жылаған түрін, айтқан сөздерін ести тұрып төбе қүйқаң шымырлайды.

Осылайша біраз жылап алды да:

- Жә, болды... болды...- деп өзін-өзі жұбатты. Көзін сұртті. Өксік солығын баса тұрып әйелдерге тегіс жағалай қарап өтті.

- Құдай-ау, бәрі де өзімнің ет бауыр егізімнің сыңа-рындай аяулы женгелерім ғой. Сірә, мені танымай қалдыңдар-ау деймін?..

Әр әйелге елжірей қарады.

- Не боса о босын, тәубеме бір келтірдіңдер... А-ха-ха-ха-ха-а... - деп қарқылдаپ күліп жіберді. Ол со қарқыл-даған бойында екі иығы онан әрмен селк-селк етіп, одан ішін басып сылқылдаپ көзінен жас аққанша құлді. Рас күлкі ме, өтірік күлкі ме, айыру қыын. Элден уақытта күлкіден шаршағандай екі иығы салбырап отыра кетті де, өзіне төніп кеп тұрган әйелдерге жайбарақат жайдары үнмен:

- Қайран женешелерім, еңіреген ер ағаларымның асыл жарлары, тәубеме бір келтірдіңдер-ау! Ризамын... - деді тағы да.- Отрындар!.. Сіздер жұмсаған жаққа бармай мен қайда кетеді дейсіндер. Арба айда десендер арба айдайын, астық таста десендер оны да істейін. Жігіттік сөзім, ант етіп айтайын, қосқан жұмыстарынды істеймін. Тұған ел, тұған жерді сағынғанда, осы өздеріндей женгелерімнің ұлтаны боп жүрсем деп армандаپ ем. Ауылға келген соң соның бәрін ұмытып ит боп барады екем, кешіріндер. Мен қайттым райымнан... Ал енді менің де аз тілегім, отрындар, дәм татындар, онан соң бірге шығайық. Зибаш, тездете, тамағынды!.. Отрындар, женгелер. Дастанқанымызды теппендер...

Апам бастаған әйелдер бір-біріне қарап қойды да аң-таң боп, отыра-отыра кетті. Зибаш отты ұstemелей жағып, көжесін сақыр-сұқыр қайнатып тездете бастады.

- Тездете, Зибаш!.. Көп кешікпейік,- деп қойды да Ырысбек домбырасына қол созды.-Сенің көжең піскенше мен женгелеріме бір-екі ән салып берейін,- деді.

- Сөйтсөн сөйтші,- деді аяғын көсліп жайғасынқырай отырған Нұрсұлу.

Ірысбек домбырасын күйлеп, тамағын бір кенеп алды да мұңайған үнмен:

- Кеудеме жау оғы тиіп, ұрыс даласында қансырап жатқанымда туған жер, ел-жұрт, мына отырған өздерің көз алдымға елестеп, «дүние-ай», соларды бір көре алмай кетемін бе»,- деп тарығып жатып шығарған әнім еді. Қазір сендерге соны айтып берейін,- деді.

Әйелдердің бір-екеуі еріксіз бір еріксіз күрсініп қалды. Ірысбек зарлы әуенде аңырата жөнелді. Өзінің туған ел, туған жермен қош айттысып, аждаһа жауға қарсы аттанғаны, жауған оқ пен жанған оттың ортасына тап болғаны, әккі жаумен арыстанша алысқаны, қапыда жараланғаны, содан қансырап ұрыс даласында қалғаны, бір жұтым суға зар болғаны, сол сәтте туған ел, туған жер, күліп-ойнаған құрбы-құрдас бәрі-бәрі тізбектеліп өте бастайды көз алдынан; әрқайсысының көңіл қимас мінез-қылыштары, құрбылық наздары бар, итшілеген тірлікте бір-бірінің қадірін білмеген, көкіректі қарс айырған өкініш бар... Ірысбектің көзінен тарам-тарам жас кетті. Зарлаған даусы, онан да зарлы сөздері жүйке-жүйкені босатып, мұлде егілтіп жіберді.

- Сорлы-ай... қайтсін-ай!..- деген әйелдердің бірі жылай сөйлем ах ұрып. Сол-ақ екен бәрі бірдей мырсымыр жылап берді.

Қош-есен бол, женгелер,

Су бер десем, бал берер.

Қапыда кеттім, дүние-ай...

Зарымды менің кім көрер?..

Өзі де жылап, әйелдерді де жылатып біраз шер тарқатқаннан кейін Ірысбек:

- Өстіп зар еңіреп жатқанымда орыстың бір қаршадай қызы, дәл осы өзімнің Нәзира қарындастымдай балғын жасы кеп, өлімнен арашалап алып қалды,- деп, домбырасын шетке тастай салды. Онан соң: — Қой,

жылап отыратын уақыт па. Жұмысқа аттанайық! — деді көзінің жасын сұртіп.- Көніл шіркінді еркіне жіберсең езіле береді. Бір ауық өзінді-өзің тежемесен. Бекем болайық, жеңгелер!

- Рақмет, қайным!

- Бақытты бол!

- Зибаш екеуің қосағынмен қоса ағарындар! — десті әйелдер шын көнілден риза болыш.

Әлгіндеңі ашулы келістерінен, бүрк-сарқ еткен сөздерінен із де қалған жоқ еді. Бәрінің де көнілдері елжіреj қалған жұмсақ күйде.

- Зибаш, көженді әкел! — деседі.

Ортаға келген жарты тегеш кеспе көжені қолдарына тиген шұңғыл ыдысқа құйып, екеу-үшеуден кезектесіп бір қасықпен ішуге кірісті. Ырысбекке үлкен тостақан мен жеке қасық беріп:

- Сен еркексің ғой бізге қарама. Тойып ал! — дейді. Сырттан есік алдынан біреулер тасыр-тұсыр жүгіріп өтті. Сөйткенше болған жоқ, есіктен сұңқыып жынды Бұбітай кіріп келді. Үйдегілерге тегіс бажырайып қарап өтті де:

- Тойлап отырсындар, ә,- деді.- Мені ғой тойға шақырмайсындар. Ал шақырмасандар да мен өзім келдім,- деп босағаға отыра кетті. Үсті-басы жұлым-жұлым, кір-кір еді, өзі жүдеу.

Мен зәрем ұшып апама тығыла түстім.

- Ей, қор болған сорлығай!..- деді Нұрсұлу, аяныш білдіріп күрсіне. Үй ішіндегілер көжені сораптатқандарын тоқтатып, тым-тырыс тына қалды.

- Ал әкесендерші, қант-кәмпіттеріңнен, шай ішелік,- деді Бұбітай.

Ауыз үйден тықыр естілді де, ақырын ғана есікті ашып Тоштан кірді. Бұбітай: «Ойбай-ай, ойбай-ай!.. Мынау тағы жетті-ay!» — деп зар қағып ыршып, әйел-

дерді баса-көктеп төрдегі Ырысбектің қасына бір-ақ жетті. Зәресі ұшқан Ырысбек атып қазан жақтағы Зибаштың қасына барды.

- Тәтем маған бой бермей қашып келді,- деді Тоштан кінәлі адамдай өзінің қолында ұшына сым темір байланған кішкентай қамшысы бар.

- Тәтенді сен өзің қарап жүрсің бе? — деп сұрады Нұрсұлу.

- Иә, өзім қараймын.

- Немене, сонда бір үйде екеуің ғана жатасың ба?

- Иә, екеуміз ғана.

- Эй, мына тамақты маған қойдыңдар ма? — деді Бұбітай Ырысбектен қалған көжеге қарап.

- Иә, саған қойдық. Іш.

Бұбітай ашқарақтанып көжені алдығартына қарамай апыл-ұппыл іше бастады.

- И-и, сорлығай...

- И-и, байқұс-ай, аш екен-ай! — десіп әйелдер егіліп кетті.

- Тоштан, келе ғой, қарағым, көже іш,- деп апам алдымызды тостағанға тегеште қалған көжеден толтыра құйды.

Тоштанның да қарны аш екен, көжені қомағайлана үрттады. Әйелдердің әрқайсысы одан әр нәрсені сұрап жатыр, ол көжені үрттай отырып жауап қатады.

- Тәтенмен екеуің жалғыз жатқанда қорықпайсың ба?

- Алғашқыда қорқатынмын, қазір қорықпаймын.

- Әйтеүір айтқаныңды істей ме, тілінді ала ма?

- Тілімді алмаса мына қамшымен ұрам. Байдалы атам солай үйреткен. Ал оған да көнбесе онда, міне, бізім бар, мұны да со Байдалы атам жасап берген, осыны сұғып алам.

- Өзінді ұрып тастамай ма?

- Жоқ. Бізден қорқады.

- Ал жатқанда қалай жатасындар.
- Жатарда мен тәтемнің қолын артына қайырып байлап қоям.

- Неге?

- Әйтпесе, тұнде тұрып мені тұншықтырады. Қолының жібі шешіліп кетіп екі рет тұншықтырып да.

Көжені ішіп болған соң Бұбітай жан-жағына түкірініп, құбір-құбір сөйледі де, ешкімге қарамастан, жолында отырғандарды баса-жанша сыртқа беттеді.

Тоштан да тұрып соңынан ерді. Есіктен шығып бара жатып менің апама:

- Апа, мен күніне бір уақыт барып қырманда жұмыс істесем бола ма? — деді жалынышты үнмен,- Әйтпесе, қыс түсіп келе жатыр, тәтем екеуміз аштан өліп қаламыз ғой.

- Болады, қарағым, болады. Өзің шамаңның келгенінше қырманда істе. Кейін тәтен екеуінде әскер семьясы деп жәрдем бергіземіз,- деді апам.

- Ойпым-ай, иманымды бір ұшырды-ау,- деді Ырысбек күле сөйлеп. Бірақ оның сөзіне ешкім үндей қойған жоқ. Тұрлері тоң-торыс бол қабақтары түсіп кеткен әйелдер күрсіне береді.

- Эй, Ырысбек, темекіңнен әкеші,- деді кенет Нұрсұлу.

Онан соң Ырысбек ұсынған темекісі бар дорбаны алғып, шылым орады. «Эй, қатын, бізге де берші, бері!» — деп Сәруа мен Қалипа да темекіге қол созды. Үйдің ішін аңы темекінің көк тұтіні жайлады. Қою тұтін. Тамақты жыбырлатып, көзді ашытып еріксіз жөтелдіреді. Үш әйел үш жақтан бүрк-бүрк тартып отыр. Мен жөтеле бастағам, апам:

- Түү, сонша бүркыратқандарың-ай, мұрындарынды құрт жеп бара жатқандай,- деді.

- Ей, қатын-ай, мұрнымды жемесе де кеудемді жеп

барады ғой Осы аңы тутіннен басқа не жұбаныш қалды енді,- деді Нұрсұлу,- осыны да көп көріп отырсың ба?

- Мейлін, тарта бер.

- Ойбу, отырып қаппыз ғой, ал тұралық енді,- деді орнынан қозғалған апам даусы аяқ асты қатқылдап.- Зибаш, Ырысбек екеуің артымыздан келерсіндер, мен қырманға барып арбаларға астық тиете берейін, ай туа жүріп кетіндер.

- Макұл, тәте,- деді Зибаш.

Былайырақ шыққан соң әйелдердің бірі:

- Құдай-ау, не бол біттік өзі, түйіліп кеп сұйылып қалдық па,- деген.

- Е, қайдан көздерінді сығымдаپ, ереккөрмегендей Ырысбектің аузына телмірдіндер де қалдындар,- деді Нұрсұлу.

- Эй қатын, өйтіп бұлтақтама. Айтсаң айтшы деп, жалп етіп бірінші отыра кеткен сенің өзің емессің бе?

- Мен оның әнін тыңдайын дедім.

- Бәріміз де со әнін тыңдайық дедік қой.

- Эй, меніңше сол Ырысбек, бізді бала ғұсатып аузы-мызды анқитып алдаң жіберген сияқты.

- Қой әрі, ер-азамат басымен ант етті ғой. Сөзінде тұрап,- деді Нұрсұлу.- Әдіре қалғыр, осыдан алдаң көрсін, немістің оғынан қалған жарты өкпесінен бір қойып, көкіргегін қаздай шулатайын.

- Сенен ол да шығар,- деді апам құліп.

- Е, шықпай ше? Қатын басыммен сінірім созылып мен жүрсем, ереккөрмегендей шалқасынан түсіп ол жатса...

- Эй қатындар! — деді апам бәрін тоқтатып. Иіріле аялдаған әйелдер бір сәтке үнсіз тұрып қалды. Ал тағы не айтасың дегендей қараңғыда апамның аузына қарайды. Тау жақтан ақырын ғана үріп қоңыр жел соғып тұр. Күздің салқын желеі.

- Түү, мына бір желдін рақаты-ай, таң атқанша талай

астық ұшырып тастауға болады екен,- деді апам самбырлай сөйлеп.

- Эй қатын, айтатыныңды турға айтсаңшы, өйтіп түспалдамай,- деп Нұрсұлу оның сөзін бөліп кеткен.

- Не айттар дейсің... барындар, дем алындар... Эй, Нәзира, жүр біз қырманға кетелік.

- Міне, бұл мысынды өстіп құртады ғой. Жә, балалар үйиқтап қалды, қазір барып төсекте төңбекшігеше, мен де қырман жаққа барайын. Сол жерде бірдене ғып көз шырымын алармын. Бәтиқа, мен таңертең келе алмай қалғандай болсам біздің сиырды да саяа саларсың...

- Жүр, Қанат, мен сені үйге апарып тастанын,- деп Нәзира әпкем қолымнан ұстап сүйрете жөнелді. Екеуі-міздің тапыр-тұптыр жүтіргенімізге көшедегі иттер шүйлдан кетті. Бізге қарай шабалана үреді. Бірақ Нәзира әпкем қорықпайды, жақындағандарын ұзын бишігін сілтеп қап қаңқ еткізеді.

Мен күнде сабақтан шығысымен қырманға барып малатастың басына мініп жүрдім. Ала көз торы аттың дүңқ-дүңқ желісіне әбден үйреніп алғам, үзенгіге аяғымды шіреп қопаң-қопаң етем де отырам, ішім де ауырмайды, басым да алғашқы күнгідей онша айналмайды. Мені көріп басқа балалар да қырманға үйірсектей бастады. Қайрат пен Бәтен келген, ол екеуі де бір-бір малатастың басына мінді. Ешкім шақырмай-ақ өз еркімен Эжібек те келген, бізге қарағанда ересек санап оны молотилканың басына мінгізді. Алғашқы күні ол еш қиқалақсыз жақсы істеді, бірде-бір рет тоқтаған жоқ, кешкісін үйге қайтарда аяғы шалынысып жығылып қала жаздады.

- Брр...- деді басын сілкілей күліп.- Мынау бір пәле жұмыс екен. Қап, қарап жүрмей тұзакқа өзім кеп түстім-ау, ә, ақымақ боп. Осы қырманда істеген дегенді

шығарған сенсің ғой, ә, жетпегір,- деп әзілдеп, зілсіз ғана мені желкемнен бір түйіп қалды.- Но, нешаша, мұның да бір амалын табармын.

Айтқанындаі өртөңіне Әжібектің молотилкасының жүруінен түруы, тоқтауы көп болды. Анық он бау астық бастырмайды.

- Ойбай, мынау пәле бұзылды! Бұзылды! — деп аттан сап түрғаны. Онан соң өзі сабанның үстіне барыш гүрс жата кетеді де сыйылдатып нан жеуге кіріседі.

Байдалы шал мен Көлбай керең екі жақтап жөндеп әлек, бірақ бәрібір, он айналмайды, молотилка қайта тоқтайды.

Бір қалт етіп басымыз қосылғанда Әжібек бізге өз ақылын айтты.

- Ақымақтар, ертеден қара кешке дейін шыр айналып селкілдеп желе бергенше, бір ауық дем алудың әдісін таппайсындар ма,- деген табалай ұрсып.- Бәлек бекітілген тұстағы, әнеу бір болтты көрдіндер ме? Мыналардың көзін ала бере соны босатып қойсандар болды. Он шақты айналғаннан кейін өзі-ақ босап түседі де қалады. Онан соң жерге секіріп тұс те сол болтты іздескен бол жүріп, сабанның астына көме сал. Бітті, қашан болтты тауып бекіткенше рақаттанып дем аласың да жүресің. Байдалы шал мен Көлбай керең мықшың-дасын да жатсын, танаулары пысылдап. Әйтпесе, бұ не, өртөңнен қара кешке ат үстінде селк-селк етіп айнала-айнала кейін тентек болған қой сияқты миғұла бол қаларсың. Тентек болған қойдың қайтетінін білесіндер ме? Бір орында тұрып шыр көбелек айнала береді, айнала береді, өйткені миы айналып кеткен. Мына сендер де сөйтесіндер, әлі.

Әжібектің сөзі бізге қатты әсер етті, дереу сол айтқан әдіспен біз де бәлектің бекітілген болтын босатпақ бол әрекет етіп көргенбіз, онымыздан дәнeme шықпады.

Тастай боп бұралған болтты босата алмадық. Сондықтан үш малатас бұрынғымызша кешке дейін астық бастырамыз.

Ақыры, Әжібектің істеп жүрген қитұрқысын Байдалы шал сезіп қойды білем, енді одан екі елі көз жазбай қадағалай бастады. Әжібек аттан түссе-ақ болды:

- Эй, шақша бас, былай түр, былай түр бәлектен! Тура мына күрекпен бір салып ұзыныңан түсірем! — деп қуа бастайды.

- Кәне, ұрып көрініші күрекпен, әне, өкіл жүр, дереу жауапқа тартқызайын,- дейді Әжібек те беріспей тіресіп.

Мен бір тоқтағанымда қасыма жүгіріп Мәри келді. Олар үш-төрт қыз тазаланған қызылды қаптауға шешелеріне көмектесіп жүрген болатым.

- Мә, саған жинадым,- деп сыйырлап бармақтың басында жер сағызды алақанымға бүге қойды. Екі жақ беті қанталап көгерген сияқты боп көрінді.- Апам ұрды,- деді ол менің өзіне қадала қарағанымды сезіп.- Менің әнеугүнгі бидай ұрлап апарғанымды інім айтып қойыпты. Сол үшін ұрды. Арқам тіпті көк ала қойдай, шыбықпен үрған. Қозғалсам ауырады.

Менің оған бір түрлі жаным ашып кетті.

- Эй, Қанат, мін атыңа! — деді осы кезде бастыруға жаңа бау төсеген Байдалы шал.

- Қанат, сениң орныңа бір жол мен мінейінші,- деді Мәри қызылып.

- Мін,- дедім мен оған тізгінді ұсынып.

- Эй, балалар, кәне, ойынды қойындар! — деді Байдалы шал зекіп.- Эй, қарағым, Мәри, бұл әртістің ойыны емес, аулақ жүр, бар анау өз жұмысыңа.

Мәри Байдалы шалға ренжи бір қарады да тайып, өз жайына кетті.

- Бокмұрын, қыз дегендे құрақ ұша қалуын,- деді Байдалы шал мені аяғымнан көтеріп атқа мінгізіп тұрып.

- Сіз өзіңіз емес пе едіңіз сендердей күнімде үйленгем, қатын алғам, деп бізді желіктіріп жүрген,- деді Әжібек қағыта күліп.

- Менімен сендер тен деген-ау. Онан да мұрында-рынды сүртіп алсандаршы, жаман немелер.

- Эне, кит етсек өстіп кемсітесіз. Бопты сіз нағыз ескіліктің сарқыншағысыз. Ылғи осы заманды кемсітіп сөйлейесіз. Қазіргі жастарды қорлайсыз. Егер анау шолаң қол өкілге айтсам ғой...

- Осы, шақша бас ит кімге тартып туған-ей,- деді Әжібектің сөзі шымбайына батқан Байдалы шал, оның «өкілге айтам» дегенінен шынымен-ақ именгендей күле сөйлеп.-Әкесі марқұм бүкіл бір өлкені аузына қаратқан аяулы-ақ жігіт еді, шешесі қой аузынан шөп алмайтынның өзі. Ал мұның басынан бір сөз асыра алмайсын.

- Мен Сталин атама тартып туғам.

- Не дейді! Тек, әрі! Өй, күшік, о кісінің атынан садаға кеткір. Немене, мазағың ба еді, сеніңі?

- Так, так, ақсақал! Кәне, айтқандарынызды қайтып алыңыз, әйтпесе өкінесіз. Мен ғана емес, бүкіл совет жастары со кісінің үрпағы. Емес деп көрініші кәне, қазір анау өкілге айтып екі көзінізді төрт қылайын. Еще күшік дейсіз ғой!.. Шақырайын ба өкілді, а?! Әй, өк...

- Жә, оттама әрі,- деп Байдалы шал енді жеңілгендей күле сөйлейді.

- Солай ма екен! Ха-ха-ха... Зәреңізді бір алдым-ау, әй, өзім-ай!..

Мұнан әрі мысы құрып сөзден жеңілген Байдалы шал қолын бір сілтеп бидай тастауға бұрылып кетті. Әжібектен аулақ болғысы келген. Аз өтті ме, көп өтті ме, Әжібек өзінің әуеніне басып ойбайлап, тағы да тоқтады.

- Бұзылды мынау, бұзылды тағы, ойбай!

Молотилканың тоқтап қалғанын көріп өкіл келді.

- Неге тоқтатасыздар?! Неге дұрыстап жөндеңмейсіздер! — деді көзін алартып.

- Тастан қып-ақ бүрап тастап ем... - деді Байдалы шал күнкілден. Өзі өкілден өлердей қорқады.

Шолақ қол өкілдің ала жаздай біздің ауылда жүріп, ауданға қайтып кеткеніне он шақты күн болған, кеше Нұғыманмен бірге тағы қайтып келді. Тағы да ұзаққа келген болу керек, шинелін бөктөрініп, кузгі сұыққа лайық жылы киініп апты. Нұғыман мен апам екеуін қолдығаяққа тұрғызыбай біресе орақшыларға, біресе тас қоймага жұмсал қойып, өзі ұзақты күнге қырманнан шықпайды. Қабағын шытынып ешкіммен сөйлеспестен қызылдың үстінде сау қолымен жағын таянып, томсығрайып отырады да қояды. Кімнің жұмысты қалай істеп, қалай жүріп, қалай тұрғанын қалт жібермейді. Өкілдің мұнысы әйелдерге ұнамайды-ақ.

- Өкіл деген бастықтың үйіне барып, жылыжұмсақты жеп, ұйқысын қандырып жатушы еді, мынау бір қарақшыдай қақиған біреу болды ғой,- деседі күнкілден.

- Осының бері әлгі, құдай атқыр Зибаштың кесірінен. Ала жаздай артынан түсті ғой... Жаман қардың осы өкілді менсінбегендегі тапқаны жынды Үрісбек болышты.

- Е бәсе, аяғымызды қия бастырмайды әйтеуір, сондай бір ызасы бар екен ғой.

- Жә, қойшы әрі. Зибашқа өкпелеп, өшін бізден алса мұнын да өкілдігіне болайын.

- Өзі де құр сырты күмпилгенімен әйелге қыры жоқ бірдеңе болу керек.

- Эй, ақырын сөйлендер, естіп қоймасын...

Түсте әйелдер шай-су ішіп келуге ауылға қарай бет алған. Қырманнан едәуір ұзап шыққан кездерінде, шолақ

қол өкіл атына міне сап, шауып барып, бәрін қырманға қайта қайырып айдал әкелді.

- Кәне, төгіңіздер, бойларыңыздағы астықты, әйтпесе мен өзім тінтем! — деді ақырып.

Әйелдер бір-біріне жалтақтай қарап, қызаңдастып, ішкі қалталарындағы, жұн шөлкілеріндегі бір уыс, жарым уыс бидайды қаққыштап төге бастады. Артынан өкілдің өзі барлығының қалталарын, өн бойларын жалғыз қолымен сипалап тінтіп қарап шықты. Соңан соң қырмандағыларды тегіс жинап (балаларды да қосып) жиналыш өткізді. Қалың қабағы түксіп, айқайлап жібере жаздал түтігіп, өзін-өзі әрең деп іркіп дірілдей тұрып сейледі.

- Жолдастар! Қазіргі уақытта бүкіл еліміз бір-ақ мақсатқа жұмылуда — басқыншы жаудың түп-тамырына дейін балта шауып, тас-талқан ету. Партияның басшылығымен біздің қаһарман қызыл әскеріміз жауды күннен-күнгө түкірткып, соққы үстіне соққы беріп ойсыратада. Қанды шайқас жүріп жатыр. Жолдастар, мен өзім Батыс Украина майданына қатысқам, төрт рет жараланғам, қанды шайқастың қандай болатынын жақсы білем, көзіммен керіп, басымнан кешірдім... Қанды шайқас деген мына сіздердің еңкейіп бір-екі қап астық қаптап: «Үн, белім-ай!» — дейтін қырмандарыңыз емес. Төбеңнен оқ зулап бүршақша жауып тұрады, сонда белуарыннан сазға батып, мұз жастанып окоптың ішінде отырасың. Бір күн, екі күн емес, кейде апталап отырасың. Белдің сырқыраған көкесі сонда, әне!..

- Обал-ай, десенші.

- И-и... байғұстарым-ай!..

- Небір боздақтар қазір де отыр ғой сөйтіп,- десіп әйелдер тұс-тұстан ах ұрып, жарыса күрсіністі.

- Міне, сол қаһарман қызыл әскеріміздің күш-қуаты мына отырған сіздерсіздер, тылдағы еңбек адамдары!

Бүкіл еліміздің еңбекшілері сияқты сіздер де еңбектегі бар табыстарыңызды соларға бағыштайсыздар. Солай ма?

- Солай ғой.

- Элбетте солай,- деп Байдалы шал да қостап қойды.

- Ал солай болса мына ұрлықтарыңыз не? Мәселен анау отырған женгей,- деп Қалипаны нұсқады.- Майданда сіздің кімініз бар?

- Күйеуім, бауырым.

- Эне, күйеуіңіз де, бауырыңыз да майданда екен, ал ендеше сіз соларға деген астықты неге ұрлайсыз?

- Бір уыстай ғана алып ем,- деді Қалипа кірерге жер таппай қатты ынғайсызданып.- Үйде үш кішкене балам бар еді...

- Бала дейді... Соғыста ғой күйеуіңіз берен бауырыңыз қан кешіп жүр.

- Рас-ая,- деді әйелдердің бірі.

- Түү, өлім-ай, бүйткенше аштан қатсақшы... Масқара-ай...- деді Қалипа да өзін-өзі жерлей сыйырлап.

- Бір уыс қана дейсіз, э? — деді өкіл онан әрмен оның жер-жебіріне жете түскісі келгендей.- Ал жарайды, сіз бір уыс, анау кісі бір уыс, мына кісі бір уыс, мен бір уыс, мына балалар бір-бір уыстан ала берейік, сонда мына қырманда не қалады?

Бір сәтке әйелдер «рас-ая» дегендегі шеттерінен қызыра ұялып, жер шұқыласып үндемей қалды. Қызынып алған өкіл езінің пысы әйелдерді әбден басқанын сезіп, енді тіпті еліре сөйлеп, тепсінген айқайға басты. «Сізді» қойып, бәріне «сен» деп ұрсып сөйлеуге көшті.

- Бұларың қылмыс! Күйеулеріңін, бауырларыңың алдында қылмыс! Отан алдында қылмыс! Бәріңе ескертерім: ендігі жерде кімде-кім осы менің айтқанымды түсінгісі келмей, тағы да ұрлық жасар болса, жақсылық

күтпесін! Ол адам біздің жеңісімізге қарсы болғаны онда. Ол адамды қас дүшпанымыз, жауымыз деп білеміз. Бүкіл совет халқының жауы дейміз. Ондайға қатаң шара қолданылады. Жауапқа тартылып, сottалады! Ұқтындар ма?

- Ұқтық.

- Ұқпайтын несі бар.

- Өкіл жолдас, бірдене сұрауға бола ма?

- Иә, сұра.

- Бала-шағаны қайтеміз сонда. Оларды да өлтірмейіміз керек қой.

- Сіз ондай кері кетіретін сөзіңізді қойыныз. Бала-шаға ауылда жүріп аштан өлмейді.

- Не жейді сонда олар?

- Не жесе о жесін... Ал жиналыс осымен бітті. Енді жұмысқа кірісіндер. Бүгін үрлік жасағандарың үшін ешқайсың түскі шайға үйге қайтпайсындар. Жұмыс істеп жаза тартасындар берің де!

Әйелдер қабақтары салбырап тым-тырыс орында-рынан көтерілді, кезерген еріндерін жалап қойып, әркім өз жұмысына кіресті. Ләм деп ешқайсысы қарсылық білдірген жоқ.

- Әй, осы біз үзіліс жасап түскі тамақ ішпеуші ме ек,- деді бидай шарлап жүрген Көлбай керең белін жазып. Бағанадан бергі өкілдің сөзін ол шала-шарпы естіп онша түсінбеген сияқты.

- Қатындардың кінәсінен үзіліс жасамайтын боп жаза тарттық емес пе,- деді Байдалы шал күңкілдеп.

- Не?

- Қатындардың кінәсінен тамақ ішпейсіз! — деді Эжібек оның құлағына айқайлап.

- Оны кім айтады?

- Өкіл айтты.

- Немене, өкіл бітеу ме екен? Ол бітеу болса да біз бітеу емеспіз.

- Оны өзіне айттыңыз.
- Айтсам немене, менің басымды ала ма? Жә, сөйле-месін. Балалар, түсіндер аттан, бидай көже ішелік. Эй Дүрия! Эй қатын, көже бер маған!

Эйелдермен бірге астық ұшырып жүрген Дүрия жалтақтап өкілге қарағыштап келе қоймаған.

- Мынау әкеңнің аузы... келе мә-ей, жоқ па! — деді Көлбай керен ақырып.
- Анау арада тұр ғой, өзің құйып ішсөнші,- деген Дүрия.

Көлбай керен естіген жоқ.

- Өзіңіз құйып іш, анау арада тұр дейді,- деді Эжібек айқайлап түсіндіріп.

- Эй, маған қатын не үшін керек сонда, көже құйып бермегенде. Жүр тез! Саған өкіл бай емес, мына мен бай ғой. О несі-ей! Ол анау байы жоқ қатындарға қожанңасын.

Дүрия тағы да жалтақтап өкілге қарай берген. Өкіл ештеңе естімеген адамша теріс айналып кетті. Дүрия жұмысын тастап бері қарай жүрді. Киім-кешектің арасына орап қойған торсықтағы кежені алды. Біз балалар да аттан секіріп-секіріп түсе қап, Көлбай керендей қоршай отырдық. Байдалы шал ғана бүгженден жұмысын істей берді. Көже ішкісі келіп-ақ тұр, бірақ өкілден батып келе алмайды.

- Қанша дегенмен баяғы заманда байдың құйыршығы бол қорқақтап қалған адам емес пе, өкіл десе зәр-иманы қалмайды,- деді Эжібек.- Міне, тақыр кедей Көлекең ғой, жан алғыш әзірейілің келсе де қорықпайды, тек Ырысбектен болмаса,- деді соңғы сөздерін оған естіртпей сөйлеп. Не дейсің дегендей Көлбай керен бетіне қараған.

- Көлекең мыңты ғой деймін, шындаса сапы қанжармен өкілдің қарнын аяғына бір-ақ түсірер деймін!

— деді Әжібек айқайлап сөйлеп. Қолбай керең мәз боп күлді де, оның құлағынан тартып қойды.

- Жәйрағыр, қағытпай отыр,- деді Дүрия да. Көже бермей қоя ма деп зәресі ұшқан Әжібек безек қақты.

- Қағытып отырғам жоқ, әпкетай-ай, құдай ақы шын сөзім. Олла-билла, көгермейін, көктемейін, жалшы-майын, онбайын, қызығымды көрмейін, опа таппайын, несібемді ит жесін, иманымнан жүрдай болайын...- деп ант-су ішіп шұбырта жөнелді. Дүрия еріксіз құліп жіберген.

- Жә, сонша қарғанып-сіленіп не болды. Мә, ішші,- деді, Қолбайдан босаған тостағанға көже құйып.

Әжібек дем алмастан тостағанды басына бір-ақ көтерді де:

- Uh! — деді рақаттанып. Қампиып кеткен өз қарнын өзі шергіп қойды.- Осы Дүрия әпкемнің көжесі бал, тура.

Дүрия жымия күлді. Ірысбектен ажырасқалы жақыннан кергеніміз осы еді, жудеп, қартайып кеткен тәрізді. Көзінің төнірегінен, ұртының үстінен ұсақ әжімдер түсіпті. Өзін Қолбай керең ұрады еken дегенді де естігеміз. Әрқайсымыздың көже жүтқанымызға қарап, шыт-шыт жарылған еріндерін жалап қояды.

Қасымызға өкіл келді.

- Жеңгей, көженізден қалды ма? — деді.

Дүрия үн-түнсіз торсықты шайқай түсіп, бидайын қоюырақ қып оған да құйды.

- Бәсе, өкілің де бітеу емес еken ғой,- деді Қолбай керең.- Эй, Байеке, жүр енді, сен де!

Байдалы шал да кеп шеттен тізе бұкті.

- Ата, сізге көже ішуге болмайды,- деді Әжібек Байдалы шалмен ойнайтын белгілі қалжағына басып.

- Е, неге?

- Откені, осы қырманның ұрлық бидайынан жасалы-

нған көже. Ұрлық көжені ішсөңіз өлгенде күнәға батасыз.

- Эй, шақша бас-ай, осы сенен көргенім бе!..- деп Байдалы шал ұмтыла берген. Әжібек зытып қашып былай шықты. Өзі сықылықтан күліп жур. Біз де құлдік. Дүрия жымындап жүзін көлегейлей берді. Өкіл ғана құлген жоқ, көзін алартып Әжібекке қарады.

Сөйтіп, біз Көлбай керенінің арқасында тұскі демалыс жасап, көже ішіп рақаттанып қалдық. Ал әйелдер бел жазған жоқ.

Кешкісін апам үйге бір сәтке ғана ыстық шай — тұз салған ақ су ішіп шығу үшін ғана келген. Бел орағышын шешіп жылы пешке арқасын сүйеп отырғаны сол еді, бет-аузы қатпар-қатпар бол әжімденіп, көзі шұңғрейіп жұмыльып кетті. Со отырған күйінде басы бір жағына қисайып қор ете тұскен.

- Сорлыг-ай, соры қайнаған сорлы...- деп әжем аяныш білдіріп, дастарқан әзірлеуге кірісті.

Апам со басы қисайған күйінде тәтті қорылдан отыр. Тіпті менің өзіме де осы сәтте апам кіп-кішкентай бір аянышты жан бол көрінді. Әжем ғұсан мен де оны: «Эй, соры қайнаған сорлы...» — дей жаздал барып қалдым. Аянышты-ақ еді, апамның кейіпі.

Әжем дастарқанды әзірлеп қойып, кішкене мызғып алсыншы деп мазаламады, бізге де дымдарынды шығармандар дегендей қабағын түйіп қойды. Өстіп бір тәтті тыныштықта ұйып отырғанымызда, дүсірлете желіп келген ат терезенің түбіне тоқтай қалды. Қамшының сабы терезені тық-тық еткізді де:

- Бригадир қайда? Шықсын тез! — деді айқайлап. Шолақ қол өкілдің даусы.

Селк етіп оянған апам, үсті-басын жүре түゼп сыртқа шықты. Мен қалам ба, ілесе тұрдым соңынан.

Елең-алаңда адамды басып кетердей бол ат үстінде

ойқастатып кеп түрған өкілдің түсін анықтап көре алмадым, бірақ сұық екені даусынан білінеді.

- Жүріңіз, мен ұры ұстадым! — деді. Өзі атының басын Нұрсұлудың үйіне қарай бұрды, апам екеуміз ілесе жүрдік.

Нұрсұлу есігінің алдында түр екен. Жаңа ғана көтеріп келген қурайы ақтарылып, шашылып жатыр.

- Эне! — деді өкіл қамшысымен қурайды нұсқап.- Кемінде он келі астық.

Енді байқадым, қурайдың арасы толы бидайдың қырқылған масағы екен.

- Қолыңызға алып ұстап қараңыз, үгіп қараңыз,- деді өкіл.

- Көріп түрмyn ғой,- деді апам. Онан соң Нұрсұлуга бұрылып: — Эй, саған не қара көрінді? — деді зілді үнмен.

- Тұнеугүнгі шөп машинамен шабылған күздіктің түсінан өтіп бара жатып, шашылып жатқан масақты көрген соң шыдай алмай теріп ала қойып ем.

- Қазір масақты теруге де, алуға да болмайтынын білмейсің бе? — деді апам тары да бастырмалап.

Нұрсұлу жерге қарады.

- Босқа далада қалғанша деп...- дей берді міңгірлеп.

- Далада қалса да теруге болмайды дедік қой. Қашан астықты тегіс жинап бітіп, ал енді болдық дейміз, сонда ғана масақ теруге рұқсат демедік пе.

- Білем... балаларға ертеңге үйде ныспы түк жоқ еді, жұмысқа кетердеге соларға қуырып беріп кетсем деп ем...

- Жә, Нұрсұлу, мұның жарамайды.

Апам соңғы сөзін жұмсақ айтса да, қатты кінелай айтты. Нұрсұлу қипақтап:

- Қайтем енді?.. Қырманға апарайын ба? — деген лажы таусылғандай.

- Ендігәрі терме масақты. Балаларыңа осы біразға

жетер,- деді апам, оның сөзіне тікелей жауап бермей, онан соң ат үстінде тұрған өкілге бұрыльып: — Өкіл жолдас, екеуміздің алдымызда ендігәрі мұндайды қайтalamаймын деп уәде етсін. Солай ма?

- Сіз неғыл деп мәйменқөлетіп тұрсыз?! — деді өкіл шарт кетіп.- Өйтіп жуып-шаятын түк те жоқ. Қазір дерек акт жасаңыз!

- Қателескен шығар, жас балалары үшін бір жолға кешірейік,- деді апам.

- Сіз немене, акт жасағыңыз келмей тұр ма?! Астықты жұрт өстіп ұрлай берсін демексіз ғой.

- Ұрлай берсін демеймін.

- Ендеше, неге акт жасағыңыз келмейді? Қазір қағаз, қарындаш алыңыз да жазыңыз.

- Эй, Нұрсұлу-ай, сені ме...- дей берген, ренжи сөйлеген апам.- Сен бүйткенде басқа не істемейді.

- Сіз неғыл деп мыңқылдан тұрсыз. Мә, ұстанызы, жазыңыз! — деді өкіл ат үстінен қағаз, қарындаш ұсынып.- Қиқаңдастып тұратын уақыттым жоқ. Кәне, жазыңыз!

Енді апам да даусын көтере сөйледі.

- Шырағым, қызметің үлкен болса да өзің жас адамсың. Неге мұнша қадала сөйлейсің. Бүйтіп қит еткенге акт жасай берсек, эйелдердің бәрін қаматып тастан жұмысты кімге істетеміз. Бәрінің бала-шагасы бар, қун демей, түн демей жұмыста жүреді, алып жатқан бір түйір еңбектері және жоқ. Сонда бұлар өстімегендеге қайтіп құн көреді. Немене, аштан қатсын демекпіз бе?

- Ә-ә. Сіздің де көмейіңіз белгілі екен. Коммунист бола тұра айтып тұрған сөзіңіз осы болғаны ғой. Өстіп колхоздың астығын талан-таражға салып, шетінен ұрлай берсін дейсіз ғой.

- Иә, мен коммунист болып айтып тұрмын бұң сөзді. Бала-шаганы аштан қырындар деген нұсқау және жоқ.

Бәрімізде де бала бар. Мына менің де балаларым бар, өстіп уыстап, жырмыштап әкеліп асырап отырмын, өйтпесем ертең бәрі ашығады.

- Сізben басқа жерде сөйлеседі екеміз әлі,- деді өкіл тістеніп.

- Қай жерде сөйлессек те айтатыным осы.

Осы тұста Нұрсұлу:

- Қойшы, Бағила, сөзге кеп қайтесін,- деді.

Апам өкілдің сөздеріне күйініп кеткен болу керек, енді әуелгісінен мүлде керісінше, Нұрсұлуды жазғырып емес, ақтап сөйлей бастады.

- Жоға деймін-ау, енді біз өзіміздің маңдай терімізбен өсірген астықтың жерде шашылып қалған масағын өстіп жырмыштап теріп алмасақ, немен күн көреміз.

- Мен сізге айттым ғой, басқа жерде сөйлесеміз деп, болды енді. Аулақ тұрыңыз! — деді өкіл апама жекіріп, онан соң атын бастырмалатып кеп Нұрсұлуға: — Қурайыңызды көтеріп алып жүріңіз,- деп бұйырды.

Нұрсұлу барып қурайын қайта орап, байладап, иығына салды.

- Қайда апарасың? Таста! — деген апам оған ұрса сейлеп.

- Қойшы, Бағила, мына өкіл жігіттің қыбы бір қансын,- деді енді Нұрсұлу да қитыға қайсарланып.- Неміске берген қолының өтеуін, мына жесір қатын біздерден алайын деген шығар. Ал қайда апар дейсіз, тақсыр?

- Өйтіп қағытпаңыз. Қағытатын адамыңыз мен емес.

- Қайда апар дейсіз енді?

- Кеңсеге алып жүріңіз!

Өкіл Нұрсұлуды қурайын көтертіп алдына сап кеңсеге айдан апарды да, қурайымен қосып соның ішіне қамап қойды. Сыртынан ұлken құлыш салды.

- Мұныңыз қалай, бірден бүйтіп қамауға қақындыз жоқ қой,- деген апам.

- Ұрлық жасаған адамды бос жібере алмаймын,- деді өкіл.

- Қайдағы ұрлық, шырағым-оу? — деді апам оған жалынғандай үнмен.

- Мен сізбен басқа жерде сөйлесем дедім ғой, қазір аулақ жүрініз! — деді өкіл кесімді түрде.

Лаж жоқ, апам екеуміз үйге қайттық.

- Жарайды енді, не істер дейсін, біраз қорқытар да қояр,- деді апам жол бойы өзін-өзі жұбатқандай.

Бірақ өкіл жай ғана қорқытып қойманты, шындаپ кіріспіті. Ауданға хабарлап ертеңіне милиция алғызыпты, акт жасатып, күндіз біз жұмыста жүргенде Нұрсұлуды айдатып та жіберіпті. Нұғыман ара түсіп алыш қалмақ болған екен, өкіл де, милиция да: «Ең болмаса, бір адамды өстіп жауапқа тартып, басқаларға сабақ қылмаса болмайды. Ертең жұрт астықты ашықтан ашық ұрлай бастайды»,— деп екеуі екі жақтап ерік берменті. Тіпті әрі-беріден кейін Нұғыманның өзін де кінәлаған көрінеді. «Босаңдық істейсін, талан-таражға жол бересін!» — деп.

Нұрсұлудың екі баласы мен кәрі шешесі зар еңіреп көп жерге дейін артынан ілесіп барыпты да, ақыры бірін-бірі құшақтап жер бауырлап қала беріпті.

Осы құндердің бірінде апам мен Нұғыманның өзара сөйлескен бір сөздерінің күәсі болдым.

- Бұ қалай, Нұғыман-ау, соғыс болса мынау қүннен-күнге арқаға аяздай батып қыса түсуде. Қолда бардың бәрін қыс демей, жаз демей жөнелтіп жатырмыз, қымтып қалған, жасырып қалған ештеңеміз жоқ. Мынау қызыл қырманнның үстінде ұртыймыз толып ас жеп жүрген ешкім жоқ. Артық түйір тамағымыздан өтпейді. Бәрін майданға жөнелтсек екен дейміз, атың өшкір

жауды тезірек женсек екеміз дейміз. Жатсақ-тұрсақ ойлайтынымыз сол. Ал сөйтіп отырып айдалатындағы жазығымыз не біздің?.. Біз деп отырғаным, Нұрсұлу кім, мен кім, басқа әйелдер кімдер? Бірімізден-бірімізді еш айырмамыз жоқ. Бәріміздің жұтып отырған уымыз да бір, қайғы-қасіретіміз, тілегіміз де бір... Ендеше біздің бірен-саран абайсыз кеткен жеріміз болса неге кешірмеске.

Нұғыман бірден жауап берген жоқ, ойланып отырып қалды да біраздан соң:

- Кешеден бері ойлай-тойлай менің де басым қатты, Нұрсұлуға ара түсдің бар жолдарын ойластырып көрдім. Сөйтсем қыын еken, еш амалы жоқ еken. Үрлығымен қолға түскен соң, оны құтқару еш мүмкін емес. Уақыт болса мынадай, ауыр... - деді.

- Онықі үрлық емес қой, шашылып жатқан масақтығана жинап алды.

- Қазіргі уақытта масақты жинау да үрлық. Бір түйір дән жерге түспесін, ысырап болмасын дейміз. Сол үшін қүресіп отырмыз. Сөйтеміз де астығы орылып алынған жерде шашылып қалған масақ бар, соны терген еді деп, ақтау айтқымыз келеді, ал ертеңгі күні сол сөздің өзі үлкен әңгімелеге айналса не демекпіз. Онда кім жауап беруі тиіс заң алдында? Осы жағын ойландыңыз ба?

- Ойланатын несі бар. Егіні орылып кеткен жерлерде қаншама астықтың ысырап бол шашылып жатқаны рас қой. Оны неге мойында маймыз?! Көреген өкіл соны неге көрмейді?!

- Мақұл көрді делік. Сол үшін біреу жауапқа тартылуы керек қой.

- Кінәлі адам тартылсын жауапқа, тартсын жазасын.

- Онда қайсысымыз кінәліміз? Сіз бе, әлде мен бе?

- Сіз де, мен де кінәлі емеспіз.

- Бәлкім, онда анау машиналарды айдал жүрген жасөспірім балалар кінәлі шығар?

- Олар да кінәлі емес. Қайта олардың сөйтіп істеп жүргендеріне рақмет айту керек.

- Сонда кім кінәлі? Кәне, айтыңызшы, жазаға кімді тартайық?

Апам үндемей қалды.

- Сейтіп, Нұрсұлуды айдатып жіберіп қойып отыр-мақпыш ба? — деді ақырында.

- Қолдан келер дәрмен жоқ.

- Оны сottай ма?

- Сottайтын шығар.

- Онда мені де сottасын, анау басқа әйелдерді де сottасын. Топырақ жеп отырған жоқ, біздің балала-рымыз да осы астықтан жеп отыр. Еңбекке ешкімге түйір астық бергеміз жоқ, бірақ жұрт қалай алса, олай алсын, бәрібір осы астықтан ұрлап ішіп отыр ғой. Ендеше бәріміз де жауапқа тартылуымыз керек.

- Эй, Бағила-ай, айтасың-ау... Жә, бос сөзді қоялық.

- Неге бос сөз? Апыр-ау, неге бос сөз бұл?! — деп апам айқайладап жіберді.- Нұрсұлу сottалады еken де, оның артында екі кішкентай баласы мен кәрі шешесі еш панасыз жылап-еңіреп қалады еken. Ертең олар аштан өлсе қайтеміз? Оған кім кінәлі болмақ?!

- Білмеймін. Басым қатты әбден.

- Сен бастықсың, ауданға бар, сөйлес аудан басшы-ларымен.

- Не деп? Ұрлық істеген адамды босат деп пе?

- Құдай-ау, ұрлық емес қой!.. Шашылып қалған масақты терді ғой.

- Өйтіп айтуға болмайтынын өзің де білесің ғой.

- Айтуға болады, неге болмасын. Айт! Шашылып жатқан масақтарды айт, өкілдің соны көрмей жүргенін айт. Сottаса бүкіл аулымызды тегіс сottасын. Барлы-

ғымыз да ұрлық жасап отырымсыз. Жалғыз Нұрсұлудың байлас беріп, көгермей-ақ қоялық. Мениң кесімім осы. Егер айта алмаймын десең мені жібер ауданға. Мен айтайдын.

Нұғыман тағы да ойланып отырып қалды.

- Мен ертең жүррем ауданға,- деді әлден уақытта.

Бұл түні апам қырманға барған жоқ. Қызыл іңірден төсегін салды да басын тас қыш орап байлас ап, ауырған адамдай аһылап-үйілеп төңбекшіп жатты да қойды. Мен де көпке дейін үйиқтай алмадым. Шынында да апам дұрыс айтады, бүкіл ауыл топырақ жеп жатқан жоқ қой, қай үйге барсаң да қыырған бидай, талқан, кейін нан жеп отыр. Олар қайдан алды, сонда? Эрине, колхоздың астығынан. Бірақ кім қалай алып жүр, ол жағы белгісіз. Мәселен біздің үйде күнделікті жетітін астықты қайдан, кім әкеледі? Апамның да, Нәзира әпкемнің де қалталарын, яки шөлкілерін қағып жатқанын көрген емесспін. Бірақ күнделікті ішім-жем әкеп тұратындары анық. Эйтпесе біз баяғыда аштан қатар едік қой. Демек біздің үй де ұрлайды астықты. Олай болса апам айтқандай бүкіл ауылды соттау керек қой. Бір сәтке бүкіл ауылдың сотталғанын, бүкіл ауылды милиция кеп айдал апарып қамап қойғанын көз алдымға елестетіп көргем, арқам мұздап кетті. Тіпті қорқынышты екен. Онан да со бір адамды соттағандары дұрыс та. Тек Нұрсұлудың кәрі шешесі мен екі баласына обал. Әлгінде кешкісін есіктерінің алдында сүмірейіп тұрған балаларын көргенімде жаным қатты ашыды. Көздері жаутаң-жаутаң етіп аянышты-ақ...

Апам аунап түсті: «У-у...» деп күрсінді.

Нұғыман ауданға таң қылаң бере аттанып кеткен екен, ертеңіне күн еңкейген кезде қайтып оралды. Үйіне де соқпастан бірден тұра қырман басына келді. Өні қу шүберектей боп-боз, адам шошырлық еді. Көз жанары

бұлыңғыр күзгі аспан сияқты кіртиіп мұлде жансыз қарайды, көкшіл ме, қоңыр ма, сарғыш па — айырып болмайды. Аттан түскен бойда сабанға шалқалап құлай беріп көзін жұмды. Сөйтті де көпке дейін сұлық түсіп жатты да қойды.

Апам қасына отырып сусын ұсынған, Нұғыман сонда ғана көзін ашып, өзін қаумажаулап, Нұрсұлудың бір хабарын білгісі кеп телміре қалған жұртқа басын шайқады.

- Болмады. Босатпады, ісін сотқа беріп қойыпты,- деді.

Мұнан әрі ол ештеңе деген жоқ, жұрт та қазбалап ештеңе сұрамады. Нұғыман мен апам екеуі жеке қалған.

- Ұрлық емес екенін, шашылып қалған масақты ғана теріп алғанын түсіндіріп айттың ба? — деп сұрады апам.

- Жоқ.

- Неге?!

- Айта алмадым. Оны айтқан күнде лобогрейка мен шөп машинасында жүрген жасөспірім балалар жауапқа тартылады екен. Мына көрші колхозда сондай екі баланы отырғызып қойыпты... Өзің айтшы, өйтіп жауапқа тартқызатындей жас балалардың жазығы не?.. Оларды соттатуға дәтім бармайды.

Апам сағы сынғандай тұнжырап, қабағы кіртиіп, бет-аузының әжімдері көбейіп мұлде аянышты боп кетті.

- Әйтеір, қалай болған күнде де біреу отыру керек десенші. Біреуді құрбан ғып шетке шығару керек екен гой.

- Иә.

- О-о!..

Со күні кешке қарай қатты жел тұрып, көзді аштырмайтын топырақ боран соқты. Жер мен көк әлемтапырық ұйтқыған шаң боп кетті. Жұмыс тоқтатылып, жұрт қолдарына түскен киіз-алаша, киім-

кешектерімен қырмандағы астықты жауып, үлкен әбігерге тұсті.

Дауылдың арты жаңбырға айналды.

- Қазанның қара дауылы деген осы. Ал енді астықты тез орып алмасақ күннің райы осыдан осылай бұзыла бастайды,- деді Байдалы шал.

Байдалы шалдың «қазаны» ескіше октябрь айының алғашқы күндері еді.

Үш малатас пен бір молотилка тоқтаусыз жүрген соң шыдатсын ба, қырмандағы маяланған астық бірер жетінің ішінде тегіс бастырылып бітті. Шөп машина мен лобогрейка бізге күнделікті бастыруға астық бауын шауып үлгіре алмайтын болды, арбамен, сүйреткімен келгенін со келген сәтінде бастырып тастаймыз да аттарды доғарып қойып, қарап отырамыз. Біз тоқтаған сайын шолақ қол өкілдің түсі түнере туседі.

- Мыналарды неге тоқтаттыңыз?! — деп Байдалы шалға кеп шүйлігеді.

- Мен қайтейін...- дейді Байдалы шал есі шыға абыржып.

- Осы қырманның басшысы сіз емессіз бе?! Қайтсаның де жүргізіңіз!

- Апыр-ай ә, енді қайттім. Эй, осы қырманға басшы бол абырой алмаспын деп-ақ ем, айтқаным келді. Әлгі біргендір қайда екен? Эй Қанат, атыңа міне сап, шауып барып апаңды шақырып келші. Комбайн жақта жүрген шығар...

Мен торы атқа міне сап, апамды шақырып келуге шаба жөнелдім. Бір жағына қарап үрттай түсіп торы ат түзу шаба алмайды, мен де ат үстінде түзу отыруды ұмытып қалған сияқтымын, бір жағыма қарай қисая берем. Екі белді асқан соң тоқтап түрған комбайнның үстінен шықтым.

Тракторшы Есенбай мен комбайншы Иван екеуі ұсті-

бастары, бет-ауыздары май мен топыраққа баттасып қап-қара ала боп, бірденелерді тықылдатып жөндеп отыр. Екеуі де өзіміздің ауылдың адамы, тек МТС-қа механизатор боп кеткен. Есенбай жасы елуден асқан, екі ұртының үстінен жалбырап тұратын сабалақ мұрты бар, өзі көмірдей қара кісі. Трактор жүргізуді былтыр оқып, үйренді. Ал Иван болса көзі тұздай көкпеңбек, бүйраланған сары шашы шаң-топырақ, маймен сірескен, өзі құлқішіл жасеспірім бала жігіт, менің Нэзира әпкемнен бірер жасы кіші, комбайнның оқуын ол да былтыр бітірген. МТС біздің ауылға көктем болса жер жыртуға, күз болса астық жинауга ылғи осы екеуін жібереді. Әуелгі күндерде еш тоқтаусыз, тәп-тәуір-ақ жүреді де, бір алтадан кейін екеуінің «шұқыну дерті» басталады. Комбайн яки трактор бұзылады, оны екеуі екі жақтап ұзақты күн отырып жөндейді. Кешкісін бір айналып тағы бұзылады, екеуі шамның жарығында түні бойы отырып жөндейді. Ертеңіне таңертең комбайн бір айналады да тағы тоқтайды... Біресе анау бөлшегі, біресе мынау бөлшегі жоқ деп күндіз-түні мықшындағы, қашан орақ аяқталғанша комбайн жөндеуден көз ашпайды. Біздің Мұқан ағайдың екеуіне арнап шығарған өлеңі де бар.

Есенбай мен Иван

Астарында комбайн

Болат темірден құйған,

Жарты гектар егінді,

Алта бойы жиган.

«Шұқыну дертке» шалдығып,

Сауықпай-ақ қойған...

Өлең өте ұзақ, өстіп шұбыртып кете береді.

Міне, осы Есенбай мен Иванның комбайнды ақтарып тастап, тықылдатып жөндеп отырған үстерінен шыққам.

- Эй, мынаның астына мінген аты қисық па, әлде өзі

қисық па? — деді Иван анадайдан ақсия күліп. Басын көтерген Есенбай да менің далбақтаған түріме қарап күліп жіберді.

- Бұ баланың аты да, өзі де қисық екен,- деді мәз болып.- Иә, қисыққа мінген қыығым, жол болсын?

Комбайндарының тоқтап тұрғаны, бүкіл жүрттың сырттарынан мазақ етіп, Мұқан ағай шығарған өлеңді айтып екеуін мұқатып жүргені, мүлде ойларына келер емес сияқты. Тіпті мәз-мейрам. Қолдарына біреу түссе келеке, құлқі етіп, қалжак қылу — бар ойлары. Мен апамды іздеп жүргенімді айтқам.

- Э, апаң ба? Апаң — балқан таудың басында, балдыр қоян қасында, қырғауыл қуып кезіп жүр, қырғауыл одан безіп жүр...- деп Есенбай балғасын тықылдата отырып тақпақтай жөнелген, Иван оның сөзін екі дегізген жок, іліп әкетті:

- Қырғауыл жүні қызылы екен, қүйрық жүні ұзын екен. Ал сенің апаң темір мылтық асынып, дүшпандарын басынып, қырғауылды көзден атып, көздегендеге көзден атып, Манар менен Карл дейтін пақырларды желке-лерінен езіп жүр...

Екеуінің сөздерінің соңын тындаастан әрі қарай жүріп кеттім. Жүрт мұрындарынан шашылып, күндіз құлқі, түнде үйқыдан айырылып жүргенде, бұл екеуінің жағасы жайлау, ойларында түк жок, іздегендегі қалжак. Тфу! Ыза боп келем.

Апам Манардың лобогрейкасының басында екен. Карл ұста мен Манар екеуі лобогрейканы енді ғана жөндеп болып қолдарын сабанға сүртіп түр да, апам екеуіне ат үстінен төніп кеп ұрсып түр. Қамшысын үйіріп, екеуін де осып-осып жіберердей түйіледі.

- Эдіре қалғырлар, жүргізетін болсандар дұрыстап жүргізіндер де, әйтпесе, көзге шыққан сүйелдей болмай құрттыңдар көздерінді!.. Табандарынды тіліп, екеуінді де

ФЗО-ға жібертейін бе осы! Сомадай болып, қит етсе есіл-дерттерің ойын. Ойындарың осылғырлар!.. Бол тез, сүртіншектенбей, отыр машинаң! Ертеден бері ұш-ақ айналдыңдар, осы алақандай жерді.

- Бұзылып қалды ғой,- деді Манар міңгірлеп. Ылғи күлімсіреп тұратын, ашулану дегенді білмейтін момын мінезді болатын. Элгіндегі комбайншы Иван, мына ұста Карл үшеуі бір класта оқыған түйдей жасты балалар еді.

- Әдейі бұзасыңдар. Кейбір керекті бөлшектерін бұрап өздеріңе аласыңдар да, бұзылып қалды деп қарап отырасыңдар. Бәлем тұра тұрыңдар, екеуінді мен әлі тергеуте алғызам. Қораларына колхоздың машиналарының саймандарын ұрлап тығып, екеуінің не істеп жүргендерінді бір тексертем, түбі.

- Олардың бәрі жарамсыз, ескі саймандар ғой, тәтетай-ау.

- Жап аузыңды! Осы тұрған жерлерінде мына қамшының сабы сынғанша пәре-пәрелерінді шығарайын ба! Бүгін қай жері сынды кәне?!

- Косогон шақ келмейді. Ылғи сыннып кете береді.

- Әдейі сындырсаң қайдан шақ келсін. Айтам ғой, қаскунемсіндер екеуің де. Ол неге сына береді, әйтпесе?

Манар ұндеғен жоқ, ендігі жауапты Карл ұста қайырды. Ап-арық, даусы шіңкілдеген, өзі тұтықпа болатын, немістердің ішінде қазак тілін тез үйреніп, етене боп кеткен еді.

- Ж-ж-жақсы ағаш к-керек, м-м-мына ағаш ж-жаман,- деді қолдан жасалған косогонды нұсқап.

- Несі жаман?

- Қ-қатты емес, т-тез сы-сы-сынып...

- Қайтсендер де бүгін осы араны шауып бітіріңдер! Өздерің косогон болыңдар! Егер бітірмесендер менен жақсылық күтпендер! Онда ертең анау кораларындағы саймандарынды тегіс ұстаға алғызып, өздерінді қаматам!

— деді апам қатты ескертіп.- Эй, Карл, сен бүгінде осы лобогрейканың басында бол. Тұнде болса да шабасындар. Үқтывндар ма?!

- Ж-жа-жарайды.

Апам атының басын бұрып кетті. Мен соңынан ергем. Кетіп бара жатқанымда Манар маған құлімсірей қарал көзін қысты да Карл сыйырлап:

- К-қанат, анау дөңгелек әлі бар ма? — деп сұрады. Мен басымды изедім.

Манар мен Карлдың әдеті — бүкіл ауылдағы көздеріне түсken темір-терсекті жинаиды. Өздеріне керектіні де, керексізді де жинай береді. Бір жылдан бері екеуі машина құрастырып, жасап жүр. Кәдімгідей от алып жүретін, төрт дөңгелегі бар автомобиль машина жасаймыз деп бөседі өздері. Тұнеуқуні Карл біздің үйдің қорасынан мотоциклдің есікі бір дөңгелегін көріп, жат та кеп жалынып сұраған болатын, сол дөңгелектің маған тіпті түкке керегі жоқ болса да мен өзімнен-өзім қитығып бермей қойғам. Қазір де сұрап тұрғаны сол.

- Эй, Қанат, жүр! — деді апам.

Мен мұнан әрі қарайламастан шаба жөнелдім. «Әлі ол дөңгелек үшін екеуінді талай жалындырармын,» — деп қойдым ішімнен.

Манар мен Карлдың достығы біздің ауылда аңызға айналған. Арапарынан қыл өтпейді еken десетін. Екеуінің қалай танысқандарын бір рет естігенім бар. Немістер келген кезде, оларды көшіріп әкелуге, станцияға біздің ауылдан барған арбаның бірін Манар айдал барады. Біздің Манар жүқалтаң өнді, сүйкімді, қыз мінезді бала ғой, ал осыдан үш жыл бұрын тіпті кішкентай кезі. Өзіне бір қараған бала үйіріліп, дос болғысы кеп тұратын, ерекше бір қасиеті бар бойында. Міне, сол Манар үлкен адам сияқты бір арбаның иесі бір өзі боп тұрғанда, қасына өзі құралпы бір немістің баласы

келеді. Екеуі сөйлеседі, бірақ бірінің тіліне бірі түсінбейді, сонда да бірін-бірі түсінген адамдардай-ақ күліседі, қол алысады. Бірі: «Карл» — деп, екіншісі: «Манар», - деп өздерінің аттарын атайды.

Содан екеуі айырылмайды. Карлдың жалғыз кәрі шешесі бар екен, басқа колхозға кетпек бол тұрган жерінен екеулемп жүріп, Манардың арбасына ауыстырып отырғызады. Сөйтіп, ауылға келісімен Карл мен шешесі даярлап қойған басқа үйге бұрылмастан, тұра Манарлардың қарсы үйлеріне барып кірді. Манардың да жалғыз кәрі шешесі бар болатын. Балалары тату-тәтті дос болғаннан кейін екі кемпір де бір-бірінің тілін ұқпаса да ыммен сөйлесіп, жақсы көрші бол кетті.

Манар мен Карл екеуінің түрлерінде де, жүріс-тұрыс мінездерінде де бір ұқсастық бар. Екеуі де күліп тұрады, басқа өздері қатарлы балалар сияқты көшеге шығып дарақтап жүргендерін бір көрмейсің, ылғи шұқылап бірдене істеп жүргендері. Өткен қыста Ахат ұста соғысқа кеткеннен кейін колхоздың ұста дүкені екі айдай жабық тұрды. Ақыры бір құні шөп тартып жүрген бір шананың шен темірі босап, соны жөндеу үшін сол кездегі бригадир Байдалы шал дүкеннің аузын ашқан. Екі-үш шал көрікті қыздырып, енді темірді қалай пісіріп, қалай соғарларын білмей бір-біріне: «олай ет, ғұлай ет», - десіп керілдесіп тұргандарында, үстеріне Карл мен Манар келеді. Карл үн-тұнсіз кеп қызған темірді төске салып тарсылдатып соға бастайды. Қолы тіпті икемді, балға соғысы нық. Шен темірді әп-әдемі етіп тартып, әп-сәтте шегелейді де береді. Мәз болып қуанып кеткен Байдалы шал дереу сол арада Карлды ұста етіп тағайындаиды. Карлдың ұста болу тарихы осылай.

Апам маған ренжіп ұрысқанда ылғи осы екеуін кесе көлденең тартып мақтайтын. Екеуі де еңбек сүйгіш, талаптары таудай, өнегелі жақсы балалар деп жер-көкке

сыйғызбайтын. Маған: «солардан ұлгі ал, солардай бол», - дейтін. Енді қазір апамның екеуіне сонша қатты ұрысқа-нына таңырқап келемін. Оның қалай деп апамнан сұрауға батпадым. Өйткені ашулы еді.

Қырманға келісімен, неше күннен бері тісін қайрап жүрген шолақ қол өкіл, ал кеп жан алқымға алды дейсің апамды. Дәл қазір табанды апамды айдатып жіберетін шығар деп зәрем кетті менің.

- Астық қайда? Неге орылмайды?
- Лобогрейка сынып қалыпты.

- Неге сынады?! Неге?!.. Немене, қасқунемдік істегің келе ме?! Әдейі сындырып отырсың гой!.. Жауапқа тартыласың! Сотқа берем мен сені!.. Қолмен ор, орақпен ор!.. Бүгін мына қырманда астықтың бауы болатын болсын!..

Егін орағының нашар жүріп жатқанына апам кінәлі болу керек, өйткені жайшылықта өзіне бұлай айқайлаған адам болса көкесін таныстырып жіберер еді, ал мына шолақ қол өкілге ләм деп үн қатқан жоқ. Өні қара курен тартып сазарып, тістенген күйінде атына мініп қайта кетті. Біраздан кейін арбаға, сүйреткіге тиелген астық баулары келе бастады қырманға.

Бұл күні біз қырманнан түнде қайттық. Қырманның басында-ақ қона салатын едік, бірақ түн сүйқ екен, жалаң аяқ, жалаң бас күйімізде тісіміз-тісімізге тимей қалышылдап тоңып кеттік. Үйге апамның өзі әкеп салған. Бел орағышын шешіп, сәлт-пәл тізе бүгіп, беліне бөтел-кемен ыстық су қойып, есін жигандай болған соң, бел орағышын қайта Тас қып оранып енді кетпек боп тұрға-нында, салдырлап жүріп келген арба есік алдына тоқтай қалды.

- Іте!.. Іте!..- аттандай дауыстаған Манаар.
- Тағы не боп қалды?! Эй, оңбагандар-ай!..- деп апам

сыртқа шыққан. Сөйткенше болған жоқ.- А! Не дейді?!  
Ойбай, не дейсің?!. - деген үрейлі даусы естілді.

Үйдегі біздер де сыртқа ұмтылдық. Апам арбага үніліп:

- Қалай болды?.. Қалай? — дей берді.

Арба үстінде қинала ыңырысып біреу жатыр.

- Карл-ай, эй, Карл, айналайын...

- М-м... - деді ыңырыси ыңыранған Карл.- М-мм...  
ма-ма-а...

Манар «у-у» деп қыстыға тістеніп жылап жіберді. Онан соң жылай тұрып қалай болғанын айтты. Элгінде ымырт кезінде, қараңғылық әбден түсіп, көз байланғанға дейін тағы бір-екі айналым жүріп тастамақ болады, сөйтіп екі айналып, енді үшінші айналымның орта тұсына жеткен кезде, шалғы астынан біреу баж ете қалады, аттарды тоқтатқанша, едәуір сүйретіп тастайды. Секіріп түсіп қараса: Карл...

- Соның алдында ғана: «Мен сені қырман басында күтемін», деп, кетіп қалған болатын... Екеуміз түнделетіп Шымыrbай шалдың үйіне қауын жеуге бармақ едік...- Мұнан әрі Манар сөйлей алмай тағы да өкіре жылады.

Әжем үйден алып шыққан шамның жарығында апам Карлды қарай бастаған: өне бойынан саутамтық жоқ, қан-қан, үстіндегі киімдеріне дейін тілім-тілім туралып кетіпті. Астына төселген сабан да шылқыған қан. Апам шыдай алмай теріс айналып кетті.

- Айналайын-ай... айналайын-ай... Дереу Қоңырға дәрігерге шабу керек, бұ қүйінде мына түнде алып жүргүре болмайды. Кім барады енді дәрігерге? — деді өзімен-өзі кеңескендей күнқілден.

- Жә, мен өзім барам да,- деді онан соң.- Тек мына баланы қазір үйіне апару керек... Байғұс-ай, шешесінің жүргегі жаман еді... Эже-ау, сіз мына көршідегі немістің

кемпірлерін оятыңыз, соларды ертіп, қазір мына баланы үйіне апаралық. Шешесін шошытып алмау керек...

- М-м-м... ма-а...

- Шыда айналайын, қазір мен дәрігер алып келем...  
Эже-ау, барсаңызшы енді тез!..

- Барайын, барайын. Ой, сорлығай, маңдайының соры бес елі екен-ау... Ой, соры ашылмаған бейбақ-ай...

- Сен неғыш тұрсын, дірдектеп?! — деді апам маған жалт бұрылып.- Кір үйге! Анау кішкене балалар шошыгасын, солардың қасында бол!

Мен үйге кірдім. Есік алдындағы арбаның жүрісі біртіндең ұзап кетті.

Әжемнің баурында ғана жатып ұйықтап үйренген інілерім: Болат пен Марат ұшып-ұшып тұрып, ал бақырып жыласын «әжелеп». Екеуін олай деп те жұбатам, бұлай деп те жұбатам, кәне қойсыншы, онан сайын өршеленіп, бірінен-бірі асырып бақырады. Олардың бақырған дауыстарынан қарындастым Жанар оянып кетті. Шошып ол жылай бастады. Не істерімді білмей дал болдым, тіпті әрі-беріден кейін соларға қосылып өзімнің де жылағым келді.

- Эне, қазір аш қасқыр келеді!..- деймін.- Эне, терезeden аю қарап тұр!..- деймін, бәрібір қоймайды. Тереге жүгіріп бардым да, оларға байқатпай тық-тық еткізіп қаға бастадым.

- О кім, терезе қағып тұрған? — дедім, онан соң дәл сырттары біреумен сөйлескендей.-Бұбітай жындымын дейсің бе? Жоқ, ашпаймын есікті, әжем де, апам да жоқ үйде. Ашпаймын. Жылап жатқан біздің үйдің балалары емес. Мына Нұрсұлдың балалары ғой.

Інілерім де, қарындастым да жылағандарынан саптыйылып, көздері бағжандарап үрейленіп, маған қарай қапты.

- Бұбітай жынды кеп тұр ма? — деді ересегі Bolat.

- Иә. Сендердің жылағандарыңды естіп кеп түр.
  - Қанат, біз жыламаймыз. Айтшы, кет деп. Біз жыламаймыз.
  - Эй, жынды Бұбітай, кет аулақ! Біздің балалар жыламайды! — дедім мен айқайлап. Бір сәтке өзім ойлап тапқан өтіріктен өзім қорқып, қараңғы терезеге қарай беруге жүрегім дауаламай, інілерім мен қарындастымның қастарына келдім де, солардың көрпесінің шетін жамылыш жата кеттім. Жалғыз жатуға қорықтым.
  - Бағана күндіз жынды Бұбітай біздің үйге келген, Тоштан ұрып-ұрып алыш кетті; - деді Болат тағы да.
  - Қанат, бей қайап жатшы,- деді даусын шығаруға қорыққан Жанар сыйырлай қынқылдан. Онан соң мені мойнымнан шап қысып құшақтап алды.
  - Қанат аға, Болатқа айтшы, мені құшақтасын,- деді Марат та қынқылдан.
  - Болат, сен ұлкенсің ғой, құшақтап жат Маратты...  
Өстіп жатып үйиқтап қаппыз.
- Бұл тұн мен үшін өте қорқынышты тұн болды. Тыншып ұйықтай алмай қайта-қайта шошып ояна бердім. Ылғи бір қорқынышты түстер көрем: біресе Үрийсбек ауылдың барлық балаларын алдына салып ап, бәрінді де атамын, деп мылтығын кезеніп қуып жүреді, мен есіктің алдындағы жинаулы тезектің астына тығызып жатып ояндым; енді бірде Манар мен үстібасы қан-қан Карл екеуі құшақтасып ап күліп отырады, бірін-бірі сүйіп қояды. Карлдың еттері ырсыып-ырсыып тілгіленіп,. қаны тамшылап түр; тағы бір түсімде соғыс екен деймін, ылғи әскерлер сапқа түрьип, сарт-сұрт жүріп кетіп жатыр, тұманша қаптаған тұтіннің ішіне кіреді де жоқ болады, соларға қарап түрғанымда қолында жаландаған пышағы бар семіз адам екінші жақтан шыға келеді, көзі шатынап, мені сойып жемек бол қуып береді, мен жан дәрмен ышқына қашам, бірақ

түк жүгіре алмаймын, «апалап» аттандаймын, әлгі адам әне ұстады, міне ұстады дегенше дәрменім құрып, жүргім үзіліп отыра кетем... Шошып ояндым, жүргім кеудеме сыймай дұрс-дұрс етіп дірілдеп кетіппін. Үйдің іші ала көлеңке, май шам сыйғрайып жанып тұр. Тұннің қай мезгілі екені белгісіз. Эжем әлі жоқ. Кішкене балалар қаннен-қаперсіз пысылдан ұйықтап жатыр.

Неткен ұзақ түн. Тағы да ұйықтап кеткем, тағы да түс көрдім: ауылға ылғи бір ұры иттер қаптап кеткен екен деймін, баяғы Қарақаншық — Көкінайдың күшіктері шеттерінен ұры бол, тістерін ақситып ырылдан, жұртты үйді-үйіне қуып тығып жүр; мен де зәрем ұшып үйде тығылып тұрмын, терезенің алдында менің сыртқа шығуымды аңдып тісі сақылдан өзімнің қара күшігім тұр, мені қаппақ: «Құдай-ау, бұл бір пәле болды ғой, далаға шығып ойнаудан қалдық-ау»,— деп зар еніреп жылаймын...

Үй ішіндегі тықыр-тықыр жүрістен ояндым, шам сөндіріліпті, терезеден бозамық жарық түсіп тұр, әжем жайнамазын жайып, таңғы намазын оқығалы жүр екен.

- Эже, апам қайда?

- Апаң қырманға кетті.- Сорлы... соры қайнаған сорлы, бүгін тағы ұйықтаған жоқ.

Әжемнің даусында апама деген аяныш та, кейістік те, реніш те — бәрі-бәрі бар еді.

Ертеңіне түсте апам ыстық су ішу үшін үйге кірген, бірақ іше алмады. Өйткені, әжем оған бірден дұрсе қоя берген:

- Бұ колхоздың жұмысы саған ғана керек пе осы? Құдай-ау, неге сонша қатал бол барасың? — деп.

Апам тісі ауырған адамдай қабағы кіржиіп шытынып қалды, бірақ үндеғен жоқ. Неше күннен бері жөнді үйқы көрмеген өні әжімденіп, көзі кіртие қарайды.

Мен іштей әжемді қостап отырдым.

Лобогрейка да, астық шауып жүрген шөп машиналары да, мұлде тоқтап қалды. Ұста жоқ. Бүкіл ауылдан темірді темірге қойып соғатын бір адам табылмады. Нұғыман шапқылап ауданға қайта кеткен, ұста іздел. Екі күннен кейін қайтып оралды. Бір ұста табылған екен, оның өзі де кергіп, үш күннен кейін ғана қолым тиіп бара аламын депті.

Егін күннен-күнге қурап барады, енді біраз күн кідіртсе кейбір учаскелердің егіні жерге құйылып, түсү қаупі бар. Жан дәрмен кез. Шалғымен шабу басталды. Мектепте әжетке жарайтын балалар сабактан босатылып, қол орақпен астық оруға, орылған астықты жинауға жіберілді.

Колхоздың ең алыс участогі — Күреңбелдегі егін орағында жүргенімізге біраз күн болды. Үлкендер шалғымен шабады, біз, балалар, орағымыз барларымыз орақпен орамыз, орағы жоқтар орылған астықты баулайды. Бәрімізге күнделікті белгіленіп берілген норма бар. Таң қылаң бергеннен көзімізді жыртып ашып, шалғышы үлкендер бір қатар, орақшы балалар бір қатар боп тұра қап жұмысқа кірісеміз. Соңан ұзақты күнге бел жазу жоқ.

Құзгі аспан реңсіз, буалдыр тұтін басқандай мұнаратады да тұрады. Таңертеңгі дала сыйзы, салқын, жақ жүнінді үрпітіп, өне бойынды тітірентіп жібереді. Тек сәске кезінде ғана құрысың жазылып жылынасың. Дәл желкеңе шығып алған күннің көзі арқаңды шымшымдаң қыздырып, пысынатып, терлете бастайды. Төңірек тегіс шаңғытып кетеді. Құлағында тек сыр-сыр еткен шалғы мен орақтың сыйбыстары. Көз алдында тек әбден қурап, сиңғырлаған мысық мұрт егін, уыстай қармағанында сабактары зыңылдайтын сияқты. Абайлап ормасаң масақтары саудырап сағағынан сынып түсіп жатады. Ештеңеге аландауға да, іркілуге де болмайды.

Неше күннен бері егіннің сабағы сойғылап күптей болған алақаның тұз уыстағандай тызылдайды, басың айналып, көзің бұлдырайды, бірақ бәрібір сонда да ора беруің керек. Эйтпесе құндік норманды орындаі алмай қаласың.

Өзегің талып тезірек тұс болуын тілейсің. Тұсқи тамақты ішіп, ес жиып, аз да болса дамылдағың келеді. Шалғы шауып жүрген Ырысбек жаққа әлсін-әлсін қарағыштап соның бір ауыз сөзін зарыға күтеміз. Тұс болғанда ол сағатын қолына алып, ылғи:

- Демалыс! — деп айқай салады бәрімізге. Сол кезде қолдарымыздағы шалғы-орақтарымызды жеткен жерлерімізде тастай-тастай береміз.

Шалғышылар мен орақшы балалар екіден-үштен бірігіп, шөпті қалындал жауып, бір-бір күрке жасап алғанбыз. Сонымызға кеп дамылдаймыз. Біз Нәзира әпкем екеуміз бір күркедеміз, бізден әрі Көлбай керең мен Дүрия, онан әрі Эмма мен Гүлсара, басқа бес әйел мен Эжібек бастаған балалардың бір-біріне иін тіре-стіріле жасалған күркелері, ең шетте Ырысбек пен Зибаштың күркесі.

Ырысбек күркесіне жете бере домбырасын қолға алады. Осы күні өзі бұрынғыдай мұңаю, күнірену дегенинің бәрін қойған. Көбіне «Краковякты», немесе сол сияқты басқа да көнілді ән-күйлерді ойнайды. Домбыраны шанағынан тық-тық-тық... дегізіп шертіп қойып отырып:

Тира-ри-ра ри-ра-ра,

Три-ра-ра-ра ра-ра-ра...

Русский, немец и поляк

Танцевали краковяк.

Триля-ли-ли ля-ля-ля

Трайля-ли-ля ли-ля-ля... -

деп сампылдағ әндетіп жөнеледі. Шөп күркелеріміз

шошаң-шошаң етіп билеп тұрғандай боп көрінеді. Күй ыргағына еріксіз елігіп, тапыр-тұптыр билегің кеп кетеді.

Мұнан кейін Үрысбек Зибашқа арнаған әндерін айта бастайды.

Зибаш-ай,

Қасыңың қара қигашы-ай,

Құрбынды, қалқам, сыйлашы-ай...

Құрке-күркемізде отырып мәз боп құлеміз, шаршаға-  
нымызды ұмытқандай сейіліп қаламыз.

- Жынды ғой... нағыз жындының өзі...- деп Нәзира әпкем басын шайқап күле береді.

Көп күттірмей ауыл жақтан ыргатылған өгіз арбамен тұскі тамағымыз — сүт қатқан (кейде ішінде еті де болады) кеспе көже келе жатады.

Тұскі тамақты ішіп, аз-кем тыныстап алғаннан кейін жұмысқа қайта кірісеміз. Тағы да мұнартқан аспан. «Жұжу-жоку»... еткен шалғының, орақтың сыйбыстары, сыңғырлаған мысық мұрт астық, бір орыннан жылжымай мөлиіп тұрып алған күннің көзі, тызылдаған алақан... көз алдың бұлдырап, басың айналады... Күн батпай, кеш түспей зарықтырады-ау, тағы да. Эбден сілеміз құрып, титықтап кеп, күркемізге жете бере құлаймыз. Ұмырт кезінде тағы да сүт қатқан кеспе көжені алыш өгіз арба жетеді...

Апам келіп, орылған жерді саржамен өлшеп, кім нормасын қанша орындағанын айтады. Сонсоң өзі қонаға Нәзира әпкем екеуміздің қасымызда қалады. Түн салқын. Кімшешең күйімізде қисая кетіп, үйден әкелген ескі көрпе мен ішік-тондарға оранып, төңірегімізді шөппен қалындал қымтанаң аламыз. Кураган шөптің арасында ермені болса көпке дейін пысқырынып-түшкірініп жатып үйқыға кетеміз.

Алайда апамның түн үйқысының төрт бөлініп жата-  
тынын мен жақсы білем. Кейде ол тұрып кеткен кезде,

ірге жағымнан лап етіп азынап қоя берген сүйкітан тітіркеніп оянаам. Күркениң сыртынан оның әрі-бері жүрген аяғының дыбысы естіледі. Сәлден кейін қайтып кеп, қараңғыда сипаланып шетте жатқан Нәзира әпкемнің ірге жағын қымтап, ортадағы менің үстімді дұрыстап жауып, өзі ақырын ғана орнына жатады.

- Апа, неғып түркіп жүрсің? — деп сұраймын мен.

- Жәй, от кетіп қалмасын деп жүргенім ғой,- дейді.- Мынау Ірысбек деген түні бойы темекі тартады, сонан көріп балалардың арасынан да темекі тартатындар шығып жүр... Төңіректің бәрі қазір от түссе лап еткелі саңғырлап тұр емес пе. Үйікта, таңтерең ерте оятам...

Апам шынында да ерте оятады. Шығыс жақтан таң қылаң беріп, төнірек ағара бастаған кезде, барлық құркедегілерді аяғынан тік түрғызады. Бірден түрғысы келмей, жылы құркеде керіліп-созылып, «әне, міне» деп жатып алатындар да бар, апам ондайлармен әздектеп түрмайды, қамшымен жон арқадан бір тартады. Жөнді үйіктамағандықтан өзінің түсі сүйк, ызбарлы, ешкімді бетіне қаратпайды. Мұндайда апамның бетіне қарауға мен өзім де қорқам.

Дала өте салқын. Жылы құркеден шыққан бойда дірдек қағып, бұрсектей жөнелесің. Жалаң аяғынды шөпке қонған ақ қырау шық қарып-қарып түседі. Орақты қолға аласың, жүзін көкаязданған қырау тұтып қалған. Егін оруға кіріссің, жez тұтіктердей көкаязданған сабақтары алақанынды қариды. «Жжу-жжу»... дегізіп шалғышылар бастайды. Мен Нәзира әпкеме қараймын, ол шалғысының жүзін жанып-жанып алады да құлаштап кеп сілтейді. Өзі шалғышылардың ең алдына түсіп алады. Эуелгі күндерде Ірысбек соңынан қуалай түсіп, бастырмалатпақ бол біраз әуреленген, өкпесі өшіп, өзі өліп қала жаздады.

- Мына қыз ба? Мына қыз жойқын екен,- деді

ақырында. Өзі Нәзира әпкеме қарағыштап, сөйлескісі кеп бір-екі рет жақын келген. Нәзира әпкем теріс қарап мүлде сөйлеспей қойды.

- Өзінің көзі жаман, тіпті суқаным сүймейді,- деді кейінрек күркеге келгенімізде маған.

Кеше түсте демалысқа шығар кезімізде Ырысбек тағы да кеп:

- Нәзира, қалқам, осы сенің шалғың сиқырлығ-ау деймін, кәне ұстап көрейінші,- деп, шалғыны емес, Нәзира әпкемнің білегін ұстаған.

Нәзира әпкем жылан шағып алғандай қолын тартып алды да, өзі кейін шегініп, шалғысын құлаштай ұстап, тұра қалды.

- Тура орып түсірем, кетіңіз аулақ! — деді, қып-қызыл бол түтігіп.

- Қалқам-ау, Нәзира-ау, мен... мен...

- Мен ешқандай да «қалқаңыз» емеспін сізге. Ендігәрі жақын жуушы болмаңыз!

Нәзира әпкемнің түрін көріп мен өзім де тіксініп қалдым. Ырысбек енді бір қадам жақындаса аяйын деп тұрған жоқ, орып түсіруге дайын.

Ырысбек тайсақтап өз жөніне кетті. Күркелерінен Зибаштың оған шаң-шұң етіп ұрысқаны, онан баж ете түскені естілді.

Сірә, Ырысбек бір қойған болу керек. Қасыма Әжібек келе қапты, қолында Ырысбектердің шәугімі.

- Жүр, бұлақтан барып су әкелейік,- деді.

Мен күркеге кіріп, өзіміздің шәугімді алып шықтыйм.

- Нәзира әпкең дұрыс істеді,- деді былай шыққан соң Әжібек.- Ол Ырысбекке сөйтпесе болмайды, күле қараса-ақ бітті, мүлде иектеп алады.

- Сен өзің оған неге су тасып жүрсің, ендешे? — дедім мен.

- Эй, Қанат-ай, баласың ғой әлі, мұрныңа түктің иісі

келмейді. Мен суды Ырысбек үшін тасып жүр дейсің бе? Жоқ. Зибашқа бола тасимын. Сорлыға жаным ашиды. Тұнде тұні бойы жылап шықты.

- Неге? Ырысбек үрып па еді?

- Жо, үрып қайтеді оны, онсыз да табанын жалауға дайын тұрған қатынды.

- Онда неге жылайды?

- Ырысбек тұнде бір жаққа кетіп қалды.

- Қайда?

- Білмеймін. Не көп, жесір келіншектер мен қыздар көп емес пе. Соның біреуіне кетті де.

- Қалайша?

- Тфу! Өзің бір ми кеше екенсің ғой...

- Ал Зибаш ше?

- Зибаш қайтушы еді, еңіреді де жатты таң атқанша. Эйтеуір қасында мен болдым.

- Сен не істедің?

- Эрі-бері жалынып жұбатқан болдым, сөйтіп арқасынан құшақтап жатып үйиқтап қаппын. Ертеңгісін сенің апаңың қамшысы жон арқамды тіліп өткенде бірақ ояндым... Тіпті оңдырмай үрыпты, қарашы өзің, көкпенбек қып тіліп түскен. Сен апаңа айтып қойсанышы, тиыш жүрген адамға өйтіп жөн-жосықсыз өзі соқтығып, қожаңдай бермесін. Қазір баяғы заман емес, үрып-соққанды көтеретін. А то ерегестіре берсе, мен бір күні сіріңкені алам да тартып кеп жіберем астыққа қарай. Сонан кейін не істер екен маған. Жұз жерден соттай берсін, сотынан қорқар мен жоқ.

Біз бұлақтан су алып қайтып оралғанымызда Ырысбектің домбыраға қосылып әндеткен даусы Гұлсара мен неміс қызы Эмманың күркесінен естілді.

Адам тумас Эммадай,

Күміс шашты, ай маңдай,

Үлбіреген тамағы,

Жаңа піскен алмадай.

- Өй, тилемең курсун Ирисфек, жохалшы ар! — дейді шарылдай сөйлеген Эмма.

Эмма — ұзын бойлы, сары шашты, көк көзі мөлдір аспандай түп-тұнық, жасы жиырма бестердегі неміс қызы. Өзінің қазақша сөйлегені қызық. Эжібек оған ылғи бірдене деп тиісіп, сөйлетіп қояды да, оның қазақша қарғанып-сіленіп ұрысқан сөздеріне өзі ішексілесі қатып күледі. Міне, қазір сол Эмма Ырысбекке ұрсып жатыр екен.

- Жә, жә, жә... Эммажан, өзің тіпті сауырыңа қол тигізбейсің ғой,- дейді Ырысбек. Бізді құркениң аузынан көріп қалған:

- Эй Эжібек, жүгірмек, суды бері әкел! — деді дауыстап.

- Қап, көріп қойды-ау, ә,- деді Эжібек өкініп, онан соң.- Қазір,- деп дауыстады да тасалана бере, шәүтімнің қақпағын ашып, ішіне түкіріп-түкіріп қойды.- Кел, Қанат, сен де түкір. Тфэй, тфэй, осы суды ішіп, Эммаға жады боп қалса екен!

Шыныменен Эжібектің түкіріп берген сұйының әсері болды ма, білмеймін, сол күні кешкісін Ырысбек Эмманың құркесіне біржола ауысып көшіп алды да, Гүлсара басқа әйелдердің қасына кетті. Зибаш шашын жайып жіберіп, көл-көсір жылап, Эмманы қарғап-сілеп қала берді.

Кешкісін апам келгенде болған оқиғаны естіп, қатты ашуланды. Ырысбекпен сөйлесуге Эмманың құркесіне барған. Апамның не айтқанын ести алмадым, бірақ Ырысбектің сөздері анық естілді.

- Күнім, жеңешетай, иманымдай шыным, мына Эммаға мен өлердей ғашықпын. Бұрынғымның бәрі бекершілік, бозбалалық екен. Енді, міне құдай қосқан қосағым, осы, «күміс шашты, ай маңдай» болады. Ант

етем,- деді қарғанып.

Ертеңіне Эжібектің қуанышында шек жоқ еді. Бетіне қарасаң-ақ болды езуін жия алмайды, ыржиып күле береді, бет-аузын қисандатып, көзін қысып қояды.

- Зибаш қалай? — деп сұрадым мен бір қалт еткенде.

- Қайтер дейсің екі-үш күн жылайды-жылайды да қояды ғой.

- Тұнде сен қасында болдың ба?

- Эрине. Жалғыз өзі қорқады ғой.

- Енді сен үйленесің бе?

- Ақымак, маған әлі төрт-бес жылсыз үйленуге болмайды ғой.

- Оған дейін Зибаш тағы біреуге тиіп кетсе қайтесің.

- Жоқ, енді басында торғайдың миындай миы бар болса тимес. Басына тас тиді ғой. Нишауда, өзі былай жылағанын қойып, есін жиған соң айтам ғой.

- Не деп?

- Менің ер жеткенімді күт деп.

- Эй Қанат, неғып қарап тұрсың! — деді осы кезде Нәзира әпкем.

Осымен Эжібек екеуміздің сөзіміз үзілді де жұмысқа кірістік.

Бұл күні кешкісін апам, біздің қасымызға қонуға келген жоқ. Орылған жерді Бектай есепші кеп өлшеді.

- Апаларынды ауданға шақыртып кетті,- деді біздің сұрағымызға.

Апамнан екі күндей еш хабар болмады. Бізде де пәлендей ештеңе бола қойған жоқ. Күні бойы бел жазбай орақ орамыз, түскі дамыл кезінде Ырысбек домбырасын қаққылап «Краковякті» ойнайды, Эммаға шығарған әндерін айтады, соны тындалап біраз сейіліп қаламыз, кешкісін қымтанип оранып ап, ермен шөпке түшкіріп жатып қатып үйіңтайды.

Үшінші күні таңертең оянғанымызда, аспан тұтасып

бұлттанып күн жауып түр екен. Ауа райы ызғарлы. Жонғардың шындарына қар жауыпты көздің жауын алыш, аппақ бол жарқырап көрінеді.

- Эттегене-ай, енді екі күн ашық түрғанда мына участокті бітіріп кететін едік-ау,- деді Нәзира әпкем.

Орақ тоқталды. Ешкім құркесінен шыққан жоқ, оранып-қымтандып қайта жаттық. Ал үйінде Талайдан бергі есесі кетіп жүрген үйқының орнын бір толтырдық. Түсте ауылдан тамақ келген жоқ. Үйқымыз қанған соң қарнымыз ашты. Эркім масақ теріп әкеп, үгіп, қуырып жеуге кірістік. Ар жағына ел қонып көнілденген соң Ырысбек ән салды, екі сөзінің біріне Эммасын қосып айтады.

- Хойши, уят мес пе,- деп сиңғырлай қүледі Эмма. Эмма қүле берді, қүле берді... Бір кезде Ырысбектің:

- Жә, болды! — деп ақырған даусы естілді. Төнірек тым-тырыс тына қалды, басқа құркелердегі дабыр-дұбыр сөздер де пышақ кесті тоқтаған, тек Ырысбектің ғана ақырғаны естіледі: — Неменене жетісіп қүле бересің?! Кет кәне!.. Кет!.. Көрінбе көзіме!.. Сәлден кейін Ырысбектің даусы қүнірене шықты.- Ой, дүниег-ай, не бол кеттің?!. Не бол кеттің?!. Жазың қайда жады-раған, жарым қайда құлмес жалған; қызық қайда — көрген түстей; отырмын мен неге у ішпей? Манғайыма жазылмаған шынарым-ай, сүм тағдырдың жетегінде кетерміз бе, адасумен, осылай. Өрт бол лаулап қүйіп-жанып барамын. Қор болдым ғой, қор қылдың ғой, қайтейін-ай, бір кездегі асылым ең — арманым... Дүрия!.. Дүрия!..- Мұнан әрі еніреп жылап жібергендей болды.

Біз, балалар, атып-атып тысқа шықтық, Ырысбек отырған құркениң аузына келдік топырлад. Эмма болбоз бол құты қашып анадай жерде түр, дір-дір етеді. Ырысбек құркениң ортасында, екі көзінен жас тарам-

тарам ағып, екі қолымен кеудесін жұлып жеп, уқалап отыр.

- Күйіп барам, өртеніп барам, алсаңшы мені, сүм тағдыр... Неден жаздым, неге бүйтіп қорлайсың...

Біз, балалар, не істерімізді, не жәрдем етерімізді білмей қараңық та тұрдық. Бір кезде біреу кеп біздерді екіге бөліп ығыстырып, алға өте бастады. Дүрия екен. Мұның да көзі бұлаудай, сорғалаған жас. Үмтүлыш барып Ырысбекті құшақтан отыра кетті. Екеуі құшақтары айқасқан күйде сағынысып көріскендей бірін-бірі аймалап, басқа дүниені тегіс ұмытты... Біз бұрылып өзді-өздеріміздің күркелерімізге кеттік. Көлбай керен өз күркесінің аузында тау жаққа қарап отыр екен. Өнінде ашу да, ыза да, күйіну де білінбейді, кеңірейген мен-зең отырыс.

Со күні кешке жақын апам келді. Бұрынғыдан атпен емес, жаяулап, үсті-басы су-су бол келді. Ауданнан қайтысымен, үйге де көп кідірместен бізге тартыпты.

- Ырысбек мазаларыңды алмады ма екен деп, осы екі күнде қу жанымды шүберекке түйіп жүрдім,- дейді.

- Мазалап көрсін, бақ еткізіп шалғыны ішіне бір-ақ сұғып алайын,- деді Нәзира әпкем.-Осы мен үшің қорыққаныңызды қойыңызшы. Иә, өзіңізді ауданға жәй шақыртып па?

Апам шым-шымдай отырып Нәзира әпкеме бар әңгі-месін айттып шықты. Менің үққаным: оны бригадир-ліктен босатыпты, өзіне қатаң сөгіс беріпті. Онан соң:

- Элгі Ырысбек керек еді, шақырып келші,- деді маған.

Мен барып Ырысбекті шақырып келдім. Ырысбек көп күттірген жок, күркениң ауыз жағына кеп отырды.

- Иә, таксыр жеңеше, не бүйірасыз?

- Сені бастың ауылға келсін деді.

- Не шаруасы бар екен?

- Білмедім.
  - Е, онда кейін өзі келгенде айта жатар.
  - Жоқ, Ырысбек қарағым, бүгін жетсін деді.
  - Менің бүтін ешқайда барғым келмейді.
  - Өте тығыз шаруа бар деп еді.
  - Неге шақырғанын айттыңыз, бәлкім, көңіліме қонса жүріп те кетермін.
  - Өкіл екеуінің сөзіне қарағанда сені бригадир етіп сайламақ.
  - Мына мені ме?
  - Иә, сені.
- Ырысбек ысқырып жіберді.
- Жоқ, женеше, басқасына көнсем де онысына көне алмаспын. Бригадирлігін желкемнің шұңқыры көрсін... Апрай, э, мына мен, Ырысбек бригадирмін... ха-ха-ха... күлейін бе, жылайын ба?.. Ха-ха-ха...

Ырысбек со кулген бойда тұрып кете берді, Көлбай кереңнің күркесінің алдынан өтіп бара жатып, кілт тоқтады да:

- Да, Көлеke, ашуланып, тұлданып кімді қиратасың. Қой ондайынды! Жүр, бірге отырып шай ішелік, ағайынбыз ғой,- деді айқайладап сөйлеп.- Тату болайық. Бір қатын ортамызға сыйып жүрер. Қайта сенің Әпішің бар ғой, ал мен байғұста ондай Әпіш те жоқ.

Көлбай керең танауынның астынан бірдеңе деп міңгірледі де, Ырысбекке ілесіп, солардың күркесіне барып кірді.

Сытыр-сытыр ақ жауын жауып тұр. Төнірек тұмшаланып, қараңғылық түсті. Тау жақтан жеткен алғашқы қардың ызғары бойды тоңазытып, құрғақ шөпке тығыла береміз.

Күренбелдегі астық орылып біткен соң, біз мектеп оқушылары жұмыстан босатылып, оқуымызға қайта кіріскеңбіз. Екі дүркін қар жауған, үш-төрт күндей ой-

қырдың бәрі алапестеніп жатты да еріп кетті. Үлкендер жағы: «Күздікке жақсы болды», - десті. Құн сұытты, тұнге қарай жер тоңданып, арық-шұңқырлардағы сулардың бетіне қабыршақ мұз қатып қалатын болды. Ертеңгісін мектепке бара жатып, сол жұқа мұздардың үстінде шыны басқандай шытыр-шытыр еткізіп сырғанап ойнайды.

Қырмандағы жұмыс әлі тоқталған жоқ. Маялап жиналған астық баулары шетінен құнделікті бастырылып, төрт қунде бір өгіз арбамен станцияға жөнелтіледі. Нәзира әпкем сол арбаның бірінде жүр. Алпыс шақырым станцияға құн демей, тұн демей жүріп отырып төрт қунде барып, қайтып оралады да үйге бір түнеп, ертеңіне қайта кетеді. Апам бригадирлікten түскен соң, Байдалы шалдың орнына қырман жұмысына ауысқан: сонда құндіз бір мезгіл астық ұшырысады да түнге қарай құзетте болады. Тегінде, қырманның түнгі құзетшісі Көлбай керен, ал апам болса коммунист ретінде оны бақылаپ, кезекшілікте жүреді.

Бригадирлікке Ырысбек көнбей қойғаннан кейін, біраз құнге дейін ыңғайлы адам табылмай, ақыры Байдалы шалдың өзі қайта сайланған. «Қайта шапқан жау жаман...» деп, Байдалы шал осы құні тіпті құтырып кетті. Өйткені бүкіл колхозға бір өзі қожа, бір өзі би. Нұғыман бүгінде төсек тартып ауырып жатыр. Шолақ қол өкіл болса оның үйінен кетіп, Байдалы шалдың үйінде тұрып жүр. Соны арқалана ма, кім білсін, ешкімді бетіне қарат-пайды. Бұрынғы әзілқойлықтың бәрін қойған, ылғи ашулы жүреді. Көзі шатынап, ақыра боқтап ұмтылғанда зәренді алады. Өзі көк мауыттымен тысталған жаңа бөрік тіктіріп киген, сонысын бір шекесіне қарай шекшилтіп қойып, ұртына насыбайды бұлтита тығып, торы жорғаның үстінде бір жамбастай қисайып, көшениң ортасымен салдырып өткені сән-ақ.

Әжібек болса оның көзіне түспеуге тырысып, қашып-пышумен жүргені. «Қап, мына қақпастың дәуірлеуі-ай, э. Ырысбектің мылтығын сұрап ап, бір күні «Қособаның түбіндегі қоса кетті дегейсің» дегізсем бе екен!» — деп кіжініп қояды. Бірақ айтарын айтқанмен өзі Байдалы шалдың қарасы көрінгеннен зытып береді. Соңғы кезде біз Әжібекке бұрынғыдай табынуымызды қойғанбыз. Біздің алдымызды беделі онша емес. Анау күні Қүрентіден қайтып келе жатқанымызды жолда өзін Зибаш аямай ұрып таstadtы. Сірә, Әжібек оған: «Мен ер жеткенше күт, өзім үйленем. Саган ғашықпын»,— деген болу керек. Өзі ішкүса боп, Ырысбектің қорлығына ызаланып, күйініп жүрген келіншек жол бойында қолына түскен көк шыбықпен Әжібекті қуып жүріп соқты. Өзі жүйрік екен, қаша жөнелмек болған Әжібекті екі аттапай қуып жетіп: «Жайрағыр, қотыр итім... сен де құтырайын дедің бе?!. Ендігі қалғаны сенің мазағың екен ғой!..» — деп, ызақорлана жылап жүріп, көк шыбықтың астына алған кезде, Әжібектің пәре-пәресі шықты. Сонан бері біз Әжібектің қүшіне шек келтіретін болдық. Әйелден таяқ жеген соң-ақ құны белгілі ғой. Алайда Әжібектің өзі ылғи: «Мен оған бәрібір ғашықпын, сондықтан ол ұрғанда қол да көтерген жоқпын, қашқан да жоқпын»,— деп ақталады.

Сабактан кейін күніне бір рет Ырысбектің үйіне соғып кетеміз. Ол қазір жалғыз өзі тұрады. Жұмыс атаулының бәрінен бас тартып, ертеңді-кеш үйінде отырады. Сурет салады. Паспортқа жапсыратын кішкентай суреттерді үлкейтеді, кәдімгі ақ қағазға әдемілеп бояп салған кезде айнаңтайтының әсте. Ауылдағы шал-кемпірлер Ырысбектің бұл өнеріне өлердей тәнті. Соғыста қаза болған балаларының кішкентай суреттерін әкеп, жалынып-жалбарынып үлкейттіріп-ақ жатқандары. Бар дәмділерін Ырысбектің аузына ұстап, жандары

қалмайды. Сондықтан Ырысбектің тамағы тоқ, көнілді, ыңырсып әндептіп отырып сурет үлкейтуден жалық-пайды. Біз оның салған суреттеріне қызығамыз, аузымыздың суы құрып мақтап, әңгіме етеміз.

Кей күндері Ырысбек біздің біреумізді жұмсан, хат жазып жіберіп Зибашты, немесе Эмманы шақыртып алады, үйін сыптырып, кір киімдерін жуғызып, тамағын жасатады. Кейде екі-үш күнге дейін үйінен жібермей де қояды. Зибашты шақырғанда:

Зибаш-ай,  
Байынды, қалқам, сыйлашы-ай... –  
деп әндестсе, Эмманы шақырғанда:  
Адам тұмас Эммадай,  
Қол-аяғы балғадай... –  
деп әндетеңді.

Зибаш та, Эмма да Ырысбектің қылықтарына үйрений деген. Не айтса да көнеді. Шақырса тоқтаусыз жетіп келеді де, қуса бұртандастып ашууланған боп кете береді. Бірақ ешқайсысы кек тұтып тұлданбайды. Бұлардың ісіне ауыл да тегіс үйренейін деді. Әуелі кезде сөкет көріп әрқайсысын жеке-жеке сөз ғып, сөгіп жүрді де кейін тіпті көңіл аударуды қойды.

Білмеймін, әжемнің сөзінің қаншалықты жаны барын: «Шешең байғұс тап сол күні өлеңтінін сезді ғой... сезді-і...» дейтін аһ ұра күрсініп, омырауын жас жуып. Шынында да апам өлеңтінін сезді ме, жоқ па, білмеймін. Оның сол күнгі жүріс-тұрысын есіме алсам, ондай, өзінің өлеңтінін сезетіндей ешбір оғаш қылығы болмаған сияқты. Ең болмаса, өз ажалымен де өлген жоқ, сондықтан бүгін өлемін-ау деген ой қатеріне қайдан келсін.

Сол күні ертеңгісін мен мектепке кеткенде, ол қырманнан тұнгі күзеттен қайтып, көрпө-жастықтарды далаға шығарып жайып, киіздерді қағып, тұске дейін үйдің ішін әктепті. «Қарағым-ай, өзің титықтап шаршап

жүргенінде бекерге әуре болдың ғой», - деген әжемнің сөзіне: «Октябрь мерекесі кеп қалды, үйдің іші таза тұрсын да», - депті. Жетінші ноябрьге төрт-ақ күн қалған еді.

Онан соң көкемнің және өзінің сандықта жатқан бір киер таза киімдерін шығарып, тегіс қағып-сілкіп, күн көзіне арқанға іліп қойыпты.

- Шамамның келгенінше ондық-мұндықтарды шығарысып қолқабыс етіп жүргем. Бір қайырылып үйге кірсем, - дейді әжем кейінде сол сәтін еске алып. Марқұм, айнаның алдында берптеп шәлісін басына салып, бүйтіп өзіне-өзі төніп кеп қарап тұр екен. Менің кіргенімді де байқаған жоқ. Топырағың торқа болғыр, кейде бір кербез тарта қалатын керімсал еді ғой. Е-е, жаратқан, жақсыны құдай қойсын ба... - Эжем мұнан әрі кимешегінің ұшымен көзін сұртіп аз-кем жылап алады. - О, жалған-ай, десенші, мен қақпаста да құдай сүйер қылышқа жоқ қой. Бір кезде со берптеп шәлі үшін ІІқсаным (менің көкем) екеуін екі күн үйге жолатпай қуып ем. Екеуі алғаш қосылған жылды қалаға базарға барып, сонда ІІқсан сатып алып берген екен. Келген соң: «Әже, байғазы!» - деп, әлгі берптеп шәлісін басына салып, келінім ыздыып алдыма келе қапты. Неден сайтаным ұстай қалғанын білмеймін, әйтеуір аяқ асты өз теріме өзім сыймай тырыса қалғаным. «О, қараңқағыр!..» - деп қолыма түскен сабаумен тұра ұмтылдым, ол күнде енеге тұра қарайтын келін қайда, тұра қашты. Тіпті безіп кетті. ІІқсаным бірдеңе-бірдеңе деп ара түскендей күнкілдейді. Э, қатынжанды жайрағыр!» — деп сабаумен салдым кеп. Ол да шыбын-шіркей боп безді. Содан екеуі менен қорқып екі күнге дейін үйге жолай алмай жүрді ғой. Нұрсұлудың үйіне қонып жүрді... Сонымды кек көрмеген қос қарашығым... Екі күннен кейін екеуі ыржиып күліп алдыма кеп тұр. «Әже-ау, неден жаздық,

ең болмаса айтып ұрсаңызшы», - дейді. Неден жазғандарын өзім де білмеймін. Ашуымнан да қайтқым келмейді. Сабаумен екеуін екі салдым. Қолымның қайратының бар кезі емес пе, байқаймын, екеуіне де батып кеткен сияқты. Бірақ сыр бермейді өздері, со ыржып күлген кейіптері. Бір ауық ашуым тарқап, қыбым қанғандай болды. Міне, сол бөртпе шәліні сонан қайтып менің көзіме көрсеткен емес. Бір жаққа барса үйден жасырып алыш шығып, сыртта ғана басына салатын. О, ана сыйлаған қарғаларым... Енді, міне, екеуінен де айрылып, ку томар боп отырған отырыс мынау... Өлеріне көрінді ме, тап сол күні әлгі бөртпе шәлісін басына салып айнаның алдында өзіне-өзі төне қарап түр екен. Қазір ойласам, бой түзегені екен ғой, күнімнің... Бір кез мені көріп жаман қысылып қалды. Балаша қызарап: «Әже-ау, мына бөртпе шәлі менің енді не теңім. Осыны Нәзирашым берсем қайтеді?» — деді. «Өзің біл, қарағым», - дедім де қойдым. Үстінен аңдып кіргендей болғаным өзім де қысылып, қайта шығып кеттім... Маркұм, тап сол күні өletінін сезді ғой... сезді-і...

Мен сабақтан шыққан соң үйге қайтып келе жатып, арық-шұңқырлардың бетіндегі ертеңгісін өзім сырғанап өткен қабыршақ мұздармен тағы да сырғанай жүргем. Бір шұңқырда түске қарай жіпсіген жұқа мұз ойылып кетіп, белуарымнан балшық суға шолп етіп түстім де кеттім. Басқа балалар ішектері түйілгенше күліп, сандарын шапактап мазақтап, қыран-топан күлкіге батты. Шұңқырдан сүметіліп әзер деп шықтым. Үстім сығып алғандай су болды. Жуырда ғана қолдан сырғылған шарығым мен мақталы қалың шалбарым шұңқырдағы судың тең жарымын сорып алған сияқты.

Үйге таяй бергенімде апамды көріп қорыққанымнан еніреп жылап жібердім. Бірақ апам ұрысқан да, ұрған да жоқ. Су киімдерімді дереу сыптырып шешіп алды да,

көкемнің жейдесінен кішірейтіп тіккен жейдені кигізді, сөйтті де: «Шалбарың кепкенше отыр» — деп көкемнің жағалы қара пальтосына орап отырғызып қойды. Біз үшін көкемнің үйде қалған әрбір киімі баға жетпес қасиетті бұйым еді. «Апа, көкемнің пальтосын енді кім киеді?» -деп сұрағым келеді, бірақ сұрауға батпаймын. Өйткені көкемді сөз ету жанды жараның аузын тырнаумен бірдей. Ол туралы әрқайсысымыздың ішіміздің жатқан құпия бар, мейлі қара қағаз келсе де жүргегіміздің түбінде сөнбекен үміт бар.

- Сенің оқуынды тексеріп, қадағалауға да мұршам болмай кетті. Сабағың қалай? — деді әлден уақытта апам.

- Жақсы,- дедім мен пальтоның жағасына тұмсығымды тыға түсіп міңгірлеп. Егер апам: қанша «бесің», қанша «төртің», қанша «үшің» бар деп, қазбалап сұрай бастаса, әрине, таяқ жейтінім анық. Өйткені бұл тоқсанда «үштерім» көп еді. Сондықтан мұнан әрі сұрамаса еken деп қылпылдан Жаным шығып отыр. Апам қазбалаған жоқ.

- Оқуынды жақсы оқысаңшы, балам,- деді де қойды. Онан соң белін тас қып орап, қырманға кетуге жинала бастады. Эжеме: — Мына Нұрсұлудың үйіне бағанағы астықтан бірер шелек кіргізіп беріңіз. Балалары ашығып қалмасын,- деді.

Сөйтіп, апам тұс ауа қырманға кеткен, ертеңіне таңертең күн шықпай жатып есігіміздің алдына аттандал Көлбай керен жетті:

- Ойбай!.. Ойбай!.. Айрылдым Бағиладан! Айрылдым!.. Ойбай!..

Біз төсегімізден ұшып-ұшып түрдүк. Үйге апыртоптыр ауылдың қатын-қалаш, кемпір-шалдары толды да кетті.

Кейіннен Көлбай керенің ұлкендерге апамның өлімі

туралы айтқан әңгімесін әлденеше рет естідім: тұн жарымында қырманға түткіылдан салт аттысы бар, арбалысы бар бір топ адам сау ете қалады. Ес жиғызбастан Көлбай керенді бір-екеуі кеп бас салады. Апам оқтаулы мылтықты ала сап кезене бергенше, біреуі оны сойылмен ұрып жығады. Көлбай керенің аузына шүберек тығып, қол-аяғын артына қайырып байлап тастайды. Өздері арбаларына сықап астық тиеп, аттарына теңгеріп тайып тұрады. Көлбай керең таң атқанша байлаулы қүйінен тырп ете алмай жатады. Тек ертенгісін қырманға бірінші барған Байдалы шал босатады. Менің апам со тұндегі сойыл тигенде қызылға етпеттей құлаған жерінде жатыр еken. Барып қозғап көрсе әлдеқашан жан тәсілім етіпті, сойыл қате тиіп қарақұсын айырып жіберген еken.

## **ЕКІНШІ БӨЛІМ. ЗОРЛЫҚ ПЕН ҚОРЛЫҚ**

Әкеден де, шешеден де айырылған жетімдік тақсіретінің аяздай қарығанынан ба, сол жылғы қыс айрықша қатал, қытымыр болып еді. Есіме алсам, жон арқам күні бүгінге дейін сырқырайды.

Қар қалың жауды, кейбір жатаған үйлерді төбесімен бірдей ғып басып тастады. Есік алдындағы қар құресіндері кішігірім ақ таулар бол жоталанып, күннен-күнге биіктей түседі. Ырысбек болса енді бізді жазалаудың тағы бір жолын тапты. Бірденеден жазып кінелі бол қалсақ, яки айтқан тілін алмасақ, сирағымыздан ұстап тік көтеріп алады да, сол құресін қарға басымызды төмен қаратып шаша салады. Мойны-қойнымыз қарға толып, тұншыға, қашан өзі суырып алғанша, аяғымыз көкке қарап тыптырап тұрғанымыз. Бұл жазаны балалардың бәрінен де көп тартқан мен болдым.

Ырысбек аяқ асты Нәзира әпкеме үсті-үстіне хат жазатынды шығарды. Және ол хаттарын басқа біреуден емес, ылғи менен беретін. Мұнан өткен қорлық болсын ба?! Мен, әрине, әуелгі кездері оның бұл басынғанына намыстанып, хаттарын тасуға көнбей қиқарланып баққам, екі-үш күн қатарынан Ырысбектің қолына түскен жерде құресін қарға төбемнен шашылып тыптырап тұрып жаза тарттым, тіпті тұншығып өліп кете жаздаған кездерім де болды. Ақыры ол дегеніне көндірді. Көнбей қайда барам, мені қарға тірідей көміп өлтіріп тастаса, бүкіл ауылда Ырысбектің қолынан ара түсіп құтқарып алар бір адам жоқ. Колхоз бастық Нұғыман болса аурулы, төсектен тұрмайды, Қөлбай керең сонау күздегі оқиғадан кейін Ырысбек десе жанынан безеді, бас көтерер жалғыз Байдалы шал еді, ол да Ырысбекпен бірге қалаға бір жолы барып келгеннен

кейін, «пәледен бес шақырым аулак» жүретін болды. Екеуі екі ат-шанамен колхоздың астығын сатуға кеткен, төрт күннен кейін қайтып оралды. Ауылға кіре бере Байдалы шал шанасынан қарғып түсіп, Үрийсбекті бишіктің астына алды-ау дейсің. Сыбап боқтап жүр.

- Сенен көрген қорлығым ба?! Сенің істегенің бе?! Сүйегімнен етті ғой!.. Эй, өлдім-ау, әбден... - деп, ызақорланып, жыларман боп жүр. Шықпыртып ұра түседі. Үрийсбек болса қалың тонмен басып бүркелей түсіп, оның соққысын шыбын шаққан ғұрлы көрер емес, қарқылдап көзінен жас аққанша күледі. Екеуінің шаңшұңына бүкіл ауыл жиналды. Байдалы шал тұтіге тұрып Үрийсбектен көрген қорлығын айтты: қалаға жетісімен Үрийсбек дереу өзінің бір қап астығын сатып, ақшасын қалтасына салып апты да, шанасын Байдалы шалға тастап, өзі үшті-күйді жоғалыпты, содан дәл Байдалы шал қайтқалы түрғанда, бір-ақ келген, бір қап бидайдың ақшасынан бір тыын жоқ, бәрін араққа салған.

- Онысын да қойши,- дейді Байдалы шал.- Бұл иттің маған қайтар жолдағы көрсеткенін айтсаңшы. Эй қорқылды-ау, енді қайтейін-ай... Осы ауылға осыдан тірі жетермін бе, жоқ па деп шыбын жанымды қу шүбереккे түйіп, шаққа келдім ғой. Мынау ма? Мынау адам емес, жұрттым-ау!.. Жын ба, шайтан ба... әйтеу бірдене...

Онан арғы оқиға былай бопты: қаладан бері ұзап шыққанша, Үрийсбек Байдалы шалдың ұрысқандарының бәрін үнсіз мойындағап моп-момақам боп отырған, бір кезде шанасы тоқтай қалады (алдынғы шанада екен), өзі секіріп жерге түсіп, айдалада омбы қардың үстінде билей жөнеледі. Қолында екі басты бәкі, жүздері жалт-жұлт еткен, өзін-өзі әлгі бәкімен ал кеп сүққылайды, қайдағы бір жын-перілердің аттарын атап шақырып, зікір салып, көзі алақ-жұлақ етіп қанталап, түсі мүлде адам шошырлық

күйге түседі. Содан бір кездे кеп Байдалы шалды алқымға алады, қылғындырып бауыздамақ болады. Есі шыққан Байдалы шал: «Әкем, Ырысбек, не болды саған?... Садағаң кетейін-ау, не болды? Жазығым не?» — деп жалынады. «Әлде қарның ашты ма? Мына менің астымдағы шөптің арасында қап бар еді?..» — деген кезде ғана босатады. Байдалы шал ауылдағыларға базарлық деп алып келе жатқан азын-аулақ ішімдігі және жұмсақ ақ нан, прэндік, кәмпіт бар қаптың аузын шешіп, соларын жайып сальш, Ырысбектің шенгелінен әзер құтылады. Ырысбек ішімдікті ішіп, жұмсақ наңды тойғанша жеп, жол бойы қызара берітіп рақатқа батып келеді...

- Адам емес мынау... адам емес! — деген Байдалы шал әңгімесін түніле аяқтап. Соңан бері Үрысбекті көрсө, анадайдан айналып кетеді.

Бригадир Байдалы шалдың өзі сөйткенде, басқаға не жорық. Амал жоқ, Үрысбектің хатын Нәзира әпкеме өз қолыммен әкеп ұсынам. Нәзира әпкем хатты алады да, бүктеуін де ашпастан қақ бөліп айырып, ошақтағы отқа тастайды, соңсоң мені жағымнан шапалақпен тартып-тартып жібереді.

- Жексүрын! — дейді көзі жасаурап.

Рас та. Өз әпкесіне Үрысбектің хатын тасыған іні жексүрын емей кім? Сейтіп, екі оттың ортасында жүрген жайым бар.

Әнеу бір күні Үрысбектің хатын Нәзира әпкеме ұсынып тұрып, шыдай алмай еңіреп жылап жібердім. Менің мүшкіл халімді ұқтыхау деймін, Нәзира әпкем хатты қолына ұстаған күйде мені ертіп Үрысбектің үйіне әкелді де, көзінше қақ айырып тастай салды да, аяғымен таптап езгілей тұрып:

- Мен сіздің хатыңызды еш уақытта оқымаймын да, босқа әуре боп ендігәрі жазбаңыз,-деді. Өз терісіне өзі

сыймай, ызадан жарылып кетердей боп түсі бұзылып, түтіге тұрып айтты.

Басқа біреу болса мұндайда Ырысбек көзін алақ-жұлақ еткізіп тап беретін, ал Нәзира әпкемнің мына істе-генінен қызарактап күле тұрып:

- Нәзира қалқам, мен... мен... - деп берген тұтығып.

- Анау кезде айтып ем ғой, мен сізге ешқандай да қалқа емеспін деп. Аулақ жүрініз менен!

Онан соң мені ертті де, Ырысбектің есігін қатты сарт еткізіп шығып кеттік.

- Енді хат берсе, алма! — деді маған да түйіле сөйлеп.- Ұратын болса, айтып кел өзіме, Ырысбек тұрмақ онан зорғы болса да көріп алайын әуселесін!..

Эрине, Нәзира әпкем шындалап ашуланса, кімнен де болса таймайды, бірақ заты әйел ғой, оны арқа сүйеп не мұратқа жетермін, қаншама жер тепсініп, мықтымси сөйлегенімен, жеме-жемге келгенде Ырысбекке не істей қояр дейсін, құр сөз де.

Кездейсоқ бір жағдай құтқармаса, Ырысбектен оңай-шылдықпен құтылу жоқ шығар. Құзден бері өзін воен-комат екі рет шақыртты. Армияға алып кететін шығар, бұл қызыл көз пәледен сөйтіп құтылатын болармыз деп бүкіл ауыл құткен, әсіресе оның қылжағынан ығыр болған қыз-келіншектер мен біздер — балалар, шыны-мен-ақ қуанғанбыз. Бірақ қырсық қылғанда екі ретінде де жарамай қайтып келді: «Өкпем әлі толық жазылмапты», -дейді өзі. Бүкіл ауылды аяғынан тік тұрғызып зәре-құтымызды ұшырганда құдай құрлы, тепсе темір үзетін осы пәленің жазылмай жүрген ол қандай ауру екенін түсіне алмай дал болды ел. Эйтеу, ауданға жүрерден екі-үш күн бұрын екі көзі шүңгірейіп, жағы суалып, түрі сарғыш тартып, алты ай жаз төсек тартып ауырған адамдай боп қатты жүдеп кетеді де, ал қайтып келген соң. Зибашты, не Эмманы (ол шақыртқанда, екеуі де

тоқтаусыз жетіп келеді) шақыртып ап, он шақты күндей үйінде жатып айран-сүт ішіп, сорпа ішіп қалжаланғаннан кейін, өңінің сарғыш тартқаны, көзінің шұңғрейгені кетіп, қайтадан делебесі қозған бурадай құтырынып шыға келеді. Үйіндегі өзін күтіп-баққан әйелді (Зибаш болса да, Эмма болса да) қуып тастайды да, басқа қыз-келіншектерге хат жазуын қайта бастайды. Ауылдағы жылт еткен қыз-келіншектен Ырысбектің көз салмағаны қалмады. Соңынан бес күн түседі, он қүн түседі, ай бойы түседі, ақыры қалайда дегеніне жетіп тынады. Бүтінде Ырысбекке көнбекені кемде-кем-ақ шығар. «Бұл ма, бұл екі дүниеде көгермейді,- дейді тоқсаннан асқан Қуатбек шал басын шайқай отырып.-«Жылқыға жау тигенде, жабы құтырар» деген осы да». Кемпір-шал атаулы Ырысбекті қарғап-сілейді, бірақ оған қыңыр Ырысбек жоқ, қайта құтырына түсетін сияқты. Енді, міне, Нәзира әпкемнің соңына түскенине де біраз болды. Ақыры немен тынарын кім білсін. Эйтеу, осы кез маған оңай тиіп журген жоқ. Екі оттың ортасында шыбын жанды шүберекке түйгендей жайым бар.

Нәзира әпкем Ырысбектің үйіне мені жетектеп апарып, оған доңайбат жасап кеткен күннің ертеңіне көшеде Әжібек кездескен. Қасында — Қайрат пен Бәтен.

- Эй, көксоққан, бері кел! — деді бүйірып.

Бұрын біздерді екі сөзінің бірінде: «Эй, жүгірмек» деп отыратын Әжібек биыл қыс: «Эй, көксоққан» дегенді шығарған. Мейлі, тіпті жерсоққан десе де әлімжеттілігін жасап зәбірлемесе екен де.

- Ия,- деп мен қасына келдім.

Басында әкесінен қалған тұлкі тымақ, үстіндегі ескі қара тонының белін қайыс белбеумен қынтитып тұрып буып апты және онысын Ырысбектің жейдесінің етегі құсатып артына қарай ысырып қойған, сондықтан

болар, екі жақ етегі жел кеулегендей дедиіп тұр, аяғында ақжұлықтанған ескі қонышқа қоңыр көннен бас салып тігілген дәрбиген үлкен етік, оны солидолмен шылқытып майлап апты, өзі тіпті мұнда жоқ, жан адамды менсінер емес, панданып тұр, маған сонау биіктен, жоғарыдан көзінің астымен ғана қарайды. Бұрын бойы менен сәл ғана биіктеу көрінуші еді, биыл қыс тіпті сирисп өсіп кеткен сияқты. Мұрты біліне бастапты. Бірақ Эжібек қанша панданса да, сидиған арық түріне мына киімдері еш жараспайды-ақ, ұсқыны адам құлелрік еді, жаздағы Шымырбай шалдың бақшасының шетіне ескі-құсқы киімдер кигізіп қадап қойған қарақшы сияқты қалқып тұр. Эттең, бір-екі жас болса да үлкен-дігін білдіріп әлімжеттік жасайды, әйтпесе мына түрін мысқылдан мазақ етер ем. Өзінің және бір жаман мінезі: жұртты мазақ етіп құлгенде құдай құрлы да, ал өзіне айтылған бір ауыз әзілді көтере алмайды, көзі аларып шатынап шыға келеді. Жарылып қанталап жүретін астыңғы ернін жалап-жалап қойып, зәренді ұшыру үшін тісін шақырлатып: «Мені мазақ ететіндей сен кімсің-еї, ә?! Мұрныңды бет қып жіберейін бе осы?!” — деп құс-құс жұдышырыны Түйіп төніп келгенде, әзіл айтпақ түгілі, бетіне тұра қараудан қаймығасың. Өзі сенен үлкен, қолы ұзын, тарамыстанған арық болса да, күші басым, жеңіл-меске қорықпасқа шамаң жоқ. Оған қарағанда Қайрат пен Бәтеннің киімдері тәуір: бірінің ұстінде жақында тоқылған жаңа шекпен де, екіншісі жұн сырған күпәйке киген, аяқтарында жаңа шарық. Бар дәмділерін апалары осылардың аузына ұстайтын екеуі екі үйдің еркесі, жүздері қызара тершіп, ұрттары томпиып тұр.

- Кексоққан, Жөкенді ғой ұмытып жүрсін,- деді Эжібек бірден кіжіне сөйлеп. Эрине, «Жөкен» деп тұрганы өзі, ал енді оны менің қалай ұмытып жүргенімді түсінсем бұйырмасын.

- Үйінде артық-тұртық құрт-ірімшік болса, осыны Әжекен ауыз тисінші деп алғып шығу ғой ойыңа да келмейді,- деп, біраз кінә артып, сөгіп алды. Мына өзіндегі Бәтенді қарашы, міне, апасының жеті қатқа тыққан құртынан маған үрлап әкелді.

Енді байқадым, үшеуінің де ұрттары томпаңдаپ, құрт сорып түр екен.

- Мен кеше тұра жарты таба нанды бір-ақ үрлап әкелгем,- деді осы тұста Қайрат та шыдай алмай.

- Иә. Мына Қайрат сөйтті. Маладес! — деді Әжібек оны иығынан қағып.- Ал сен ғой...

- Эй, осыны қойышы, сарапнды. Бұлар өздері тұқым-тұғиянымен тегіс сарапндар емес пе. Негізіне тартпай тұрсын ба,- деп, Бәтен аузындағы түкірігін шашырата кеп, құйрығымнан бір тепті.

Әншнейінде бетіме тұра қараудан қорқатын мына жаманың мына құтырғаны қанымды қайнатып-ақ жіберді. Тіпті жеке өз басымды, мейлі, не десе о десін, ал енді бүкіл тұқым-тұғиянымды сараң дегені жаныма батып-ақ кетті. Іза буып Бәтенге тұра ұмтылғам, Қайрат аяғын төсей қойған екен, соған шалынысып барып омбы қарға онқа-шонқа құладым. Үшеуі мәз боп күлсін. Ұшып тұрып қайта ұмтылғанымша, Бәтен сақылдай күліп Әжібектің тасасына тығылды.

- Сарапндардың тұқымы, ха-ха-ха...- деп мені онан әрмен мазақтай түсіп тілін шығарады. Әжібекті арқаланып тұрғаны.

Көзім жасаурап, мысым құрып мен тұрмын.

- Жә, қалжындастыңдар ғой, жетеді енді,- деді Әжібек менің қыстығып жыларман боп тұрған түріме қарап.

- Сен. Бәтен, оныңды қой. Қанат сараң емес. Солай ғой, Қанат, ә? Тек бұ дүниеде менің бар-жоғым ойына келмеген ғой. Жарайды, ол кемшілігін ендігі жерде түзете жатар. Солай ма, Қанат?!

Мен үндей қоймағам.

- Көксоққан-ау, сениң маган бергенің далаға кетпейді ғой, елі қыын-қыстау күн туғанда, панаң болам ғой. Жә, ендігісін өзің білерсің. Онша санасыз емессің ғой... - Онан соң ол менің ақ киізбен ұлтарылған қара шарығымда, әр жерінен тесіктерінен тауық шоқығандай боп жүндері шоқ-шоқ боп шығып түрған сары жарғақ тоныма көз тоқтата тұрып: — Эй, сениң көкең мен апаң екеуінің бірге түскен суреті бар ма? — деп сұрады.

- Бар.

- Бар болса сен соны тез арада Ырысбекке жеткізіп бер.

- Мен ол суретті ала алмаймын, ол Нәзира әпкемнің альбомына жapsырылған,- дедім.

- Сонда немене, Нәзира әпкеңнің альбомы адамның қолы жетпес жерде ме?

- Үлкен сандықтың ішінде.

- Аш сол сандықты... - Әжібек тісінің арасынан сыйзықтата түкіріп қойды.- Обшым, ұзын сөздің қысқасы, көкең мен апаңың суретін үрлап әкелетін бол.

- Әкеле алмаймын. Қында жатыр дедім ғой.

- Эй, ақымақ, Ырысбек оны үлкейткісі келіп отыrsa, бұл қында жатыр деп бәлденеді ғой. Бар, өлтіріл, қайтсең де сол суретті әкелетін бол. Бұл саған жауынгерлік тапсырма. Экелмесең сонда болсын! Бар! — деп, ол сөз соңында май құйрығынан ақырындан қана бір тепті. Мен кете бергем.

- Эй, көксоққан,- деді ол бірдене есіне түскендей желкемнен тартып қайыра бұрып.-Шарығынан су өтіп жүрген жоқ па?

- Қар еріген кезде өтеді.

- Онда былай істе. Менің жан адамға көрсетпей, тығып жүрген бір шелек солидолым бар, анда-санда кеп анау шарығынның ұлтарма тігістеріне, табаныңа

жағып алып жүр, сонда су өтпейді,- деді қамқорлық білдіріп.

- Солидолды киізге жағуға бола ма?

- Неге болмайды?! Вот ақымақ. Сен әуелі жағып көрсөңші. Міне, мен етігімді майлап алып ем, су дегенің сынашы сырғып, ішіне түк өтпейді. Қазір мына Бәтен мен Қайратқа да жаққызыам.- Әжібек тағы да тісінің арасынан сыздықтата шырт түкіріп қойды.

- Пажалыста, күнде жағып тұрам десең де сенен аямаймын. Ал енді бар үйіңе, бәлденбей әлгі суретті бүгінгертең әкеп беретін бол.

- Мақұл.

Шынында да, үлкейтемін деп Ырысбектің өзі сұратып отырса, одан неге бәлденіп, тартыншақтауым керек. Ауылдағы талай үйдің төрінен Ырысбек үлкейтіп берген суреттерді көріп қатты қызығатынмын. «Шіркін, көкем мен апамның суретін өстіп үлкейтіп төрге іліп қойса»,- деп армандастынмын. Сөйтіп, келесі күні-ақ Нәзира әпкемнің альбомындағы көкем мен апамның суретін алып, Әжібекке ілесіп Ырысбекке өз қолымнан апарып бердім.

Үрысбек шертіп отырған домбырасын тастай бере, суретті бір жақындастып, бір алыстатып, одан терезенің жарығына қарай теріс қаратып ұстап қарап шықты да:

- Үлкейтүге қолайлы, жақсы екен,- деді.

Осы сезін естіп мен қуаныш қалдым.

Үрысбек енді маған қарады да, одан қайта суретке қарады:

- Қанат, тоқташы,- деді. Сөйтті де суретке бір, маған бір тағы да кезек-кезек қарай отырып:

- О, көкесінен айнымай қалған жарығым, тіпті аузынан түскендей ұқсауын қарашы,- деп, мені құшағына алып қысып-қысып қойды. Әлгі мені ұстап алған жерде төбемнен қарға шаншып қорлық көрсететін мінезінен із

жоқ, аяқ асты мен дегенде ет жүргөрі езіле қапты. Оған деген шексіз ыза-өкпеден бе, әлде оның мұсіркей қалғанына қорланғаным ба, әйтеу, екі бетім дуылдап, көзім жасаурап, үндей алмай булығып шығып кеттім.

- Эй, Қанат, тоқта!

Әжібек соңымнан ілесе шыққан еken. Қуып жетіп, желкелігімнен тартып тоқтатты да:

- Сен суретті жоғалады еken деп қорықпа. Ырысбек, ол — сөздің адамы, айтса болды, орындаиды,- деді мені жұбата сөйлеп. Онан соң менімен қатарласа жүріп, өз үйінің тұсына жеткенде: — Жүр біздікіне, мына шарығынды майлап ал,- деді.

Шынында да, май су өткізбейді ғой, майласам майлап алайыншы деген ой келді маған да, Әжібектің үйі — ауыз үй, тұп үйден тұратын аласа ғана ескі кірпіш там. Әжібек жалғыз өзі ғана тұрады. Тұрады деген тек аты ғана, әйтпесе Әжібек ауыл үй арасы ағайын-туғандарын аралап, әркімдікіне бір қонып жүреді. Соңғы кезде көбіне Ырысбектің үйінен шықпайтын. Шешесі өлген екі жылдан бері үйдің күйі мұлде кетіп-ақ қалған. Көктем, күз төбесінен су өтіп, іші үнемі сыз тартып, көгерген иіс тұсынан өткен адамның жүргегін айнытауды. Алайда Әжібек мұның бәрін уақытша дейді. Эке-шешесінен қалған азын-аулақ дүние-мұліктерін анда-санда далаға шығарып қағып-сілкіп, онан соң қайтадан буып-түйіп қояды. Балаларды үйымдастырып үй ішін сыйыртып, жинастырып, қыс кезінде күніне бір уақыт от жағады. Өзі: «Әлі он сегізге тольп, үйленетін кезімде бәрі керек болады ғой»,—дейді. Дәл қашан және кімге үйленетінін әзірге өзі де білмейді. Осы күні бұрынғыдай: «Зибашқа үйленем»,— дегенін қойған. «Жас қыздардың біреуі ер жетер оған дейін»,— дейді.

Қазір үйінің мұржасынан будақтап тұтін шығып жатыр.

- Үйде Қайрат пен Бәтен бар, деді.

Біз кіргенде, көгерген ііс пен түтін сасыған үйдің ішінде Қайрат пен Бәтен қарамай толы ұлken шелекті орталарына қойып, шарықтарын шылқытып майлап отыр екен. Кішкене қазанда сақылдан бірдене қайнап жатыр, оның да тәтті бір иісі білінеді, кәдімгі жас сорпаның іісі.

- Маладестер! Енді сендердің шарықтарыңнан су өтіп көрсін! — деп мақтап қойды Әжібек.- Кәне, Қанат, сен де майлап ал шарығыңды.

Әлгі екеуінің қатарына отыра қап мен де шарығымды майлауға кірістім. Ал Әжібек болса қолына қәкпір алып, қазандағы қайнап жатқан жұдырықтай кесек етті шығарып пышақпен шетінен кесіп жеп көрді де, қайта салды. Біз үшеуміз шарықтарымызды қоя сала, сілекейлеріміз шұбырып оның аузына қарай қалған екенбіз.

- Элі піспепті,- деді аузындағысын малжандай тұрып. Онан соң біздің телміре қалғанымызды ұнатпай:

- Эй, көксоққандар, болындар енді,- деді әмірлі үнмен: — Бүгінше мына ет әбден піссін. Өзі кәрі малдың еті ме, немене, әлі тастай қатты. Ал сендер шарықтарыңды майлап алындар да, қайқайындар үйлеріне. Ертең сендерге бір-бір жапырақ алып қоям. Үйлерің бар, аш емессіндер ғой, ауыз тисендер де жетер.

Біз шарықтарымызды шылқыта майлап үйден шықтық. Ә деп табалдырықтан аттағаннан бастап-ақ үшеуміздің бірінен-бірі күлкілі аюдың табанындағ іздеріміз ақ қардың бетінде аймандай боп баттиып-баттиып қалды. Біраз жүріп барып қайырылып қараған-быз, іздеріміз тура бір қора қой шұбырып өткендей қап-қара ала боп жосыла түсіпті. Қалай болар екен деп шарықтарымызбен еріген қарды онды-солды ойқастай кешіп көргенбіз, майдың аты май ғой, шіркін, бұрын шарығы-

мыздың ұлтарма тігістеріне жабыса кететін жентек қар енді тіпті жүғысар емес.

- Қазір мына шарығымызбен су кешсек те өте қоймас.

- Кешіп көрер ме еді өзі?!

- Қай жерде су бар?

Ары-бері омбы қарды ойқастай кешіп іздестіріп көріп едік, бірақ қыстың қуні су қайдан табылсын, шұңқырлар мен арықтар тегіс қалың қар астында қатып жатыр. Өстіп мәз боп келе жатқанымызда, тас қойма жақтан торы жорғамен құйғытып шыға келген Байдалы шал біздің ізімізді кесіп өте бере, кілт атының басын тартып қайырыла бұрылды, ақ қарға түскен ізімізге, онан біздің шарықтарымызға қарады да:

- Эй, иттің қүшіктері, мына қара майды қайдан алдыңдар? Кәне, жандарыңың барында айтыңдар?! — деп, ақыра қамшы сілтеп, торы жорғамен үшеумізді де тапап өте жаздал төніп келгенде, есіміз шыққан біз зәре-құтымыз ұшып, бір-бірімізге тығыла үйлішкіп тұрып қалыптыз.

- Қайдан алдыңдар деймін?!

Дойыр қамшы үшеумізді қоса-қабаттап бір осып өткен. Үшеуміз де шар-шар ете қалдық.

- Қайдан алдыңдар?

Дойыр қамшы басымызға қайырыла төнген.

- Әжібе-е-ек... - деді бақыра жылаған Бәтен.

- Ә, шақша бас ит!..

Торы жорғаға борбайлата қамшыны басқан Байдалы шал енді бізді тастай бере Әжібектің үйіне қарай шапты. Енді байқадық, бұз кезде Әжібек те құстай ұшып Ірыс-бектің үйіне жетіп қапты. Байдалы шал қалың қарға аты омбылап жете алмай қалды. Жер сабалап, көшени басына көтере боқтануда. Атынан түсіп, Әжібектің есігінің алдынан әлгіндегі қара май толы шелекті көтеріп алды.

Сірә, Әжібек қашып бара жатып сыртқа, есігінің алдына шығарып тастап кетсе керек.

- Ә, шақша бас ит, осыдан қолыма бір түсерсің. Сен итті қөзіңе көк шыбынды үймелетіп тұрып айдатпасам ба, әлі!..

Соның арасында айқай-шуға жиналып қалған жұртқа:

- Көктемде егіс кезінде құрал-сайман майлауға деп Мытыстанз барып, бір тоқты беріп әзер деп сұрап әкелгенімді қайтейін. Энеу бір күні аяқ асты үшты-куйлі жоғалып кеткені. Апýрмай, бұ қара май сонша кімге қажет болды еken деп таң қалып ем. Сөйтсем, мына шақша бастан келген еken ғой. Бұ неткен қаскунем-ей, а?! Колхоздың қара майын ұрлап... Сотқа тартылғалы жүр ғой, ол ит...

Бір кезде көзі бізге түсіп кеткен: — Әжібекке ерсендер көгерерсіндер, о, жетесіз немелер, үшеуінді де сойып салайын ба осы! — деп тап бергенде, үшеуміз үш жаққа безіп кеттік...

Баланың қорқынышы ұзаққа созылған ба?! Артынша-ақ қызу ойынға кірістік те, Әжібекті де, оның қара майын да, Байдалы шалды да мұлде естен шығарып, қыстың май тоңғысыз жайма-шудақ күні батқанша, жентектелген қардан аққала түрғызып, одан екі жаққа бөлініп қармен атысып ойнап, әбден қызыққа баттық. Сейтіп, үсті-басымыздың малмандай су болғанын да, шарықтарымыздан шылқып су өткенін де анғармаппыш. Кешкісін үйге кеп шешінген кезімде, үсті-басымды ұстап көрген әжем:

- Құлышым-ау, осынша су болғанша ойнағансың ба? — деді ренжіп. Жұмыстан шаршап қайтқан Нәзира әпкем шай ішіп отыр еken, үндеген жоқ. Мен кән пештің ұзына үстіне киімдерімді жайып, шарығымды қызуы молдау ошақтың желке тұсына кептіруге қойдым. Әлден соң үйдің ішін қолқаны қапқан қоңырсық иіс алып кетті.

- Бұңынан иіс? — деп, Нәзира әпкем үшып тұрып барып ошақтың үстіңгі жағына үңілді. Дәл бір өлген мысықты ұстағандай менің әуелі бір шарығымды қонышынан шымши көтеріп шамның жарығына әкеп тыжырына тұрып қарады да, онан соң екінші шарығымды әкеп және қарады, екеуінің де сыртындағы сыланған қара май еріп, тамшылап тұр.

- Эй Қамат, мынауың не?

Мен үндегем жоқ. Үйдің бұрышындағы ескі тонға орана түсіп, жантайып жата бердім.

- Эй, мынауың не деймін? — деп ақырып жіберген Нәзира әпкем. Мен селк ете түстім.- О заман да, бұңынан киізге қара май жаққан деген не сүмдүйк?!

Шарықтарымды үстіме қарай лақтырып жіберді.

- Өлтірейін бе осы, а?! Сендей ақымақтың барынан жоғың! — деп, маған қарай тап берген.

Әжем үмтүлышп кеп арамызға тұра қалды.

- Жә, жә... - деді сабырлы үнмен.

- Әже-ая, бұл ақымақты неге қорғайсың?! Соп-сомадай боп істеп жүргені мынау?!

Нәзира әпкем күйініп барып отыра кетті.

- Елдің мұндаидай баласы мынадай қыындықта бір жағына сүйеу боп жүр, ал бұл болса со күйі ми кеше, ақымақ... Эй, енді мынау киіз аяқ киімді қалай кептіресің?!

Мен әпкем қандай ауыр сөз айтса да, үнсіз мойындан жата бердім. Киізді майлап жүрген адам — кеше десе кеше, ақымақ десе ақымақ қой.

Қыс ортасында Мұқан ағайымыз әскерге алынып, мектебіміз жарты айдай жабылып қалған. «Бұл қыын болды ғой, балалар оқудан қол үзіп қалатын болды-ая?!

— деп мазасызданған ата-аналар ауылдың бас көтерері деп Байдалы шалға барған еken. Нұғыман ауырғалы, колхоздың кеңесіне талтақтап кіріп, қоқырайып барып төрдегі бастықтың орнына шірене отырып жүрген Байдалы шал әлгі келген ата-аналарға жат та кеп ұрсыпты: «Әй, өздерің қалай ойлайсындар осы?! Мына қақаған қыста мұғалім табуды ойыншық көресіндер ме? Ол жаңа келетін мұғалімге үй керек емес пе? Отын-су керек емес пе? Ал оның бәрін мен қайдан табам?!. Жә, басты қатырмандар!» — деп, қып шығыпты.

Осыны естігенде, төсек тартып жатқан Нұғыман қатты ренжіген көрінеді. Байдалыны үйіне шақыртқан еken, әншейінде Нұғыманның атын естігенде мөнтең қағатын шал бұл жолы тіпті пысқырмалты да, «қолым тимейді» деп бармай қойыпты. Байдалы шалдың мына қылығын естігенде, үлкендер жағасын ұстады: «Құлан құдыққа құласа, құрбақа құлағына ойнақ салар» деген осы еken-ay,- десті. Нұғыман кім еді? Байдалы кім?.. Күні кеше колхоздастыру кезінде бүкіл бір болыстың елін аузына қаратып, соңына ерткен, орақ тілді, от ауызды, бетіне жан қаратпаған жігіттің сұлтаны еді ғой Нұғыман. Эттең, абайсызда тап жауларының қолына түсіп, мертігіп қор боп қалды. Ал Байдалы болса әркімнің шөре-шөресінде жүрген, қолға су құюдан аспаған сорлы жан еді. Енді, міне, бүгінде кісімсіп бұл да ел басқарып жүр. Мына қараң өшкір соғыстың кесапаты да. Әйтпесе ер-азамат түгел тұрса, Байдалыға қарап қалар күн туар ма еді, сірә да?

Әжібек болса өзіне қарайлас біздерді — балаларды жиып алып, біз арқылы ата-аналарымызды табалап бір рақаттанып қалды.

- Ал Байдалыға бағынып бір жетістіндер-ay, а! Еріндер сол қақbastың соңынан, тұпа-тура социализмің төрінен бір-ақ шығарсын,- деп кекетті барлығымы-

здың төбемізден қарай тұрып.- Талай айттым ғой осы, ол Байдалы деген байдың құйыршығы бол келген адам, одан басалқалық шықпайды деп. Эй, енді не дейін бұл елге, шын сөзімді қор қылады. Баласынады. Өзіміздің әлгі бокмұрын Эжібек емес пе, осыны қойшы, адам болмайды дейді. Ал сонда сенген Байдалысының түрі анау ма? — Эжібек Байдалы шалға да, оған бағынып жүрген бүкіл ауылға да ызалы еді. Сол ызасын қазір біздердің көзімізді шұқығандай бетімізге басып айтып тұр. Біз болсақ үнсіз мойындан тұрмыз. Шынында да, Эжібектің ақылындағы ақыл кейбір үлкендерде жоқтау дейміз.

- Ал, көксоққандар, окудан қалған обалдарың бірінші Гитлерге де, екінші Байдалыға,-деді Эжібек сөзін түйін-деп.- Қайта бір есептен осы соғыс біткенеше, бастарынды қатырып оқымағандарың да дұрыс. «Зат есім» «Сын есім»... тағы қай есім еді, әлгі...

- «Сан есім»...

- Иә, иә, сол толып жатқан есімдермен бас қаты-рғанша, пайдалы бір тірлік істеу керек қой. Оқуды соғыс біткеннен кейін оқып алсақ та жетеді. Өзім соғыс біткен күннің ертеңіне-ақ станциядағы нағашымдікіне барып, тұп-тура милицияның оқуын оқимын. Көкелерінді сонда танытамын әлі. Эй, сонда әсіресе мына Байдалы қақbastы алдыма салып, іші кепкен сиырдай ғып бір тыркыратармын-ау. Бүкіл елдің алдында табанымды жалайтын болады...

Осы кезде үйінен шыққан Ырысбек дауыстап Эжібекті шақырған.

- А! Жолдас бас қолбасшы!

- Бері кел деймін,- деді Ырысбек.

- Қазір,- деп, Эжібек дедектей жөнелді. Кетіп бара жатып: — Мына әскерлерді қайтем? -деп сұраған.

- Күте тұрсын! — деді Ырысбек.

- Эй, тырп етпей күте тұрындар! — деді Әжібек бізге қайырыла бұрылып.

Біз сол тобымызды жазбаған күйде күтіп тұрдық та, Әжібек Ырысбектің жарлығын тыңдалап қайтып оралды. Келе бәрімізге одырая өктем қарап:

- Ал, көксоққан әскерлер, бас қолбасшы біздерге ұрысып тұр,- деп бастады сөзін.- Соңғы кезде сендердің не оқыған оқуларың жоқ, не бітірген істерің жоқ, тағы да беттеріңмен кетіп бара жатырсындар. Серкесі жоқ мал құсан баrasындар. Оларың жарамайды. Жаңа Ырысбек те соны айтты. Шүкіршілік, бастайтын серке-лерің бар. Ол — мына меммін,- осы тұста балалардың бірі шиқылдай күлген, Әжібек көзін аларта: — Кәне, о кім күліп тұрған? Көк желкенді қызып жіберейін осы! — деген тұтіге жекіп. Құлкі сап тыйылды.- Жаңа бас қолбасшы екеуміз ақылдаса кеп, сендерді қыс кезіндегі еңбекке тәрбиелейтін болдық. Анда-санда таудан отын шабуга барып тұрамыз. Бұл — бізге әскери тапсырма! — деді сөзін шегелеп, онан соң тау жаққа көз сала тұрып: — Эне, Ешкіөлместің күнгейіндегі бүйралана ұйысып жатқан қалың тобылғы мен қарағанды көрдіңдер ғой, содан отын шабамыз. Мынадай қыста салпақтан құр ойнай бергенше, бір уақ отын шауып шешелерінді қуантсандаршы. «Қарағым адам боп қапты»,- деп, төбесі көкке жетеді ғой,- деген.

- Ой, біздің үйде отын көп, атам кеше бір шана ағаш отын түсірді.

- Біздің үйдің отыны да қысқа жетеді.

- Мен бармаймын.

- Мен де бармаймын,- деп, балалар жан-жақтан дабырлай бастаған.

Әжібек дөрпиген көн етігімен жерді (қатты қарды) теуіп қалды.

- Бәрің де баrasындар! — деді ақырып.- Сендер

немене, тәртіпті ұмытқансындар ма? Мұны мен әскери бүйрық деп тұрмын ғой. Кәне, осыдан біреуің бас тартып қиқалақтап көріндерші, әкелерінді де, шешелерінді де танытып жіберейін. Эне, бас қолбасшы Ырысекенің өзі тұр ғой!

Біз, балалар, жым болдық. Дәл қазір Әжібек анадай тұрған Ырысбекті арқаланып, қайсымызды болса да қарсылық етсек, итше тепкілеп жіберетіні анық еді.

- Ал барындар, үйлеріңнен кетпендерінді және отын буатын екі жіптен алып шығындар!

- Екі жіп неге керек?

- Неге керек екенін барған соң көресің. Отынды шабамыз да буып-буып таудан домалатамыз да жібереміз, ешқайсыңың жаңың қиналмайды, көксоққандар! Егер осыдан біреуің бармай қалып көр, мына жұдырық соның төбесінде өтеді,- деп, күс-күс арық жұдырығын көрсетті.

Үйге кеп, барлық балалар боп таудың күнгейінен тобылғы шабатынымызды айтып, белімізге жіптерімізді буынып, қолымызға кетпендерімізді ұстап, сәлден кейін көше ортасына топырлай жиналдық. Дәу кетпенді әзер деп көтеріп үйден шығып бара жатқанымда, әжем:

- Құлыным-ау, шамаң келмейді ғой,- деген.

- Келеді. Балалардың бәрі де бара жатыр,- дедім. Шынын айтқанда, көбімізге мына қыста тауға шығып отын шабу — ең қызық ойын сияқты көрінді. Үлкендер болса балалардың аяқ асты мына қылышына қапелімде не дерлерін білмендей, не қоштап мақтап кете алмай, не қойындар деп тыйып тастай алмай аң-таң. Эрине, қыс ішінде бір уыс отынның өзін үнем көріп отырғанда, баласының «отын шауып әкелем» деп өз тарапынан суырыльып шыққан тірлігі кімді де қуантатыны сөзсіз, тек бірденеге ұрынып қалмай, қайырымен болсын дейді де...

Әжібек бастап, ауылдың жоғары жағына қарай шұбырып жүріп кеттік. Алып алма ағаштың тұсына жеткенбіз, бұтақтары сойдиш-сойдиш жалаңаштанып тұр екен. Ұшар басындағы бұтақтарында бүрісіп-бүрісіп қатып-семіп қалған қоңырқай алмалары көрінеді, төменгі бұтақтарында байланған шүберектер жалбыграйды. Бізге мына қыста сол қатып-семген алмаларының өзі үйлжып тұрғандай, аузымыздан сілекейіміз ағып қызыға қарағанбыз.

- Бұтақтарына шығып сілкик, бәлкім, анау алмалары түсер,- деді балалардың бірі. Осы сез қамшы болды ма, Әжібек жолымыздан сәл қигаштау болса да бұрылып алып, алма ағашқа қарай тартты.

Алып алма ағашқа жақындай бергенбіз, төнірегі ойқастаған қалың із екен, шашылған құстың қауырсыны, жұн-жүрқа.

- Биыл тұлкі қалың ғой, тұлқінің іздері шығар? — деген Бәтен.

- Мүмкін, алма ағаштың түбіндегі үңгірге тұлкі жатып жүрген шығар. Қазір ұстап алсақ қандай қызық болар еді,- деген Қайрат.

- Жо, бұл із тұлқінікі емес,- деді ізге үңіле қараған Санат.- Тұлкі қарға бүйтіп батпайды.

- Онда қасқырдың ізі шығар?

- Жо, қасқыр да емес. Бұл — иттің ізі.

- Қазір не болса да көреміз енді,- деді алда келе жатқан Әжібек.- Әне, үңгірден қарайып бірдененің басы қылтияды. Кетпендерінді оңтайлас ұстандар!

Осы кезде алып алма ағаштың түбіндегі үңгірден Қарақаншық атып шықты, көздері қып-қызыл бол қанталап, тістерін сақылдата ырылдап, айбат шегіп бізге қарсы жүрген. Аппақ қардың үстінде өзі қап-қара бол, ештеңеден тайынбайтын керемет қорқынышты еді. Жолбасшымыз Әжібек болып, біз бір-бірімізді баса-

жанша кейін қаштық. Қорыққандарынан бір-екі баланың ойбайлап жіберген дауыстары да шығып кетті. Омбы қарда сүріне-қабына едәүір қашып барып кейін бұрылғанбыз, Қарақаншық соңымыздан қумапты, ұнгірдің аузына қайта барып, жер іискелеп қаңсылады да, ұлып-ұлып жіберді.

- Эй, мынаның іші қабысып, емшектері салақтап түрғой, күшіктегеннен сау ма? — деген балалардың бірі.

- Расында да, түрі күшіктеген сияқты.

- Иә, ұнгірге маңайлатпауы тегін емес.

- Қыста күшіктеген қанышықты көргенім осы.

- Қайбір жақсылық дейсін,- десіп алып, алма ағаштың басындағы қатып-семген алмалардан күдер үзген балалар енді тауға қарай өз жолымызға түстік. Таудың етек жағындағы жел үрлеп нығарлап тастаған қалың қарды кетпенмен қадау-қадау ойып, баспалдақтап жол салып, жоғары қарай шұбыра өрлеп келеміз. Сөзіміз Қарақаншық төнірегінде: әлдекашан жоғалдыға санап жүргенімізде, күтпеген жерден алып алма ағаштың түбіндегі ұнгірден шыға келуі бізді қатты таңырқатқан еді; оның үстіне қыс ішінде күшіктегенін қарасаңшы; күшіктері қалай тоңбайды екен; ауылға жоламай, мына жырақта жүріп өзі немен қоректенеді? Осы тәріздес толып жатқан сұрақтарға жауап таба алмай, дал боламыз.

- Қарақаншық киелі ит қой,- дейді ішіміздегі ең білгішіміз Санат.- Бұл ауылға не жақсылық, не жамандық әкеледі.

- Жақсылығын қайдам, жамандығын көріп жүрмізғой,- деді Бәтен.

- Сен Бұбітайдың жынданып кеткенін айтасың ба?

- Иә.

- Оған Бұбітайдың өзі кінәлі. Қарақаншықтың күшіктерін тірідей көміп өлтірді емес пе?

- Қарақаншық олардың бір қазан сүтін ішіп кетті ғой.

- Бір қазан сүтке бола күшіктерін өлтірмеу керек еді.
- Сонда ауылға ұры иттер қаптап кетсін дейсің бе?
- Түк те қаптамайды. Қарақаншықтың бұрынғы күшіктерінің қайсысы ұры болып еді?! Ауылдағы көп үйдің иттері соның күшіктері ғой.
- Сен өйтіп Қарақаншықты жақтамай-ақ қой, бәрібір иттің аты итте, ал Бубітай — адам.
- Иттің де обалы бар, жазықсыз тиіссен, сол обалы жібермейді.

Мына екеуінің таласына шыдай алмай кеткен болу керек, осы сәт алда бара жатқан Әжібек кілт кейін бұрылды да:

- Эй, екі кеменгер, тоқтатындар бос былышылды! — деді ыза болып.- Немене, Қарақаншық пен Бубітайдың күйігі сен екеуіңе батып келе ме, сонша керілдесіп. Дабай, қойындар енді!

Санат пен Бәтен жым болды. Бәріміз үйіріле тоқтай тұрып, сәл тыныс алдық. Өрге қарай жүреміз деп едәүір алқынып қаппыз, өндеріміз қызара тершіп, кейін қарай көз салғанбыз. Түү, шіркін, сұлулық деп осыны айт! Өзіміз дәл бір жердің кіндік үстінде түрғандаймыз да, төнірек төрт бұрыш тегіс шыр айналып кеп біздің таба-нымыздың астына түскендей, көз жететін дүниенің бәрі де төменде жатыр. Жазда бірінің үсті көк-жасылданған егінжай, бірінің үсті көк жусан мен боз бетеге, енді бірі айдалған қара пар бол жататын бел-белестер мен дөңдер қазір мақталы қалың ақ көрпенің астында тарс бүркеніп алған, біркелкі бол қымтанаңып жатыр. Сол тұтасқан жалпақ дүние бұлдырап барып қысқы сұрғылт аспанмен астасқан жерге дейін аппақ бол күнге шағылышып, көзді қарықтырады.

Әжібек тымағын альп жеңімен маңдайының терін сұртті, тісінің арасынан сәнімен сыздықтата түкіріп қойды да, Санат пен Бәтенге кезек қарап алып:

- Меніңше, бар ғой, сендердің анау Бұбітайларыңың адам аяр қылығы жоқ болатын,-деді.- Сау кезінің өзінде жындының ісін істейтін еді ғой. Осыдан екі жыл бұрын, апам өлген жылы жазда, бір рет қарным қатты ашқан соң, осы Бұбітайдың үйіне кіргем. Соңда маған бір тостаған айран құйып берудің орнына, менің көзімді бақырайтып қойып тұрып, жарты шелек айранды қаз-үйректеріне апарып төкті ғой. Сонысы құдай сүйер қылық па?! Соңда мен іштей: «Әй, кесір атар мына қатынды», - дегем. Айтқаным айдай келді, атты ғой эне, ақыры! Аш жүрген маған бермей, айранды қаз-үйрекке төкті деген не деген сұмдық! -өне бойын ыза кернегендей сөзін тістене кіжініп аяқтаған Әжібек қайтадан алға түсіп, өрге қарай қатты-қатты адымдай жүрген, біз тіпті ілесе алмай қалдық. Біраз озып кеткен ол сәлден кейін бізге қайырыла тұрып:- Сендердің анау Қарақан-шықтарың да қаншықтығын жасап қасқырмен әмпей боп жүрмесе не қылсын,- деді мыскылдай күліп.-Қыста күшіктеуі тегін емес...

- Ол да мүмкін,- деді Қайрат іле қоштап.

- Мүмкін емес, дәл солай. Осы жолы бұл қасқырмен лықты. Жаңағы бізге анадайдан айбат шегуі тегін емес. Қасқыр күшіктерін қызғанғаны ғой,- деді Әжібек төндіре сөйлеп.-Обшым, осы жолғы бір күшігін мен алам.

- Шынында да, қасқырдан туған күшік нағыз арлан болатын шығар. Мен де біреуін алам,-деді Қайрат.

- Онда мен де біреуін алам.

- Мен де...

- Мен де...- деп балалар жан-жақтан шулай бастады.

- Бәріңе Қарақаншықтың күшігі жетпейді,- деді Әжібек оларды тоқтатып.- Көп болғанда бес-алты күшік шығар. Соңдықтан ертең күшіктерді алуға келгенде,

Қарақаншыққа беруге нанды кім көп әкелсе, күшікті сол алады.

Осылайша бәтуға келіп, тауға қайта өрледік. Жоғары көтерілген сайын, қар мұлде жұқарып, біртіндеп қары жоқ қарайған жерге де аяғымыз жетті. Қатты жел үрлеп жалаңаштап кеткен тау құнгейі жайма-шуақ көктем лебін еске түсіріп, бусанып жатыр. Арқамыздан құннің жылуы өтіп мандаіымыздан бір жылы леп сипайды. Эр-әр жерде топ-топ боп өскен қызыл балақ тобылғы, қара күрең қараган, үйисе жабысқан қалың бөргез, ақ сирақ үшқат қаптай бастады.

Осы тұста бастаушымыз Эжібек тағы бір бел босата тұрып, барлығымызға барлай қарап шықты да:

- Ал, көксоққандар! — деді өктем үнмен.- Енді, дабай, тобылғы шабуға кірісеміз. Жарлық былай: ең әуелі, әрқайсың үлкен-үлкен үш түптен Ырысбекке деп арнап тобылғы шабасындар. Соны үйден алып шыққан екі жіптеріңін біріне буып төмен домалатамыз, бұл сендерге салынған салық. Тек сонан кейін өз үйлеріңе шабасындар.

Біз бірден келістік. Тау үстіндегі ен-тегін тобылғының ортасында түрғанда, үш түп деген де сез болып па.

- Ақ үшқат пен бөргезден шабуға бола ма? — деп сұраған балалардың бірі.

- Өз үйіне шауып алсан, пажалыста, ал Ырысбекке тек тобылғы ғана шабындар! — деді Эжібек қатал ескертіп.- Тобылғының қызызы мол болады және қолға кіретін тікені болмайды.

Сөйтіп, біріміз жоғары жағынан, біріміз төменгі жағынан, енді біреулеріміз қос бүйірінен дегендей қорым тастың жиегіндегі қалың өскен, кісі бойындаі тобылғыны жан-жақтан шабуға кірістік. Бұрыннан үлкендерге ілесіп

тобылғы шауып жүргендер онша қиналмай-ақ бірден кірісіп кеткен, ауыр кетпенді салмақтай көтеріп, тобылғының түбін орай тасы жоқтау деген тұсын ала гұрс еткізіп қап, оп-онай ғана тамырымен қопарып тастайды, ал тәжірибесіздері тобылғыны кез келген жерінен шауып аламыз деп кетпендерінің жүзін көк тасқа шақ-шүқ соғады. «Гұрс-гұрс»... «Шақ-шүқ...» Ойнай жүріп, күн еңкейгенге дейін, әуелі, Үрысбекке деп дәу екі арқа тобылғы шауып, оларды жіппен буып төмен -ауылға қарай домалатып, енді әрқайсымыз өз үйлерімізге деп шабуға кіріскеңбіз.

Бір кезде оқысташ шыққан айқайшу, аттандаған дауыстар бәрімізді де елең еткізді. Тобылғы шапқанымызды доғарып жалт-жалт қарадық. Төменде жатқан ауылдың көшесінде әбігерге тұскен кемпір-шал, балашаға біздерге қолдарын бұлғап, бірдене деп айқайлап, шуылдастып тұр. Екі-үш ересек адам бері тауға қарай емпелеңдесіп келеді. «Ай-оу-у, ат-тан!» Ат-та-ан!.. Ой-ба-ай!.. Ой-бай!..» — деседі, басқа сөздері естілмейді.

- Эй, мыналар неге шулап тұр? — деді Эжібек.

- Біздің жоғары жағымыздан бірдеңені нұсқайтын сияқты,- деді Санат. Бәріміз енді жоғары жаққа қарағанбыз, қожыр-қожыр бол төбемізден төнген жартастардан өзге ештеңе көрінбейді.

- Ай-о-оу-у!.. О не-е? Не деп тұрсындар? — деп Эжібек ауылдағыларға қарай айқайлаған. Осы сэтте ғана құлағымызыға ауылдағылардың:

«...Ыскыр!.. Ыскыр!» — деген сөздері естілгендей болды.

- Қасқыр дейді,- деді Санат.

- Ойбай, қасқыр деп тұр ғой,- деді балалардың бірі үрейлене. Бәріміз де үрейленіп қалдық. Қайтадан ор жаққа, төнірегімізге қарағанбыз.

- Эне!..- деді бір бала.- Қос көк тастың астында.

Енді біз де көрдік, алып алма ағаштың желке

тұсында, біздің теріскей жағымызда аумағы екі үйдің орнында жалпақ екі көк тас болатын, солардың астынғы жағында төрт-бес көк ит бұта-бұтаның арасында бірі шоқып, бірі тұмсығын көтере ауаны иіскелеп, енді бірі біз жаққа сазара қарап түр екен.

- Ойбай-ай, апа-а! — деп шарылдай жөнелді балалардың бірі. Оған екінші, үшінші ойбай қосылды. Тау үстінде шулап кеттік.

- Не істейміз? — деген Эжібек.

- Тек қашпайың, бәріміз топтасып бірге тұрайық, деді Санат.

- Дұрыс. Кәне, кетпендерінді алып менің қасыма жиналышындар. Кетпеннің шүйдесімен тасты соғып, бәріміз бірдей аттандайың!

- Ат-тан!.. Ат-тан!..

Шақ-шүқ тасты соғып, біріміз шынғырып аттан сап, ойбайлап бердік. Кенет қасқырлардың шоқайып отырғаны темен қарай ырши секірген. Анық көрдік, ұлкендігі тайыншадай, нағыз көкжал екен. Секірген күйі біздің көзімізден таса тұрған алып алма ағаштың тұсына батып көрінбей кетті. Төменгі ауыл жақтағылар бұрынғыдан да қатты шылдасып кетті.

- Бәрің түгелсің бе? — деді үрейленген Эжібек.

- Түгелміз.

Көкжалдың соңын ала басқа қасқырлар да бізге көрінбей кеткен. Күз жақты жанғырықтырып иттің жанұшыра үргені, одан қатты бір қаңқ еткені естілді. Ауыл жақтағылар әлі шулап түр. Сәлден кейін алып алма ағаштың арғы жағындағы қарлы беткейді қиялап әлгін-дегі қасқырлар ұмар-жұмар орталарындағы қарандаган бірдеңені кезек-кезек созғылап сүйрелеп бара жатты.

- Қарақаншықты әкетті!..

Жанұшыра қаңсылап бара жатқан сол Қарақаншық екен. Эрқайсысына бұл да ауыз салмақ болып азу

тістерін сақылдатып айбат жасайды, бұлқына арпалысады, көмек сұрап жанұшыра қаңсылайды, бірақ әлуетті күші басым қасқырлар оны жан-жағынан қақпақылдай қағып, көкпарға салғандай бірінен-бірі жүлқа тартып кергілеп барады. Әрқайсысы бар екпінімен ағып кеп, қанға боялған арандай ауыздарын салып өткенде, Қарақаншықтың бір мүшесін жұлып әкеткендей болды. Аппак қардың үстінде судай шашылып бара жатқан Қарақаншықтың қаны, шарылдай қаңсылағаны керемет аянышты еді, тау-тасқа жаңғырығып аза бойды қаза түрғызды. Бүкіл ауылға, шуылдаған халыққа құтқарыңдар дегендей шырқырайды. Ал қасқырлар болса өршелене, құттырына түсіп жұлқып-жұлқып әкетеді. Біргіндеп Қарақаншықтың қаңсылы басылайын деді, сәлден кейін мүлдем үні өшіп, қасқырлардың аузында жұлмаланған жансыз затқа айнала бастады. Тағы бір жұлқыласқан кезде, кеуде жағы әлгіндегі тайыншадай көкжалдың аузында қалды да, бөксе жағын басқа қасқырлар бөлісіп әкетті, осылайша Қарақаншықты бүкіл ауылдың алдында пәре-пәресін шығарып олжалаған қасқырлар жұлқыс-тартыспен қыратты асып көрінбей кетті.

Біз, балалар, зәре-құттымыз ұшып, қалтырап қалшқалш етіп үніміз шықпай, бір-бірімізге тығылып есіміз шығып кеткен еді. Енді шапқан отындарымызға қайырылмастан, бір-бірімізді қаға-маға төмен ауылға қарай біріміз домалап, біріміз сырғанап безіп жөнелдік.

Келесі күні қорқыныш-үрейіміз басылған соң, Эжібек шанасы бар балаларды өзі бастап жүріп, кешегі таудан домалатқан үлкен екі арқа тобылғымызды Үйрісбектің үйіне жеткізіп бердік. Егер өгіз шанаға тиер болсақ, мұнымыз дәү бір шана отын еді. Он шақты бала жан теріміз шыға жүріп әлгінің бәрін Үйрісбектің қорасына кіргізіп, тап-түйнақтай етіп бір жағына жинап қойдық. Өз үйлерімізде шыбық басын сындырсақ шынқылдан

тұратын, бір құшақ отын бұтағанның өзінде үйдегі үлкендерді заржақ қып барып әзер тіл алатын, шіркіндер, Ырысбек пен Эжібектің алдында өстіп мөнтең қағатынбыз. Біз тобылғыны тегіс кіргізіп болған кезімізде, Ырысбек үйінен шыққан, бәрімізге жағалай бір қарап етті де:

- Эй, адъютант Эжібек! — деді.
- Иә, жолдас камандірі — деп Эжібек қарсы алдына жетіп барды.
- Мынау балалар бүгіннен бастап жай әскер емес, ең сенімді, ең батыр, алдыңғы шепте өзімнің төңірегімдеғана жүретін төлеңгіттерім болады,- деді.

Біз ол сөздің мәніне түсіне қоймай бір-бірімізге, одан Эжібекке қарағанбыз.

- Обшым, төлеңгіт болғаннан ұтылмайсыңдар. Басқа балаларға сендер камандірсіндер,-деп түсіндірді Эжібек.
- Дұрыс айтады,- деді Ырысбек оның сөзін қостап.
- Ертең мен мына Эжібекті МТС-қа темекі әкелуге жібергелі отырмын. Темекі әкелген соң, бәріне шылым тартуды үйретеміз.

Біз төбеміз көкке жеткендей боп қуанып қалдық, бір-бірімізге жымындаса қарап, шылым тартуды үйренетінімізге мәз боп тұрмыз. Шылымды құшырлана тұрып сорып, оның тұтінін мұрыннан, көзден, құлақтан шығару деген керемет қой!

Бар тілегім, Ырысбек қашан үлкейтіп болғанша, көкем мен апамның суретін алғанымды Нәзира әпкем білмесе еken деймін, кешкісін жұмыстан келгенде, сандықтағы альбомын алып қарай кермесе еken деп қыпсылдан отырам. Абырой болғанда, ол қырманнан діңкелеп шаршап келеді де, кешкі тамағын іше сап, ештеңеге

қарауға шамасы келмestен мұрттай үшады. Бар айтатыны:

- Қанатай, қол диірменді өзің айналдырасын,- дейді.

- Мақұл, әпке, алаң болма,- деп, мен осы үйдің онан кейінгі естияры ретінде ертеңгі ішім-жем талқанды тас диірменге тартуға кірісем. Тас диірменді айналдыру ауыр, қолдың қарын талдырағы, бірақ амал қанша, әжемнің шамасы жетпейді, басқа балалар әлі кішкене, сондықтан қолымның қаншама талып, иықтарымның талмаусырап қарысқанына қарамастан, бар күшімді жинап, әбден әлім құрып діңкелегенше, күшене отырып айналдырам. Майдайымнан тер бұршақтап, көзім қарауытып кетеді, сонда да әжеме, інілерім мен қарындасыма сыр білдірмеймін.

Әжемнің:

- Болды, қарағым, алдыңдағы ауыр тас, иығында ауыртып аласын,- дегеніне қарамастан, ылғи да қос уыс бидайды артық тартам.

Бүтін де сөйтіп күшене отырып ертеңгі күннің талқанын тартып боп қалған кезімде, тарс-тұрс есік ашылып, үйге Ырысбек пен Әжібек кіріп келді. Есіктің қатты ашылып, қатты жабылғаны сонша, үйдің ортасындағы дөңгелек үстелдің үстінде тұрган май шам жалғы-жұлп етіп өшіп қала жаздады.

- Кеш жарық, әже,- деді Ырысбек даусы гүр етіп.

- Қарағым, Ырысбекпісін? — деп әжем келгендерге сығырая қараған.

- Ия, мен ғой, әже.

- Қасында тағы біреу бар ма?

- Әжібек қой.

- Ә-ә... Мына беймезгіл уақытта жай жүрсіндер ме?

- Балаңыз бен келініңіздің суретін ұлкейтіп едім, соны әкелдім,- деді Ырысбек даусын көтере сөйлеп.

Сөйтті де өзі қолындағы ораулы қағаздың бір жағын

Әжібекке ұстатьып шамның жарығына тосқан; әнеугүнгі өзім берген суреттен айна-қатесі жоқ көкем мен апамның үлкейтілген суретін көргенде, басы әжем болып, бәріміз есіміз шығып аңырып қараптыз да қалыптыз, кәдімгі көкем мен апам тіріліп үйге кіріп келгендей. Әжем өз көзіне өзі сенбегендей жақын-даңқырап кеп үңіле қарады да:

- Қарғаларым, қос қарашағым... тіріліп келгендей боп қатар тұра қалғандарын... О, менің айым мен күнім... - деп, айналып-толғанып, есі шығып кетті.

- Эже, қай жерге ілейін? — деп сұрады Ырысбек.

- Төрге іл,- деді әжем.

Абыр-дабырға Нәзира әпкем де оянып кеткен. Әуеліде түкке түсінбей басын көтеріп ап одырая қарап жатты да, Ырысбек ойқастап барып төрге суретті ілген кезде ғана, істің мәніне түсінгендей орнынан тұрды. Әжемде ес қалмады.

- Ағаларыңа төрге көрпе салындар... Эй, Болатжан, от жаға қойшы, құлышынмы... - деп, бәйек боп шәугімге су құйып, шай қойып, Ырысбек пен Әжібекке елжірей қарап:

- Төрге шығындар. Отырындар. Айналып қана кетейін, сендерден. Өлгенді тірілтті деген осы, мың жасағырлар. Өркендерің ессін, қос қарағым... Эй, Қанат, ауыз үйдегі сүтті әкелші.

Бұл енді әжемнің ағынан жарылғанының белгісі. Әненіне суалуға таяған қоңыр сиырымыздан күніне екі кеседей ғана сүт шығады. Соның бір кесесін шайға да, бір кесесін күніне бір рет жасайтын атала көжеге қататын, қазіргі маған алғызғаны ертеңгі көжеге қатуға алып қойған сүт еді. Сол сүтке әлгінде ғана ақ тер — көк тер боп ертеңгі азыққа деп мен тартқан талқанды түгел бір табақ қып шылап, Ырысбек пен Әжібектің алдына қойды.

- Алындар, айналайындар,- деп бәйек боп жүр.- Эй, Нәзира, ағаңа шай құй.

Нәзира әпкем де төрдегі суретке қарап қойып, риза көнілмен шай құйып беруге кірісті. Біз, балалар да, әкешешеміздің суретіне қайта-қайта жалтақтай қарап, онан шыланған талқанды көсей асаған Ырысбек пен Эжібекке көз саламыз, аузымызға үйірілген сілекейді тамсана жұтыныш қойып, ернімізді жалаймыз. Үйеме табақ талқан лезде сап болды. Манғайлары тершіген Ырысбек пен Эжібек бір-біріне қарап жымындастып қояды. Эжібек кекірініп те алды, тойғанының белгісі. Ыстық суды сораптата ұрттаң бірер шыны аяқ ішіп тоқтарын басқаннан кейін, Ырысбек Эжібекке ымдал қол созған. Эжібек ұшып тұрып, келгендерінде қабырғаға сүйеп қойған домбыраны орауынан ашып ұстата берді. Ырысбек домбыраны қолына альш, құлақ қуйіне келтіре бебеулетіп қағып-қағып жіберді де, онан соң әжеме:

- Эже, сізге бір ән салып берейін,- деді, көзінің қызығымен Нәзира әпкеме де қарап қояды.

- Сала ғой, қарағым,- деді әжем елжіреп.

Сол-ақ екен, Ырысбек домбырасын безілдетіп-безілдетіп альш, төбе қүйқанды шымырлатар ғажап әуендердің бірінен кейін бірінің басын тез-тез қайыра отырып бір кез:

«А-хо-ау-у, хайли-лау, ли-ли-лау, ли-ләй-лау...» — деп әдемі, зор қоңыр даусымен бастап кеп жіберген кезде, құп-құңғірт боп көлеңкелеріміз ербиіп, үрейді ұшырып отыратын жадау-жүдеу үйдің іші самаладай боп жарқырап сала берді.

Қыз емес қыздың аты қызыл асық,

Жігіттер қыз балаға болған ғашық.

Сырттағы дүниені сықырлатып уысына қысқан ызғарлы қыс та, көзің түскен жерде мен мұндалап екі иығынан зілдей боп басып тұратын жадау-жүдеу

тұрмыс та, әркімнен бұғып, жасқанып, именшек отыратын қүйкі тірлік те — бәр-бәрі де ысырылып кейін қап, дүние түгел әсем әнге, сән-салтанатқа толып, жартыкеш көңілдің кем-кетігі тегіс жазылған, жайраңдаған жаз өмір орнады. Шіркін, өмір деген қандай сұлу, қандай жарқын! Өмір сұру, тірі жүру қандай бақыт! Адамдардың бір-біріне деген кіршікіз таза көңілі, бір-біріне көрсететін сый-құрметі, сүйіспеншілігі қандай ғажап!

«А-хо-оу-у хай-ли-лау  
ли-ли-лау лэй-лэй-лау...»

Шіркін, осындай да ғажап ән, ғажап дауыс болады екен-ау? Бүкіл болмысынды сиқырлап алып, өзімен бірге еліктіріп, елітіп, тіл жеткісіз ғаламат сезімге бөлейді.

Сөйтіп, бір әннің сиқырлы дүниесіне еніп, соның өзінен ес жия алмай езіліп отырғанымызда, Ырысбек екінші әнді бастап кетті. Тағы да алғашқыға үқсас, одан артып түспесе кем түспейтін әсем дүние есігін ашты... Онан кейін үшінші ән, төртінші ән... бесінші ән... Ырысбектің әндері көбейе түспесе, азаюышы ма еді. Көзін жұмынқырап ап, бет-аузы әннің ырғағына қарай сан құбылыш, әдемі зор даусымен бүкіл дүниені сиқырлап қойғандай.

Көптен бері, сонау өзі әскерден қайтқан күнгі кештен кейін онын дәл бүйтіп ән салғанын көрмеп едім; өні керемет сұлуланып, нұрланып, әншнейіндегі жексүрін-дығынан, иттігінен із де қалмаған. Эжем алдындағы жұлық-жұлық жабағы жүнді жібекше талдан түте отырып, әрбір жаңа әннің тұсында басын көтеріп ап, көзі жасаурай сығырайып Ырысбекке айналып-толғана елжірей қарайды, көңілінің көптен бері бір жады-рағанын жасыра алмайды; кішкене балалар болса әншнейіндегі бірін-бірі тұртпектен отыратын қылыштарынан

пышақ кесті тыйылып, бағжырайған көздерін Ырысбектен алмастан ауыздарын ашқан қүйде демдерін іштерінен алғандай тым-тырыс отыр; Нәзира әпкем пеш жақтан кеп ұстелге бір қырын сәл теріс қарап отырып шай құйған әлгіндегі қалпында тас бол мелшип қатып қалған, ән тыңдал отыр ма, жо әлде қалғып кетті ме, белгісіз. Қанша уақыт өткенін кім білсін, бір кез бет-аузын қара тер басқан Ырысбек шаршағандай әнін тоқтатып, барлығымызға күлімсірей қарап шықты да:

- Осымен болған шығар,- деді.

- Өркенің өссін, қарагым, көнілімізді бір көтеріп тастадың ғой,- деп, әжем шын көңілден ризашылығын білдірді.

Жанар мен Жанат әжемді төңіректеп барып ұйықтап қалған, олардан ересектеу Болат қалғып-мұлгіп есінеп отырса да, намысына тырысып ұйқыға жендерігісі келмейді. Мениң де ұйқым келіп отыр, бірақ үйдегі естияр ерек езім екенім есіме түссе-ак, ұйқым шайдай ашылады. Нәзира әпкем тұрып төсек салып, әжемнің екі жақ етегін ала жатқан Жанар мен Жанатты жатқызды.

- Көзің қызыарып кетті, сен де енді жат төсегіңе,- деді Болатқа.

Нәзира әпкем балаларға төсек сала бастаған соң, Ырысбек пен Эжібек енді өздері де тым кеш отырып қалғандарын түсініп кететін шығар деп ойлағам. Олай болмады.

- Эже, от жағылмаған сұық үйге барғым келмей отыр. Рұқсат болса осы үйдің бір бұрышына қона кетсем деймін,- деген Ырысбек самбырлай сөйлеп. Әжем сәл үндең қалды да, алдындағы тұтілген жүнін жинастырып, етегін қағып орнынан тұрды.

- Қонам десең қона ғой, қарагым. Қонақты қуып шығу салтымында жоқ қой,- деді. Маған әжемнің бұл

жауабы Ырысбектен гөрі Нәзира әпкеме арнап айтылғандай көрінді.

Нәзира әпкем үн-тұнсіз төрге балалардың төсегіне қатарластыра қонақтарға да төсек сала бастады. Ырысбек пен Әжібек сыртқа шығып келуге кеткен.

- Эже, мен көрші үйдің біріне барып қонайын,- деген Нәзира әпкем.

- Сөйтсөн сөйт, қарғам,- деді әжем күрсіне тұрып.

Ырысбек пен Әжібек кіріп, киімдерін шешініп жатуға ыңғайланған кезде, сырт киімін желбегей жамылып Нәзира әпкем далаға шығып кетті. Әжем жатқан соң, жынысынан күткіншілдікке көшірілген күнде орныма жаттым. Көзім енді ілініп барады екен, біреу бүйірімнен нүкіп қалды.

- Эй Қанат, әлгі Нәзира әпкең қайда кетті? — деп сұрады Әжібек сыйырлап.

- Білмеймін.

- Немене, сонда ол бүгін үйге қонбай ма?

- Көршілердің біреуінің үйіне қонам деп кетті.

Әжібек дереу сырғып барып менің айтқандарымды сыйырлап Ырысбекке жеткізді. Сәлден кейін Әжібек сырғып қасыма қайта келді.

- Эй, Нәзира әпкең кімнің үйіне кетті?

- Білмеймін.

- Неге білмейсің?

- Кімнің үйіне кеткенін айтқан жоқ.

- Қап!

Енді қараңғы үйде Ырысбек пен Әжібектің күбір-күбір сөзі көбейейін деді. Екеуі қараңғыда отырып киіне бастады.

- Эй Қанат, киін, сен бізді шығарып саласың! — деді Әжібек әмірлі үнмен. Өзімнің де күткенім сол еді, осы пәлелерден тез құтылайық деген оймен оңайда тұрған

киімдерімді лып-лып еткізіп үстіме іле сап, қараңғыда жандарына бардым.

- Бұ қайсын, қараңғы үйде түрегеп жүрген? — деп сұраған әжем.

- Эже, біз ғой, қазір далаға шығып келеміз,- деді Ырысбек.

- Э-ә,- деп әжем онан әрі қарай күбірлеп құдайға сыйыныш кетті.

Мен қараңғы үйде сипаланып жүріп есікті ашып, екеуін бастап сыртқа алып шықтым. Тұн тастай қараңғы екен. Аспан бұлттанып, онынан желемік соғып тұр; күн бұзылып, қар жауардың алдында өститін. Иттердің ғана үргені болмаса, ауыл үйдің арасы тым-тырыс, бірде бір үйде шам жоқ, бәрі де тегіс үйқыға кеткен.

- Нәзира кімнің үйіне кетті? — деп енді Ырысбек сұрады.

- Білмеймін.

- Қалайша білмейсің? — деп ол шап етіп жағамнан үстай алды. Менің зәрем үшып кетті, «әжелеп» аттан салуға шақ қалдым.

- Маған айтқан жоқ.

- Жоқ, сен білесің. Қазір бар да, әжем шақырып жатыр деп ертіп кел.

- Рас айтам, ағатай, кімнің үйінде екенін білмеймін, бізге айтпай шығып кетті,- деп, мен шыж көбелек боп тұрмын.

- Онда білмегенің үшін жаза тартасын,- деп Ырысбек дір-дір етіп түрған күйімде тіп-тік көтеріп алды да, шыр көбелек айналдырып әкеп, есік алдындағы қалың қуресінге басымды тәмен қаратып қойып қалды. Тұнге қарай беті сіресіп жатқан қатты қардың төбеме қатты тигенін білем, бет-аузымды қалың бөргездей осып жібергенін білем, онан әрі сәл есім ауытқып кетіпті. Басым

төмен қарай шашылып күресін қарда қанша тұрға-  
нымды білмеймін, бір кез есім кіргендей бол, аяқ-  
қолымды тыңырлата бастағам, көрім болғанда,  
күресіннің жарқабақ жағы опырылып кетіп, есікке қарай  
домалап түстім. Жан-жағымға үрейлене қарасам, Ырысбек  
те, Эжібек те жоқ екен, домалай ұмтылып үйге кіріп,  
жан-дәрмен есікті жауып, ілгегін салып алдым. «Үн» деп  
осы жерде ғана есімді жиғам. Ішкі есік ашылып, қолына  
жалғ-жұлп еткізіп май шамды ұстап әжем шықты.

- Қанатпысың? Тыныштық па?

- Тыныш... - дедім мен әжемді қорқытпайын деп түк  
болмағандай жайбарақат үнмен.

- Элгілер қайда?

- Үйлеріне кетті.

- Тыныш кетті ме, әйтеу?

- Иә, тыныш кетті,- дедім, өнебойым дір-дір етіп, енді  
сәл тұрсам, әжемді құшақтап еңіреп жіберуге дайын  
тұрмын.- Үйқым келді, әже, жатайықшы...

Ертеңгісін беті-қолымды жуғанымда, тұндегі қар сүрген  
жерлер тызылдан ашып, алақаныма қабыршақ жаралар  
мен домбықсан ісіктер білінді. Айнаға барып қарағам;  
мандайым, мұрнымың үсті, екі бетімнің ұштары  
мысық тырнағандай жара-жара бол қапты.

- Қанат, сенің бетіне не болған? — деді Болат  
таңырқап.

- Білмеймін,- дедім мен өзім де таңырқаған бол.

- Тұнде жалмауыз кемпір кеп тырнап кеткен ғой.

- Солай шығар. Өзі байқамаса, әжеме айтпа, босқа  
қорқып қалады,- дегем.

- Жарайды,- деді Болат.

Көрші үйге түнеп келген Нәзира әпкем де есіктен кіре бере бетіме жалт қарап:

- Саған не болған? — деді үрейлене.
- Жай, әншейін,- дедім мен иығымды қиқаң еткізіп.
- Тұндеғілер ғой?!

Мен басымды изедім. Әпкем кеп құшақтап бауырына қысты.

- Қанатай-ай, мен үшін сені де әбден қорлап болдығ-ау, Ырысбек оңбаған,- деді. Даусы дір-дір етіп, алқымына өксік тығылғанын сезіп тұрмын.

- Эй Қанат! — деді осы кезде ауыз үйде шелектерді салдырлатып жүрген әжем дауыстап.-Анау қорадағы малды шығар!

Мен әпкемнің құшақынан шығып есікке беттедім.

- Эжем көрді ме, біле ме? — деп сұрады әпкем.
- Жоқ, білмейді.
- Онда айтпай-ақ қой. Тағы да жылап-сықтап мазасы кетеді.

- Айтпаймын.

Шай үстінде бетімді көлегейленкіреп бір қырын отырдым да, ала көлеңке үй ішінде әжем де, кішкене балалар да бет-аузымның жарасын байқамады.

- Ойнап көп жүріп алмай, түске қарай ертерек қайтып, малды сұғар,- деді әжем.

- Макұл.

Шанамды сүйретіп далаға шықсам, көшениң ортасында Әжібек тұр. Тістерін ақсита күліп қасына шақырды.

- Бет-аузың аймандай бопты ғой,- деді мәз болып.

Әрине, оған күлкі, мен үндеғем жоқ.

- Сенің Нәзира әпкен де қызық, қашып кетпесе қайтер еді,- деді ол менің әпкемді кінәлай сөйлеп.- Ырысбек қазір оған ғашық. Байғұс тұні бойы жылап шықты. Қатын үшін жылаған адамды көргенім осы. Өзі

де үйиқтаған жоқ, мені де үйиқтатқан жоқ. Ғашықтың тан күйіп-жанып барам дейді. Қанат, сен енді ол үшін ренжіме. Ірысбектің бұл жолғы махаббаты нағыз шын махаббат сияқты. «Әжібек-ау, бауырым-ау, осы уақытқа дейінгімнің бәрі бекершілік екен» дейді. Ант-су ішті. Ел сияқты семья құрып, үй болғым, бала сүйгім келеді дейді.

Көшениң төменгі жағынан Шағыр көз жиренін шанаға жеккен почташы Мақым шал шыққан.

- Обшым келген соң, мен саған түсіндіріп айтам бәрін де,- деді сөзін асыға тұжырымдаған Әжібек.- Қазір, анау почтаның шанасымен Мытысқа темекіге кетіп барам. Ірысбек, міне, жұз сом берді,- деп қалтасынан жалпақ ақшаны суырып ап көрсетті.- Осының бәріне темекі сатып әкелем, әлі шылым тартуды үйретеміз.

Әжібек қасымыздан өте берген почташы шалдың шанасына секіріп мініп, МТС-қа кетті де, мен ауылдың шетіндегі сайдың қабағында көшкіннен шана теуіп жүрген балаларға қарай тарттым. Көшкіннен секірте шана теуіп біраз ойнаған соң, малдарды сұгаратын кез болды-ау деген кездे, әжеме берген үәдем бойынша үйге қайтқам. Енді бет-аузымдағы жарапарымды көрсін деп жасырмай келдім, егер не болды деп сұрай қалса, шанамен көшкіннен секірем деп жығылып қалдым дей салмақпын. Осы оймен қаперімде ештеңе жоқ үйге кіріп келсем, терезеге таяу жалғыз орындықта Ірысбек отыр.

- Қанатай, күнім, жақсы ма,- дейді маған елжірей амандастып. Тіпті түк болмағандай, түнде ғана мені күресіндегі қатты қарға бет-аузымды жара-жара ғып төбемнен шанышпаған адамдай мұләйімси қапты. Мен үндегем жоқ, ошақ жаққа барып, кәнге сүйене түрдым. Қазандықтың желкесіндегі дәү қара пышақтың орнында жатқанын көріп, көнілім орнына түсті. Егер осыдан

Ірысбек артық-әбес бірдене істер болса, сол қара пышақпен ішін жаруға бекіндім.

Әжем жүн тұтуге кірісіпті, Нәзира әпкем кәннің екінші шетінде иығына апамнан қалған ескі күпәйкені жамылып шұлдық тоқып отыр, әскерге жіберілетін киім. Балалар кән жақ бұрышта сабаннан қалпақ тоқып ойнап отыр. Сабаннан қалпақ тоқуды немістің балаларынан үйренген.

Әжем мен кіrmес бұрын бастаған сөзін жалғастырды:

- Сен өйтіп бізді басынба, қарағым. Саған қолымнан қызыымды бере алмаймын. Өйткенше бұл дүниеден байсыз өтсін. Ал егер менің айтқаным көнбей өз бетімен саған ілесіп кетер болса, міне, құдай алдындағы сөзім, екеуінде де қарғыс айтам.

- Эже, мен қарғыстан қорықпаймын,- деп, Ірысбек мырс етіп құлген.

- Эй! — деді әжем оқыс үнмен.- Өйтіп көктен түскендей бол көкіме! Шын қарғысқа ұшырасаң, оның дауасын қайтару қын болады. Әсіресе жетім-жесірдің көз жасы жібермейді. Бұл дүниені қойып, о дүниеде де алдынан шығады.

Әжемнің шындал ашууланғанын көргенім осы еді, ұшып тұрып ошақтың аузында жартылай отта жатқан ыстық көсеуді көтеріп алды да, Ірысбекке есікті мегзеді:

- Эже... әжетай, қойдым, күнім әжетай!... Сөзіңе құлдық, қойдым... кеттім... кеттім...- деп, Ірысбек лажсыз құлгенсіп, есікке беттеді.

Ол кеткен соң, әжем орнына кеп отырып, жүнін тұтуге қайтадан кірісті. Көпке дейін үйдің ішінде тымтырыс тыныштық орнаған. Тек Жанардың қуыршағына «Лағынет!» деп сыйырлай ұрысқаны ғана естілді. Элден уақытта әжем:

- Е, жаратқан бір алла, кеше гөр өзің, жаратылы-

сымда үйден кісі қуып шығып көрмеп ем. Мәжбүр болдым,- деді ауыр құрсініп.

Қолы-қолына жүқпай шұлық тоқып отырған Нәзира әпкем бір кез ісін тоқтатып:

- Эже! — деді.

- Ау қарағым?

- Жоғарғы жақтан үкім кепті, әйелдер мен қыздарды трактордың оқуына жіберіндер деген.

- Иә.

- Соған әнеу бір күні Байдалы шал колхоз атынан сені жіберсек қайтеді деген маған. Егер келісім берсем, енді жарты айдан кейін сол оқуға кетер ем.

Әжем де түтіп отырған жұнін тоқтатып, оған оқыс бұрылыш:

- Ол темірінді әйел жүргізе алушы ма еді? — деді.

- Жүргізеді. Соғыстан бұрын Паша Ангелина деген тракторшы әйелдің аты мен суреті газеттен түспеуші еді ғой.

- Қыз баласың ғой, білегің жінішке, темірді жүргізу ауыр тимесе.

- Тракторды жүргізу үшін қара күш емес, білім керек, айла, тәсіл керек.

- Қайдам, қарағым, өзің білесің де,- деді әжем тағы да құрсініп.

- Трактордың оқуын оқысам, бір жағы мамандық алар ем, екіншіден мына ауылдағы қаңқу-санқудан аулақ болар ем. Эже-ау, өзің ойлап қарашы, қысы-жазы колхоздың мені қуаламайтын жұмысы жоқ, айлап-апталап далада жүрем. Ал трактордың оқуын бітірсем, сол мамандығым бойынша істейтін белгілі бір жұмысым болар еді.

- Мейлің онда, барам десен бар,- деді әжем келісімін беріп. Қуанып кеткен Нәзира әпкем жымың-жымың етіп құлімсіреп, маған қарап көзін қысып қойды.

Мен сыртқа шығып, күндеңі дағдымен қоңыр сиыр мен екі ешкіні айдалап апарып тұмада суғарып қайтып келе жатқанымда, ауданнан келетін үлкен жолмен ауыл көшесіне кірген бір ат-шана қарсы жолыққан. Үстінде екі адам бар екен: бірі шинель киген, иығында погоны бар, едірейген қалың мұртты, көзі шарасынан шыққан жалпақ бет, алпамсадай зор денелі кісі, белінде ұзын қылышы бар, ал екіншісі тон киген, бет-аузын қалың түкті сақал-мұрт басқан ат айдаушы орыс шалы.

- Эй, балам! — деді мұртты кісі маған.- Ірысбек дегеннің үйі қайсы? — деп сұрады.

Мен Ірысбектің үйін нұсқағам, әлгілер аттарының басын солай қарай бұрды. Сүрлеу жолдан шыққан ат қалың қарды омбылай жүрді.

Қайдан шыға келгендерін білмеймін, соның арасынша біраз бала қасыма топырлап жиналып та қапты.

- Қанат, ол кім екен? Милиция ма?
- Неменеге келіпті?
- Кімге келіпті? Сенен не сұрады? — деп балалар жан-жақтан сұрақтың астына алып жатыр.
- Білмеймін неге келгендерін, Ірысбектің үйін сұрады.
- Ойбай, онда бір қызық болады десенші.
- Ал кеттік солай қарай...

Біз енді жапа-тармағай Ірысбектің үйіне қарай шұбадық. Көшенің қалың қарына малтығып ат-шана жеткенше, біз Ірысбектің есігінің алдына топырлап жиналып та қалғанбыз.

Ірысбек сурет салып отыр екен, әуелгіде балалардың есігінің алдына неге топырлап жиналып қалғанына түсіне алмай, терезеден бізге қарап түсін сұтып, саусағын безеген, артынша ат-шана кеп кесе-көлденеңдей тоқтай қап, одан погоны бар шинель киген

мұртты адам ұзын қылышын сүйретіп секіріп тұскенін көргенде, көзі алақтап есі шығып, терезеден кейін қарай ыршып кеткендей болды.

Мұртты адам ішке енген, мұндайда біз қалушы ма ек, соңынан топырлап ауыз үйге ілесе кірдік. Түпкі бөлменегегі Ырысбекпен екеуінің сөйлескен сөздері бізге анық естіліп тұрды.

- Жігітім, міне, повесткан! Он бес минут уақыт берем, тез жинал, қазір өзіммен бірге ала кетем,- деді мұртты адам бұйыра сөйлеп.

- Қалай? Аяқ асты қалай жиналам? — деген Ырысбек сасқалақтап.

- Е, сенің не жиналатының бар? Қалай қиып қалдығрам-ау дейтін қатын-балаң жоқ. Эйда, киімінді ки де жүр.

- Азық-тұлік дегендей...

- Эй, өзің курортта жатқандай әбден-ақ семіріпсің, бір-екі күнге аштан өле қоймайсың. Ертең таңтерең комиссияға саламыз да, кешке қарай отправка жасаймыз. Бол, жинал, күтіп тұратын уақыттым жоқ,- деді мұртты адам даусын көтеріп.

- Мынау дүниелерім...

- Сен өзің, немене, әскери тәртіпті ұмытқансың ба? Қай солдат үй-мүлкін арқалап журуші еді?! — деп ақырып қалды мұртты адам.- Киін тез! Мен осылай қарап тұрам, көзімше киін! Анау дорбадағы темекі ме? Бері маған бер! Менде болады. Темекі шеккің келсе, шетінен беріп тұрам.

Аздан кейін мойнына су кеткендей бол сүмірейген Ырысбек ішкі бөлменің есігін ашып тастап:

- Қанатай, мына музыка аспаптарымды саған қалдырайын, аман-сау қайтсам өз қолыңдан алам ғой,- деген.

Мениң екі бетім дуылдап, өне бойым дірілдеп кетті, ызадан, намыстан болу керек.

- Керегі жоқ,- дедім тістене тұрып.

- Нәзира әпкеңе айтсаң...

- Керегі жоқ дедім ғой. Біздің үйден аулақ! Нәзира әпкем ауылда жоқ, оқуға кеткен,-дедім ызақорлана дауыстап.

- А. Солай ма?! Онда кімге қалдырысам екен? — деді абдыраған Ырысбек балалардың әрқайсысына кезек қарап, бірақ ешқайсысының рай білдіре қоймағанын көрген соң, беті қайтып, лажсыз ұнмен: — Кімге қалдырыдым енді, а? — деп мұртты адамға жалтақтаған.

- Қатыннан қатынды қолғап ауыстыргандай алыш жүр деп еді ғой, солардың біреуіне қалдырмайсың ба?!

Ырысбек кімге қалдыратыны енді ғана есіне түскендей Бәтенге:

- Айналайын, Дүрияға жүгіріп барып келші,- деді жалынып.

Бәтен жүгіріп кетті. Ол келгенше, Ырысбек музыка аспаптарын, сурет салатын қағаздары мен қарындаш-бояуларын жинастырып орап, буып-түюге кіресті. Сәлден кейін ентіге жүгіріп Бәтен қайтып оралды:

- Керегі жоқ, маған ештеңесін қалдырмасын дейді.

Ырысбек бетінен ұрып қалғандай басын ішіне бұғып, құнысып тұрып қалды.

- Солай деді, ә...- деп басын шайқады. Одан соң мұртты адамға қарап: — Кешіріңіз, енді бір адамды шақыруыма рұқсат етіңіз,- деді. Мұртты адам басын изеді.

- Біреуің Зибашқа барып шақырып келіндерші,- деген бәрімізге жалына қарап.

- Зибаш үйінде жоқ, станцияға астық тарта кеткен,- деді бір бала.

- Э. Қап! Әжібек те жоқ. Қайрат, сен бір тіл алғыш бала едің, барып анау Эмманы ертіп келши.

Бұл Ырысбектің ең соңғы үміті еді. Өзі әлгінде ораған заттарын тағы бір байқастап түгендереп шықты да,

орындыққа тізе бүкті. Көзі бажырайып үйдің қабырғаларына, төбесіне қарайды, іштей үйімен қоштасып отырған тәрізді, орамалын алыш жасаураған көзін сұртті. Қайрат та Эмманың үйіне құстай үшіп барып келді.

- Маған ештеңесін қалдырmasын, керегі жоқ, әйтпесе анау қазақ әйелдері жұлып жейді деді,- деп хабарлады.

- Жарайды,- деп көзі жасқа толған Ырысбек орнынан тұрды. Үйінің ішіне тағы бір қарап үнсіз қоштасты да, сыртқа шығып есігіне құлыш салды.- Мә, мына кілтті Эжібекке тапсыр. Ырысбек ағаң аманат етіп қалдырды де,- деп кілтін Бәтенге берді.

Шана есік алдынан шыға берген кезде: «Әй-ой!» — деген әйел даусы естілген. Үйлердің арасынан қалың қарда жығыла-сүрініп Дүрия келе жатыр екен. Қолында түйіншегі бар. Мұртты адам шананы токтатты да, Ырысбекке қарап:

- Эне, бір-екі күндік азығынды әкеле жатыр,- деді. Дүрия жақындаій бере:

- Аспаптарынды алыш қалмағаным ренжіме. Ендігі жерде менің оларға ие бол қалуымның еш реті жоқ. Оның үстінен әлгі керен қолына түссе, өртеп жібереді,- деді кешірім сұрағандай.- Құдай қосқан қосағым едің, қоштасқалы, арыздасып қалғалы келдім. Жолың болсың, азаматым. Аман-сау қайт... Менің саған деген еш өкпем жоқ, ал менің қателігімді кеше алсан, кешір,- еңкейіп кеп Ырысбектің мойнынан құшақтап, ұзақ қысып тұрып сүйді. Екі иығы селкілден жылап тұрды. Құшақтары жазылғанда көрдік, Ырысбектің көзінен де тарам-тарам жас сорғалап отыр екен.

Мұртты адам ал кеттік дегендей белгі берді де, шана орнынан қозғалды.

- Қош, туған жер!... Қош бол, ел-жүртүм!..- деді Ырысбек даусы дірілден. Оның кетіп бара жатқанын Дүрия мен біздерден өзге ешкім білген де жоқ.

## БІР ӨКІНІШ, БІР ҮМІТ

Кешке қарай МТС-тан почташы Мақым шал мен Әжібек те қайтқан.

- Эй, көксоққандар!

Әжібектің келгенін көріп қуанғанымыз сонша, шанаға қарай даалақтаса жүгірдік. Бір күн көрмегенге сағынып қалғандаймыз. Шынында да, Әжібексіз күніміз серкесінен айырылғанмен бірдей екен. Ортамызда ол жоқ болған бір күніміздің өзі ертеден кешке дейін көшеде опыр-топыр құр сенделіспен откен еді. Не жөндеп ойын ойнай алмай, не үйді-үйімізге тараң кете алмай, МТС-тан келетін жолға қарағыштап жіпсіз байланып жүрдік те қойдық. Сол қашан қайтар екен, не бітіріп қайтар екен, темекі алып келер ме екен деп, елегізумен болдық. Бала деген қызық-ау, үлкендер сол Әжібекке жоламаңдар, сол онбағаннан аулақ болындар, әйтпесе бір пәлеге ұрындырады деп құдайдың зарын қылып тыйым салып жатса да, өзіміз содан қаншама жәбір-жапа шегіп жүрсек те, айналып келгенде Әжібексіз таңымыз атпайтындаі, күніміз батпайтындаі боламыз да тұрамыз. Бүгін, міне, көзіміз соған анық жетті.

Біз почташының шанасына жете бергенде, Мақым шал құлағы салпаңдап, аяғын санап басып келе жатқан шағыр көз жиренінің басын іркіп, шанасынан Әжібек пен бір бейтаныс адамды түсірген.

- Енді әрі қарай өздерің де бара аласындар ғой,- деген Мақым шал ол екеуіне атының болдырып келе жатқанын айтты.

- Он шақырым болдырмай келіп, үйге он метр қалғанда болдыра қалған атыңның құлағын... - деді шанадан секіріп түскен Әжібек ыза болып.- Мені қойшы,

ауылға бірінші рет келе жатқан мына кісіден ұялсаңыз етті.

- Апыр-ай, ә, шынымен солай ма?! Онда шанаға қайта отырындар,- деген Мақым шалabyржып.

- Жоқ, енді отырмаймыз, кете беріңіз! — деді Әжібек шаңқылдай айқайлап.- Бүкіл қайырыңызды шайыр ғып жібердіңіз.

- Қап, үят болды-ау, ә?! Қарағым, отырши, баратын үйіңе апарып салайын,- деген Мақым шал әлгі бейтаныс адамға.

- Рақмет, ата, енді өзім де барам ғой, мына балалар көмектеседі ғой,- деді бейтаныс адам нәзік үнмен. Біз оны жасөспірім ер бала шығар деп тұрғанбыз, енді даусынан әйел адам екенін анғардық. Көзінде көзілдірігі бар, үстінде ұзын сұрғылт пальто, басына ер адамның құлақшыны сияқты бас киім киген ақ сары бойжеткен екен, біздерге көзілдірігінің астынан құлімсірет қарап:

- Оқушысындар ма? — деп сұрады.

- Ия, бұлардың бәрі де оқушыларыңыз,- деп, біз үшін жауапты Әжібек қайтарды.-Ойынның түбін түсіріп жүрген көксөкқандар. Егер мен болмасам, осы ауылды баяғыда өртеп жіберетіндер ғой. Ал, көксөкқандар, танысып қойындар, бұл кісі сендердің жаңа мұғалімдерің болады.

- Мен өзім де танысам ғой,- деді қыз Әжібектің таныстырғанын жақтырмай.

- Мен таныстырмасам, бұлар ертең сізге қиқалақтап бағынбай жүрер.

- Маған бұлардың бағынғаны емес, жақсы оқығандары керек. Солай ма, балалар? — деді қыз күлімсірет тұрып.

Біз оның ер балаға үқсаған киім киісіне, күлімсіреген түріне аңырып қарадық та қалдық. Мұғалім деген біздің түсінігімізде Мұқан ағайымыз сияқты түсі суық, оқушы-

ларға қарап құлмейтін айбынды адам болуы тиіс еді, ал мынау қыз болса езуін жияр емес, дәл бір алыстан келген бәріміздің туыс әпкеміз сияқты елжірей қарайды. Өзінің өнінде, құлқісінде адамды үйіріп тұрат бір жылышық, сүйкімділік бар.

- Жүріндер, мені бригадирдің үйіне алып барындар,- деді онан соң.

- Эй, сен шанаңмен менің мына жүгімді алып жүр,- деді Эжібек Бәтеннің шанасына жарты қап жүгін салып.- Ал сендер,- деді қалғандарымызға,- мына кісіні Байдалының үйіне ертіп апарып салған соң маган келерсіндер, мен үйде болам,- деді.

Біз мұғалім қыздың ағаш шабаданын шанамызыға салып, Байдалының үйіне қарай алып жүрдік. Жол бойы ол әрқайсымыздың аты-жөнімізді, нешінші кластаста оқитыннымызды сұрастырып таныса бастағы. Өзінің аты Энипа екен.

- Апай десендер болады,- деді.- Мұқан ағайларыңың әскерге кеткенін естіп осы ауылға өзім сұрандым.

Өстіп жаңа келген мұғалім апайымызбен шүркүраса сейлесіп, Байдалы шалдың есігінің алдына да жеткенбіз. Үйінен шыққан Байдалы шал, өзінен майға піскен ыстық бауырсақтың иісі аңқи тұрып, мұғалім қызды тіксіне қарсы алды. Ол ұсынған бүктеулі қағазды қолына алып, арығ бері қарады да:

- Бұ негылған қағаз? — деп сұрады.

- Аудандық оқу комиссариатының мені осы ауылға мұғалім етіп жіберген бүйріғы.

- Біз ешкімнен мұғалім сұрағамыз жоқ,- деді Байдалы шал жақтырмай.

- Сұрамасаңыз да жіберді.

- Қыс ішінде пәтер табу, отын-су табу онай дей ме екен?!

Байдалы шал қолындағы қағазға біраз шұқшия қарап алды да:

- Эй, сен бері жүрші,- деп, ортамыздан Санатты бөліп ап үйінің артына қарай ертіп әкетті. Санатты неге шақырып әкеткенін біз, әрине, іштей түсініп тұрмыз, хат танымайтын Байдалы шал әлгі қағазды соған оқытып алмақ. Сәлден кейін екеуі де қайтып оралған.

- Қағазды оқыдым,- деді Байдалы шал Әнипаға.- Дұрыс еken. Ал енді бүтінше біздің үйге қон, пәтер жағын ертең қарастырмыйз.

- Рақмет, ағай. Менің қонатын үйім бар, сонда барайын,- деді Әнипа апай.

- Иә, ол кім еді? — деген Байдалы шал таңырқап.

- Осында Зылиқа деген кемпір бар ма?

- Бар.

- Сол кісінің үйіне барам.

- Ол Зылиқа кімің болады?

- Ол кісіні сыртынан танитын едім,- онан соң Әнипа апай біздерге жағалай қарап: — Енді мені сол үйге ертіп апарындар,- деді.

Біз, Әнипа апайымыздың тілегі бойынша, екі ұлы бірдей майданға аттанып, жалғыз отырған, иілмейтін, қаққан қазықтай тік жүретіндігі үшін бүкіл ауыл Қадауқара атап кеткен Зылиқа кемпірдің үйіне қарай алып жүрдік.

Қадауқара кемпір қолына шыбық ұстап бес-алты қойешкісін қоралап жүр еken. Өз үйіне біз бастап әкелген Әнипа апайды таңдана тұрып қарсы алды. Таяп келгенімізде салқын ғана амандасты да, мұғалім қызға көз алмастан шаншыла қарап:

- Жөнінді айт, қарағым? — деді.

- Сіз мені танымайсыз, апа...- дей бастаған Әнипа апай.

- Тұра тұр, тұра тұр,- деді Қадауқара кемпір оның

сөзін бөліп.- Сен осы Әлімбайыммен бірге оқыған Энипа деген қыз емессің бе?

- Иә,- деді Энипа апай таңырқап.

- Екеуінің бірге түскен суретің бар ғой, содан танып тұрмын.

- Қырық бірінші жылы педучилищені бітірерде түскенбіз.

- Қарағым, келші, маңдайынан сүйейін,- деді даусы бұзылып, көзі жасқа толған Қадауқара кемпір.- Әлімбайыммен қатар отырған сені кергеннің өзі не тұрады маган.

Қадауқара кемпір мейірленіп кеп Энипа апайымыздың оң қабағының үстінен сүйді, көзіне толған жасты сүртіп, бұлығып біраз тұрды.

- Бір жыл болды хат келмегелі...- деді шағынғандай жыламсырап.

- Мениң де хат алмағаным бір жыл болды.

- Жарығым, қай жерде жүр екен?.. О-ой, жалған-ай...- деді Қадауқара кемпір ауыр күрсініп. Тек осыдан кейін ғана жөн сұрады.

- Иә, қарағым, жолың болсын?

- Дәм тартып осы ауылға келдім, апа. Мына бала-ларды оқытпақпын.

- Оның жақсы болған екен. Қадамың құтты болсын.

- Рақмет, апа.

- Үйге кір, қарағым. Ендігі жөнді асықпай сұрасармыз.

Біз апайымыздың шабаданын үйге кіргізіп кете бергенбіз.

- Эй, балалар, тоқтандар! — деді Қадауқара кемпір дауыстап, өзі соңымыздан бір дорба езген құрттың малтасын алып шығып, бәрімізге уыстап үlestіре бастады.- Өздерің маған ұлken қуаныш әкеліп тұрып, құр ауыз кеткендерің жарамайды ғой,- деп қойды.-Айналайын ақ

тілеулестерден, амандық болса бәрінді де шақырып, той жасағандай қонақ етем әлі.

Біз мәмпәсилерге үқсаған бірі ак, бірі сарғылт малта құрттарды томпандай сорып, енді Әжібектің үйіне қарай тарттық. Күн батуға таяп, қызыл шапағы бүкіл ауылды жалқын нілге бояғандай ғып тұр.

Әжібек өз үйінің төрінде бағанағы жарты қап жүгін қасына қойып, мәз-мейрам боп отыр екен. Екі езуі екі құлағына жетіп, қуанышында шек жоқ. Біз кіргенде:

- Олжа деген, міне,- деп қасындағы қапты сыртынан ұрып-ұрып қойған. Бұрқ-бұрқ еткен темекінің ашы ісі шетімізден түшкіртіп-пышқыртып жіберді.

Біз келгенше, ол Ырысбектің әңгімесін Бәтеннен естіп қанып алты.

- Бәрін де естідім,- деді ала көленке үй ішінде көнілі сәл жабырқап.- Қайран азамат, Ырысекең қор боп кеткен екен де,- деді.- Әйел опасыз деген осы-ау, бәрінің теріс айналғанын қараши. О, дүние-ай...- деп үлкен адамша ах ұрып қүнірене сөйледі. Ойланып біраз отырды да: — Апрай, тіпті қызық болған екен,- деді онан соң.- Ең аяғы Әммаға дейін ат-тондарын ала қашқанын айтсаңшы!

Бір сәт мырс етіп күлді де:

- Эй, өзі де көксоққан еді,- деді енді табалай сөйлеп.- Бір әйелмен дұрыстап тұруына болатын еді ғой. Мейлі, жолы болсын! Темекі түгелдей өзіме олжа,- деді ең ақырында.

Сөйтіп, сөзін күйзеліспен бастап соңын мысқылдай аяқтады.

- Ал, енді осы ауылдың темекі тартатындары мен насыбайшы кемпір-шалы маған жалынбай көрсін,- деді мақтана есіп.

Шынында да, темекі салмайтын, бірақ шылым тартатындары мен насыбай ататындары көп біздің ауылда

темекінің құны наннан артық болмаса, кем емес еді. Қайғы-қасіретте көңілге жұбаныш болатын бірден-бір дауа темекі боп саналатын. Еркектерді қойып әйелдерге дейін тұтіні қолқаны қапқан аңы темекіні құшырлана сорған кезде, көңілдері сейіліп бір сәтке болса да ауырт-пальцтың бәрін ұмытқандай болушы еді. Үлкендердің темекі десе ішкен астарын жерге қоятын осынша құштарлығын өнер санайтынбыз. Қолымыздан келсе бүркүлдатып отырып шылым тартқанға не жетсін деп армандаитынбыз. Рас, үлкендер бізге темекінің у екенін, зиянды екенін айтып, шылым тартуымызға қатты тыйым салатын, ал бірақ өздері бір құн темекісіз қалса, бүкіл жарық дүниені тәрік етуге шақ қалып жынданып кете жаздайтын. Ондайдың талайын көріп те, естіп те жүреміз. Сондықтан темекіге деген құштарлығымыз өрши түспесе кемімейтін. Тек, эттен, темекі қолымызға түспейді. Кейде ұрланып жылқының кепкен тезегінен шылым орап тартатынымыз бар, бірақ тезектің аты тезек қой, екі-үш құнгे дейін кеңсірігінді тезектің сасық иісі алыш, жүргегін айнып, тұтін атаулыдан беле қашардай боп жүресің. Сондайда: «Шіркін, нағыз темекі болса ғой», - деп арман етеміз.

Енді, міне, Әжібек сол нағыз темекінің жарты қабын әкеп отырып. Шіркін, Әжібек мықты ғой. Қанша мақтаған батырың да, мықтың да осындаі-ақ болар. Үлкендердің қолы жете бермейтін дүние байлықты иісін бүркүлдатып ұрып қойып отырғаны мынау.

Және бір тыын ақша шығармаған. Ертеңгісінгі Ырысбек берген алақандай жүз сомдықты бәрімізге көрсете отырып:

- Темекіге ақша шығарып мені ақымақ боп кетті дейсіндер ме?! — деді күліп.

Біздің алдымызда оның мәртебесі бұрынғыдан да биіктеп, беделі тіптен шарықтап өскен еді. Егер осы

сәтте бізден: «Ауылында бетке ұстар кімің бар?» — деп сұраса, ойланбастан бір ауыздан: «Әжібек!» — дер едік.

- Ал, көксоққандар,- деді Әжібек біз оның төнірегіне алқа-қотан отырған соң.- Мына Әжікелерінің арқасында шылымды тойғандарынша бір шегіп жетісіп қалындар! — деп, қабының аузын шешті.

Темекінің бүркіраған аңы танауымызды бұрынғыдан да гөрі жарып жіберердей жыбырлатып, түшкіру-пысқыруымыз жиілеп кетті.

- Пах-пах-пах!.. жарықтың иісі-ай,- деп Әжібектің өзі де түшкірінді.- Мә, мынадан бір-бір шылымдық қағаз жыртып алындар,- деп ол қалтасынан алған бүктеулі газетті ұсынған. Дереу жапа-тармағай алақандай-алақандай етіп бір-бір шылымдық қағаз жыртып алдық. Әжібек қабының аузын ашып, әрқайсымызға бір-бір шекімнен салып бере бастады. Бәрімізге салып берген соң:

- Эй, құр қалған ешкім жоқ па? — деп сұраган.

- Жоқ,- дедік бір ауыздан.

- Ал онда өзіме салайын,- деп, газеттен жыртып ап өзіне де бір шекім салып алды. Оны қолы майыса отырып орап, онан тілімен жалап жабыстырғанының өзі қандай әдемі десенші! Біз де соған еліктеп шылымды әдемілеп ораймыз дегенімізben, қолымыз икемге келмей, бір шекім темекінің өзін төгіп-шашып отырып әзер орадық.

- Нешауа, өсти-өсти үйренесіндер,- деп қойды Әжібек біздің ұсқынсыз оралған шылымдарымызға қарап. Енді ол қалтасынан шақпақ тас және мақта алып, шағып-шашып қалған, мақта тутіндең сала берді, соны үрлеп-үрлеп қойды да темекісін тұтатты. Онан соң сол темекісін сора отырып бәріміздің шылымымызды тұтаттырды. Шылым тартуды білетініміз де, білмейтініміз де құшырлана соруға кірістік. Нағыз темекінің

тілді қуырған удай аңы түтінін сорып аламыз да, бұрқы-  
рата үрлейміз. Бір-бірімізге қарап жымындаса мәз  
боляп, дүниенің бір рақатына қолымыз жеткендей  
күйде тұрмыз.

- Эй, сендер мына маған қарап, менше тартындар,-  
деді Әжібек, сөйтті де шылымын терең сорып аузына  
түтінін толтырып алды да, су жұтқандай ішіне қарай  
қылқ еткізіп жұтып қойды да, онан соң әлгі түтінді қос  
танауынан бүркүлдата шығарды. Шылым тарту деп  
осыны айт! Енді біз де шылымнан аузымызды толтыра  
сорып ап, оны ішімізге жұтып, онан мұрнымыздан  
шығармақ болдық. Бірақ шылымды бұлай тарту оңай  
емес екен. Қақалып-шашалмағанымыз кем де кем-ақ  
шығармыз. Удай аңы түтін бүкіл кеңсірігімізді қуырып,  
тұншығып өліп қала жаздадық.

- Өй, ақымаңтар, өйтіп түтінді бірден көптен сорып  
жұтпай, әуелі аз-аздан сорып үйреніңдер,- деді Әжібек  
жеки ұрсып.

Кейбір шылымды қақалмай-шашалмай тартқан бала-  
ларға ол:

- Маладес! Сен тубі шылымды жақсы тартатын бола-  
сың,- деп мақтап қояды, ал кейбір лоқси бастаған бала-  
ларға: — Қор болған темекі! Мынадан түк шықпайды-  
ей,- деп ұрсып, желкесінен қойып қалады.

Біраздан кейін үйдің іші қек түтін боп кетті. Бір  
бұрыштағы бала екінші бұрыштағы баланы әзер көре-  
міз. Әуелгіде тым-тырыс отырғанымызбен, шылымның  
қызығына түсе келе даурығыса бастадық.

- Міне, мен түтінді жұтып, мұрныман шығара  
аламын.

- Мен де үйрендім, қарашы бері!

- Олай емес, былай шығару керек.

У-ду шудан ба, әлде түтіннен бе, сәлден соң басым  
айнала бастады. Балалардың бәрі күнгір-күнгір

сөйлейтін сияқты. Көз алдым сәл айналып түрғандай, әйтеу, бір қызық хал, ептеп жүргегім айниын деді.

- Эй, көксоққандар! — деді бір кез Әжібек үйқыдан оянғандай.- Эй, мына үйдің ішін көк тұман ғып жіберіппіз ғой. Мәссаған! Сендер үйлеріңе кетесіндер, мына көк тұманды жұтып сорлап мен қалам ғой. Кәне, далаға шығындар!

Сыртқа шыққанбыз. Қәдімгі бір тар қапастан тұншығып шыққан адамдай көкірегім ашылып сала берді. Суық ауа бүкіл өне бойымды қуалап, бұлақтың тастай сұын сіміріп-сіміріп жібергендей болдым. Ун, қандай рақат! Балалардың бірі қақырынып-түкірініп, бірі лоқсып қойып күресін қарға еңкейеді. Бірақ соған қарамастан көніліміз шат, шетімізден мәз бол тұрмыз. Шылым тартуды үйрене бастағанымызды мақтан етіп тұрмыз.

- Эй, көксоққандар! — деді Әжібек.- Ертеңнен бастап оқуларың қайта басталады. Анау жаңа келген мұғалім қызды ренжітуші болмаңдар. Егер біреуіңнің қиқалаңдағанынды естісем, менен жақсылық күтпендер! — деді қатал ескертіп.

Ертеңіне мектебімізде қоңырау қағылып, оқу қайта басталды. Әнипа апайымыз жүзі қандай жылы, нұрлы болса, мінезі де сондай жұмсақ, аңқылдаған мейірбан жан еken. Алғаш класқа кіргенде, мұз қатқан еденнен тайып жығыла жаздаған, біз балалар ду күлгенимізде, өзі де бізге қосыла күліп жіберді.

- Мына еденде коньки тебуге болады еken,- деді басын шайқап.

Онан соң стол басына кеп, класс журналын ашпас бұрын есік-терезелерінен жел ызыған бөлме ішіне

айнала қарай тұрып, онан біздің жалаңаш-жүдеу тұрлері мізді көріп құрсініп қалды. Құлімсіреген өні көлеңке түскендей лезде жабырқау тартып, көз алдымызда өзі де жүдей бастаған. Мынадай класта анық бір сабақты толық отыру мүмкін емес еді. Балалардың көбінің киім-кешегі алым-жұлым, жыртық-тесік, шарық-шоқайла-рынан не өкшесі, не башпайы көрініп жүреді. Кейбір балалар жыртық шарығының ішіне тығыздан сабан салып киіп алған, жүгірген, ойнаған кездерінде әлгі сабан жыртық-тесіктен біртіндеп сұрырылып түсіп жүреді де, біраздан кейін сабаны тегіс түсіп, қолпылдан қалған шарығына қар кіре бастайды. Отыра қап шары-қтың ішіне сабанды қайта тығып алады.

Осында түрімізді көрген Энипа апай сабақты бірден бастай алмай, берімізге жабырқай қарап, үнсіз тұрып қалған. Көшеде жүгіріп ойнап жүргенімізде тоңу дегенді білмесек те, сұық класқа кеп қимылсыз отырған соң, бойымыз тоңазын деді, жақ жүндеріміз үрпіп, құрк-құрк жөтеле бастадық.

Кластың бүкіл бір жақ қабырғасын ала салынған ошағы ауыз бөлмеден жағылатын кірпіш пеш болымсызғана жылып тұр. Бұрын қи жаққанда едәуір қызып, кластың ішін жылытып тұратын, ал сабан отынға міз бағар емес. Үй сыйыруышы Дәметкен апай от жағуды таң сәріден-ақ бастаған екен, міне, қазір сәске кезі боп қалды, әзірге жыли қоятын түрі білінбейді.

Мұқан ағай әскерге алынып, мектеп бір айдай жабық тұрған уақыттың ішінде мектептің отын қоймасындағы бір қысқа жетерлік етіп жиналған қи үшті-күйлі жоқ боп кеткен. Кім тасып алды, қашан алды, ешкім білмейді. Элгінде, сабақ басталардың алдында Энипа апай Байдалы шалға жолыққан, отынның қайда екенин сұраған.

- Эй, қарағым, мен отын қүзетшісі дейсің бе?! Қайдан

білейін,- деп Байдалы шал шарт кетті.- Осы колхоздың отыннан басқа жұмысы да бастан асып жатыр. Енді оку болмайды деп біреулер тасып алған шығар. Эне, сабан түсіртіп бердім ғой, соны жаға беріндер,-деген.

Сол сабанның жылуы, міне, «уф!» деп үрлесен, аузынан шықсан бу темекінің тұтініндей бұрқырайды. Энипа апай барып пештің әр жерінен бір сипап ұстап көрді де, тағы да күрсіне тұрып басын шайқады. Ақыры ойланған тұрып:

- Балалар, мына класта көп отыруға болмайды екен, мен сендерге үйде оқуларыңа тапсырма беріп қайтарайын,- деді.

- Сонда біз класта оқымаймыз ба? — деп сұраған балалардың бірі.

- Оқимыз. Тек алдымен класты жылыту жағын ойластырайық. Қысқа деп жинаған мектептің отынның біреулер тасып апты, ал сабанның қашшалықты жылытатынын өздерің көріп отырсындар. Мынадай сұықта сендерді ауыртып аламын ғой.

Сөйтіп, Энипа апай үйде оқуымызға тиіс тапсырмаларды тақтаға жаза бастады да, біз оны ілесе отырып көшіріп алуға кірістік. Апайымыздың жазуы біркелкі, маржандай тізілген әдемі еді.

- Мен мектептің отынның жағып отырған бір үйді білем,- деді балалардың бірі өзіне-өзі айтқандай жай сөйлесе де бәрімізге естіртіп.

- Кімнің үйі?

- Ол кім? — дедік біздер жан-жақтан.

- Әжібектің үйінен,- деді әлгі бала.- Барғанымызда ылғи қи жағып отыратынын өздерің де көріп жүрсіндер ғой. Әжібек сол қиды мектептің отыннан алмағанда қайдан алды?

- Рас-ей!

- Рас! — деп, Әжібектің үйіне қашан бармайық, сары

қиды маздатып жағып қойып отыратынын есімізге алғанбыз.

Тақтаға тапсырма жазып тұрған Әнипа апайымыз да біздің сөзімізге елең етіп, кейін бұрылған.

- Эжібек кешегі бала ма?

- Иә.

- Егер мектептің отынын түсіріп алған сол бала болса, анықтап сұрандар өзінен. Айқай-шу шығармай-ақ қайтарып алайык.

Апыр-ай ә, үйіне қашан барсаң да, Эжібек жағасы жайлай боп жып-жылы отырады, сейтсек біздің мектептің қысқа деп жинаған бар отынын түсіріп ап, қарық боп жүр екен ғой. Ой, оңбаған-ай! Ой, мұттәйімін-ай!.. Күзде Мұқан ағай өзі бас боп, барлық оқушы балалар өгіз арбамен мына төмендегі қой қорадан үш күн бойы тартқан қи ғой. Қыста рақаттанып жылы класта отырамыз деген есіл еңбегіміз. Бар рақатын түк істемеген Эжібек көріп жүр екен де. Біз бір топ бала қазір мектептен шығысымен, соның үйіне барып айқасуға бел байладық.

- Бәріміз жабылсақ, соған әліміз жетеді ғой,- дедік кубірлесе келісіп.

Сөз байласқан балалар мектептен шыға Эжібектің үйіне келгенімізде, ол төрінің алдында шалқасынан түсіп темекі тартып жатыр екен. Үстелінің үстінде жарты таба нан, бір тостаған майға шыланған талқан, бір тостаған қуырылған бидай, құрт-ірімшік үйіліп тұр.

- Иә, оқымыстылар, мектепке кіргендерінен шыққандарың тез болды ғой,- деді ол сол шалқасынан жатқан күйде бізге бетін де бұрмастан.- Әлде сабақтан қашып кеттіңдер ме?

Біз ошақ алдында шашылып жатқан сары қидың сынықтарын бір-бірімізге ымдалп көрсетіп үнсіз тұрмыз.

- Эй, неге үндемейсіңдер? Әлде анау үстелдің үстін-

дегі тамақтарды көріп үндерің өшіп тұр ма? Темекінің арқасында келген дәмдер ғой,- деп Эжібек сол бізге басын бұрмаған күйінде шірене сөйлеп жатыр.- Элі осы ауылдың дастарқанының ең дәмділері менің аузымда болады. Эжікең өстіп «ахай бикем» деп әндептің қоюып шалқасынан жатады. Оқыған сендер озар ма екенсіндер, оқымаған мен озар ма екем, көреміз.

Біз сол үнсіз қалпымызда, өстіп жатқанында үстінен барып бас салайық дегендей, ымдаса сөйлесіп бір-бірімізді «сен баста», «сен баста» дегендей, итермелей бастағанбыз. Осы мезетте Эжібек басын көтеріп алды да, қос танауынан тұтінді бұрқылдата отырып:

- Эй, көксоққандар, жүрістерің тым сұыт қой, неғып состиып тұрсындар? — деді.

- Мектептің отыны қайдада? — дедік ақай жоқ, тоқай жоқ.

- Қайдағы отын?

- Мектепке отынға деп күзде біз түсірген қи ше? Міне, ошағында маздан жанып жатыр ғой. Осыны қайдан алдың? Қазір бәрін қайтар. Сенің қырсығынан біз, міне, бүтін сабақ та оқи алмадық.

- Эй, сендер, айтсам айтқандай көксоққан екенсіндер,- деді көзі шатынап лезде ыза болған Эжібек.- Тіпті көк ми екенсіндер. Немене, мектептің бар отынын түсіріп жинап ала қоятындаі менің қарамағымда жұмысшыларым бар деп пе едіндер?! Және онша отынды қай жеріме жинаймын? Отын жинайтын қорам да жоқ. Эне, бар отынным ауыз үйде жатыр. Не сөйлеп тұрсындар? Өй, ақылдан жүрдай тобан аяқтар. Қайтар дейді ғой. Нені қайтарам?

- Ал онда мына сары қиды қайдан алдың? — дегенбіз.

- Мектептің отын қорасынан,- деді Эжібек сабасына түсіп, салмақтана сөйлеп.- Ең соңынан қидың қалған-құтқанын жинап алғаным рас. Уш қап еді, бір қабы

таусылды, екі қаптағы, әне, ауыз үйдің бұрышында үолі жатыр. Егер мектептерінді жылыштуға жетеді десендер, жинап алып кетіндер.

Біз не дерімізді білмей сілейіп тұрдық та қалдық. Айтса айтқандай, мұның отын қоятын қорасы да жоқ екен-ау. Мысымыз құрып, енді неғыларымызды білмей, не шығып кете алмай, не отыра алмай бір-бірімізге қараймыз. Әжібекті нақақтан қаралап жазықсыз ренжітіп алғанымызға жерге кірердей бол тұрмыз.

Біздің осы жайымызды үкты-ау деймін, Әжібек те енді ашуын басып, темекісін қомағайланған сорды да:

- Эй, көк милар,- деді жайбарақат үнмен.- Не десендер де менің сендерден өзге серіктерім жоқ енді. Мен дегенде құдайдың басқа салғаны осы шығар. Дабай, отырындар. Темекі тартындар, сөйтіп, естерінді жиындар.

Әлгіндегі жауар бұлттай болып тұнеріп, үдірейісіп келген түрімізден із де қалған жоқ. Әжібектің алдында сол баяғы «көксоққан» қалыптарымызға түсіп, аптығымыз басылып, сүмірейісіп барып, отыра-отыра кеттік. Ол ұсынған газеттен бір-бір жапырақтан жыртып алған шылым орадық. Әжібектің алдындағы әлгіндегі кінәмізді толық мойындағандай жерге қарай отырып, аңы түтінді бүркүлдата сорғанбыз:

- Эй, көк ми, түтінді босқа сорып рәсуга етпей, ішіңе жұтып тарт,- деп зекіп қалды Әжібек өзіне таяу отырған балаға. Мұнысы жалғыз оған емес бәрімізге айтылған кінәрат еді. Түтінді текке сорып рәсуга етпей жұтуға тырысамыз. Удай аңы түтін тұншықтырып жібере жаздайды, кеңсірігіміз ашып, тамағымыз жыбырлап, жарыса кеп қақалып-шашалып, көзімізден жасымыз парлап ит бол отырмыз.

- Мектептің отынын кім түсіріп алғанын мен білем,- деді әлден уақытта шылымын тартып болған Әжібек.-

Бірақ оның кім екенін айтпаймын. Басыма пәле іздер жайым жоқ.

Иә, Әжібек айтпаймын десе айтпайды. Егер қадалып сұрай берер болсаң, ол ашуланады да, әлгі мазасын алған баланы желкесінен алып есігінен итеріп шығарады да, май құйрығынан қайқайтып тұрып бір тебеді. Ол балаға енді қайтып Әжібектің үйінің есігін ашу оңайға түспейді. Үйінен не бір таба нан, не бір жілік ет ұрлап әкелуі керек. Сөйтіп келіп қана татуласады.

Терезе қағылды да сырттан Мәридін:

- Бәрінді де апай шақырып тұр! — деп айқайлаған даусы естілді.

Біз топырласа жүгіріп сыртқа шыққанбыз. Расында да, Әнипа апайымыз көшеде Әжібектің үйінің тұсына кеп тұр екен. Қасында Мәри және бір-екі қызы бар. Мәри жартылай ер балаша: басына құлақшын, бұтына шалбар киген, үстіндегі шешесінің кішірейтілген ескі пүліш пальтосы белін қынтитып, бойы ұзарып көрінеді, қысқа қарай өзі аппақ бол ағарып, қасығ-көзі қап-қара бол қиылып, әдеміленіп кеткен. Өзін-өзі еркін ұстайтын ақ жарқын өжет мінезі де оны басқа қыздардан ерекшелеп тұратын. Қазір апайдың қасында тұрып, сүмірейіп шыққан біздерге мазақтағандай ақсия күледі. Ал күліп тұратын Әнипа апайымыз қабағын шытып, көзілдірік астынан сүзіле қарайды.

- Сендер мұнда неғып жүрсіндер? — деді.

Біз үндей қойғамыз жоқ. Естімеген адамдай бол біріміз аспанға қарап, біріміз құресін қарды шарығымыздың тұмсығымен тепкілеп, енді біріміз МТС-тан келетін жолға қараған бол тұрмыз.

- Балалар, мен сендерден сұрап тұрмын ғой, бұл үйге неге келдіңдер? — деді Әнипа апай даусын сәл көтере қайталай сұрап.

Біз бұл жолы да үндей қоймадық.

- Мен сырқаттанып жатыр едім, бұлар менің хәлімді сұрай кепті,- деді үйінен біздің соңымызды ала шыққан Эжібек осы тұста бізге ара түсіп, өзі соның арасынша өтірік жөтелгендесіп, ауру адамша бүкшірейе қапты.

- ھө, ھө... - деп ыңқылдай жөтеліп алды.- Ойбай, белім-ай, сырқыратып әкетіп барады.

Әнипа апай оның ауырып қалдым дегеніне шынымен сенгелі түр еді, алайда осының бәріне көзі үшқын шаша ойнақши қарап тұрған Мәри шыдай алмай сақылданап күліп жіберді.

- Ой, жаның шыққыр-ай, өтірікті соғуын... Апай, мұның ауырған түгі де жоқ, сізді алдан тұр,- деді Мәри саңқылдай сөйлейтін әдетімен бүкіл ауылға жар салғандай.- Жаңа терезеден қарағанымда, бұлардың бәрі де темекі тартып отыр екен.

- Әй, сен қыз не сөйлеп тұрсың? — деді Эжібек аяғын басып кеткендей шаңқ етіп.- Темекі тартқан мен өзім ғана. Мен оқымаймын, сондықтан не істесем де өзім білем. Ал мыналар жай қасымда отырды.

- Жоқ, Бұлар да бір-бір шылымды бүркүлдата сорып отырды ғой.

- Бұлар тартқан жоқ!

- Тартты.

- Сен қыздың мен желкенді үзем ғой,- деп Эжібек доқ көрсетіп оған тұра ұмтылмақ болған.

- Үзіп көр,- деп, Мәри Әнипа апайды тасалана берді. Одан тілін шығарып мазақтай тұрып: — Бұл қотырдың әлі қыздарға ғана жетеді,- деді.

- Ой, бит бас,- деді Эжібек бұрынғысынан да ыза болып.

- Қотыр.

- Жә, тоқтатындар! — деді Әнипа апай екеуіне де зеки сөйлеп. Онан соң сүмірейіп тұрған біздерге қарады.- Бүтіннен соң мектептен шығысымен үйлеріне қайтатын

болындар. Оқу программасынан онсыз да көп кейіндең қалдындар, соны қызып жетуіміз керек. Ол үшін ешқайда бұрылмай үтеге қайтып, сабактарынды оқындар.

- Бұларды мен шақырмаймын, өздері келеді,- деді Әжібек.

- Сен ересексің ғой, бұларға жаман қылыштарынды үйретпе.

- Немене, мен сонда осыларға жаман болындар дей ме екем.

Бәріне де адам болындар деймін ылғи. Ал жаман қылыштарды өздерінің үйренгілері кеп үздігіп тұрса, мен қайтейін.

- Үйренбе де.

- Өйтіп айта алмаймын. Мендеңі бар жаман қылыштар бұларда да болсын. Мен қор боп жүрген жоқпын ғой, бұлар да қор болмайды.

- Сен өзің үлкенмен салғыласып, бетіңмен өсіп келе жатқан бала екенсің,- деді Әнипа апай кейи сөйлеп.

- Мен емес.салғыласып тұрған өзіңізсіз ғой. Пажалыста, жолыңыз әне, жүре беріңіз,- деді Әжібек те ызалаңып.- Ал мен қай бетіммен өссем, мыналар да сол бетпен өседі.

- Сен өзің неге оқымайсың?

- Оқуды қайтем?!

- Қайткені қалай, келешегінді, адам болуынды ойла-майсың ба?

- Мен оқымай-ақ та болам.

Мұнан әрі шыдамы таусылған Әнипа апай:

- Жүріндер, балалар! — деп, бізді соңынан ертіп мектепке қарай жүрді. Әжібек тісінің арасынан сыздығұтата түкіріп қойып сыңар езулей құліп қала берді. Былайырақ шыққан соң Әнипа апай сәл кідірістеп біздерден:

- Сендер тауға шығып отын шаптындар ма? — деп

сұраған. Біз бір ауыздан шапқанымызды және оны қол шаналарымызбен тасып сүйретіп Ырысбектің қорасына жинап қойғанымызды айттық.

- Демек, ол отын өздеріндікі ғой? — деді Энипа апай анықтай түсіп.

- Өзіміздікі. Өзіміз шаптық, өзіміз тасып әкелдік.

- Ендеше, балалар, сол отынды қазір мектепке тасып алайық. Үй иесі әскерге кетіпті, иесіз қалған қорадан тағы біреу тасып әкетуі мүмкін. Онан да өзіміз аз күн болса да класымызды жылдытып сабақ оқыык.

Бұл ақыл бізге бірден қона кетті. Шынында да, өзіміз шапқан тобылғымызды мектепке тасып ап, өзіміз жағып, өзіміз асылынып отырсақ оның несі айып. Оқушы балалар лездің арасында құмырсқадай қаптап кеп, Ырысбектің қорасындағы әнеугүні ғана өзіміз жинап қойған тобылғыны біріміз шанаға сап сүйретіп, біріміз арқалап мектепке таси бастадық. Тас қойма жақтан шауып келген Байдалы шал:

- Эй, бұларың не? Әскерге кеткен адамның отынның тасып алды деген не деген сұмдық! - деп ақыра айқайлас, қамшы үйірген.

Біз шу ете түсіп, тым-тырақай қаштық.

- Эй, мұғалім қызы, мұның қалай? — деп енді ол Энипа апайға тап берген.

- Ақсақал, сіз мектептің отынның дәл осылай қорғауыңыз керек еді,- деді апай қатқыл үнмен.- Ал мына отынды балалардың өздері шапқан. Мектепте отын болмағандықтан, алуға мәжбүр бол отырмыз.

Апайымыздың мына сөзі бізге медеу болып жан-жақтан:

- Бұл өзіміздің отынның, өзіміз шапқанбыз! — деп шулап кеттік. Біздің шуымызға ауыл адамдары шығып, олар да отынды өзіміздің шапқанымызды растап ара түсіп, мектепке отын түсіріп беріп жәрдемдесудің

орнына Байдалының мына қылышының ерсі екенін айтып, ауыл арасы біразға дейін улыған-шұлыған болды. Сейтіп жүріп Ырысбектің қорасындағы өзіміз шапқан тобылғыны тегіс мектепке тасып алдық. Ертеден бері күйелеш-күйелеш боп сабан жағып, класты жылыта алмай ит әуре болған Дәметкен апай пешке тобылғыны толтыра тыққан. Қызыл тобылғы дүрілдеп ала жөнелді, біраздан кейін пештің шойын қақпағы қып-қызыл бол қызыарып, қабырға пеш қызып, кластың іші жыли бастады. Түстен кейін оқитын балалар ертеңгісінгі біз құсап дірдектемей, сабактары расписание бойынша өткен еді.

Үйге қайтып келе жатқанымызда, жолда есігінің алдында — Эжібек тұр екен. Тұрі өрт сөндіргендегі қапқара боп түнеріп, қатулы еді. Эрине, Ырысбектің қорасындағы тобылғыны мектепке тасып алғанымыз үшін ол бізге ызалы. Дәл қазір қолына жалғыз-жарым түскенімізді итше тепкілеп аямайтыны анық. Сондықтан біз оның үйінің қасынан жұбымызды жазбай топтасып өттік. Ол біздерге қарап жұдырығын түйіп:

- Сатқындар! — деді кіжініп.

Осылайша екі-үш күнге дейін мектепке топтасып барып, топтасып қайтып жүрдік. Ойынды да үйлеріміздің төңірегінде ойнаймыз. Эжібектен қол үзіп алғанымызға өкінеміз де, бірақ оның алдына баруға және де батылымыз бармайды. Сабап тастайды деп қорқамыз.

Үшінші күні сабак арасындағы үзіліс кезінде мектеп алдына Эжібектің өзі келді. Қапелімде не істерімізді білмейabdыrap сасып қалған біздерге ыржия қарап:

- Эй, көк милар, мен сендерді кешірдім. Ойлан қарасам сендердікі дұрыс екен,- деді тісінің арасынан сыздықтата түкіріп қойып.- Оку үшін ағайынмен де ренжісуге тура келеді. Ал сендер болсандар отынды оку үшін алдыңдар ғой.

Эжібектің өзінің ізден кеп татуласқанына біз де қатты қуандық. Оны ортамызға ала тұрып өтіп жатқан сабактарымызды, естіген-білген жаңалықтарымызды айтып, көңіл кіrbінін жазғандай боп қалдық. Қонырау қағылып, біз келесі сабакқа кірерде ол:

- Сендерсіз көңілсіз екен. Сабактан босаған кездерінде үйге келсендерші,- деп шақырды.

Енді біз сабактан кейін қолымыз босай қалса, бұрынғы әдетімізше Эжібектің үйін төңіректеп, соның бастауымен ойнайтын дағдылы ойындарымызды қайта ойнай бастадық. Біргіндеп ол бізге әмірін жүргізуіді қайта бастады.

Бірде оның үйінде бес-алты бала тығылып ап темекі тарттық. Бір-бір шылымды тартып болғанша тұтінді ішке қалай жүтуды, одан оны бүркүлдатып қос танаудан қалай шығаруды бір-бірімізге көрсетіп, қызыққа батып отырдық. Кейбіреуіміз әжептәуір үйреніп те қалған екен-біз. Тұтінді қос танаудан Эжібектің өзінен қалыспай бүркүратып шығарамыз. Онымызға Эжібек мәз-мейрам боп қуанады.

- Ой, маладес!.. Міне, нағыз шылымшы! — деді қолпаштай мақтап. Бір шылымды тауысқанша бір-бірімізге өнерімізді толық көрсетіп, үлгере алмай қалғандай да болдық.

- Мен шылым тартуды үйрендім.

- Мен де үйрендім. Қалай тартқанымды Эжібектің өзі көрді ғой.

- Шіркін, тағы бір шылым болса,- десіп даурыға бастадық.

Бір-бір шылымдық темекі бергеннен кейін қабының аузын мықтап байлап қоятын Эжібек біздің мына сөздерімізден кейін шыдай алмай кетті-ау деймін:

- Эй, сендерден аяғанымды ит жесінші,- деп, қабының аузын қайтадан шешті.- Сендер темекі орай

алмайсындар, жартысын рэсуга ғып шашып аласындар. Сондықтан, дабай, қағазды әуелі ешкі сирақ етіп дайындал орап алындар!

Біз енді Әжібектің өзі көрсеткендей етіп, қағаздан ешкі сирақ етіп орап алдық. Бұлай орау оңай екен. Сол ешкі сирақты толтыра-толтыра темекі салынды. Ал кеп түтінді бүркүлдата сорып, жарыса тарттық. Алғашқы күндердегідей емес, темекінің түтіні кеңсірігімізді онша ашытпайды, қақалып-шашалмаймыз да, сорып ап ішімізге жұтамыз да, онан соң бүркүратып танауымыздан шығарамыз. Бір рақат, шылымды сөйтіп тартып отырғанда, өзімізді есейген, дардай адам сезінеміз. Үлкен жігіт болғанымыздың белгісі-ау дегендей, әрқайсымыз қоқыланып қоямыз. Міне, ешкі сирақты да тартып бітірдік. Қызыды-қызыды боп отырған Әжібек өзі бастан тағы да бір-бір ешкі сирақты орап алдық, тағы да темекі тартудың өнерін кезектесе көрсетіп бүркүлдатып кеттік. Екінші ешкі сирақ бітуге таяған кезде, көз алдым, отырған балалар, бүкіл үйдің іші айнала бастағандай болды, екі қулағым шуылдап, балалардың сөзі алыстан күнгірлеп естілді. Ұйқым келген сияқты, қалғи бастаған сияқты болам, жантайып жатқым келеді... Алыстан талып естілген күнгір-күнгір сөз... дауыл жел соққан толассыз бір шуыл... «Ыш-ш...» Мұнан әрі үйықтан кеткен болуым керек, ештеңені білмеймін.

Көзімді ашқанымда, үйде жатыр екем. Әжем басымды көтеріп тостағанмен бірдене ұрттатып отыр, дәмін біле алмаймын, әйтсеуір, салқын сусын екенін сезем, кеңірдегім, сарайым ашылып сала берді. Түү, қандай жақсы сусын еді. Әжемнің ерні жыбыр-жыбыр еткені болмаса, үнсіз отырған сияқты еді, жаңағы салқын сусыннан кейін біртіндеп оның сөйлеп отырғаны құлағыма жетті.

- Құлышым... қозым... тағы да жұтшы... - дейтін

сияқты. Тағы да жұттайын десем, әлгіндегі көкірек сарайымды ашқан рақат сусын лездің арасында жүрегімді айнытып, астан-кестен ете бастаған, лоқсытып кейін қарай теуіп жатыр. Аузыма ыстық іртік боп қайта құйылып сыртқа атылды...

Осылайша неше күн қиналғаным есімде жоқ. Басымды кетерін бетім бері қараған кезде, үйге Әнипа апай келіп отыр екен. Алақанымен менің мандаіымды үстап көрді де:

- Элі де ыстығы бар екен,- деді әжеме қарап.- Сүт бере беріңіз. Әбден уланып қалған.

- Басқа балалар қалай екен? — деп сұраған әжем.

- Олардың да хәлдері ауыр. Екеуі мына Қанат құсан көздерін бүгін ашты, екеуі әлі талықсып жатыр.

- Элгі Әжібек ше?

- Мыналарға қарағанда ересек емес пе, ол басын кеше көтерді. Батырың енді қайтып темекіге қарамастай болған сияқты.

- Япырай десенші, бәрін бастап жүрген сол ғой.

- Ол өзі де онбай уланыпты,- деп Әнипа апай кетуге ынғайланды.

- Ал, әже, қорықпаңыз, балаңыз бірер күнде тұрып кетеді. Тек әбден айығып тәуір болмайынша, мектепке жіберменіз.

- Жарайды, қарағым,- деді әжем оны шығарып бара жатып.

Сөйтіп, Әжібекке ілесеміз деп темекіге уланып ауырып, бір аптағай оқудан қалдық. Оның есесіне сол темекіден уланған балалар содан қайтып еш уақыт аузыгызға темекі алмайтын болдық. Бұл — өмірдің өзі оқытқан аңы сабағының бірі еді.

Нәзира әпкемнің станцияға астық тартып кеткеніне бір аптадан асты. Күзде күн жылы, жер қарада астық тартқандар өгіз арбамен станциядан төрт күнде оралатын, ал қазір қыс кезінде өгіз шанамен алты-жеті күн жүріп әзер оралады. Кешеден бері боран соғып тұр. Біздің жақтың бораны белгілі ғой, бір соқса төрт күнсіз, яки апта бойы басылмайды, қора іргесіне кеп жер тырмалаған аш қасқырдай ұлып тұрып алады. Мұндай күндері үйдің іші қоңырқай күнгірт тартып кетеді. Қөнілсіз-ақ. Қай мезгіл болғанын айырудан қаламыз: терезеден жарық түскенде — таңның атқанын, қараңғылық түскенде — батқанын білеміз. Екі терезенің бірін (жел жақ беттегісін) әжем ескі көрпемен қымтап бітеп тастаған, ал қалған жалғыз қабат терезенің әйнетінде қалыңдығы бір елі қырау тұрады, кішкентай балалар көзді ала бере тырналасынан шала бастырылған масақтарды тереміз. Әжеміз ұзақты күнге жүн тұтіп әскерге жіберілетін қолғаптық-шұлпықтық жіп иреді. Сырттан естілген әрбір тықырға елегізіп:

- Әлгі сорлы қай жерде жүр екен? — дейді жолда жүрген Нәзира әпкемнің жайын ойлады.-Тірі ме екен, әлде мына боранда бір жерде ұшып өліп қалды ма?! Е, алла...

Әжемнің бұл қайғысы біздің санамызыға онша кіре қоймайды. Өйткені далада жүрген, әсіресе станцияға астық тарта кеткен адам біздіңше дін аман жүруі тиіс сияқты, ол үшін қайғыру бекершілік. Біз үшін үйдегі, көз алдымыздағы жағдай ғана көнілгे қонады. Мысалы,

Нәзира әпкем кетерінде, бізге азық етуге бір аптаға жетерлік етіп бидай қалдырып кеткен, содан күнде ертеңгілік әрқайсымызға екі қос уыс (менің қос уысым мен) мөлшерінде бидай өлшеп аламыз да соны қуырып, қол диірменге тартып бір күнге азық етеміз. Әрине, қарнымыз шала құрсақ қана тояды. Бірақ соған үйреніп алғанбыз, қанағат қыламыз. Бір күнге әлгі. мөлшерден көп қуыруға әсте болмайды, өйткені артық қуырылған бидай болса жеп қоюымыз мүмкін, сөйтіп, бір аптаға бөлінген азығымызды тез бітіріп алсақ, Нәзира әпкем қайтып оралғанша, ашығып қалуымыз мүмкін. Сондықтан Нәзира әпкем кетерінде, маған таптап-таптап тапсырып кеткен:

- Мына кішкентайлар жыласа, әжем шыдай алмай жегізіп қоюы мүмкін. Сенің ақылың бар ғой, Қанатай, бидайды үнемдеп, күнделікті жейтіндей етіп қана қуыратын болыңдар. Азықтарында тез тауысып алыш, ашығып қап жүрмендер,- деген. Әпкемнің сол тапсырмасын мұлтіксіз орындауға тырысам.

Қырсық болғанда екі-үш күннен бері әжем ауырып қалды. Осыдан он шақты құн бұрын станцияға жөнелтілетін астықты тазаласамыз деп ауылдың кемпірлері тас қоймада ертеден кешке дейін бидай ұшыруға көмектескен. Әжем сол кемпірлердің ен ортасында айрықша пысықсынып кетіп еді, сонда сұық тисе керек. Кеше ынқылдай жүрсе де бидайды өзі қуырып беріп еді, бүгін ертеден бері басын көтере алмай жатыр. Денесі лапылдан жанып, ыстығы көтеріліп, қатты ынқылдайды. Ертеңгісін мен қайнатып берген ақ су — шайды да іше алмады.

- Бәлкім, кішкене оранып жатып терлесем, тұрып кетермін,- деп тарс бүркеніп, үйдегі қалың көрпелерді сыртынан қымтап жапқызған. Терлеп жатыр.

Тұс боп қалды, бірақ әзірге әжем тұра алатын емес.

Кішкене балалар не істерлерін білмей, бірсесе пештің алдына үймелей отырып от жағып, масақ теріп, бірсесе терезенің алдына барып әйнекке тұрған қалың қырауды тырмалап, сыртқа сығалап сен соққандай күйде.

- Эжем өліп қалмай ма? — дейді Жанар көзі жасаурап.

- Қой, жаман сөз айтпа! — деп Болат оған жекіп тастайды.

«Шынында да, әжем өліп қалмай ма» деген ой келгенде, менің де зәре-құтым үшады. Бірде Нұрсұлдың шешесіне оның: «Жылым — мешін, сонда биыл мүшел жастамын, жетпістің үшеуіндемін, қатер жастамын...» — деп айтқанын естігем. Демек, өзі қауіптенсе, өліп қалуы да мүмкін ғой. Онда біз де тегіс қырылып қаламыз ғой. Бұл ойымды онан әрі өрбітуге дәтім шыдамайды. Дереу басқа бірденелерді ойлағым келеді.

Әдетте, күн ашықта мектепте сабақта болып, үзіліс кезінде балалармен алыс-жұлыс ойнап жүріп ештецені ойлауға да, жабығып мұнаюға да мұршаң болмайды. Ал мынадай боранды күндері ертеден кешке дейін үйде қамалып отырғаннан өткен қасірет жоқ шығар. Мұндай күндері мектепте сабақ болмайды.

Әнипа апай: «Боранды күні мектепке келмендер, сабақ болмайды»,— деген алғашқы күн-ақ.

Міне, екі күн болды, қамалып үйде отырғаным. Тыстан «у-у...» — деп ұлыған боран үні естіледі, сыртқы есікті жұлқылап, сарт-сұрт еткізіп қағып қояды. Осындаі күндері ішкүсаланып, не істерімді білмей жабығып, боранға қосыла ұлып жылағым келеді. Көкемді есіме алам, әскерге кетерінде оны шығарып салып тұрып әжем де, апам да, Нәзира әпкем де жылап еді, тек мен ғана жыламап едім. Сөйтсем, жылаудың не еkenін білмеген екем ғой. Оның соғыстан қайтпайтынын да түсінбеппін. Енді, міне, сонда жыламағаным

өкінем. Бәлкім, мен де жылағанымда, көз жасымды көріп оққа үшпас па еді... Апамды есіме алам: ауылда жүріп-ак, ауырмай-сырқамай, қапыда ұры-қара біреулердің қолынан қаза тапқаны өкінішті-ак. Эттең, қасында көкем болса ғой, сонда кім қолын көтерер еді оған... Шіркін, апам!.. Осы күні әркімнен көрген жәбір-жапамды айтып, шағынып жылағым келеді.

Апа... Апа...

Көзіме кептелген ыстық жасты ешкімге білдірмей ысырып тастан, енді көнілімді басқа жаққа аударғым келеді. «Жә, қайғыра бергеннен түк өнбейді,- деп қоям әжемнің сөзін қайталап.- Белді бекем буып бәріне де шыдау керек. Тіршілік ету керек...» Иә, тіршілік ету керек. Сабағымды оқыын онан да. Үйге берілген тапсырмаларды тағы бір қайталап шығайын. Оку құралда-рымыз жоқ болғандықтан, Энипа апай үйге берілген тапсырмаларды тегіс класс тақтасына жазатын да, біз көшіріп алатынбыз. Енді сол тапсырмалар жазылған ескі кітап, газет-журналдар қыындыларын (дәптер деген бізде атымен болмайтын да сабағымызды ескі кітап, газет-журналдардың беттеріне жазатынбыз) қолыма алып қайталай бастағаным сол еді, пеш алдында отырған Болат пен Жанат, Жанар үшеуі ойындарын қоя сала елеңдесіп құлақтарын менің күбірлеп оқыған сабағыма тоса қапты. Ыза боп кеттім.

- Неменеге елеңдей қалдындар?! Отырындар жайла-рыңа! — дедім ашуланып.

- Біз жайша... әлгі, нетіп... - деді Болат міңгірлеп.
- Біз жайша... - деді Жанат та оның сөзін қайталап.
- Біз жайша... - дейді Жанар да.

Қалай күйіп-піспессің. Өзің көнілің құлазып, не істерінді білмей, бір ауық сабағынды алданыш етейін десен, оны да мына кішкентайлар қытығыңа тиіп оқыт-пайды. Үйге берілген тапсырмаларды ертеден кешке

дейін бір күн емес, бірнеше күн қайта-қайта оқи берген сон, өзім ғана емес, інілерім мен қарындасым да жаттап алған еді. Құлақтарына сіңгені сонша, ойын үстінде бір-біріне: «Төрт жердегі төртім қанша?», немесе: «Зат есім дегеніміз не?» — деп сұрақ қойып, оған өздері жарыса жауап беріп жатады. Олардың мұнысы маған мені маза-қтағандай әсер етеді. Енді қалай, менің әлдеқандай бол қоқыланып, өзімше инемен құдық қазғандай білімді үлкен қиналыспен тер төгіп оқып жүрмін дегенімді қайтейін, мына үшеуі пештің алдында ойнап отырып-ақ оптоңай қағып жаттап ала қояды. Мен үшін сабақ оку, ал бұлар үшін жай ойын. Соған мен өлердей намыстанам, ыза болам. Қазір де үшеуі мен қай сабақты қайталар еken дегендей маған елеңдеп қарай қапты.

- Отырындар жайларыңа,- дедім зеки қайталап. Үшеуі тым-тырыс пеш алдындағы сабанға отыра-отыра кетті.

Мен күбірлеп сабағымды қайталауға кірістім. «Шіркін, окулықтарым болса ғой, осындаій боранды күндері бастан-аяқ оқып жаттай берер ем. Сонда мына кішкентайлар ілесе жаттамақ түтілі, бір сөзімді ұғудан да қалар еді. Эйтпесе ғой, немене, бір жаттап алғаныңды қайталай берген де мезі ғып жібереді еken.

- Қанатай, күнім...- деді осы кездे тарс бүркеніп жатқан әжем даусы әзер шығып,- менің жағдайым болатын емес... мына кішкентайлардың қарнын ашырып алма, қарғам... сенің есің бар ғой, тіршілік жаса...

- Мақұл, әже.

Дерев төсектің астындағы ала дорбаны алып шықтым. Қазандағы қайнап түрған суды шәүгімге құйып алып ішін тазарттыйм да, Болатқа от жаққыздым, онан сон әжемше: «Біссімілдә» деп қос уыстап бидайдан қызып түрған қазанға сала бастадым. Артық та емес, кем де емес дәл мөлшерлеп әрқайсымызға екі қос уыс өлшеп

салғам. Жарты қазандай болды. Қызып тұрған қазанға түскен бидай сәлден кейін тамшылай бастаған ақ жауындай ақырындан сыйтырлай бастады. Оны араластырып тұру керектігі есіме түсіп дереу кәкпірді іздеғем, кәне, таба алсаншы, қазандықтың мойнында да, ыдыс-аяқтар тұратын шкафта да кәкпір жоқ. Бидайлардың сыйтыры көбейіп барады, сасқанымнан дәу ағаш ожауды жұлып ап сонымен араластыруыма тура келді. Сабы добалдай жуан ожау қазандағы бидайды араластыруға мұндай қолайсыз болар ма, жайлап араластырайын десем бидайға батпайды да, ал күш салып қаттырақ бұлғасам бидай қазанның мұндай қыын екенін кім білген. Қазанның ыстық табы бетімді шарпып, ожау ұстаған қолымды күйдіре жаздайды, сондықтан ожауды екі қолыма кезек-кезек алмастырып ұстап араластырам. От жағып отырған Болат:

- Бидайды төкпесеңші,- деп безектейді.

Төкпей араластырайын десем, ожауды солақай қолмен ұстau тіптен икемсіз, қолымның күші жетпейді, ал қазанның түбі қүйіп барады. Енді бір сәт піскен болу керек, бидайдың сілекей шұбыртқан тәтті иісі бұрқырап кетті. Қазаннан көз алмай телміре қарап тұрған Жанат пен Жанағра:

- Тез, тегешті әкеліңдер! — деп бұйырдым.

- Тегеш қайда? — деді сасып қалған Жанат.

- Мен қайдан білейін, ізден тап. Бол, тез, бидай қүйіп кетеді, енді.

Күні бұрын бәрін дайындан қоймағандықтан, бір-бірімізбен қақтығыса-соқтығыса, қай ыдыстың қайда екенін білмей, үйдің ішін зыр жүгіре айналып жүріп тегешті тапқанымызша, қазаннан қайнаган судан көтерілетін бу тәрізді бұрқырап ыстық жалын шыға бастады. Жалма-жан асып-сасып әлгі добалдай ожаумен

қуырылған бидайды түсіргенімше, біразы шашылып, ал соңғы жағы қап-қара бол күйіп, кішкентай қара қоңыздар құспа кетті.

- Эй, Қанатай, балам, бидайың күйіп кетті ғой,- деді тарс бүркеніп жатқан әжем де шыдай алмай басын көтеріп.

- Ештеңе етпейді, онша көп күйген жоқ,- деп қойдым.

- Қазаның жарылып кетпесін, ақырында су құйып қой.

- Жарайды.

Шар еткізіп қазанға су құйып қойдым.

Енді байқадым, үйдің іші көк тұтінденіп күйік сасып кетіпті. Сәл есікті ашып алуға тура келді.

- Анау күйген бидайлардың бәрін мен жеп қоям,- деді Жанат сілекейін жұтынып.

- Мен жеймін,- деп Жанар таласа түсті.

- Тиыш тұрындар, бәріміз бірге жейміз,- деді Болат үлкендігін білдіріп, онан соң саған қарап: — Сөйтеміз ғой, Қанат? — деген.

Куырылған бидайдың үстіңгі жағындағы қап-қара қоңыз бол кеткен бір тостағандай бидайды қайтерімді білмей түрғам, кішкене балалардың мына сөздерінен кейін тегеш ішіне тегіс араластырып жібердім.

- Иә, бәріміз бірге жейміз,- дедім.

Осы сәт әжем басын қайта көтеріп:

- Эй, балам, бидайыңды күйдіріп алдың-ау, ә,- деді ынқылдай сөйлеп.

- Аздап қана күйді.

- Әже, біз ол күйгендерін де жеп қоямыз,- деген Жанат айқайлай сөйлеп.

- Жемендер, іштерінді ауыртады,- деді әжем даусын қатайтып.- Күйген бидайдан тазарттып барып тартындар дійрменге.

- Мақұл, әже.

Енді тегештегі ыстық бидайды үстел үстінен төгіп, төртеуміз төрт жағынан отыра қалдық та, әлгіндегі өзім араластырған қара қоңыз күйіктерді бір-бірлеп бөліп теруге кірістік. Сілекейіміз шұбыра отырып аузымызға бір дән салмастан бар ынтымайзбен тазалап отырмыз.

- Жанар, жеме күйген бидайды,- дейді бір кез Болат.

- Мен жегем жоқ.

- Кәне, аузынды аашы?

- Міне, көр, а-а...

- Эне, тілің мен тістерің қап-қара көмір боп түр ғой.

- Мен жегем жоқ. Бір күйік бидайдың өзі аузыма түсіп кетті,- деп акталды Жанар.

- Жемендер, іштерің ауырады. Қазір тазартып болған соң, диірменге тартып, талқан етіп сүтке шылап жейміз,- деймін мен үлкендігімді білдіріп. Ал өзім іштей: «Осы күйік бидайды жегеннен менің ішім ауырмас еді»,- деп тамсанып қоям.

Тазартып тас диірменге тартқаннан кейінгі талқанымыздың түрі құмдауыт жердің күлгін топырағындағ болды. Бір кесе ыстық суға жарты кесе сүт қосып шылағаннан кейін, дәмі тіл үйіргендей тәп-тәтті боп шыға келді. Эжемді түрғызып үстел басына шайға отырғызғанбыз, көзі кіртип шылаған талқанымыздың түріне үңіле қарады да:

- Балам-ай, қатты күйдіріп апсын-ау,- деді.

- Күисе де тәтті,- деп, Жанар талқанды асай түсіп, шаң жуыттар емес.

- Әтті болса жендер онда, жұтқан жұтамас,- деп қойды әжем, өзі аздал сүт қатып отырып, түз салып ақ сүт шайды ішуге кірісті. Бүйтіп шай ішкені әжемнің тәуір болайын дегені. Сәлден кейін маңдайы тершіп, құрыстары тарағандаі рені кірейін деді. Аузына басқа нәр салмастан бір шәугім ыстық су мен қалған жарты кесе сүтті терлеп-тепшіп отырып тауысқанша, әжем де

тыңайып тәуірленіп қалған сияқты болды. Біз әжеміздің сыбағасын да өзіміз жеп, ар жағымызға ел қонып қунақтап қалғанбыз. Кенет Жанар әжеме қарай жалт бұрылып, оның айғыз-айғыз тер аққан жүзінен кішкентай алақанымен еркелей сипады да:

- Эже, енді тәуір болдың ба, өлмейсің бе? — деді.

Әжем күліп жіберді және рақаттанып ұзақ күлді.

- Өлмеймін,- деді Жанардың кекіл шашынан іскеп қойып.- Сендерді жеткізбей неге өлейін. Өлмеймін.

- Ур-ра, әжем өлмейді,- деп қарны тойған Жанат үстел шетінде шалқасынан жатқан күйде аяғын тыптырлатты.

Өстіп көніліміздің кем-кетігі жазылғандай бол қуанышты бір шақта отырғанымызда, ауыз үйге аяғын дүрс-дүрс қағып біреу кірді. Болат ұшып тұрып есік ашқан, Зибаш екен. Станцияға Нәзира әпкеммен бірге астық тарта кеткен.

- Эже Нәзираның өгіздері болдырып жолда қалды, Жарбұлақтың тұсында,- деді. Өзінің өне бойы сірескен қар, сықырлап тұр, иегі-иегіне тимей сақылдап, сөйлеуге аузы әзер келіп тұр, әбден тоңған.

- Не дейді?! Жалғыз қалды ма?! — деді жан даусы шыққан әжем.

- Қасында Манар бар. Біз алдыңғы екі шана ауылға хабар берейік деп озып кеттік те, олар екі шана кейінде қалды.

- Ойбай, өлді десенші онда, мына боранда!.. Ойбай...- деп әжем ойбайлай жөнелді.-Құдай-ау, ендігі көп көргенің сол ма еді?! Неден жазып едім саған, осынша сор мандай ететіндей... Қанат-ау, неғып тұрсың, ойбай, жүгірсеңші Байдалыға! — деп кеп, есім шығып сілейіп тұрған мені жүлкүлады.

Зибаш кетуге ыңғайланған, үстіме ілінгенді кие сап оған ілесе мен де сыртқа шықтым.

- Сен Байдалының үйіне бар,- деді Зибаш дірдектеген өгіздерін бас жібінен жетелей тұрып.- Қора жақта жүрсе, мен өзім айтам фой.

Дала әлем-тапырық бол, боран өршелене соғып тұр. Бұңа неғылған таусылмайтын қар, бұңа не деген басылмайтын боран. Сірә, аспанның түбі түсіп кеткен шығар. Ұйтқыған қар лезде қойны-қоншымды кеулең дірдектетіп жіберді. Байдалы шалдың үйіне қарай қалың қарды кешіп сүріне-қабына жүгіре жөнелдім. Оппа қарға малтығып екі-үш рет онқа-шонқа құлап та алдым. Байдалы шал үйінде жоқ екен, Көлбай керең екеуі кешеден бері мал жақта жүрген көрінеді.

Үйге қайтып оралғам. Әжем сол әлгіндегі құдайға біресе налып, біресе жалбарынып, зар еніреген күйінде байыз таба алмай жүр екен. Оған қосылып кішкене балалар да тұстұстан ұлардай шулап жылап тұр. Осының бәрін көріп үйде отыру мүмкін емес еді. Менен өзге бас көтерер Нәзира әпкемді іздел шығар ешкімнің жоғы белгілі. Өтіздері болдырып жолда қалғанын ести отырып, біліп отырып, еш әрекетсіз қол қусырып қалайғана отыра алам. Алдынан шығуым керек, іздеуім керек. Мен Жарбұлаққа баратынымды айтқам.

- Мына борандың сені қалай жалғыз жіберем?! — деп, әжем онан әрмен ойбай салды. Мениң дегенімнен қайтпастымын көріп, енді өзі де киіне бастады.

- Өзің ауырып тұрсың, қазір сүйкіқа шықсан мүлдем жатып қаласың фой,- деген менің сөзімді тыңдаған да жоқ.

- Сен екеуіңнің жолында мен өліп, неге құрбандықтарың болмаймын,- деп бой бермеді.

Жылай жүріп өзі де киінді, мені де жылышап киін-дірді, қолымызға бір-бір таяқ алдып, Нәзира әпкемді іздеуге шықтық. Екі шақырымдағы Жарбұлаққа мынадай ат құлағы көрінбейтін борандың барамыз деп

жүрген әжем екеуміздікі құр далбаса да. Есіктен аттан шыға берे-ак, қалай жүрерімізді білмей бір-бірімізді тартқылай бастадық. Боран оң жақ шекемізден қиғаштай соғып алға аттатар емес, кейін қарай итеріп-итеріп тастайды, екеумізді қауқар көретін түрі жоқ, қаңбақша үйіреді.

- Эже! — деп айқайлаған дауыс шыққандай болды сонымыздан.

Сөйткенше болған жоқ, салт атты біреу ентелеп қуып жетті. Бектай есепші еken. Астында Нұғыман бастықтың атақты Күрентөбел аты, иығыңа мылтық асынып, қанжығасына жем салған қоржын теңдеп апты. Жарбұлаққа бара жатқаны айтпаса да белгілі боп тұр. Сірә, бар жайды Зибаштан естіп шыққан болу керек.

- Кәне, қайтыңыздар! Нәзираға мен барып алып келем! — деді айқайлап.

- Қарағым!.. Қарағым!.. Өркениң өссін!.. - деді кемсөңдеген әжем, лездің арасында бет-аузын қар тұта бастаған еді, демігіп әзер сөйледі.

Осы сәтте Бектайға менің көңілім де елжіреп сала берді. «Ағатай-ай», - деп үзенгісіне оралып ағыл-тегіл жылап жіберуге шақ қалдым.

- Мен бірге барайын, мінгестіре кетші, - дедім жалыншып. Жолың болғыр, Бектай сөзге келген жоқ, артына мінгестіріп алды.

- Эже, адасып кетпей үйге қайт!

- Қайтам, қайтам. Жолдарың болсын!

Нұғыманның өзі мен ауданнан келген өкілдерден өзге ешкім мінбейтін, ылғи жем жеп тоқжарau тұратын Күрентөбел құтырынып тұр еken, жануар, мына боран ойына кіріп шығар емес, осқырынып қойып қалың қарды қақ жарып омыраулай жөнелді. Бектай еңкейіп аттың жалына жабысып алды да, мен оның белінен мықтап құшақтап алдым. Жолшыл ат әлгіндегі Зиба-

штардың шаналарының боран бүркеп тастаған өзінің сілеміне түсіп тартып келеді. Қары жүқалау тұстарда желе жортса, қалың қарға түсіп кеткенде, орғып-орғып ытқақтайды. Сондайда мен семіз аттың тақтайдай сауырынан домалап түсіп қала жаздаймын.

- Қанат, мықтап ұстан! — деп қояды Бектай.

Сөйдейді де өзі тебініп қалады, Қүрентөбел онан әрмен ытырына жөнеледі.

Жарбұлақ — тарам-тарам сай-жыралардың тоғысқан тұсындағы табиғаттың өзі апан құсатып ойып тастаған төңірегі биік жарқабақты терең сай. Түбінде бұрқырап қайнап шығып жататын сұы мол бұлақ бар. Сай-жыраларды қеулеген қалың бөргез, әредік-әредік долана ағаштары өседі. Жазда балалар долана жинауға мұнда жиі келетінбіз. Ауылдан шыға сап қара жолдың шаңын бұрқылдата жарысып ойнап кеп, ойнап қайтып жүретін жеріміз. Енді, міне, қыста Қүрентөбелдің өзімен сұыт жүріп келе жатқанымызда, жеткізер емес, тіпті алыстан кеткен сияқты. Эудем жер анық көрінбейтін ақ түтекте өр мен ылдиды айырып болмайды, қай тұста келе жатырмыз. Жарбұлаққа дейін алыс па, жақын ба белгісіз. Кенет Қүрентөбел осқырып онға қарай оқыс жалт берген, мен ұшып тұсуге шақ қалдым.

- Ой, мынаған не көрінді?! — деп Бектай атты қамшымен осып жіберді. Бірақ қанша қамшылап, тебін-генмен, Қүрек төбел осқырына ұрқіп, алға қарай баспай қойды, амал жок, жолдан шығып омбылай орағыта жүргенбіз, тек осы кезде ғана:

- Өй, энең қара! — деді Бектай шошина.

Сол жағымызда анадай жерде бораннан екі құлақтарын жымырып, жер бауырлағандай боп екі қасқыр қатарласа өтіп бара жатыр екен. Сөйткенше болған жок, Қүрентөбел солға қарай жалт берген, енді он жақ бүйірімізден үшінші қасқыр көрінді. Жел жақтан

тағы бір-екеуінің қосарлана ұлығандары естілді, бірақ өздерін көре алмадық. Ат та, біз де дірілдеп кеттік. Қалың оппадан ыршып-ыршып секіріп кеп жолға қайта түсkenбіз, мұрнымызға ауыр бір қүйіктің иісі келді. Қүрентөбел сол күйік шыққам жаққа қарай ышқына ұмтылып кеп, кенет ішін тартып қайыра осқырынып кілт тоқтай қалған. Доғарылған бос шананың алдына кеп тоқтаппыз.

- Эне, отыр! — деді Бектай қуана дауыстап.- Эй, амансыңдар ма?

Бектайдың тасасынан мен алдыңғы жақты көре алмадым.

- Аманбыз, аманбыз! Өздерің бізді қалай таптыңдар?  
— деп қуана жауап қатқан Манардың даусын таныдым.

- Түү, келгендерің қандай жақсы болды! Не істерімізді білмей отыр едік.

Енді мен де көрдім, екі бос шананың ортасында аппақ қар басқан өгіздер түр да, өгіздердің ортасында үсті-бастары аппақ қар Нәзира әпкем мен Манар екеуі қорбандастып бірденені бықсытып жағып отыр екен. Біз қастарына кеп аттан түсkenбіз. Алдарында бықсып жанып жатқан қара күйелеш бір нәрсені аударыстырып отырған Нәзира әпкем мені көріп орнынан түрдү.

- Қанатай, сенбісің!

Келіп құшақтаған болды. Эбден тоңған екен, дірдектеп өз қолы өзінің икеміне келер емес. Бектай қоржындағы жемді түсірген. Төрт өгіздің үшеуі дірдектеп түрегеп түр да, біреуі жатыр екен, кәдімгі Нәзира әпкем жегіп жүрген көк қасқа өгіз. Үш өгіздің алдына қоржынның бір басындағы жемді төгіп, қоржынның екінші басындағы жемді көк қасқа өгіздің алдына қойдық.

- Жей ғой, қасқам, жем жеші,- деп өзі дірдек қаққан Нәзира әпкем жемнен қос уыстап алып көкқасқаның

аузына тосқан. Байғұс Қекқасқа сол аузына тосқан жемді жеуге шамасы зорға келді. Осы кезде әуелі сол жағымыздан, оған қосыла іле-шала он жағымыздан қасқырлар ұлыған. Бораннан өздері көрінбейді, бірақ ұлығандары тым жақыннан естіліп тұр. Қүрентөбел тіптен тыптыршып кетті. Айнала қасқыр қаптап кеткендей біз де үрейленіп қалдық.

- Бағана бұлар бізді қоршаған, өзіміз де, өгіздер де зәреміз зәр түбімізге кетіп, жаман қорықтық,- деді Манар сөніңкірей бастаған бықсыңты қайта аударыстырып.- От жағуымызға тұра келді.- Енді байқадық, бықсытып жағып отырғандары станцияға астық қаптап апарған қаптары екен. Және шананың жақтау ағашының бір басын сол бықсыған қаптардың арасына тығып қойыпты.- Мына ағаштың басын тұтандырып ап құдым.

- Мына жерде жаңа үшеуін көрдік,- деген Бектай.

- Сендер үшеуін ғана көрдіңдер ме, өздері бесеу болатын.

Бізді төніректеп жүргендері ғой. Олар со кештің түсүін күтеді енді,- деді Манар.

- Жей ғой, қасқам... жей ғой...- дейді даусы дір-дір еткен Нәзира әпкем көк қасқа өгізін балаша мұсіркеп. Әлгіндеңгідей емес, тамағынан аздал талшық өткеннен кейін, көк қасқа өгізге жан кірейін деді, сәлден кейін жем жеп дұрысталған бастады.

- Қанат, мә, сен Қүрентөбелді мықтап ұстап тұр,- деп Бектай боран өтінде тықыршыған аттың шылбырын маған ұстартты да, өзі от жағуға кірісті. Шананың жақтау ағаштарын тепкілеп жүріп сындырып, оларды бықсып жатқан қаптардың арасына салып, бораннан қалқалай отырып үрлеп, отты кәдімгідей тұтатқан. Қу ағаш лаулап жана бастады.

- Кәне, екеуің жылынып алындар,- деді онан соң дірдек қаққан Нәзира әпкем мен Манарға. Өзі тағы да

тепкілеп ағаш сындыра бастаған. Дәл осы мезетте ту сыртымыздан бірдене оқыс зу еткендей болды да, Қүрентөбел ышқына кісінеп жіберіп, көлденең жатқан Кекқасқа өгіздің ұстінен бір-ақ қарғып, шылбырын қолыма орай ұстап тұрған мені жұлдып әкетті. Кекқасқа өгізден асып барып мен онқа-шоңқа құлағам, Қүрентөбел дырылдатып сүйрей жөнелді. Қанша жер сүйреткенін білмеймін, бір кез қыл шылбыр қолымнан сыптырылып шығып кетті. Қалың қарда аспандай секіріп бара жатқан Қүрентөбелді көріп қалдым, оның ышқына кісінегені, одан Нәзира әпкемнің шыңғыра айқайлаған даусы жетті құлағыма, Бектай мен Манарадың қосарлана аттандағандарын және естідім, гұрс етіп мылтық атылды. Біреу кеп жерден жұлдып көтеріп алған, Бектай екен.

- Жүр, жүр, отқа қарай,- деп дедектетіп жетелей жөнелді. Екі шананың ортасына, оттың қасына жеткенімде:

- Еш жерің ауырған жоқ па? Амансың ба? — деген әпкем үрейленіп.

- Аманмың.

Осының бәрі қас қағым сэтте болған еді, мен тіпті қорқып та үлгере алмадым ба, білмеймін, әйтеу, сақылдан күлгенім есімде.

- Элгі қасқырлар қайда? — дептін.

- Қүрентөбелді қуып кетті,- деді Манар.

- Жануар аман құтылып кетсе жақсы болды,- деді Бектай қайғыра тұрып.- Ал өгіздер әлденген шығар, жүрелік.

Өгіздер, шынында да, әлденіп қапты, Кекқасқа өгіз де орнынан сүйретіле тұрды. Шаналарды тастап, төрт өгізді ортаға алып, Нәзира әпкем мен Манар алға түсіп жетелеп, біз Бектай екеуміз сондарынан айдал, ауыл осы тұста-ау деген бағытпен жүріп кеттік. Бектай мылтығын

оң иығына асып, сол иығына бықсыған қаптар мен тұтандыған ағаштарды орап басына ілген ұзын таяқты салып алған. Қасқырға қарсы бірден-бір амалымыз. Бір жақсысы боран сонымыздан, өгіздер де, өзіміз де итере күғандай бол келеміз.

- Апырай, Күрентөбел не болды екен? — деп қояды Бектай.

Боранның гуілі ме, әлде қасқырдың ұлығаны ма, үрейлі бір дыбыстар естіледі, «У-у...» дейді. Қорқып Бектайға тығыла түсем. Тұтектене соққан боран, қарауыта бастаған төнірек өгіздерді де, біздерді де жұтып қоярдай.

Біз ауылға жеткенде, дала қараңғы тартып, кеш түскен еді. Бектай мен Манар әрі қарай кетті де, біз әпкем екеуміз екі өгізді жетелеп үйге қарай бұрылдық. Эжем мен балалар май шамды сыйырайтып қойып, бізді елегіze қутіп отыр екен. Усті-басымыз қар-қар бол сіресіп үйге кіріп келгенімізде әжем:

- Жеті нан! Жеті нан! — деді.

Әжем екеуміз әуелі екі жақтан жүріп Нәзира әпкемнің үстіндегі етегіне дейін дедиіп ақ мұз бол қатып қалған сары тонын шештік. Нәзира әпкем ошақ алдына отқа қолын созып сылқ етіп отыра кетті.

- Қар әкел, қар! — деді әжем дегбірі қашып.

Мен бос шелектің бірін ала сап, есік көзінен толтырып іліп қар алып кірдім. Онан соң әжем екеуміз екі жақтап қармен Нәзира әпкемнің аяқ-қолын ысқылауға кірістік.

- Әлгі Бектай ізден тапты ма? — деп сұраған әжем. Әпкем басын изеді.

- Өркениң өскір-ай!.. Айналайын-ай... Өзі неғып үйге кірмей жүр. Элде үйіне кетіп қалды ма?

Нәзира әпкем тағы да басын изеді. Енді байқадым, әпкемнің тоңғаны сонша, иегі дірілдеп, сөйлеуге шамасы

келмей түр екен. «Аяғым... аяғым...» — дей береді. Екі аяғының басын қармен қанша ысқыласам да көкпенбек боп жан кірер емес.

- Қанатай,- деді әлден уақытта даусы жарықшақтана сөйлеген Нәзира әпкем,- сен барып, сырттағы егіздерді ешкілердің қасына қораға кіргізіп, алдарына шөп салып келші.

Жайшылықта кешкісін қораның есігін ашуға қорқатынмын, бұл жолы сол қорқыныш атаулыдан мүлде із де қалмапты, тастай қараңғы қораның ішіне сипаланып жүріп кіріп, дірдектеген екі өгізді жылы түкпірге қарай жетелеп, алдарына шөп салдым. Қараңғы қораның ішінде, құрт-құрт қүйіс қайырған ешкілер мекірене маңырап, менің дыбысымнан шошынғандай төбе жағымда қонақтап отырған тауықтар қанаттарын сабалап, ақырындаң қыт-қыттап қойды.

Ертеңіне шайдан кейін өгіздерді колхоздың қорасына апарып, Көлбай кереңге тапсырдым.

- Шана қайда? — деп сұраған.

- Үйдің қасында қар басып қалды, күн ашылған соң, шығарып аламыз,- дедім құлағына айқайладап.

Қораға дейін жел соңымыздан болып, боран екі өгізді де, мені де дедектетіп қуып әкелген. Енді қайтарда боранға қарсы жүрдім. Мұндай зәрлі, сувік болар ма, тұла бойымды қалтыратып жіберді. Ышқынып-ышқынып ысқыра соққанда, көзді ашырмайтын ақ түтек тұншықтырып жіберердей болады, қойны-қонышымды кеулеп, аттаған сайын кері итеріп ұшырып кете жаздайды. Үрлей-үрлей киіздей ғып тығыздап тастаған қатты қарда бір сүрінсең, қаңбақша домалата жөнелетін сияқты. «Күн ашылса, мына қатты қарда әлі сырғанақтың түбін түсіретін болармыз», - деймін. Ұш күннен бері даға шықпай әбден ішім пысқаны сонша, бірден үйге барғым келмеді. «Әжібек не істеп отыр екен, соға

кетейінші», - деп, соның үйіне бұрылғам. Күткенімдей-ақ үйінде бір топ бала у да шу боп отыр екен. Қақ төрде аласа дөңгелек үстелдің басында, қолында пышақ, Әжібектің өзі отыр, алдында ағаш ет табақта ет дейін десем ет емес, бірақ соған ұқсас жалбыршақтанған бірдене буы бұрқырап тұр. Басқа балалар: Бәтен, Санат, Қайрат және бір-екі бала әрқайсысы әр шетте Әжібектің аузына көздерін сатып мөлие қарапты да қалыпты. Усті-басым қар-қар боп мен кіріп келгенде, Әжібек:

- Міне, Қанат та осы қүйқаның ісін біліп келді, - деді мәз болып. - Жарайды, сен де отыр, әуелі мен өзім тойып алайын, қалғанын сонан кейін бәріңе бөліп беріп ауыз тигізем. Піссімілдә...

Әжібек табақтағы қүйқаның бір шетінен кесіп ап аузына тастап жіберді де, алдымен біраз шайнап дәмін алып көріп, қылғыта жұтып жіберді.

- Дәмді екен, - деді. Мұнан әрі ол көн етіктің қонышы құсан жиырылып жатқан қалың қүйқаны кәдімгі ет құсатып пышақпен шетінен кесіп, асай бастады. Балалар тамсанып қойып оның жегеніне телміре қараймыз. Мына жеспен Әжібек бір табақ қүйқадан бір жапырақ та ауыз тигізбес деп отырмыз. Жо, қүйқаның жартысынан көбі желінгеннен кейін, тояттайын деді, кекірініп, алдындағы сорпасынан ұрттап, ет табақты кейіндеу ысырып қойды. Бізге бірден бөліп беруге көзі қимай біраз отырды. Онан соң есіне әлдене түскендей ойланып қалды да:

- Қазір бәріңе де аз-аздан беріп ауыз тигізем, - деді ескертіп. - Дәмінің қандай екенін көріндер. Егер үйлерінде ірі малдың жатқан-тұрған жас терісі болса, осында әкеліндер, өстіп асып жейтін боламыз. Білдіндер ме?!

Әжібек кесіп берген бір-бір жапырақ қүйқаны жеп көріп, бәріміз де тамсана түсіп дәмді екенін мойында-

дық. Берсе тары да жер едік, бірақ Әжібек бере қоймады. Табақта қалған үлкен бір кесек құйқаны мензеп:

- Мынаны, егер кімде-кім маған Мәриді шақырып әкелсе, соған берем,- деді.

- Мен шақырам,- деді Қайрат.

- Мен шақырам,- деді Бәтен.

- Ол келмейді мұнда,- деді Санат.

- Сендер келетін етіп шақырындар.

- Шешесі жібермейді ғой.

- Мектепке апай шақырып жатыр деп алдаң өртіп шықпайсындар ма, көксоққандар-ау! Эй, осы сендерде түйір ақыл болсаши, сендерге ақыл үретем деп, мына шашым жасыма жетпей ағаратын шығар.

- Даға шақырып шыққанмен, ол қызды мұнда әкелу қынын ғой.

- Иә, ол өзі әртіспін деп тұштанғап, анау-мынау айтқаныңа көнбейді.

- Ал сендер көндіріндер,- деді Әжібек қатуланып.- Менің кім екенімді айтындар, менсінбей көрсін!.. Ал екеуің барындар! — деді Бәтен мен Қайратқа — Ал, сендер,- деді Санат екеумізге: — отыра тұрындар.

Менің таңғала байқағаным, сол күні Әжібектің мінезінде де, сөзінде де бұрын біз байқамаған бір өзгешелік бар еді. Біз Санат екеуміз оның кей сөзін үққан, түсінген сияқты болдық та, кей сөзіне түсіне алмадық.

- Басқа балаларға қарағанда сен екеуіңнің естерін бар. Сондықтан ішіме сыймай толып бара жатқан бір сырымды ақтарып біраз жеңілейіп алғым кеп отыр,- деп бастады Әжібек сөзін.- Менің әңгімем ғашықтық жайында. Ғашық болу деген керемет екен... Қанат, Санат сен екеуің әлі баласындар ғой, ғашықтық дегеннің не екенін білмейсіндер. Ғашық болу деген керемет екен. Жүргегінді ауыртатын азап екен. Мысалы, осыдан төрт күн бұрын боран соғардың алдында мен көшеде Мәриді

көргем. Қыз деген тез өседі деген рас еken. Былтыр ғана басы биттеп жүретін боқмұрын еді, бір қыстың ішінде бойы тартылып, сұлу қыз бол қапты. Сендерге — өтірік, маған — шын, әлгі қызды көргендеге, жүргегім ауырып сала берді, не болғанымды білмей соңынан телміре қарап тұрып қаппын. Содан бері жатсам-тұрсын көз алдынан Мәри кетпейді. Мені өзіне сиқырлап алған сияқты. Қыз Жібекке Төлеген осылай ғашық болған шығар. Өзімнен өзім өлгім келеді, тек Мәри де менімен бірге өлсе деймін. Сонда біз де «Қозы Қөрпеш — Баяндай бір молада өлсек-ау» деп, зар — илегім келеді...

Әуелде Эжібектің айтып отыргандары қызық сияқты көрініп еді, артынан ұғынықсыз бір мылжың сөздер боп кетті. Оның үстіне Мәриді мен өзім де жақсы көретін-мін. Сондықтан Эжібектің «Оған елердей ғашық болдым» дегенін іштей ұнатпай да отырдым.

Біраздан кейін үсті-бастары аппақ қар болып Қайрат пен Бәтен келген, екеуінің айтқаны: Мәри әуелі бұлардың мектепте апай шақырып жатыр дегендеріне сеніп, үйінен киініп шығыпты, онан соң бұлар Эжібектің үйіне шақыратындарын айтқан кезде, ашуланып: «Алдағандарың үшін мә, сендерге!»- деп, екеуін екі періп қарға оңқа-шоңқа етіпті де, үйіне кетіп қапты.

- Қыздың пергеніце құлап жүрген сен екеуінен түк шықпайды,- деді Эжібек ыза бол.

- Қаланың қызы емес пе, төбелестің әдісін біледі,- деді Қайрат ақталып.

- Жә, ез немелер! — Эжібек төсегіне барып шалқасынан құлай кетті.- Өзегім өртеніп барады... Ух... Не істесем еken?.. Ағатайлар-ай, не істе дейсіндер маған?.. Элде біреуді пышақтап өлтірсем бе еken, а?..

Мұнан әрі Эжібектің өзінің де, сөзінің де мәні жоғын ұғып Санат екеуміз үйлерімізге қайттық.

- Мынау тұра Ырысбектің аузынан түскендей бол

қапты ғой,- деді былай шыққан соң Санат жаңағы Әжібектің қылыштары ішіне сыймай.

- Расында да.

Боран сол ышқына ұлыған сарынынан танбастан құтырына соғып тұр. Ертеңгісінге қарағанда есіре түскендей. «У-у...» Бүкіл дүніне — жер де, көк те ақ түтек. Тірлік атаулының күні осы ақ түтекке қарап қалған сияқты. Енді еш уақыт толастамайтын сияқты. Біздің ауылды біржола жұтып, көміп тастанмай, көнілі көншитін түрі жоқ.

- Атам айтады, өзім ес білген жетпіс жылдың ішінде бұл өнірде биылғыдай қатты қыс болған емес деп,- деді боранға тұншыға сөйлеген Санат бір қырындай жүріп.

- Менің әжем де сөйдейді. Тек мұнданың арты қайырлы болады, жазы жайлыш, астық пен шөп мол болады дейді.

- Менің атам да сөйдейді, молшылық болады дейді. Бәрінен де жауды жеңсек екен,- деді Санат боранға қасқая тұрып айқайлап.

- Соны айтсаңшы!..

Үйлеріміздің тұсына келгенде, екеуміз екі айырылдық.

## ҚАЛЫН ҚАР

Ертеңгісін біреу шашымнан сипап, онан иығымнан қақты, көзімді ашсам, әжем екен.

- Тұра ғой, қарағым, боран басылышты. Қорадағы мал неше күннен бері қамауда тұрып обал болды әбден, соларды далаға шығарып, шөп шаш. Үнемдеп шашпасаң, шөп те азайып барады. Онан соң мына Нұрсұлудың үйіне қарай жол ашишы. Екі күн болды хабарласа алмаға-

нымызға, хәлдері қалай екен, білейік. Есіктерін қарбасып қалған жоқ па екен?!

Сөйдеді де әжем күнделікті ертеңгі тіршілігінің басы — ошақтағы күлге көміп, үстін табамен бастырып қойған қоламтаны ашып, соны үрлей отырып, сабан тұтатып от жағуға кірісті.

Мен ұшып тұрып, тұні бойы салқын тартқан сұық үйде денемді мұздай қарыған киімдерімді тез-тез киіне бастадым. Үйдің іші ала көлеңке. Қалың қырбақ түрған кішкене терезеден ертеңгі жарық бозамықтанып қана түсіп тұр. Кішкене балалар шырт үйқыда жатыр. Әншей-інде әжеммен қатар оянатын Нәзира әпкем де әбден қалжырап шаршағандікі болу керек, тыптыр етер емес, өнің тотыққан, әрі ісіңкі, неше күнгі сұықтың табы білінеді, бұрын менен сәл ғана үлкен сияқты көрінетін балаң кескіні қазір тіптен есейіп кеткендей көрінді.

Сыртқа шығып, әуелі есіктің төңірегіндегі сіріленіп қалған қарды күреп, қорага жол аштым. Қүресіннің үстіне үстеленген бұл жолғы жал қар үйдің төбесімен бірдей болты. Бір көрімі есікті басып қалмай бір жарым метрдей ентелеп кеп жарқабақ боп тоқтаған. Қораның алдын кеңейтіңкіреп қарын ашып, неше күннен бері қамауда түрған қоңыр сиыр мен ешкілерді шығарып, шағындалп-шағындал бір-екі ашадай шөп шаштым.

Тек осы шаруаларды жайлағаннан кейін ғана, көрші Нұрсұлудың үйіне қарай темір күрекпен кертпіштеп ойып, биік жалмен баспалдақтап көтерілетін жол ашып, өзім соның үстіне көтерілгем. Төрт күн соққан боран қарды әбден істелеп сірестіріп-ақ тастапты, қаттылығы сондай, аттылы адам шауып шықса, ойыла қоятын түрі жоқ. Әрі-бері секіріп, тепкілеп көріп едім, тіпті із түсер емес. Қар деп осыны айт! Егер мына қарға Ірыйсбек басымызды төмен қаратып қойып қалар болса, төбеміздің жапырылып қалары анық. Бүкіл ауыл осындаі

сірескен қатты қалың қардың астында қалған. Әдettегі тақтайдай жап-жазық көшелер мен ауыл үйлердің арасына дөңкіп-дөңкіп ақ жалдар тұрған, үйлердің төбелерімен бірдей. Эр тұстан қора төбесіне үйлген шөптер мен жетім баладай сүмірейген мұржалар ғана көрінеді, кейбірінен будақтап тұтін шығып жатыр, тіршіліктің белгісі.

Нұрсұлудың үйінің есігі жартылай ашық түр екен. Қар есікті екі жағынан бірдей үрлеп, істелеп, не ашылмайтын, не жабылмайтында етіп сіреп тастапты, ал ауыз үйдің кіре берісіне әжептеуір жал тұрған. «Есіктерін жабуға да шамалары келмеген-ау» деп, дереу темір құрекпен әлті үйлген қарды көртіп-көртіп ойып, ауыз үйді, естіктің алдығартын тазартып ішкі есікті тартқам, міне, қызық, сыртынан кеспелтек ағашпен мықтап тіреп қойыпты. «Үйлерінде ешкім жоқ, болғаны ма, сонда бұлар таң атпай жатып қайда кетті екен», - деп таңырқап кеспелтекті алып ішке енгем, күңгірт қана жарық түскен, ел көшкендей шағын бөлмеден үрейлі салқын азынап қоя берді. Нұрсұлудың шешесі Бәқиза кемпір екі немересі екі жағында ошақты іргелеп «бүрісіп жатыр екен. Ошаққа кемі бір тәулік от жағылмаған тәрізді. Мен кіргенде, үшеуі де тым-тырыс қозғалмай жатты. Қорқып кеттім. Эуелі:

- Апа! Апа! — деп жайлап дыбыс беріп кердім де еш қыбыр болмаған соң: — Серік!.. Берік!.. - деп Нұрсұлудың екі баласының аттарын айтып, дауыстап жібердім.

- О не?! Біреу шақыра ма?! — деді кемпір оянып.

- Қанат қой, келіп тұрған, - деді Берік, менің келгенімді бақылап ояу жатса керек.

Мен өзімнің үрейлене дауыстағаным ұялып:

- Апа, бұл мен ғой, әжем жіберіп еді, амандықтарыңызды біл деп.

- Э, Қанатпысың, қарағым? — деді кемпір сол қозғал-

маған күйінде жайбарақат үнмен,-Әзірге тіріміз. Мына Серік ауырып қалды. Денесі өртеніп, күйіп-жанып жатыр. Тұні бойы осыны күзетем деп көз ілмен едім.

- Сыртқы есіктеріңіз ашық қапты ғой.

- Кеше іңір кезінде біреу кеп, сырттымыздан бекітіп, ауыз үйге кіргізіп жүрген екі тауығымызды ұстап әкеткен, сол ашып кеткен ғой...

Мына кісінің аттандарап ойбай сап, қиянат жасағандарды қарғап-сілеп шаң-шүң айғаймен болса да ашу-ыза білдірудің орнына бейжай ғана сойлеп, ешбір әрекеткимылсыз бұлай жатқаны маған бұз дүниеден күдер үзгендей боп көрінді.

Үйге кеп жайды әжеме айттым.

- «Жау жағадан алғанда, бөрі етектен» деген осы да,- деді әжем күрсініп.- Қандай үй еді?! Бір кездері саусақтың саласындағы азамат ұлдары у-ду боп жататын шаңырақ еді ғой!..

Онан соң әжем қандай-қандай күн бар алда деп, бізден — балалардан тығып жүрген кебеже түбіндегі ала дорбасынан бір тостаған тары салып алды, күзде сары серкешті сойғанда, соның іш майын шыжғырып кішкене табаққа қатырып алған еді, сол тоң майдың біраз бөлегін және опырып бөліп алды, әлгінде ғана сауып алған қоңыр сиырдың сүтінің жартысын құйып алды да:

- Сен мына қалаққа ошақтан тамызық от салып альп жүр,- деді. Өзі қалталақтай басып алға түсіп, әлгіндегі мен күреп ашқан қылта жолмен Нұрсұлудың үйіне келдік.

Бәқиза кемпір мен кіші немересі Берік екеуі орында-рынан тұрып киініп, үй іштерін жинастырған боп жүр екен. Ашыққандары көрініп түр, екеуі де әлсіреп баяу қимылдайды. Мен қоламтаны ошаққа салып, сырттан бір құшақ сабан кіргізіп от тұтаттым. Эжем шәүтімге су құйып шай қойып, өзі әкелген сүтті пісірді. Үйдің іші

жылынған кезде, әжем Серіктің жастығын көтеріңкіреп, үстіндегі көрпесін жеңілдетті, онан соң тамырын ұстап тындал, сырқаттың бетіне үніле қарап біраз отырды.

- Апыр-ай, Бәқиза-ай, ауруды асқындырып апсың ғой,- деді.

- Е, жарықтығым-ай, менде қазір не ес қалды дейсіз, Өлмеген соң кеуденде жаңың бар, құр сүлде жүреді екенсің де,- деді иегі кемсендеген Бәқиза кемпір жылам-сыраған үнмен,-Кеше сізді шақырып осы баланы көрсетейнші деп, есіктен үш рет шығып үйді айналып адасып, өлдім-талдым жығылып-сүрініп үш рет қайта кірдім. Қарыс жер аттап жүре алмадым. Ақырында, қой, екі ортада адасып боранға ұшып өлсем, мына қос жетімек мұлде сорлап қалар деп қорықтым. Осы үйде тірі жәндік атаулыдан екі тауық қап еді, соның ең болмаса біреуін ұстап мына ауру балаға сорпа жасап беруге де халім келмеді. Үн.. Осыдан боран басылар құн болса, екеуін де Қанатжанға ұстатьп, бауыздатып алармын-ау деп едім, онымызды да құдай көп көрді ме, бұйыртпады ғой.

- Жетімнің аузындағысын жырып жегеннен көгере қоймас, кім де болса,- деді әжем ызалы үнмен.

- Желкесінен шықсын...

Бістық сүтке бір қасықтай май салып, сапырып-сапырып алды да:

- Балам, мына сүттен ұртташи,- деп, Серіктің аузына тосқан. Көзі жасаурап, жағы сопиып, алқымы ісіп кеткен Серік басын көтергісі кеп ұмтыла емінгенімен, сүттен ұрттап іше алмады. Әжем енді ақырындал оның аузына қасықпен тамыза бастады. Мениң таң қалғаным — Серіктің түрінің адам танымастай боп осынша тез өзгеріп кеткені еді. Осыдан біраз құн бұрын әжем: «Кем-кетікке көмектесіп тұру керек, балам, одан қор болмайсын»,—деп жүмсаған соң, мен үйлеріне сабан түсіріп,

қораларында жатқан үлкен бір томарды қиқалақтатып жарып бергенімде, осы Серік шамасының келгенінше маған көмектесіп, мені өзіне кәдімгідей жанашыр тірек тұтып, «Қанат аға» деп соңымнан қалмап еді. Өзі тісеп жүр екен, күлгөн кезінде, екі қасқа тісінің орны кетіліп, түрі сондай сүйкімді, әрі күлкілі бол көрінеді екен.

- Эй, сен өзің тісің түсіп, шал бопсың ғой,- дегем мен әзілдеп. Ол аузын алақанымен қөлегейлей тұрып:

- Жоқ, шал емеспін,- деген басын шайқап.

Сол сүйкімді баланың қазіргі түрі — жағы сопиып қатты жүдеп, адам танымастай бол өзгеріп кетіпті.

Мен қорадан тағы бір құшақ сабан, әнеугұнгі өзім бұтаған ағаштың қалғанын, бес-алты тата тезек кіргізіп бердім де, енді мектепке кететінімді білдіргем.

- Бара, ғой, сабағыңдан қалма,- деді әжем.- Әлгі Нәзираны оятып кет, тұрып анау балаларға қарасын.

Сыртқа шығып өзіміздің үйге таяй бергенімде, жоғарғы жақтан алба-жұлба бол далбақтап жүгіре шыққан Тоштан көрінді. Тоқтай тұр дегендей, маған қолын бұлғайды. Тақап келгенде көрдім, көзі бұлаудай бол қызыарып ісіп кетіпті.

- Қанат, әжеңе айта салшы, менің апатаіым өліп қалды,- деді түйеден түскендей етіп. Мұндаيدа өлімді хабарлағанда, әдетте өте сыпайы әдеппен ғана: «Қайтыс болды», «О дүниеге қайтты» деп жұмсартып айтуға тырысатын, ал мына қыз болса дәл бір мал өліп қалғандай дүңк еткізіп тұр.

- Қашан?

- Кеше боранда маған бой бермей үйден шығып кеткен, мен соңынан киініп шыққанымша, көз жазып қалдым. Содан ары-бері ізделп-іздел ақыры өзім адасып кете жаздал таба алмай қойғам. Өзі қайтып келер деп тұні бойы шамды жағып қойып күттім. Жаңа ертеңгісін суға барған қатындар тұманың басында серейіп өліп

жатқанын көріпті. Қазір соны колхоз бастыққа айтқалы бара жатырмын. Әскер семьясы ғой, көмуге көмектеспесе, мен жалғыз өзім мына қыста қалай көмем.

Мұнан әрі Тоштан далбақтай жүгіріп Байдалы шалдың үйіне қарай кетті.

Мен үйге кіріп Нәзира әпкемді оятып, әжемнің тапсырғанын айтып және Тоштаннын жаңа естігенімді — жынды Бұбітайдың боранға ұшып өлгенін хабарладым. Көзі бажырайып қалған әпкем:

- Ойпырмай, Қарақаншық шынымен киелі ит екен-  
ау! — деді ішегін тартып.

Мектепке келсем, неше күнгі борандың шыға алмай әбден іш құса болған балалардың кейбіреулері алысып-жұлысып ойнап, кейбіреулері осы күндерде ауылда болған өзгеріс-жаңалықтар мен өсек-аяндарды бірінен-бірі асыра соғып, гөй-төйттесіп отыр екен, соның арасында Бұбітайдың боранға ұшып өлгенін де, Нұрсұлудың үлкен ұлы Серіктің қатты ауырып жатқанын да және оның жұпар деген жұқпалы жаман ауру екенін де, біреулердің кеше інірде Нұрсұлудың шешесі мен балаларын сыртынан бекітіп тастап ауыз үйлеріндегі екі тауығын үрлап әкеткенін де жіпке тізгендегі ғып айтысып отыр екен. Менің таңғалғаным осыдан бірер сағат бұрын ғана өзім үйлерінің алдын тазалап күреп, сыртынан кеспелтек ағашпен тіреп бекітіп кеткен есіктерін өз қолыммен ашқан Нұрсұлудың үйіндегі жағдайды мұндағылардың менен жақсы біліп отырғандығы. Мәселен, мен Серіктің қатты ауырып жатқанын көзіммен көргенмен, оның қандай сырқат екенін білгем жоқ, ал бұлар оның жұпар деген жұқпалы жаман ауру екенін айтып отыр. Иә, ауылдың сымсыз телефоны керемет еді.

- Бұрын біздің ауылда суыртпақ жіп жоғалмаушы еді,-  
дейді апам,- мына соғыс кезінде әр жақтан көшіп

келгендер көбейді де, ұрлық-қарлық шыға бастады,- дейді.

- Иә, менің атам да сөйдейді. Әсіресе шешендер ұры дейді.

- Эй, сен не сөйлеп тұрсың?! — деді осы сәт Бәкке деген шешеннің баласы ұшып тұрып.

- Шешендер — мұсылман, ұрлық жасамайды.

- Па, шіркін, ұрлықты жасағанда солар жасасын,- деді бағанадан үнсіз отырған Санат.

- Сен немене, шешендердің ұрлығын көріп пе ен?

- Көргем. Жалғыз мен емес, бүкіл ауыл көрген. Осыдан екі ай бұрын Қадауқара кемпірдің қара қойын ұрлап сойып алған шешен емей кім еді? Абдраман шешен емес пе еді?

Бәкке даусы бәсеке:

- Ой, ол Абдраман — оңбаған. Ол Кавказда жүргенде де ұры болатың,- деді.- Обал жоқ өзіне де, комендант айдақ әкетті ғой.

- Сол Абдраман да ылғи мен — мұсылман деп момақансып отыратын,- деді Отто деген неміс баласы да шыдай алмай.

- Ей, сен тыныш отыр,- деді Бәкке оны адам ғұрлы көрмей,- сен неміске не жоқ-ей?

- Мен советтің немісімін. Экем — коммунист.

- Бәрібір неміссің.

- Тарт тілінді, әйтпесе көресің!

- Кім кімге көрсетер екен-ей! Кәне! — деп Бәкке тағы да ұшып тұрған.

- Сен қожыранდамай тыныш отыр енді! — деді Санат оған алара қарап, Санаттың мінезі белгілі, ашууланса кімінді болса да қағып жібереді.

- Өзі неге тиіседі.

- Ол саған тиіскен жоқ. Абдраман туралы айтты, оған

қай қимаң қышып барады. Немене, оның ұры екені өтірік пе?

- Рас.

- Ендеше, тиыш отыр.

Осы кезде Әніпа апайымыз келіп сабақ бастады. Бірінші сабақ қазақ тілі еді. Үйге берілген тапсырмаларды әрқайсымыздан сұрап көрген, бірен-саранымыз болмаса көбіміз сартылдаپ тұрмыз. Неше күнгі борандада жалғыз мен емес, балалардың талайы-ақ сабақты судыратып жаттап апты. Сын есімге мысал ретінде апай Абайдың «Күз» деген өлеңін жазып берген болатын, сол өлеңді бірімізден кейін біріміз мәнерлеп айттып шығып ішіндегі сын есімдерін атап береміз.

Сұр бұлт түсі суық қаптайды аспан,

Күз болып дымқыл тұман жерді басқан...

Өлеңді оқыған кезде әрқайсымыз-ақ көз алдымызға өзіміздің ауылдың күзін елестеткендей боламыз: күзгі сарғайған ойлы-қырқалы тұңжыраған даға, шөп атаулы қураған, ауа сызды, ызындаған салқын желемік бар; бүкіл аспан реңсіз, кір-кір шүберекпен тұттып тастаған сияқты, зілдей-зілдей сұр бұлттар тұтасып-тұтасып кеп Ешкіөлместің төбесіне сіресе қаптап тұр, төменгі тұғыл жақтан сумандап жылжыған соқыр тұман сай-саланы қуалап деміне дымқыл бүркіп, дағаны жым-жылас қып жұтып алардай боп келеді... Эр бала оқыған сайын осы тәріздес суреттер келеді көз алдымызға.

Біз бір класта жеті қазақ баласы, екі орыс, екі неміс, бір шешен, бір татар — бес ұлттың балалары оқитынбыз, бәрі де соғыс басталғаннан бері жаңадан көшіп келгендердің балалары. Келген кездерінде бір ауыз қазақша білмейтін балалар, бірер жылдан кейін-ақ өзімізді сөзден жаңылдыратындаі боп сайрап шыға келетін. Ауылымыз — қазақ ауылы, сондықтан

күнделікті тірліктің бәрі қазақша: ойын қазақша, мектептегі оқу қазақша -демек, қазақ тілі — бүкіл ауылға ортақ тіл. Және қазақ тілі үйренуге оңай тіл сияқты. Мысалы, Отто көшіп келген соң үш күннен кейін көшеде өзімізben бірге «тұлкі-тазы» ойнап, қазақша айтқанымыздың бәрін айны-қатесіз түсініп, ойын үстінде біздің сұрақтарымызға «бар, жоқ» деп жауап қайтарып, лезде тобымызға қосылып кетті. Орыс баласы Петке мен шешен баласы Бәкке де солай болды. Ала жаздай өзімізben қосылып ойнап жүрді де күзде, мектепке қазақ кластарына кеп өзімізben бірге партага отырды. Мұқан ағай әуелде: «Әй, бұл балаларға қыын болды-ау», - деп, біраз абыржыған, артынан әлгі балалардың оқуға деген ынталасын көріп: «Ойпыр-ай, мына балалар зерек екен», - деп сүйсіне мақтаған. Сөйтіп, әліппені бірге үйреніп, хатты бірге таныған балалар біртіндеп қайсымыздың қай ұлт екенімізді де еске алышп, сөз етіп көрген емеспіз. Қазақ тілінде боктағанда» әсер етпейді, басқа тілдегі боктық сөздерді бірге жаттаймыз, тіпті төбелессек те қазақша төбелесіп, қазақша боктасамыз, басқа тілде боктасаң қазақ тілінде боктағандай әсер етпейді, басқа тілдегі боктау шымбайыңа батып, жанынды ауыртпайды, ал қазақ тілінде боктаса шырқыраған жанынды қоярға жер таппайсың... Қысқасы, бүгінде Петке де, Отто да, Бәкке де майданға хат жазғанда өзімізден кем түспейтін, қазақша мақал-мәтеліне де, қара сөз бен өлең сөзіне де желдей есіп тұрғандар. Ал кейбір балалар бұлардай емес, тілге әлі де болса шорқақ болатын. Көптеген сөздердің мағынасына түсіне алмай, дұрыс айта алмай қиналатын кездері бар. Соңдай балалардың бірі Бели еді. Өзі мінезі аңқылдақ, айтқанынды тез үйрене қойғысы кеп туратын елгезек-ақ бала. Бірақ ылғи құлкіге қап жүреді.

Бүгін де сол Бели даусы санқылдан:

Сур булт түсі сүйк қаптайді аспан,

Куз болып тынкыл туман жерды баскан... –  
деп бастай жөнелгенде, бүкіл класс болып күлкіге  
баттық та қалдық. Байқаймыз, Энипа апайдың да өндіне  
күлкі ойнап шыға келген бір езуі сәл қисайды да, бірақ  
күлмеуге, сыр алдырмауға тырысып, қабағын сәл шытыг-  
нғансып барлығымызға қойындар, күлмендер дегендей  
сыздана қарап, қолмен ишарат етіп Белиді тоқтатты да:

- Сөздерді дұрыстап айтып, қайтадан оқы,- деді.

Біздің күлгенімізге де, апайдың тоқтатқанына да  
қынған, қымтырылған Бели жоқ, асқақ үнмен саңқылдан  
қайтадан оқи бастаған, тағы да: «Тынкыл туман» деген  
тұста осы сөздің айтылуын күттіп іштей тынып отырған  
бүкіл класс қайтадан ду күлді, апай Белиді қайталай  
тоқтатты да біздерге:

- Сендер неменеге күлесіндер? — деді реніш үнмен.

- Өздерің немісше бір ауыз сөз білесіндер ме?!  
Білмейсіндер. Ал Бели болса қазақ тілін аз уақыттың  
ішінде-ақ үйреніп алды. Бірді-жарым түсінбеген сөзін  
дұрыс айта алмаса, оған құлуге болмайды,- деді де, онан  
соң Белиге қайтадан бұрылды: — «Тынкыл туман» емес,  
«дымқыл тұман», кәне, маған ілесе қайталашы: «дымқыл  
тұман» деп.

- «Тымқыл туман».

- Міне, енді дұрыс айттың. Өзің «дымқыл тұманның»  
қандай тұман екенін түсінесің бе?

- Білмеймін,- деп, Бели шынын айтты.

- Орысша «сырой туман».

Бели апайдың орысша айтқанына да түсіне қоймаған  
сияқты.

- «Дымқыл», «сырой» деген сөздің немісше қалай  
екенін білесің бе? — деп сұраған апай, Бели үндерген жоқ.

- Штауб, сен білесің бе? — деп апай енді неміс балала-  
рының ішіндегі тілге зерек пысығы Ottoға бұрылған.  
Бұл да:

- Ол әлгі не еді?.. Қалай еді?.. - деп, «дымқыл» деген сөздің немісшесін таба алмай біреке қабағын түйіп, біреке көзін сүзіп ойланып әбігер болды да қалды. Энипа апай енді портфеліне салып жүретін көп кітаптарының қалыңдау біреуін ақтарыстырып әуелі еріндері жыбырлап өзі іштей оқып алды да, онан дауыстап:

- Фейштер,- деді.
- Иә, солай,- деді Отто да көзі бағжаң етіп.
- «Дымқыл» деген сөз «Фейштер», ал «тұман» — «нейбл» деп аударылады екен. Сонда «дымқыл тұман» — «Фейштер нейбл» деген сөз екен. Солай ма, Отто?

- Солай шығар,- деді Отто.- Апай, сіз неміске білесіз бе?

Энипа апай оның сөзін естімегендей елеусіз қалдырды да, Белиге қарап:

- Енді түсіндің бе? — деп сұраған.
- Түсіндім,- деді Бели басын изеп.
- Кәне, онда өлеңді қайтадан оқы. «Дымқыл тұман» деп анықтап айт.

Осы кезде есік қағылып, сырттан басын сұққан Бектай есепші Энипа апайды шақырды. Есік көзіндегі екеуінің сөздері бізге үзік-үзік бол жөнді естілмейді; «колхоз бастық... қабір қазу... қар күреу... Санат... Бәтен... Қанат... Бәкке... Отто... Петке...»

Энипа апай ішке қайта кірді де, жаңағы Бектай есепші аттарымызды атаған алтауымызды сабақтан босатты.

- Тас қойманың төнірегін қардан тазалайсындар,- деді.

Бектай есепші сыртта көк құнанына мініп ап, біздің шығуымызды асыға күтіп тұр екен.

- Бассандаршы аяқтарынды, керікпей,- деді әмірлі унмен, Өзі бізден үш-төрт-ақ жас үлкен, бірақ өзін үлкен адамдай салмақты ұстайды. Қысқаша айтқаны: тас

қойманы қардан аршып, молотилкаға астық беріп жүрген Көлбай керең мен төрт-бес шалды бүгінше Бұбітайға қабір қазуға жіберіпті, сондықтан қүрек ұстаяға жарайтын ересек деген біз алтауымыз бүгінше сол шалдардың орнын баса тұруға тиіспіз, тас қойманың төнірегін қардан аршуымыз керек, әйтпесе астық бастыру тоқтап қалуы мүмкін. Колхоз екі күн ішінде станцияға тағы да төрт шана астық жіберуі керек, ал ол майданға жіберілетін астық, жауды түре қуып бара жатқан қаһарман қызыл әскердің, майданда қан кешіп жүрген экелеріміз бен агаларымыздың азығы. Иә, Бектай есепші айтса осылай айтады, жай ғана анау жұмысты істе деп бүйірып жұмсамайды, ол жұмысты істеуге міндетті екенінді, өйткені ол жауды жену үшін қажет екенін есіце салып шегелеп айтады. Ал жауды жену жолындағы жұмыстан кім бас тартсын, тіпті қандай қыын», қандай ауыр болса да бір ауыз сөз қайтармасстан барасың. Жауды жену үшін, женіс үшін ештеңеден аянар жай жоқ.

---

Тас қоймада молотилкаға астық бастырып бес-алты әйел жүр екен, баяғы апаммен бірге Ырысбекті қорқытатын Бәтиқа, Қалипа, Сәруелерді көргенде, көзіме оттай басылып, апам есіме түсіп, — ет жүрегім езіліп кеткендей болды. Байқатпауға тырысып ұрланып үшеуіне кезек-кезек қарай берем, үшеуінің бойынан да апама ұқсас қасиеттер тапқандай болам: көздеріне дейін түсіре орамал тартқандары, белдерін мықтап орап шыт белбемен байлап алғандары, астық бауларын ашамен іліп аплақтырған сәттегі кіртиген қабактары, сұыққа тотықкан жүздері, кезере жарылған еріндері апамның тұртұлғасын айна-қатесіз есіме түсіреді. Бәрінің де әбден

титықтап шаршағандары көрініп тұр. «Ух!» десіп тыныс ап, бір бел жазғандарында:

- Қанатай, халің жақсы ма? — деп сұраған Сәруе.

Осы бір ауыз ғана сөз маған апамның: «Қарағым-ай!» деп, маңдайымнан сипағанындағы әсер етті.

- Жақсы.

- Эжең қалай, ауырмай ма?

- Екі-үш күндей ауырып қап еді, бүгін тәуір.

- Кішкене балалар қалай?

- Жақсы.

Мұнан әрі әйелдер өзара сөйлесіп кетті.

- Бағила марқұм Қанатымның өр жеткенін көрсем деп отырушы еді.

- Е, байғұс-ай, арманда кетті ғой.

Әлдеқайдан сап етіп жетіп келген Бектай есепші:

- Эй, қар күремей неғып тұрсындар енді?! Немене, мен сендерді кәмесия болындар деп шақырды дейсіндер ме?! Шіреніп тұрыстарын! Дабай, кірісіндер қар күреуге!

Біз әлгінде келген алты бала Бектай есепші көрсеткен тұстан қар күреуге кірістік.

Қойма іргесіне сірескен қардың қаттылығы ақ кіріштей екен, үшеуміз темір күрекпен әлгі біркелкі кірпіштей боп ойылған қарды лақтыра бастадық. Ауыр да емес, бірақ онша жеңіл де емес. Әсіреле лақтырған адам тез шаршайды екен. Сондықтан алтауымыз жиі-жіі орын ауыстырып, кезектесіп тұрдық. Әуелі жұз кірпіш қардан санап лақтырып кезектессек, біраздан соң сексен-нен, онан алпыстан, ақыры елу күректен кейін алмастын болдық. Сөйтіп, тұске қарай белгілеп берген жердің қарын тазалап бітіргенімізде, әйелдер:

- Ой, бәрекелді, мына балалар мына араны тіпті лездे тазартып таstadtы ғой.

- Баланың істегені көрінуші ме еді?

- Жігіт болғандары ғой айналайындардың, өркендерің өссін,- десіп, кеү-кеулемесіп мақтай жөнелді.

Осы мезетте Байдалы шал да келе қалар ма, біздің ісімізді көріп ол да риза боп жатыр.

- Жарайсындар! — деп қойды,- Е, өстіп бір ауық ішкен тاماқтарыңды ақтап тұрсандашы. Қызталак, бұлардай күнімізде өзіміз мына Ешкіөлместің қарын қолмен аршып, ала қыстай ма бағып шығатынбыз.

- Ата, ол кезде сіздің қатыныңыз бар ма еді? — деп сұрады Санат.

- Бар болатын.

- Ал біздің қатынымыз жоқ,- деді Петке.

- Қызталак, сендер қатын алмақ түгілі, алдымен анау мұрындарыңың боғын сүртіп алсаңдаршы,- деді Байдалы шал бүгінгі туған балаларды кемсіте сөйлейтін дағдысына басып.

- Сіз құсап күнде ет жесек, біз де қатын алар ек, — деді Бәкке.

- Сендердің ауыздарыңнан ақ май ағызып қойса да түк шықпайды,- деді шақшасын алып аузына насыбайдан атып үрған Байдалы шал астынғы ернін бұлтитып сақаулана тұрып.

- Отағасы-ау, әлгі Бұбітайды қашан жерлейтін болдыңыздар? — деп сұраған молотилкада жүрген әйелдердің бірі.- Бірге өскен замандас ек, ең болмаса сүйегін шығарарда қоштасып қаладық.

- Мілмеймін,- деді Байдалы шал сол сақауланған қалпында қабағын шытып.- Қабылы дайын болмай жатыл. Жел қала, күн дылыда өлмей, көлмейсіндел ме, мынау кісінің бойымен білдей қал жауған қақаған қыста өлгөнін... - аузындағы насыбайын шығарып тастанды да:

- Эй, Қанат, ұмытып барады екем, анау сүйменді қабір қазып жатқандарға апарып берші! — деді маған.-

Әлгі Көлбай керенғе айт, бүгін кешкे дейін қалайда бітірсін деді де.

- Мақұл.

- Айтпақшы, әлгі Нәзира неғып үйден шықпай қалған? Өзі станциядан үсімей-тоңбай, аман-сау келіп пе еді?

- Келген.

- Келсе, мен айтты де, трактордың оқуына баруға дайындалсын. Бұрсігүні екеуін Мытысқа өзім жеткізіп салам. Бар енді.

Мен осындағы мұздакты ойып жүрген сүйменді алып, ауылдың теріскейіндегі бейіт басында қабір қазып жатқандарға кеттім. Қатты қардың үстінде сырғанап қойып жүріп келем, кейбір беті тақтайдай тегіс жерлерге келгенде шыдай алмай сүйменнің ұшымен сзызып-сзызып қардың бетіне атымды жазам, немесе бес жұлдыз салам, онан қардың қалыңдығын өлшейін деп сүйменді бойлата қадап көрем, сүймен түгелдей бойлай қоймайды, бірақ жерге де жетпейді.

- Эй, Қанат! — деді Байдалы шал соңымнан дауыстап, қамшысын безеп тұр еken, ойнамай, сүйменді тез жеткіз дегені.

Сүймен әлкелгеніmdі көріп, қабір қазушылар да қуаныш қалды.

- Ой, жақсы болды-ау, әйтпесе мына жерге күрек батпай жатыр еді,- деп, Көлбай керең сінбірініп тастап, сүйменге жабысты. Қабірді ала қыстай қырман басында жүретін төрт-бес шал мен шешеннің екі жігіті Махмұд пен Докку қазып жатыр еken. Тоң болып қатып қалған жердің аса қыындықпен қазылыш жатқаны көрініп тұр, қабіршілердің бері де қара терге тускен, үсті-бастары топырақ-топырақ, үшкір темір күрекпен келі түйгендей бар құшін салып гүрсілдетіп ояды да, екіншілері қазылған жерге секіріп түсে қалып, топырақты сыртқа қарай

лақтырады. Қабірдің төңірегінен үй орнындај жердің қары аршылыпты, әлгі жерге түсіп өлшеп көріп едім, қардың қалыңдығы менің бойыммен бірдей екен, ал қабірдің терендігі белуардан боп қапты. Мен Көлбай керенің құлағына тақалып айқайлап, Байдалы шалдың тапсырмасын, қабірді қалайда бүгін бітіретін болсын дегенін айтқам.

- Немене, бізді ол трактор дей ме?! Мына қатып қалған жерге оның әмірі журмейді,- деді Көлбай керен жай сөйлеп.- Айта бар, асықса өзі келіп қазсын.

Мұнан әрі қабіршілер өз сөздерін жалғап кетті.

- Мұсылман заңында қабір қазғанның сауабы тиеді,- деді шалдардың бірі Нұсіп.

- Біздің шешенде де солай,- деді Махмұд.

- Эй, Махмұд! — деді Нұсіп кенет қызына сөйлеп,- осы сендер, шешендер, мұсылманшылық дегенде ішken астарыңды жерге қоясындар. Оларың дүрыс делік, ал енді сөйте тұра белдеріңе сапы байланып, қит етсе жарып тастаймын деп тұратындарың қалай? Соларың қай мұсылманшылыққа жатады? Құранда ғой, біреуге иненің жасуындаі қиянат жасау күнәға саналады...

Махмұд қалай жауап қайырарын білмей тосылып қалған. Осы сәтті пайдаланып Нұсіп шал ойындағы тағы бір қудігін айттып салды:

- Мұсылман діні ғой ұрлықты да кешірілмес үлкен күнә дейді. Ал енді мен басқа жақтағы шешендердің қандай екенін білмеймін, біздің ауылға келгендерінің ішінара ұрлық жасайтыны қалай?

Қазақша нашар түсінетін Докку шешенше Махмудқа бірдене деген, сірә, Нұсіп шалдың не айтып тұрғанын сұраған болу керек, Махмұд оған шешеншелеп айтып берді. Докку көзі жарқ етіп Нұсіп шалға бурылды да:

- Мен өлтіреді... өлтіреді... - деп тісін шықырлатып

әрі қарай қазақша айта алмағандарын шешеншелеп кетті. Оны Махмұд дереу қазақшаға аударған.

- Докку айтады, ондай үрлар мұсылман емес, оларды аямау керек дейді. Егер әлгі немересі қатты ауырып жатқан кемпірдің екі тауығын ұrlаған шешен болса, онда оны өзім жарып өлтірем әлі,- деп тұр.

- Эне, қит етсе, екі сөздеріңің бірі жарып өлтірем. Оу, екі тауық үшін адам өлтірсек, сонда адамның құнының не болғаны?

Махмұд Нұсіп шалдың бұл айтқандарын да аударған, Докку күліп жіберді, аппақ тістері жарқырап, сығырая қарайтын көзі құлімдеген кезде, мұлдем жұмылып кетеді еken. Екі алақанын жайып Нұсіп шалға:

- Ху дичь баһа дұс?..- деді. Махмұд та күліп жіберді.

- Енді қайт дейсің маған. Қалай етсем жағам,- дейді.

Бұл дау-шардан бейхабар, бағанадан жер ойып тұрған керең Көлбай екі самайынан айғыз-айғыз тер ағып, қолындағы сүйменін Нұсіп шалға ұстартты да:

- Осы сен шал не сөйлей бересің аузың жыбырлап?! Мә, жұмыс істе,- деді, онан соң маған бұрыльып: — Сен неғып тұрсың енді мұнда? Немене, көр қазу да қызық боп па? Айда, қайт! — деді жекіріп.

Тас қоймаға қайтып кеп балаларға қосылып, тағы біраз қар күредік, онан әйелдерге жәрдемдесіп қойманың түктір жағындағы астық бауларын молотилкаға қарай тасыстық. Біраз қара терге түсіп титықтап-ақ қалдық.

- Ой, айналып кетейіндер, үлкен жігіт болындар! Рақмет! Енді қайтындар үйлеріне, қарындарың да ашқан шығар,- деді әйелдер.

Сөйтіп, мектепте қоңырау соғылып, Әнипа апай бастаған біздің кластың балалары сабақтан тараған кезде; біз де тас қоймадан шығып, үйді-үйімізге тараған едік.

Үйге жақындаій бергенде, жүргегім сазып, басым айна-

лып, көзім қарауытқандай боп кетті. Қарнымның ашқанын енді ғана білдім. Есік алдына жеткенімде, сұтке піскен кеспе көженің іісі аңқып сала берді. Нәзира әпкем анда-санда бір күн, жарым күн үйде болғанында, ылғи өстіп сүт қатып кеспе көже жасайтын. Үйге кірген бойда, шешінуге де мұршам келмestен, жер үстелді шынтақтай жамбастап отыра кеттім:

- Эпке, қарның ашты,- дедім анда-санда көнілді кездерінде оған еркелейтін әдетіммен.

- Қарның ашса, қазір тойғызамыз,- деді ол да мені еркелетіп.- Естідім, бүгін сен тас қоймада қар күресіп жұмыс істепсің. Молодец!

Бал татыған кеспе көжені асыға-аптыға іше бастадым.

- Жә, біреу қуып келе жатқан жоқ қой, асықпай іш, шашалып қаласың,- деген әпкем. Оған жауап қайырып сөйлеуге мұршам болмады, кеспені онан әрмен аптығып сораптаймын. Нәзира әпкем менің көже ішкеніме қарап күлімсіреп қойып отыр. Енді байқадым, жуынып-шайынып, шашын қақ жара жылтырата тарап, сандық түбінде жататын қызыл көйлегін киіп, тіптен әдеміленіп кетіпти.

- Тойға баратындаидай боп отырысың ғой, әлде біреу келетін бе еді? — деп сұрағам. Әпкем ыңғайсыздана қызарактады да:

- Жай, бүгін үйде болған соң кигенім ғой.- деді.- Тракторшы болсам кие алам ба, жоқ па, кім біледі.

- Ә, енді түсіндім. Ұмытып барады, екем, Байдалы шал Манар екеуінді бүрсігүні Мытысқа өзі алыш барып салам, дайындала берсін деді.

- Өзім де соған дайындалып жатырмын ғой.

- Мен артыңнан ізделп барам.

- Кел. Сенен басқа мені ізделп келетін кімім бар енді.

- Келем, Мытысты көріп қайтам,- деп қойдым.- Әжем әлі Нұрсұлудың үйінде ме?

- Иә. Бағана бір келіп кеткен. Серік ауырлап жатқан көрінеді.

---

Терезе қағылған, қырауы еріген әйнектің арғы жағынан танауы жәпірейіп, ыржиган Бәтен тез шық дегендей белгі беріп тұр. Көжемнің ақырын апыл-тұптыл ішे сап жүгіре шықтым, ауылдың түстік жағында жарқабақта көшкіннен шанамен секіріп сырғанақ ойнайтыныбыз, соған асықтырып тұрган болар деп ойлагам. Олай болмады.

- Сені тез Әжібек шақырып жатыр,- деді.

- Жайшылық па?

- Қайдан жайшылық болсын. Аққала саламыз дейді.

Міне, мен күрек алдыым, сен де бірдене ал қолыңда.

- Бара көрерміз.

Біз келгенде, Әжібектің үйінің алдында ауылдың біраз балалары дестелеп қар ойып, оны тегістеу жерге әдемілеп қаластырып, қызу іске кірісіп те кетіпті. Ақ қардан қаланған төрт бұрышты екі үйшіктің биіктігі кісінің бойындаі бол көтеріліп қапты, кіретін есіктері, кішкене терезелеріне дейін бар. Әжібектің өзі тонын шешіп тастаған, кір-кір шолақ жен қеудешесімен ғана қызыра тершіп, қолындағы бір жапырақ қағазға қарап қойып, қарды қандай етіп ою керек, оны қалай қалау керектігін айттып, қызыл танау боп бәрін өзі басқарып жүр. Бізді көре сап:

- Эй, сен екеуің немене-ей, сонша керіліп-созылып, бассандаршы аяқтарынды! — деді жекіре дауыстап.- Бәтен, сен анау қатты қарды ұзынша-ұзынша етіп... міне, ұзындығы мынадай болсын, өлшеп ал, ойып әкелетін бол, тәбесін көтереміз, ал сен, Қанат, ананың үстіне шығып біз әперген қарды қалайсың. Мына екі үйшікті

биік мұнара етіп қалаймыз да, онан соң араларын былай қосқан кезімізде, міне, мына суреттегідей қақпа болуы керек... - деп, ұстап жүрген қағазын көрсеткен. Қолмен сызылған қос мұнара біздің окулығымыздағы қала суреттеріне ұқсас жасалыпты.

- Қақпалы қос мұнарадан кейін, мынадай ақ сарай қалаймыз. Өстіп шетінен жалғастырып күнделікті сала береміз. Бір кітаптан оқығаным бар, сонда ертедегі патшалар қыс кезінде қатты қардан сәулетті аққала салғызып, соның ішінде сауық-сайран салып, думан құрады екен. Біз ондай үлкен етіп салмасақ та шамамыздың келгенінше жасап көрелік. Ен тегін жатқан қарды сөйтпегендеге не істейміз енді.

Шынында да, мына қағазда сызылғандай етіп жасайтын болсақ, керемет қызық аққала салынады екен.

- Биіктіктері қандай болады? — дедім қызығып.

- Эрине, ауылдың үйлерінен биік болуы тиіс, әйтпесе, оның несі қала.

- Рас та.

- Ал дабай, шық, анау мұнараның үстіне.

Мен іске кіріспес бүрын әлі де анықтай түскім кеп:

- Егер күн жылыса еріп кетпей ме? — деген үлкен бір күдігімізді жасыра алмай.

- Әлі екі айсыз күн жылымайды. Қазір, міне, ақпан ба? Алда қаңтар бар, наурызда да қыс қатты болады. Так што, күн жылып кетеді екен деп қорықпа.

Сөйтіп, болашақ биік мұнараның бірінің үстіне шығып, жердей әперген кірпіш қарларды қалай бастадым. Әжібек мұнараның бірде алдыңғы жағынан, бірде арт жағынан, кейде ішіне кіріп қадағалап, әр кірпішті қалай қалауым керек екенін айтып, нұсқау беріп жүр. Сәлден кейін мұнара Әжібектің үйінен асып биіктеді, жан-жағыма қарап едім, ауыл үйлерінің төбелері көрі-

нетіндегі бопты, төмен қарасам кәдімгідей басым айналатын сияқты.

- Осы биіктігі жетпей ме? — дегем мен.
- Өй, сен өзің немене, қорқып тұрсың ба?! — деді Эжібек кіжініп.
- Жоқ.

- Онда қалай бер, мен айтқандай ғып. Әлі де бір метрдей көтеріп көрейік. Ертең салып болған соң, әлі Аққаламызды көруге бүкіл ауыл жиналады ғой. Қыздар да келеді. Мәри бірінші боп жүгіріп келер. Соңда — мұнарамыз осы ауылдағы үйлердің бәрінен биік көрініп тұратын болсын.

Биіктеген сайын мұнараның қар қабырғаларында тұрып қалау қындағы бастиды, оның үстіне мен жылжып қозғалған кезде, селкілдейтін сияқты. «Әй, осы қабырғамы мен қоса гұрс етіп құлап түспесем не қылсын», — деп, іштей қорқақтап қоям, бірақ онымды Эжібекке айтуға және намыстанам. Эжібек болса жерде тұрып:

- Маладес, Қанат, маладес! Сенен амандық болса мықты құрылышы шығады еken,- деп лепірте мақтап қояды.- Мә, мынаны анау жерге қала. Ештеңе етпейді, селкілдегенінен қорықпа. Қар бір күннен кейін-ақ өзара жымдастып мұз боп қатып қалады. Мә, енді мына...

Ол мұнараның іш жағынан кеп, көтеріп берген қар кірпішті еңкейіп ала берем дегендे, бағанадан селкілдеп тұрған қабырға ішке қарай жапырыла құлап тұсті, үстінде тұрған мен де онқа-шонқа болдым, бір көрімі, мен үстінен құладым, тек аяғым ғана бастырылды, ал Эжібек әлгі ішке қарай жалп еткен торт қабырғаның астында қалды.

- Ойбай-й!..- деуге шамасы келді.

Жан-жақта қар ойып жүрген балалар шуылдастып жүгіріп жетті. Сүйрелеп жүріп мені шығарып алды. Эжібектен із-тұз жок, үйліп қалған қар кесектерінің қай

тұсында қалды, тірі ме, жоқ па? Еш дыбыс білінбейді. Жаңа ғана барлығымызға жарлық жасап жүрген Әжібекі мізді қалың қар зым-зия жүтты да қойды. Зәреміз ұшып қорыққандікі болу керек, есіміз шығып, тым-тырақай бет-бетімізben қаша жөнеліппіз. Және үлкендерге айтып, Әжібекті құтқару біріміздің ойымызға келменті. Көрші үйлердің, қоралардың тасасына барып тығыла тұрып, үйілген қарға сығалай қараймыз. Жоқ, тырс еткен сыйыс та, бұлк еткен қыбыр да білінбейді. Біраздан кейін бала-лардың бірі:

- Әжібек өліп қалды,- деді. Сол солғақ екен, бәріміз жан-жақтан бір ауыздан:

- Тұншығып өлді!

- Қар басып өлді! — дестік бір-бірімізге.

Көзіміз жасаурап, иегіміз дірілдеп, енді Әжібекті жоқтап, еңіреп жылауга ынғайлана бастағанбыз. Осы кезде тұсымымыздан өтіп бара жатқан, бірі торы жорғаға, бірі көк құнанға мінген Байдалы шал мен Бектай біздің мына тұрысымыздан секем алған болу керек, аттарының басын бұрды.

- Әй, неғып үрпісіп тұрсындар?! — деген Байдалы шал.

- Әжібек өліп қалды,- деп шу ете түстік.

- А! Не дейді? Қайда? — деді екеуі бірдей шошынып.

Әнеу жерде қардың астында қалды.

- Әй, Бектай, жүрші, мыналар не деп тұр өзі.

Біз болған оқиғаны жарыса айтып, әлгі құлап жатқан мұнарамызға бастап келдік. Бектай атынан секіріп тұсіп, қолына күрек ала сап, әлгі үйіліп жатқан қар кесектерін бір шетінен күреп лақтыруға кірісті. Жүрек тоқтатқан біз де оған шет жақтардан кеп көмектесе бастадық. Кесек қарды біраз аударғаннан кейін, Әжібектің қолы көрінді. Бектай еңкейіп оның тамырын ұстап, тындалап біраз тұрды да:

- Tip! Тамыры соғып тұр,- деді.

- Е, бұ шақша бас оңайшылықпен өле қояды деп пе едің,- деді ат үстінде бәрін қадағалап тұрған Байдалы шал мырс етіп. Оның да кеңілі орнына түскен сияқты.- Истеп жүрген ісін қарамайсың ба, обал жоқ итке.

Мұнан әрі жан-жақтан қарды жабыла аршып, әнеміне дегенше Эжібекті суырып алдық, есінен танып қапты, бет-аузы көгеріп былқ-сылқ етеді. Бектай кеуде жағын, басқа балалар аяқ жағынан көтерісіп үйіне кіргіздік.

- Қар алып кіріп бет-аузын, қолының бастарын ысқылап жіберіндер,- деді Байдалы шал. Өзі атын тебініп жүріп кетті.

Біз қар алып кіріп, Эжібектің бетін, қолын ысқыла-дық. Қазан астына от жақтық. Үйдің іші жыли бастады. Элден уақытта Эжібек көзін ашты, жан-жағынан төніп тұрған барлығымызға таңырқай қарап басын көтерді.

- Маған не болды? — деді.

- Саған не болсын. Сен о дүниеге барып қайттың,- деді Бектай күліп. Қуанғанымыз сондай, біз балалар да тегіс күліп, шулап қоя бердік.

- О дүние қандай болады екен?

- Әңкір-мұңқірді көрдің бе?

- Ол жақта қар жоқ па екен?

Эжібек бәрімізге алара қарады да:

- Шуламаңдаршы, басым ауырады,- деді әлсіз үнмен.- Қайдағы о дүние? Түк те көргем жоқ. Үйықтадым да ояндым.

Қазан сақырлап қайнай бастаған. — Үйдің ішін тәтті бір будың иісі алып кетті.

- Мына қазанында не бар еді? — деп сұрады Бектай.

- Піскен тауық.

- Ә-ә, дұрыс еке-ен,- деді Бектай даусын соза сөйлеп.

Онан соң қазанға жақын тұрған балаға: — Эй, мынаған бір тостаған сорпа құйып берші,- деді.

Әлгі бала қазанның қақпағын ашқан, тәтті сорпаның іісі мұрнымызды жара жөнелді. Бір тостаған ыстық сорпа ішкеннен кейін Әжібек есін жинап, өз-өзіне келгендей болған.

- Ал енді рақмет бәріңе де, кете берсендер де болады,- деген.

- Жоқ, біз оңайшылықпен кетпейміз,- деді Бектай бұған қадала қараған қүйде қамшысын бұлғақта отырып.- Балалар, сендер де кетпендер. Кәне, Әжібек, шыныңды айтшы, мына тауықты қайдан алдың?

- Өзімнің тауығым.

- Мен білетінде сенде тауық жоқ еді ғой. Сенде тауық жоғын мына балалардың бәрі біледі.

Әжібек бәрімізге айнала бір қарады да, басын төмен тұқыртты.

- Кеше боранда адасып кеп үйге кірген, сонда ұстап алдым.

- Өтірікті соқсан да, қисындырып соқсаншы. Жә, текке бас қатырып қайтеміз,- деді Бектай қамшысын салмақтай отырып зілді үнмен.- Сенің бұл асып жатқаның Нұрсұлудың үйінің тауығы ғой. Біреуі осы, ал екіншісі қайда? Өзің айт. Эйтпесе қазір тінтіп, өзіміз тауып аламыз.

- Ешқандай да Нұрсұлудікі емес, кеше боранда адасып кеткен болу керек, есікті ашқанымда, екі тауық өздері үйге кіріп кетті.

- Екіншісі қайда деймін.

- Ауыз үйде бораның ішінде. Ол тірі.

- Оңбайсың ғой. Отырған жерінде мына қамшының сабы сынғанша сабаса, обалы жоқ адамсың ғой... Санат пен Қанат, сендер анау кастрөлге мына қазандағы тауықты сорпасымен қоса құйып алындар, ал сен. Бәтен,

ауыз үйдегі тауықты ұстап алып жүр, қазір Нұрсұлудың шешесіне апарып береміз.

Біз Бектайдың айтқандарын істедік.

Есіктен шығып бара жатып Бектай қайта бұрыльып:

- Оңбайсың ғой, Әжібек, Осыдан кейін ел бетіне қалай қарайсың?! — деді. Әжібек сол тұқырған қалпында басын көтерген жоқ.

- Танертең станцияға астық тартатындар жүреді, солармен бірге кететін бол! Көзге көрінуші болма, жексүрүн,- деді кікінеле тісін қайрап.

- Жарайды,- деді Әжібек даусы өлеусірей шығып.

Сол күннің ертеңіне ауылдың кәрі-жас еркек кіндік атаулысы тегіс жиналып Бұбітайды жерлеп, зират басынан қайтып келе жатқанымызда, екінші қаралы хабар қарсы шықты алдымыздан, кешеден бері әл үстінде жатқан Серік қайтыс болты. Жұрт сол бойда жұптарын жазбастан, енді «Бауырымдап!» — Нұрсұлудың үйіне қарай дауыс қоя жүгірді. Бұбітайдың өліміне ешкім қабырғасы қайысып онша жылай қоймап еді, тіпті кейбір әйелдер: «Байғұс, қор болыш, көзге күйік бол жүргенінше, өлгені дұрыс болды»,— деген, ал Мына жас баланың өліміне барлығының да ет жүректері елжіреп, дауыс қойып, жылан-сықтап келіп жатыр.

Бәқиза кемпір есінен танып қалған екен, бетіне су бұркіп есін жинатқан, көзін ашып, ірге жақта өні боп-боз бол сұлап жатқан немересін көргенде:

- Серік-ая... Сорлатып кеттің ғой, мені, құлыш-ем... Енди қайттім?! Нұрсұлуға не бетімді айтамын...— деп ах ұрып барып, тағы да талықсып кетті. Осылайша Бәқиза кемпір есін бір жиып, одан қайта талықсып, үнемі қысы-

лумен болды. Ауылдың кемпір-шалы түні бойы Нұрсұлудың үйінде болып, өлікті құзетіп шықты.

Ертеңіне, кешегі Бұбітайдың қабірін қазған жеті-сегіз адам кетпен-күректерін арқалап, тағы да ауылдың теріс-кейіндегі зиратқа қарай шұбап бара жатты.

Қыс ортасы болса да астық бастыру тоқталған жоқ еді. Енді бүкіл ауыл болып молотилкадан шыққан сабанның арасынан шала кеткен масақтарды теруге жұмылды. Бұл жұмысты бастан-аяқ Бектай есепші басқарды. Жұрттың масақ теруге шыққан, шықпағанын есепке алып, ертенді-кеш тас қойманың басында жүреді. Эрбір дән жауға атылған оқ, сондықтан бірде-бір дән далаға кетпеуі керек,-дейді. Эрине, онсыз да бірде-бір дәнді далаға жіберейін деп жүрген ел жоқ. Еркіне салса тас қоймадағы тау-тау бол үйілген сабанды үйді-үйлеріне тартып әкетіп, ескі молотилканың өңешіне шала-шарпы шыққан масақтардың бүтін дәні түгілі жартыкеш дәндеріне дейін қалдырмай қағып алар еді. Бірақ оған рұқсат жоқ. Масақты да бірін қалдырмай өкіметке өткізу керек. Астық бол бастырылып майданға жөнелтілуі тиіс. Мұны окушы бізді қойып, тіпті әлі оқымайтын кішкентай бокмұрындарға дейін біледі.

Тас қойманың төнірегі таң атқаннан күн батқанша жапырлаған қатын-қалаш, кемпір-шал, бықынаған бала-шага. Менің әжем сияқты кемпірлерге дейін белдерін мықтап орап буып алып, «көптің ырысы үшін күрескес» білек сыйана кірісken. Үй-үй болып әр семья құнделікті қанша масақ теріп өткізгендерін айтып мақтанысып, өзара бәсекелесіп те қояды. Бәрінің көнілінде жалғыз тілек, осынау азғантай еңбегіміздің де қанқұйлы жауды женуге себі тие берсе екен дейді.

Біз, мектеп оқушылары, сабақтан соң тамағымызды апыл-тұптыл іше сап, масақ теруге барамыз. Әуелі үлкендермен қатарласа жүріп саудырлаған сабан арасынан

масақ атаулыны қалт жібермей тереміз. Көзіміз де көреген, қолымыз да епті. Эрқайсымыз мойнымызды алғыншыл аттардың күнделіктікінде орындағаннан кейін, масағы теріліп екінші жаққа үйлген сабанның үстінде алысып-жұлдызып ойынға кірісеміз. Жұмсақ сабанның үстінде ойнау қандай рақат! Онқашонқа домалап жатсаң да еш жерің ауырмайды. Шикі сүттің ісіне үқсас сабанның күн сіңген иісі тиңнисынды қытықтап, онан әрмен еліртіп жіберетін сияқты.

- Эй, неғып алысып-жұлдызып кеттіңдер?! — дейді Бектай есепші бастықтығын білдіріп, ақыра дауыстап.

- Нормамызды орындаудың қой, енді қайт дейсін?! — дейміз біз шуылдаса дауыстап.

- Немене, тағы бір дорбадан терсендер артық бол кетеді дейсіндер ме?! Майдан үшін ғой... - дейді Бектай қабағын түйіп.

«Майдан үшін ғой» дегені бізді кәдімгідей мойындастып-ақ тастайды. Амал жоқ, ойыннымызды доғарып, масақ теруге қайта кірісеміз.

Келесі күні сабактан кейін масақ теруге келгенімізде, Бектай бізге жаңа норма белгілеп қойыпты: Мектеп жасындағы әрбір оқушы күніне екі дорбадан теру керек деп. Біз бұл жаңа нормаға шуылдасып қарсылық білдіріп ек, ол міз бақпастан ұлken кісіше қабағын шытына тұрып, бәрімізге жағалай бір қарап өтті де:

- Қазіргі жағдай соны талап етеді,- деді қатқыл үнмен.

Біз, әрине, оның түйіле қалған сүп-суық қабағына қарап, мына айтқанына ләм-мим деп қарсылық білдіре алмадық. «Қазіргі жағдай», «талап» деген сөздер жайшылышта айттыла бермейтін, ал алда-жалда айттыла қалса, ешкімді дегенінен бұлтартпайтын зілді сөздер еді. Және оны Бектай да жай айттып тұрған жоқ қой, артында салар

салмағы болған соң айтады да, түсіндіріп те әлек болмайды. Айтты-бітті, біз орындаға міндеттіміз. Сейтіп, жаңа норма бойынша масақ теруге кірістік. «Әй, осы Бектайдың діні қатты-ау», - дейміз балалар бір-бірі-мізге сыйырлап.

Үшінші күні Бектай тас қойманың ішінен жүзі жайнаң қағып қуанышты шықты да, масақ теріп жүрген жұрттың алдына кеп сүйінші сұрайтын адамша, есеп жазатын блокнотын жоғары көтере тұрып:

- Жолдастар! — деді даусы саңқ етіп.- Ой, аллай, құдды Нұтыман бастық дерсің. Әлгі ауданнан келетін шолақ қол өкіл де жиналыс өткізерінде өстіп: «Жолдастар!» — деп саңқ етіп, жұртты өзіне қаратып алатын. Қазіргі мына Бектай есепші де дәл солар құсан, түр.-«Иә, не айтасың» деп, масақ тергендер оның аузына қарағанбыз.

- Бүгінгі станцияға жіберілетін уш шана астықтың біреуі мына сіздер терген масақтан бастырылған астық,- деп хабарлады Бектай.

Үлкендер жағы:

- Ой, бәрекелді, масақтан терген астық та біраз болады еken ғой,- десіп жатыр да, ал біз балалар жағы:

- Неше күннен бергі бәріміздің тергеніміз сол-ақ па?! Азғантай ғой,- деп шуылдастық.

- Азғантай десендер, уш ат дорбадан теріңдер онда,- деді Бектай бізді сөзімізден ұстап.

- Несі бар, тереміз. Тереміз! — дестік біздер.

Бірақ ет қызыумен уәде беріп, айтуда оңай болғанымен, үш дорба масақ тери іс жүзінде мүмкін емес еken. Молотилка қанша шала бастырды дегенмен, бір құшақ сабанның ішінен екі-үш масақ әзер шығады. Ал бір дорбаны толтыру үшін кемі жарты арбадай сабанды ақтарыстыруың қажет. Уш дорбаны толтыру үшін дүние сабанды аударыстырасың. Біраздан кейін сояу сабан

қолынды тілгілеп, алақанынды тызылдатып ашыта бастайды. Бүкіл ауыл жапырлай терген соң жан қойсын ба, біраз күннен кейін масақ та азаяйын деді. Енді сабақтан шыға сап келіп, еш жаққа мойын бұрмай тергеннің өзінде бір дорбаны әзер толтырамыз. Арлы-берлі аударыстыра-аударыстыра сабанды да ат көпір қобыратып тастандақ. Бір терген жерімізге айналып кеп қайта тінтінеміз. Бір жақсысы, әйтеуір, Бектай ренжі-мейді, дорбаны толтыра алмай жүргенінді айтып қаласын.

- Жарайды, тергеніңше тере берсеңші,- деп қояды. Бірақ сөйті тұра еркіне және жібермейді.- Майдан үшін аянбасаңшы,- дейді.

Аткөпір сабанға белуардан кіріп, қайта тіртінектеп кетеміз. Қобыраған сабанның арасы жұп-жұмсақ, жып-жылды, кейде бір жерге орнығып отырып алғы үңги бергін келеді. Кейде мықшиып отыра бергеннен ішің пысып, алысып-жұлдысып ойнағың келеді. Ондайда улкендердің; «Шаша бермей, бір шетінен жайлап аударыстырындар»,- дегендеріне қарамастан, көзді ала бере сабанды кеулеп ін қазған борсықша үңги жөнелеміз. Бала қашан да бала ғой, сабанды қайсымыз терең үңгіміз деп жарысып ойнай отырып та масақ тереміз. Үңгіген жерімізден қойны-конышымыз топанға тольып, бет-аузымызды шаң қауып, тұншығардай боп кейін шыққанымызда, пысқырынып-түшкірініп өне бойы-мызды инеше қадалып жыбырлатқан қыптық топаннан қышынып әбігерге және түсеміз. Бірақ оның есесіне екі-үш масақ тауып шығар болсақ, одан асқан олжа жоқ. Элгі қуысқа қайтадан сұңгиміз.

Бірер аптадан кейін тас қойманың астық өлшейтін жағынан блокнотын жоғары көтеріп, жүзі жарқын Бектай тағы да құлімсірей шықты, тағы да терілген масақтан станцияға бір шана астық жіберілетінін хабар-

лады. Үлкендер жағы тағы да кеукілдесіп қалды: «Е, сөйтіп, бір дән болса да, әскерге жәрдем ғой», - десті, мандаи терлерінің қақысы қайтқандай дән риза болыш. Біз, балалар: «Неше күннен бергі тергеніміз сол-ақ па, аз ғой?! Аз...» — дейміз.

- Аз десендер, дұрыстап теріндер, - дейді Бектай.

- Аянып жүргеміз жоқ, жанымызды сап теріп жүрміз ғой, - дейміз біз.

- Жандарынды салғандарынды онша көре алмай жүрмін-ау. Ойындарың көп, - дейді ол бар кінені өзімізге аударып, онан соң есіне бірдене түскендей. - Элгі Қанат көрінбейді ғой? Ол қайда? — деп мені сұрап, көзімен іздестіре бастады.

Мен болсам сабанның дүңкігендеу тұсынан үлкендердің көзінен тасалау кеп үңгілеп отырғам. Тереңірек бойлата қуыс жасап ап, ешкім таба алмайтындаи бол тығызып жатпақ едім.

- Қанат, қайда жүрсін, тез бері кел! — деді Бектай бұйырған үнмен. Мен дыбыс бермей қуысына қарай тығыла түскем, «іздең тауып көрсін» деп қоям іштей күліп, ал балалар болса менің қай тұсқа тығылғанымды біле тұра:

- Көрлеміз жоқ, білмейміз, - деседі жасырып.

Іза болған Бектай енді сабанның әрбір қуыстау тұсына барып, бос жатқан сабанды аяғымен ақырындаң тауіп мені іздей бастады. Мен тығызып отырған тұсқа жақындаи бергенінде, екі ортада аяғымен бет-аузымнан тауіп қалар деп, өзім ұшып түрдым.

- Әй, сен бір шақырғанда неге келмейсін? — деді ол жекіп.

- Мына қуыста масақ теріп отырып естімей қалдым, - дедім мен шімірікпестен.

- Отырған жерінде бет-аузындан бір тепкенде, еститін едің. Жүр, маған ер, саған бір тапсырма бар.

Сабанды, одан молотилка тұрған тәбесі жабық қырманды айналып өтіп, тас қойманың астық өлшектін жағына қарай бастай жүрген Бектайдың соңынан ергем. Осы кезде алыс-жұлыс ойыннан өні алабұрта қызарып тершіген Бели менің қасымнан жүгіре өтіп бара жатып:

- Қанат, сен келгенше, мен үңгірінде болайын,- деді.
- Тиіспе, қазір мен өзім қайтып келем,- дедім мен шықалақтап.

Бірақ мені тыңдаған Бели болған жоқ, сірә, бұғынбақ ойнап біреулерден қашып жүрсе керек, жан-жағына жалтақтай қарап жүгіріп кетті.

- Менің үңгіріме жолама, қазір өзім қайтып келемін,- дедім мен оның соңынан қайталай ескертіп. Ол менің ескертпемді естіді ме, жоқ па, білмеймін, қайтып қайрылған жоқ.

- Эй, болсаңшы тез! — деді Бектай да осы мезетте бұрыла зекіп. Мен жүгіре басып оны қуып жеттім.

- Қазір мына тас қойма жақта ешкім жоқта саған бір тапсырма жүктейін деп едім,- деді Бектай енді маған байыппен салмақ сала сөйлеп.- Нұрсұлудың шешесі мен кішкене баласының халінің қандай екенін білесің ғой?

Мен білем дегендей басымды изедім. Ол үйге күнделікті кейде әжем, кейде мен қоңыр сиырдың азғантай сүтінен жарты кеседей шай қатықтық сүт кіргізіп беріп жүрміз. Кемпір де, кішкене немересі де адам аяитындај жүдеу еді. Күнделікті қоректері сол біз берген жарты кесе сүт пен бір уыс қуырған бидай ғана. «Эй, осы сорлылар биыл қыстан шықпай қалады-ға»,- деп қояды әжем аяушылық білдіріп. Міне, Бектайдың қазір «білесің ғой?» дегенінде, «білем» деп тұрғаным сол еді.

- Ендеше, білсен,- деді Бектай сол салмақ сала айтқан сезін жалғап,- сен қазір менің атыма өңгеріп, сол үйге екі пүттай бидайды апарып беріп кел. Эскер семьясына

колхоз берген көмек деп түсіндіріп айт кемпірге. Міне, мынау Нұғыманнның рұқсат қағазы, мына жеріне алдым деп қол қойсын. Ұқтың ба? Кел онда,- деп, Бектай аяғымнан көтеріп өз атына мінгізді де, алдыма орта қап бидайды көтеріп әперді.- Өздерің терген масақтың бидайы ғой. Ептең дымқылдау, кептіріп алар. Онан соң,- деді Бектай қайта ескертіп.-Көшениң ортасымен журмей, мынау шет жақпен бар, Мұнымыз үрлық емес, әрине, бірақ қанқу сөзден аулақ болайық. Ешкім көрмесін. Жұрт дегенді білесің ғой, біреуге көмек бергенінді сезсе, үйінде ішер тамағы бар бол тұрса да: «Ойбай, біз де ашпыз, бізге де көмек беріндер», - деп, қыр соңынан қалмайды. Сондықтан ешкімнің сезбегені дұрыс. Осының өзін майданға жіберетін астықтан әзер деп жырып беріп отырмыз. Бар. Анау қағазға алдым деп қол қойғызыуды ұмытпа.

Осылайша Бектай мені әбден таптап-таптап жолға сап жіберді. Омбылау болса да шет жақпен жүріп барып Нұрсұлудың үйінің тұсына жеткенде, әуелі алдымдағы жарты қап бидайды құресін қардың үстіне домалатып түсіріп, одан соң аттан өзім түсіп, анадағы өзім қүреп тақталап жасаған жолмен қапты сүйретіп үйге кіргіздім.

Бәқиза кемпір мен немересі сол анау жолғыдай пештің туғінде көрпесінің сыртынан ескі киімін жауып, оранып жатыр екен. Менің есіктерін ашып, тарс-тұрс еткізіп зілдей қапты мықшындалап сүйретіп кіргізгенімде де, бастарын көтере қойған жоқ. Үйықтап жатыр ма, әлде...

- Апа! Эй, апа! — дедім үрейлене дауыстап.  
- Қанатпышың? — деді кемпір со қимылсыз жатқан қалпы.

Куанып кеттім. Тірі екен ғой!

- Иә, меммін ғой, апа. Сіздерге әскер семьясы деп

колхоз көмекке астық беріп жіберді, соны әкелдім,- дедім саңқылдай сөйлеп.

Кемпір жайымен қозғалып, басын көтерді. Жұдегені сондай, жағы мұлде суалып, көзі ішіне кіріп шүңірейіп кетіпті. Үйқысырап көзін ашып-жұмып жатқан Берік те қыңқылдай жылап басын көтерген. Кішкене баланың қатты арықтағанын көргенім осы еді, өні қан-сөл жоқ ескі шүберектей боп-боз, бетінде тек бажырайып көзі ғана қалған. Мен қапты үйдің бұрышына сүйеп қоя бердім де, жүгіре шығып ауыз үйден құшақтап сабан алып кіріп, от тұтаттым. Онан соң босағадағы ілулі тұрған кілтті алып, сыртқы қорадан барып екі-үш тезек алып келдім. Лауылдан жанған сабанның үстіне сындырып екі-үш кесек тезек тыққам, темір пеш гү-гү етіп лезде қызып шыға келді. Бойларын жылу шалған соң кемпір де, немересі де үйқылы-ояу күйлерінен айығып, қимыл қозғалыстары ширап, қаптың аузын ашып бидайды көріп, өндөріне тіршілік нышаны ене бастады. Кемпір маған алғысын жаудырып жур.

- Енді өлмеспіз, осыдан қыстан шығып қалармыз,- деп қояды.

Мен тас қоймаға оралғанымда, масақ терген жұрт ушшу бол жүр екен. Ат көпір сабанды жан-жақтан жүлкілап құшақ-құшақ етіп, астан-кестеңін шығарып лақтырып жатыр. Кейбірі ашамен аударыстырмақ болғандарға:

- Ойбай, тарт анау ашаңды! Қолмен ізде! — деп айқай-лайды тұс-тұстан.

- Элгі Бели жоқ,- деді Бектай атының шылбырын қолына ұстатқанымда.- Балалармен сабанды үңгіп ойнап жүріп, аяқ асты ұшты-қуиді жоғалып кетіпті.

Бастықсып, үлкенсіп шіреніп тұратын түрінен із де қалмапты... өні қашып, дір-дір етеді.

Мен оны мазақтап сақылдай құлуге шақ қалдым.

«Молодес, Бели, жұрттың бәрін әбігерге түсіріп, зәрелерін бір альпсың-ау,- деп қоям іштей сүйсініп.- Бағана Бектай жұмсал жібермегенде, менің өзім де сабанды терең ғып үңгірлеп ап, тығылып, жұртты өстіп бір әбігерге түсірсем деп едім, енді, міне, Бели соны менен бұрын істеді. Молодес!»

- Бәріңіздің астан-кестен бол жатқандарыңыз сол ма?  
— дедім мен ерінімді шүйіре тұрып.-Мен оны қазір сирағынан сүйреп альп шығайын, ендеши.

Сөйтіп, қоқыланып сабанның бағанағы өзім үңгіген тұсына барғам, үстіңгі жағындағы бос сабанды балалар аударыстырып тастапты. Өзім жасаған құысты әзер таптым, бергі жақтағы қобыраған сабанды кейін қарай ысырып, қолымды әрі қарай созғам. Айтқанымдай-ақ қолыма бірден бәтенкенің табаны ілікті.

- Міне, мында тығылып жатыр! — дедім қуана дауыстап, онан соң құысқа сұғына еңкейіп.-Әй, Бели, шық енді. Құысымды босат! — дегем айқайлап. Қолымды қайта созып, бәтенкесінің басынан ұстап кейін қарай тартып-тартып қойдым.- Шық деймін!

Мені қаумалай кеп жапырлаған жұрт енді естерін Жиғандай.

- Е, бәсе, тығылып қалған екен ғой, қу бала.

- Түү, бар болғыр, зәре-құтымызды алды ғой.

- Әй, бұжүгермектер өстіп ойнамаса, ойындары осылады ғой,- десіп, біздерді, балаларды, тұс-тұстан жазғыра тұрып, көңілдері орнына түсе бастаған еді.

Ал Бели болса, аяғынан қаншама тартқылап айқайласам да, кейін шығар емес. Енді оның мына қылышына Бектай да шыдай алмай кетті, еңкейіп кеп:

- Әй, Бели, болды енді, шық,- деп жекіре ұрсып аяғынан тартқан.- Сенің кесіріңнен қаншама жұмыс тоқтады.

Бірақ Бели оған да былқ етпеді.

- Эй, соның тар қуысқа кіруін кіріп ап, кейін шығуға шамасы келмей жатқан шығар,- деді біреу.

- О да мүмкін,- деді екінші біреу.

Бектай қамшысын маған ұстата берді де:

- Кәне, былай тұршы,- деп, мені кейін ысырды да, өзі қуыстың төңірегін кеңейтіп, сабанды жұлқылап суырып аша бастады. Бізге қарағанда ересек, қайратты емес пе, қуыстың төңірегін былайғысын былай, олайғысын олай лездің арасында жапырып жіберді де, сұғына еңкейіп барып, Белиді кейін қарай суыра тартып алған. Былқ-сылқ еткен жансыз дene етпетінен жатқан күйі аяғымы-здың астына созылып кеп түсті.

- Эй, мынаған не болған?! — деп Бектай оны шалқа-сынан аударған, Белидің аузынан да, мұрнынан да қан лық-лық ете қалды, бажырая ашылған көзі шыныдай жансыз тесірейіп қарайды. Бектай дереу оның омырауын жұлқи ағытып, көкіргегіне еңкейіп құлағын тосты да, өні бұзылып, сұп-сұр боп танауы қусырылып, атып тұрды.

- Менің құлағым түк естімейді, біреуің тындандар-шы,- деді есі шығаabdырап.

Топ арасынан Нұсіп шал шығып, тізерлей отырып Белидің жіп-жіңішке білегінен тамырын тындағы да, басын шайқады, онан соң баланың бетін сипап көзін жапты, көкіргегінің тұсын ұстап көрді.

- Қайран, бала-ай, кетіп қапты,- деді күрсіне сөйлеп.- Өкпесі қысылған ғой.

Бас-аяғы жарты айдың ішіндегі ауылдағы үшінші өлім еді бұл.

## КӨБЕГЕН

Біз сабактан шыққан кезде, ауылдың дәл ортасына кеп,

бір ат-шана тоқтап түр екен. Мына көрші ауылдағы етікші Жақыпбай шалдың ат-шанасын бірден таныдың. Анда-санда кеп ауылдағыларға етік тігіп беріп, астық жинап әкететін. Иегінде теріден қызып ап жапсыра салғандай бол тұратын бір шоқ сақалы бар, екі беті нарттай қып-қызыл, домалақ шал. Қазір де ауыл ортасына кеп тұрғаны етік тіккізуге үйіне кім шақыра қояр екен деп күтіп тұрған болар деп ойладық. Бұл жолы шал жалғыз емес екен, шанасында тағы біреу отыр, басында мандайында жұлдызы бар әскери сұр құлақшын, үстінде сұр шинель, өзі аурудан тұрғандай жүдеу енді болғоз арық адам.

- Балалар, бері келіндер! — деді әлгі жүдеу адам.

Кім де болса әскерден қайтқан біреу, бірақ біз таныг маймыз. Балалар жүгіре басып жақын келдік, біреудің үйін сұрайтын болар деп ойлағанбыз. Әлгі жүдеу адам арт жағында жатқан қапшықты алып ашты да, ішінен аппақ кесек тұздарды уысталап алыш бәрімізге бір-бірден үлестіре бастады.

- Бұл қант қой, алындар! Менің сендерге деп әкелген базарлығым,- деді әрқайсымызға күлімсірей қарап. Уысындағы біткен соң, кейіндеу жеткен балаларға әлгі қапшықтан тағы да уысталап алыш шықты. Үлкен қапшықтың іші толы кесек қант тәрізді. Біз өңіміз түтімізге кірмеген тастай қатты аппақ қантты шүпірлей сорып, есіміз шығып тұрмыз.

- Сен өзің базарлықты бүкіл ауылдың балаларына жетерліктең ғып әкепсің ғой,- деген Жақыбай шал.

- Осы балалар алдынан шығар-ау деп, госпитальда үш ай бойы жатқанда, күнделікті шайға деп берілген қантты жинай беріп едім,- деді жүдеу адам жымия күліп.

Онан соң әрқайсымызға елжірей қарап:

- Кімнің баласысын? — деп сұрайды. Біз әкеміздің

атын айтқан кезде: — Э, со кісінің баласы екенсің ғой. Түү, ұлken жігіт боп қапсың ғой,- деп мәз болады.

Біз, балалар, бірде-біріміз оны танып тұрғамыз жоқ, ал ол біздің барлығымыздың да әкелерімізді танып-біліп тұр.

- Экең қайда? Эскерде ме? Элі қайтқан жоқ па?

- Элі қайтқан жоқ.

- Нешеуа, жақын арада қайтады әлі.

- Сенің әкең ше?

- Менің әкемнен қара қағаз келген.

- А,- деп жүдеу адам қабағы түйіліп онан әрмен жүдеп қалады.- Жақсы жігіт еді, эттеген-ай...- дейді күрсініп.

- Ал, жігітім, қай үйге түсірейін? — деген. Жақыпбай шал.

- Білмеймін,- деді жүдеу адам құмілжіп.- Елге жеттім ғой, осы арада түсіп қалсам да болады.

- Өзің еліме келдім дейсің де, ат басын тірерітін жерін жоқ болады. Сонда бұл қалай, жігітім? — дейді Жақыпбай шал таңырқап.

- Эне, анау жерде бейіт бар,- деді жүдеу адам ауылдың теріскей жағын нұсқап,- сол арада менің әкем мен шешем жатыр. Демек, ат басын тірер елім осы ара.

«Біз білмейтін бұл кім болды?» — десіп, балалар өзара күбірлесіп тұрмыз, оның қорасан дағынан қалған аздаған шұбары бар кескініне таңырқаса қараймыз: күлімсірей қараған қой көзі әрқайсымызға іш тарта елжірейді. Өзі шанадан тұскісі келмегендей және қозғала қояр емес. Өстіп ол бізге, біз оған қарап тұрғанымызда, тас қойма жақтан Нұсіп шал шанаға таяп кеп, дауыстай сәлемдесіп, Жақыпбайды таныды да:

- Иә, әлей болсын? — деп, жөн сұрады.

- Міне, ауылдарыңың әскерден қайтқан бір азаматын әкеп тұрмын,- деді Жақыпбай шал даңғырлай сөйлеп.

- Иә, бү қай бала? — деді Нұсіп шал жүдеу жігітке еңкейіп.

- Мен ғой.

- Менің кім? Тұсінді тани алмай тұрмын, қарағым, аты-жөнінді айтпасаң?

- Ысқақтың баласы Көбегенмін.

- А-а! Қарағым-ау, тірі ме едің?! — деп, жан даусы шықкан Нұсіп құшағын жайып кеп, жүдеу адамды бас салды. Құшағына қысып, бетінен сүйіп, көзінен ыршып шықкан жасын тыя алар емес. Қарағым-ай, танымай қалдым ғой. Сен әскерге кеткелі қанша заман?! Анау әлгі ақ пиндермен соғысадың алдында алындың емес пе?!

- Иә.

- Сонан бері қаншама жыл өтті. Өлі-тірінді де білмеуші ек. Қарағым-ай, тірі екенсің ғой,-деп Нұсіп шал әскерден дәл өз баласы келгендей айналып-толғаныш, қуанғаннан есі шығып кетті.

Тек әлден уақытта:

- Эй, бұл тұрыстарың не? — деді жұльып алғандай.

- Жігіттің түсер жері болмай тұр.

- Қой әрі, о не дегенің. Көбегенге осы ауылдың бар үйі өз үйі емес пе. Әкесі Ысқақ марқұм менімен түйдей құрдас еді. Жігіттің сабазы болатын... Кәне, біздің үйге жүріндер! — деді онан соң бұйырып.

Нұсіп шалдың үйі — екі үйден кейін болатын, шанаға ілесіп шуылдаса топырлап біз де солай қарай жүрдік. Енді қалай! Әскерден ауылдың бір азаматы аман-сау келіп жатқанда және ол бәрімізге базарлығым деп қант үлестіріп берсе, бұдан артық қандай қуаныш болмақ. Барлығымыздың аузымыз томпаң-томпаң етеді, өзі тастай қатты, ерекше тәтті. Мұнданай қантты жеген де бар, жемеген де бар.

Шана Нұсіп шалдың дәл есігінің көзіне барып тоқтаған, біз енді ғана байқадық: Көбегенді Жақыпбай

шал қолтығынан демеп көтеріп тұрғызған, бір аяғы қара саннан жоқ екен. Шанадан түсірерде жігіттің екі қолына бұрын біз көрмеген айырық-жалғаулары бар ұзын екі таяқты (балдақ аталатынын да кейін білдік) ұстатты. Көбекен әлті екі таяққа қолтығымен асылып, жерге жалғыз аяқпен секіріп түсіп секектей жүрген. Біз, бала-лар, көзіміз атыздай боп, аузымыздағы әлгінде ғана Көбекен үлестірген қанттың дәмін де ұмытып, үрейлене қарап қаппыз.

Біздің ауылда соғыстан жараланып қайтқандар бұрын да болып еді. Қолының басынан, саусақтарынан, қабы-рғасынан, көзінен айырылып келгендердің жүріс-тұры-старында кемдік болмаған соң олардың мүгедектігіне үлкендерді қайдам, ал біз, балалар, онша көңіл де аудар-маған екенбіз. «Өкпемді оқ тескен» деген Ырысбектің өзі де бізге соғыстан сонша бір зардан шеккен адамдай боп көрінбейтін. Қайта, соғыстан жараланып қайтқандардың бәрі, сол құсап жүріп-тұратын болса, онда жаралану дегенің аттан жығылудан онша ауыр болмағаны-ау, деген ой келетін.

Енді, міне, Көбекеннің жалғыз аяқпен секектегенін көргенде, соғыс дегеннің тірі адамды қандай күйге түсіретінін ұққандай боп тұрмыз. Шын кемтарлықты көзімізбен алғаш көргеніміз осы еді. Балғын жүрек-теріміз шымырлап, сыздап кетті. Жайшылықта анала-рымыздың: «Құдай-ау, екі қол, екі аяғынан айрылса да кеудесінде шыбын жаны аман келсе ризамын», - деп, зар еңіреп жылағанын естігенде, онша мән бермейді екенбіз. Екі қол, екі аяғы емес, жалғыз аяғынан айрылыған адамның мынадай мүшкіл халін көргенде, төбе шашымыз тік тұрды. Қайран азамат, қандай мусәпір күйге түскен, анау жалғыз аяқ, екі таяқпен мына қалың қарда есіктен аттап шығуы зар ғой. Неткен қорлық! Соғыс дегеннің ауыртпалық, аштық-жалаңаштық,

жетімдік-жесірлік қана емес, адамның — кәдімгі қолаяғы бүп-бүтін, төрт мүшесі түгел, сау адамның кісі аярлық кемтар күйге, пақыр күйге тұсу екенін осы сэтте анық түйсініп түрдік.

---

МТС-қа Байдалы шал өзі апарып салған соң, жарты айдан кейін Нәзира әпкем бір күнге демалысқа келген, Біраз күн болса да көрмегендікі ме, өзгеріп кеткен. Бұрын ылғи далада жел қақты бол totығып күренітіп тұратын дөңгелек жүзі ат жақтанып, бозарып жүдеу тартқан, толықтықтан төртбақтанып тұратын бойы да таралып, сұңғақтанып өскен сияқты, тіпті киген киімдері де басқаша: шашын төбесіне түйіп, басына құлақшын киіп апты, кәдімгі газетке шыққан Мәншүк Мәметованың құлақшын киген суретіне үқсап тұр: күпәйкесін шешкен, үстінде көйлек орнына кеудесі мен шалбары біртұтас тігілген қызық бір киім — мына қалпында бойжеткен қыз емес, ерекшора біреу сияқты көрінеді. Оның киімдеріне тіксіне қараған әжем:

- Өзің Нәзирамысын? — деді.

- Иә, Нәзирамын, мына тұрған ырымшыл, діншіл кемпірдің немересімін,- деді әпкем ерке үнмен күле сөйлеп. Осылай кінгені өзіне ұнайтынын жасыра алмай тұр.- Немене, танымай тұрсындар ма?

- Танымай тұрмыз.

- Онда танып қойындар, енді екі ай жарымнан кейін темір тұлпар трактордың құлағында ойнайтын мықтыңыз мен болам,- деп кеп, әпкем әжемді құшақтай көтеріп ап, бетінен шөп-шөп сүйген.

- І, сүйектерімді сындырдың, онысы несі, кәпір,- деп әжем ашуланған бол күледі.

Мұнан әрі әпкем әжемді қоя берсе, өзіне жаутаңдаса

қарап қалған кішкене балаларды кезек-кезек құшақтап беттерінен сүйіп, қолдарына бірденелер ұстатқан. Олар: «Бұ нен?», «Бұ нен?» — дескен таңырқап.

- Мәмпәси ғой.

Ең соңынан мені кеп арқамнан қағып, құшақтап бетімнен сүйді де:

- Бойың өсіп, жігіт бол қапсың ғой,- деді еркелетіп. Ой, алла-ай, осы сэттегі Нәзира әпкемнің мінезі де, даусы да құдды апам сияқты айнымай қалған еді. Кішкене балаларға ұстатқан мәмпәсінен маған да берді және төс қалтасынан кішірек төрт бұрышты кітапшаны алып.- Мә, блокнот,- деді. Бұл менің өмірімдегі суды-раған ақ қағаздан тігілген блокнотты қолыма алғаш ұстауым еді.

Мұнан әрі Нәзира әпкем түйіншегінен жылтырақ қағазға оралған алақанның жартысындаған нәрсені алып, қайрыла әжеме бұрыльпіп:

- Мынау жарты шайды саған әкелдім,- деді.

- Құлымын... күнім...- деп көзіне жас толған әжем демігіп бірден сейлей алмай қалды. Тек сәлден кейін ғана: — Өзің боп-боз болып жүдепсің, осының бәрін тамағынан жырып алып жүрсің-ау-ә?! — деді кінәлай сейлеп.

- Тамағым аш емес, әже. Есінде ме, былтыр жазда облигацияға жазылғанымызда, соның ақшасын төлеу үшін мына таудағы омарташы орыс шалына ақ ешкіні лағымен сатып ек қой, сонда елу сомды апам маған берген, тығып қой деп, ұстап жүргенім сол ақша. Ал мына комбинезон мен құлақшынды МТС-тың директоры бергізді. Ілғи еркектердің арасында көйлекпен тракторға отырып-тұру ынғайсыз болады деп. Трактористер курсында екі қыз оқимыз. Екеумізге де директордың өзі қамқорлық жасап отырады.

Сонымен біздің үйде кішігірім той болды да қалды.

Сол күні Нәзира әпкемнің үйге келгенін пайдаланып әжем Көбегенді қонаққа шақырып жібермек болды.

- Алыстан, оқ пен оттың арасынан келген ер-азамат, дәм татырмағанымыз жарамайды,-деді.

Күздегі сары серкенің бір жілігін сақтап келген екен, әжем соны қазанға салды. Маған қол диірменге мол ғып талқан тартқызды, жарым кесе, бір кеседен үнемдеп неше күннен бері жинастырып жүрген қоңыр сиырдың сүтін кіші қазанға жарты қазан етіп пісіріп, оның бетіне қаймағы тұрсын деп жауып қойды, сөйтіп, көптен — апам қайтыс болғаннан бері біздің үйде бола қоймаган дастарқан мәзірі әзірленген. Осының бәріне қоса Нәзира әкеп берген жарты кірпіш шайы әжемнің бүкіл ауылда өзінен басқа ешкімде жоқ байлығы еді.

- Эй, Қанат, басқа біреу шақырып қойып жүрер, сен қазір ертерек барып ескертіп келші Көбегенге, бүгін кешкісін біздің үйден кеп дәм татсын,- деді әжем мені жұмсал.- Нұсіптің үй іші түгел бірге келсін деді де.

Әскерден қайтқан адамға дәм татқызатын салт бойынша шамасы келгендер Көбегенді күнделікті кезекпен қонаққа шақыратын. Оқ пен оттың астынан аман-сау қайтқан ер-азаматқа ақ пейілдерімен бары бір асым етін асып, жоғы қара талқанмен болса да бір шәугім шайын әзірлеп сый-құрметін білдіреді. Және қонаққа Көбегеннің жалғыз өзін алаламай, Нұсіп шалдың үйін тегіс қоса шақырады: шалдың өзі, кемпірі және жалғыз қыздары Шынар — барлығы бірге келіп, бір үйдің адамдарындағы жадыраса отырып, өздері де, келген үйлері де, әуелі, Көбегеннің соғыста басынан кешкен әңгімелерін тындалап, одан ауылдың өткен-кеткенін қозғап, ақырында түннің бір уағына дейін Көбегенге Еңлік -Кебек, Қалқаман — Мамыр, Мұңлық — Зарлық сияқты қиссалардың бірін айтқызып, арқалары кеңіп, бір сейіліп қалады.

Көбегеннің даусы керемет зарлы. Қиссаларды ескі бір әуендерге салып зарлатқан кезде, төбе қуйқаң шымырлайды. Мұраттарына жете алмай, қосыла алмай арманда кеткен ғашықтардың, жауыздықтың қырсығынан бір-бірінен айырылған бауыр мен қарындастың зар-мұнды соғыс кезінің зар-мұндымен ұштасып, әркімнің жүргегіндегі жарасына тиетін болу керек, тыңдаушылар егіліп отырып, көз жастары сорғалап отырып тыңдайды.

Сөйтіп, аз күннің ішінде-ақ Көбегеннің қиссанылығы бүкіл ауылға тарады. Біреулер:

- Шіркіннің даусы-ай, сай-сүйегінді сырқыратады? — деп тамсанса, екіншілері:

- Апыр-ай, десенші, анау жылды әскерге алынбас бұрын мұның «әу» деген өнерін байқамаушы ек, осының бәрін қайда жүріп жаттап алған өзі? — деп таңданады.

- Е, ол кезде сендер байқайтында ма, едіндер? Көздерің аспанға қарап, шатырайшып шолақ белсенді болғандарыңа мәз боп, арақ ішуден асқан өнер жоқтай көруші едіндер ғой,- дейді ушіншілері.

- Шерменде ғой, байғұс. Жастайынан ата-анасынан жетім қап не көрмеді. Соның бәрі көкірегінде беріш боп қалды емес пе...- дейді төртінші біреулер.

Үлкендерден естуімізше, Көбеген ата-анасынан жастайынан жетім қап, ауылда әркімнің есігінде жүріп еседі. Кішірек кезінде баласы жок үйлердің қозы-лағын қарап, есейінкіреген соң жекеменшіктің қой-ешкісін бағады. Екі-үш кластық білім алып хат танығаны болмаса, оқымайды. Сөйтіп, әскер қатарына алынғанға дейін ешкім көзге ілмеген жалғыз басты жан болып кете берген. Алғашқы ақ финдермен соғысқа қатысқан, одан кейін Отан соғысының алғашқы күнінен бастап қырық төртінші жылдың ноябріне дейін, яғни аяғынан жаралғанға дейін майданның алдыңғы шебінде болған. Өзі бұған дейін төрт рет жаралғанған екен, ол жаралары ылғи

женіл болып, госпитальда бірер ай жатып, сауығып майданға қайта аттанып отырыпты. Өз айтуынша, ауылға екі айсыз жеті жыл дегенде қайтып оралыпты. Сол екі айсыз жеті жылдың ішінде ауылдан не бары үш-ақ хат алған екен; оның екеуін соғыс басталардың алдында Тоқтар жазыпты, ал үшінші хатты осыдан екі ай бұрын госпитальда жатқанында Мұқан ағайдан алыпты, ауылдың амандығын айта кеп, өзінің эскерге аттанып бара жатқанын, мұның адресін военкомат арқылы анықтап алғанын жазыпты.

- Осында эскерден қайтқан кейбіреулер бар-жоғы бес-алты айдың ішінде ана тілімізді ұмытып қаппызы деп, не орысша емес, не қазақша емес былдырық сөздерді шатып-бұтып келеді, ал сен ғой жеті жыл әскерде жүріп осынша қиссаларды қалай ұмытпағансың? -дегенде, Көбекен:

- Қайдам, ұмыту, ұмытпауды ойлаған емеспін. Анда-санда қазақ жігіттері бас қосқанда айтатынмын. Онан соң госпитальда жатқан кезде екі-үш қазақ жатты, соларға айтатынмын,- деді.

Ауылдағы барлық үйлер сияқты Нұсіп шалдың үйі де екі бөлмелі болатын, ауыз үйге отын-су жиналатын да, түп үйде үй иелері тұратын. Еркегі бар үй, оның үстіне шалдың өзі де үқыпты, шаруақор адам, жылда жазда үйін майлап-сылап жөндеп отырады, сондықтан басқа үйлерге қарағанда тап-түйнақтай, тап-таза еді. Есігінің алдын да қардан кең ашып, тазартып күреп тастапты. Кішкене терезенің алдынан өтіп бара жатып ішке көзім түсken, Көбекен мандайы жарқырап терезе алдында етік тігіп екен. «Еркегі бар үйдің тірлігі осы ғой», - дедім іштей қызығып. Мен сәлем беріп кіріп барған кезде, шал мен кемпір үйлерінің ортасында қыздарының аяғына екі жақтап еңкейе қарап, жігі-жапар боп жатыр екен. Мені көре сап Шынар әке-шешесін ысырып тастанды да:

- Кәне, қандай екенін мына Қанат айтсыншы,- деді жуан даусымен гүж ете түсіп, сөйтті де маған қарай жүрді, бір аяғына су жаңа сыңар етік киіп алты.

- Қалай, Қанат, етігім аяғыма жараса ма?

Бір онға, бір солға аяғын бұрандата басып менің алдыма кесе-көлденең тұра қалған, етігі мұз басқандай сықыр-сықыр етеді, топ-толық балтыры қонышын жарып жібере жаздаپ тұр. Обалы не керек, етігі де суреттей әдемі екен және жалтыраған хром қонышты тырсылдатып көріп тұрған Шынардың топ-толық балтыры да әдемі көрінді.

- Жақсы! — дедім шынымен сұйсініп...

- Қонышы тарлау сияқты ма, қалай? — деген әкесі.

Жоқ, Қанат айтты бітті, ал екеуінің айтқандарыңа сенбеймін,- деді Шынар әке-шешесіне шолжаңдай еркелеп,- Енді осы етікке лайық көйлек керек. Эке, естіп отырсың ба?! Дарай, анау бір қойынды сат та, ауданға базарға барып қайт!

- Мақұл, мақұл,- деді әкесі күліп.

Шынар шал-кемпірдің жалғыз қызы еді де, мінезі шолжаң, аса ерке болатын. Бүкіл ауылда мына жаман шал әкесінің арқасында колхоздың ауыр жұмысына бармайтын, не кием, не ішіп-жеймін демейтін, таршылық көрмеген бір адам болса, ол — осы Шынар. Қазір де еркелігіне басып, етігін сықырлата тұрып:

- Аяғымда былғары етік сықыр-сықыр етеді.

Құлағымда алтын сырға сыңғыр-сыңғыр етеді, — деп әндете билеп қойды. Қыздарының қуанышына әке-шешесі мәз-мейрам. Терезе алдындағы Көбекен де қолындағы ісін қоя тұрып, Шынарға құле қапты.

Мен әуелі Көбекенге, онан соң шал-кемпірге үй-іштерімен тегіс қонаққа шақыра келгенімді айтқам. Тіпті қуанып қалды.

- Нәзира келді ме? — деп сұраған Шынар.

- Келді, қазір үйде.

- О-о, тамаша! Нәзираға айта бар мені де келеді деп.

Және жаңа етігімді киіп келем, байғазысын әзірлей берсін. Аға, естіп отырсыз ба? — деді онан соң Көбенгеге еркелей қарап.- Анау екінші сыңарын кешке дейін бітіретін болыңыз, білдіңіз бе?! Бұл сізге әскери тапсырма!

- Құп болады, Шынаржан! — деді де оның еркелігін ағаша қабылдан мәз болып. Дереу етіктің екінші сыңарын қалыпқа кигізе бастады.

Кешкісін Шынар біздің үйге жаңа етігін киіп келген. Қызысың деген емес пе, Нәзира әпкем қатты қызықты, Шынарды ауыз үйге шығарып ап, қояр да қоймай тұрып етігін шешкізіп, өз аяғына киіп көрді.

- Аздап қысады екен,- деді бұл да аяғын онды-солды ойрандата басып (қыздардың бәрінің өститін әдеті болу керек),- бір-екі күн кисем кенейіп кетер еді.

- Мына Көбекен шебер етікші екен. Сен де өзіңе бір етік тіккізіп алсаңшы, мен айтайын.

- Былғары жоқ қой. Айтпақшы, апамның ескі етігінің қонышына жаңа бас тауып тіккізуге болатын шығар?

- Болады. Мен әкеме айтайын, жаңа бас тауып береді. Өзің МТС-қа қашан қайтасың?

- Таңтерен өрте тұрып кетуім керек.

- Онда әлгі қонышты қазір тауып қой, кетерде Көбенгеге аяғынды өлшетіп ала кетейік.

Біз тұп үйге кірген кезде, үлкендер өткен-кеткенді қозғап қызу әңгіменің үстінде екен. Әңгімені қозғаушы Нұсіп шал да, әжем соны кеү-кеуlep қойып отыр, арагідік Нұсіп шалдың кемпірі де араласып сөз қыстырып қояды. Сәл тыңдаған соң үққаным — әңгіме Көбекеннің улы бабасы туралы екен.

- Жарықтық, сөзге шешен, сері адам болыпты, бір үлкен жиында жесір дауы сөз болғанда: «Әйел — ана емес

пе? Ананың басын саудаға салғанның жүзі қара емес пе?!

Біз бүтін бір жесірдің мойнына дұзак салсақ, ал күні ертең одан туған үрпақ рулы ел болғанда, соларға не бетімізді айтамыз деп, көпшілікті өз жағына қаратып, жесірді зорлықшылардан азат еткен екен,- деді Нұсіп шал әңгімесін аяқтан.

- Айтқаны келді ғой, сол Сәбира апамнан тараған үрпақтың бірі мына Нұғыман емес пе,-деп әжем іліп әкеткен.

- Иә да,- деп қойды Нұсіп шалдың кемпірі де.

Мұндай ұлы бабасын мадақтаған әңгіме Көбегенге айрықша ұнайтын болса керек, өні нұрланып, бір сөзді мұлт жібермей еліте тыңдайды.

- Менің етігім Нәзираның аяғына құйып қойғандай жақсы жарасады екен,- деді еркелей кірген Шынар үлкендердің әңгімесін ортасынан қақ бөліп.- Көбен аға, бұл сізге жасаған құлаққағысымыз.

- Тігуге болады ғой,- деген Көбеген созыла сөйлеп.

- Бітті онда, келістік,- деді Шынар сол ерке үнмен.- Нәзира, естідің ғой. Элгі қонышынды әзірлеп қой, кетерде мен ала кетем.

Дастарқан әзірленіп ет желінді, онан кейін шай жасалды. Әжем кірпіш шайын қап-қара ғып демдеп шығарып шоққа қойып, қаймақ қатып қоңыр қүрең ғып қүйған кезде, бұқіл үйдің ішін шайдың хош иісі альп кетті. Кішкентай балаларға дейін танаулары делбіреп қалған.

- Пән, пән... Мұндай шайды ішпегелі қай заман. Нағыз үнді шайы ғой. Қайдан келген?

- Нәзира әкелді. Мытыста біреуден сатып апты.

Үлкендер шайдың дәмін ала түскілері келгендей асықпай сораптай үрттайды да, «У-ха-а»... деп ұзақ тамса-нады. Жарты кесе ып-ыстық шайды сөйтіп отырып әнеміне дегенше төңкеріп салады. Сәлден кейін-ақ маңдай-

лары жіпсіп, рақат бір күйге еніп, балбырай бастады. Өмірлерінде басқа бірде-бір асты дәл осылай өне бойлары балқып отырып ішпейтін шығар. Орамалмен мандай терлерін сәнмен ғана сұртіп қояды.

- Түү, жарықтық-ай, буын-буыныма тұсті ғой,- дейді Нұсіп шалдың кемпірі.

- Іш, жаңалап демдеп қойдым,- дейді әжем.

Нәзира әпкем мен Шынар екеуі бір-екі шыны-аяқтан ішкеннен кейін-ақ ыдыстарын төңкеріп, тұрып кеткен. Екеуі кәннің үстінде күбір-күбір әңгімелері таусылар емес.

Бір кездे шай да ішіліп болды-ау. Дастанқан жиылыш, аз-кем тоқ басқаннан кейін Көбеген көтеріле отырып, Нұсіп шалдың: «Ал бір қиссанды «әу» деп жібер!» — деген тілегі бойынша, тамағын кенеп, біраз жөткірініп алды да, «Бозінген» деген жырды бастады. Мен бұрын бала-лардан естігенім болмаса Көбегеннің жырын бірінші тындауды еді, даусының сәл жарықшағы бар, шырыл-даған зарлы екен, «а» дегеннен төбе құйқамды шымыр-лата жөнелді. Бозінгеннің шудасы желкілден керуенге қосылғанынан бастап-ақ қайғылы бір сарын білінген, содан інгеннің ботасынан айрылып зар илеп боздаған тұстарына келгенде, басы әжем боп көзімізден жас сорғалап берді. Қаншама тістеніп, намысқа тыртысып жыламауға тырысқанмен, тамаққа тығылған аңы өксік жүйке-жүйкені сыздатып, ып-ыстық жас көзге құйыла береді.

Ботасынан айрылған мендей сорлы бар ма екен...

Неге жоқ?.. Бар ғой, бар. Міне, менің әжем де дәл сондай ғой, ботасынан айрылған боз інгендей боздап қалды емес пе? Біз де солай сорлап қалған сорлы жеті-мектерміз ғой. Біз әкемізден-шешемізден айрылдық қой!

Көл-көсір аққан көздің жасы. Ыстық жас. Корс-корс

етеміз. Әжем айтпақшы: «Үң, дүнне, жалған-ай!..» Енді қайтып еш уақытта, еш уақытта әкемізді, шешемізді көрер күн жоқ қой!.. Қайран әке!.. Қайран шеше!.. Қеке! Қеке!.. Апа! Апа!.. Сендерден айырған сұм тағдыр неткен опасыз еді! Неге ғана бізді тастап кеттіндер?! Зар илетіп, зар еңіретіп қалай қиып кеттіндер?! Зәбір көріп, жапа шегіп, зар еңіреп жүрсін дегендерің бе? Неге? Неге, бізді тастап кеттіндер?!

Бозінгеннің бір жақсысы ең соңында ботасын тауып, бақытқа кенеледі екен. Біз тындаушылар соған риза болдық. Бозінгенге қосылып біз де қуанышқа кенеліп, көл-көсір аққан көз жасымыздың төлеуі қайтқандай, шерменде көңіліміз жеңілейіп, жадырап қалдық. Өксік-солығымызды баса отырып, Қебегенге сонша риза көңілмен, алғысты көңілмен елжірей қараймыз.

- Өркениң өссін, қарағым! — деді әжем.

Сонан біразға дейін үйдің іші тым-тырыс боп, әлгін-дегі ғажап жырды бойымызға сіңіргендей күйде отырғанбыз. Үнсіздікті Нұсіп шал бұзды. Өзінің бала-шаға, кемпірлерге қосылып жыламағанын білдіру үшін, көп-көрінеу көңілді дауыспен:

- Апыр-ай, Қебеген қарағым-ай, неше күн болды тындан келем, әр кеш сайын мен естімеген бір жаңа қисса айтасың. Осының бәрін кімнен және қашан үйренгендіңін? — деді таңырқап.

- Бала кезімде, осы ауылда үйрендім ғой,- деді Қебеген мандаійның терін сүрте отырып.-Қанапия, Сәдіғұл марқұмдардан үйренгем, біразын кітаптан өзім жаттап алдым.

- Иә-ә, Қанапия, Сәдіғұлдар жez таңдай жыршылар еді ғой!

- Баяғыда Қүренбельде күзекте отырғанымызда,- деп әжем киіп кетті сөзге,- біздің үйге Сәдіғұл келіп екі күн,

екі түн өлең айтқаны есімде. Сонда даусы бір қарлық-падың-ау, шіркіннің!

- Қанапия да сондай дұлдулім еді ғой! — деп іліп әкетті тағы да Нұсіп шал.- Мына осы үйде отырып ол шырқағанда, даусы сонау Мытыстағыларға естілер еді ғой...

- Эй, шал, ертең де күн бар, қайталық енді,- деді осы кез кемпірі.

- Иә, кел демек бар, кет демек жоқ, рақмет, ақ жеңеше! — деп, Нұсіп шал әжеме қарап бата жасап, бетін сипады.

- Мен осында Нәзираның қасына қонам,- деген Шынар.

- Мейлін,- деді шешесі.

Балдағына сүйеніп Көбеген де тұрды.

- Рақмет, әже! — деді.

- Саған да рақмет, қарағым. Көңілімізді бір көтеріп тастадың. Үй осы, келіп тұр.

Көбеген шоқалақтап есік алдына барды да, кілт қайта бұрылып Нәзира әпкеме:

- Нәзира, аяғынды өлшеп алайын,- деді.

Маған қағаз-қарындаш алғызып, еңкейе тұрды Нәзира әпкемнің аяғын жалаң аяқтандырып қағаз бетіне сыйып алды.

- Қонышы Шынардікіндей болса жарай ма? — деп сұраған. Нәзира әпкем қызарақтап басын изеді.

- Нәзираның аяғы менің аяғымнан сәл-сәл ғана үлкен екен,- деді осы тұста Шынар.

Әжем кішкене балалармен кән пештің үстіне жатты да, біздің төсектеріміз төрге қатарластыра салынды. Мен жалғызыбын да, Нәзира әпкем мен Шынар екеуі бірге жатты. Әжем де, кішкене балалар да, бастары жастыңға тиісімен, тез үйіпқап қалды. Ал Нәзира әпкем мен Шынар екеуінің қыбыр-жыбыр сөздері таусылар

емес. Біріне-бірі «быды-быды» деп ауыздары-ауыздарына жүқпай қубірлейді-қубірлейді де, бір кезде қиқылдаса құліп тұншығып қала жаздайды, әйтеу, әңгімелері керемет қызық, ұш-қиыры жоқ ұзақ. Бұл екеуі қиқылда-сып-шиқылдасып жатқанда, мен қалай ұйықтайын, көзім бажырайып, бірде айтқандарын естіп қап, бірде естімей, бірде түсініп, бірде түсінбей дөңбекшідім де жаттым. Біраздан кейін әжемнің ояна қоймасына көздері жеткен екеуі, мені де ұйықтап қалды деп ойлады-ау деймін, жыртақтап дауыстары шығып, еркіндеу сөйлесе бастады. Көбіне сөйлеп жатқан Шынар.

- Өзі сондай ұялшақ, мен бажырайып бетіне тұра қарасам, қызарақтап төмен қарап кетеді. «Аға, сіз неге маған тұра қарамайсыз?» — деймін қасақана. «О не, қалқам!» — дейді түк ұқпағандай. «Неге менің көзіме тұра қарамайсыз?» деймін. «Иә, ал қарадым, не айтасың?» — дейді ақырын сөйлеп. «Түк те демеймін, маған тұра қарасаңыз болды» деймін. «Әй, Шынар қалқам-ай, тым ерке боп есіпсің ғой», - дейді. «Е, ерке болмай-шы,- деймін мен; Экем мен; апам барда, енді мына сіз барда, мен ерке болмай, кім ерке болады?» Ол: «Дұрыс, дұрыс!» — деп күле береді.

- Әй, қу қыз-ай, сен оны өйтіп жүріп бездіріп аларсың.

- Безсе кете берсін. Хи-Хи... ха-ха-ха....

Қатып ұйықтап қаппын. Танертенгісін оянсам, Нәзира әпкем де, Шынар да жоқ, төсектері жинаулы түр екен.

Он шақты қүннен кейін МТС-қа бара жатқан Бектайдың шанасына отырып, Нәзира әпкеме барып қайтпақ болдым. Энеугүнгі келіп кеткенінен кейін өзінен еш хабар болмай, әжем де мазасызданып жүрген, енді шана кездескеніне қуанып қалды. Халин біліп кел деп, екі кеседей талқан, қарны ашқанда қажақтасын деп

бес-алты құрт салып берді. Сөйтіп, ес білгелі алғаш рет өз бетіммен ауылдан он шақырымдай жердегі МТС-қа жол шектім.

Ауыл орталығын қақ жарып жүретін үлкен жолменен желдіртіп келе жатқанбыз, Нұсіп шалдың үйінің тұсынан кемпірі қол бұлғап шыға келді, басында кимешегі ғана, қамзолшаң жеңіл қалпы, бізді кере сап жүгіре шықсан болу керек. Бектай атының басын тартқан.

- Мысыға бара жатырсындар ма?

- Иә.

- Онда әлгі Көбебенде біле келіңдерші, қарақтарым. Үш күн болды сол жаққа кеткеніне, хабар жоқ. Бірденеге ұшырап қалды ма деп мазамыз кетіп отырғаны.

- Жарайды, кездессе ала келеміз,- деді Бектай.

Мұнан әрі еш тоқтаусыз жүріп кеттік. Бектай ыргай сапты бишікті ыскырта үйіріп-үйіріп қойған, почта тартатын шағыр көз жирен жүлқа жөнелді. Бектай маған қарай бір қырындай аяғын соза жантая отырды да:

- Ал, Қанат, жол қысқарту үшін әңгіме айт,- деді.

- Мен не әңгіме айтам,- дедім күмілжіп.

- Қыздар туралы, оларға қалай ғашық болып жүргенінді айт.

- Мен әлі ғашық боп көргем жоқ.

- Қой, оныңа кім сенеді. Әжібек бәрің бас қоса қалсаңдар, қыздарды сөз етесіндер ғой,-деп Бектай қарқылдаپ құлді.

Мен екі бетім дуылдаپ қызыарып кетсем керек, өйткені есіме анау кездегі Әжібектің қүйіп-жанған ғашықтығы туралы әңгімесі, Мәриді шақыртып алмақ болғаны түсken. Бектай соған мегзеп келеді-ау, деп қысылдым.

- Өзің ұялып кеттің ғой, жә, қалжыңым ғой,- деді Бектай иығымнан қағып.

Бектай жайшылықта ауыл арасында көк құнанымен

едірепндегі жүргенде жан адамды менсінбейтіндегі боп көрінетін. Тобылғы сапты қызыл қамшысын сәнімен сілтеп қойып жүрттың бәрінің төбесінен қарайтын, әсіресе балаларға кезіккенде ернін шүйіре тұрып неміңдегі ғана көз тастап:

- Эй, шаңдатпасандаршы! — деп одырандал ете шығатын. Өзі Әжібектен бірер жастай ғана үлкен, бірақ соған қарамастан жүрістүрьысы, сөйлеген сөзі одан әлдеқайда ересек адам сияқты еді.

Қазір екеуміз шанада қатарласа жантайып отырмыз. Шағыр көз жириң желе шоқырақтап түяқтарымен қатқақ қарды шанаға кесек-кесегімен бората лақтырып келеді.

- Ой, мына қалыпта біз МТС-қа жеткенше көшкіннің астында қалармыз,- деді Бектай аттың басын іркіп. Онан соң астымыздағы шөптен көтеріп шананың алдыңғы жақтауының саңылау тесіктерін бітедік.- Сен мына тонды жамылдып отыр,- деп, өзімен ала шыққан үлкен қара тонын менің иығыма жауып, омырауымды, аяқ жақтарымды қымтап қойды.

- Мен тоңбаймын, өзің жамылсаңшы,- деп едім.

- Жо-жо, мен ат айдан қымылдан отырам, қозғалыссыз отырған адам тоңып қалады,- деді.

Енді байқадым, көк құнанның үстінде қоқып жүргенде үп-үлкен, ересек боп көрінетін Бектай жақыннан қарағанда өзіміз сияқты бала екен, тіпті әлі мұрты да жок, тебіндең қана ізі білінеді. Бұған қарағанда Әжібекке мұрт бұрын өсетін сияқты.

- Неге күлесің? — деді.

- Жай. Мен сені есепші болғанға үлкен адам екен десем...- дедім.

- Иә, немене, үлкен адам емес пе екем?

- Өзіміз сияқты бала екенсің.

- Ә, күліп отырғаның сол ма? Эрине, баламын, бірақ

сендерге қарағанда ересек баламын. Маған ойнауға болмайды сендер құсап, шәлкестік жасауға да болмайды...

- Неге?

- Болмайды, сол... Мына соғыс бітсін, амандық боп. Біздің әскер қазір жауды қуып, өз жеріне қарай тықсырып апара жатыр ғой. Көп ұзамай тас-талқанын шығарамыз әлі... Эй, сонан кейін ойынның түбін түсіріп тұрып ойнармын-ау! Мен сендердің ойындарыңа кейде сырттай қарап қоям, қызық ойындарды білмейсіңдер. Согыстың алдында біздер ойнаушы ек!... Шіркін, ойын деп соларды айт!.. Мен асықты жақсы ойнайтынмын. Анадай жерден өрістен атқанда дәл тигізіп, сақамды дүп қатыратынмын. Бір жазда бес жұз асық ұтқаным бар... Асық ойынында қолыңа жағатын жақсы сақаң болуы керек, ауыр да емес, женіл де емес болсын. Асыққа тигенде дүпте қатсын...

Мұнан әрі Бектай қолыңа жағатын сақаны қалай жасау керек екенін, оны бізben қалай үңгіп тесіп, қорғасынды қалай құю керек, табанын қай мөлшерде, қалай қайрау керек екенін тәптіштеп әңгімелеп кетті. Бір ауық мен де асық ойнауда қара жаяу емес екенімді, сақаны мен де бір адамдай тәуір жасайтынды айтып өзара қызу әңгімеге кірісп қеткенбіз. Кенет желіп келе жатқан атымыз оқыс ішін тартып осқырынып кілт тоқтай қалды. Алдымыздан анадай жерде жолдың дәл ортасымен бізге қарсы Көбеген келе жатыр екен. Атымыз содан үркіп тоқтапты. Аттың өзінен үркектеп тұрғанын көріп Көбеген бір шетке қарай шығып бізге жол берді. Қасынан өте бере, біз шананы тоқтатып қосарлана сәлем бердік. Көбеген ернін ғана қыбырлатты. Өзі әбден қара терге түсіп, өні түтіге қарайып кетіпти. Бізге шаршаған жабырқау кейіпте самарқау ғана бір қарады да жол ортасына түсіп жүріп кетті, жүріп

кеткен жоқ, балдағына сүйеніп жалғыз аяғымен шоқы-  
рактай жөнелді.

- Аға, шанаға отырыңыз. Қазір біз МТС-қа барамызды шаруамызды бітіре сап кейін қайтамыз,- деген Бектай. Көбекен қайрылған жоқ, естімеген адамша жүре берді. Балдағы қарға қатты батып, әр аттаған адымы ауыр тиіп бара жатқанын біз сезіп те, көріп те тұрмыз.

Бектай шыдай алмай шамадан қарғып түсіп соңынан жүгіре умтылды.

- Аға, тоқтаңызшы! — деп ышқына дауыстап қуып жеткен. Қебеген сәл кідіріп бұған бұрыла қарады да, бірдене деп ақырып жіберді. Бектай оған тағы да бірдене деп жақындаі берген, Қебеген бір балдағын көтеріп ап салып жіберуге шақ қалды. Бектай кейін қарай секіріп түсті. Қебеген тағы бірдене деп кіжіндіде, жол ортасына түсіп, бұрыльып қайтадан жүріп кетті...

Жуні жығылып абдыраған Бектай қайтып кеп шанаға отырған:

- Жынды ма-ей, өзі, біз оған жанымыз ашып жүрсе, боктайды.- деді ыза болып.

Шағыр көз жиренді бишікпен шықпырта салып жіберген, ол жануар ыршып түсіп шаба жөнелді. Кейін жаққа қарай береміз, шоқақ-шоқақ еткен Қебеген біртіндеп алыстап, сәлден соң мұлде ұзап кеттік, мидай жазық қарлы далада қара ноқатқа айналды, кішірек бір беленді асқанымызда, көзден де таса болды.

- Эй, осы соғыстан қайтқандар қын,- деді Бектай әлі де ұмыта алмай.- Шетінен контужный.

Биік дөңнің үстіне шыға келгенімізде, дәл иегіміздің астында, ойда, ұлken ауыл МТС жатты. Мұндай ұлken ауылды бірінші көруім, о шеті мен бұ шеті ат шаптырымдай шығар, үйлері сонша көп болар ма, жыптырлатасалынған, төбесінен қарағанда құмырсқаның илеуі

сияқты. Және көшелері де көп екен. Көше бойлары селдіреген ағаштар.

- Ойпыр-ой, үйлерінің кебін-ай! — дептін ішегімді тартып таңырқап.- Мына құжынаған көп үйдің арасынан әркім өз үйін адаспай қалай табады екен?

МТС-қа бұрын да талай кеп жүрген Бектай қуле қарады.

- Эй, наңандық-ай,- деді кекетіп.- Қалай тапқаны несі? Мұнда әр көшениң аты, үйлерінің саны бар. Сол бойынша еш адаспай оп-оңай табады. Мысалы, мынау сол жақ қапталдағы сырты қоршаулы жатқан МТС-тың ауласы,- деп көп комбайндар мен тракторлар қатар-қатар тізіліп тұрған тұсты нұсқады.- Оның бергі жағындағы екі қабат үйлер МТС-тың кеңесі және бастықтары тұратын үйлер. Ал мына оң жақтағы созылып жатқан көп терезелі ұзын үй — жатақхана. Сенің Нәзира әпкең сонда тұрады.

- Ал анау көп үйлерде кімдер тұрады?

- Осы МТС-тың жұмысшылары.

Көшеге де кірдік. Міне, үй деп осыларды айт, зәулім биік, шатырлары тура кітаптағы суреттердей, төбelerіне қарасан, басындан қалпағың түседі. Есіктерінің алдында тақтайдан жасалған: баспалдақтар, ақ боран ай бойы соқса, қар баса қоймас. Шіркін осындай үйлерде де адам тұрады-ау! Ал анау, екі қабатты үйде тұратындар тіпті ерекше адамдар шығар!

Шана әлгінде төбеден Бектай жатақхана деп көрсеткен ұзыннан-ұзақ салынған көп терезелі үлкен үйдің алдына кеп тоқтаған. Бектай мені түсірді де, екі сағаттан кейін алыш кететінін айтып шаруасына жөнелді.

Есік алдында жүрген бір кемпірден сұрап ап, әпкемнің бөлмесіне мен кіргенде, ол ортадағы биік столдың басында қағаз қарап жалғыз отыр екен.- Мені

көріп қуанғаны сонша, ұшып кеп бас салды, құшағына қатты қысып:

- Келгенің қандай жақсы болды, Қанатай! Үйді ойлап жабырқап отыр едім,- деді. Құшағынан босағаннан кейін байқадым, екі көзі қып-қызыл, әбден жылағаны көрініп түр. Өні әнеутүнгі үйге келгендегісінен де гөрі бозарып, жүдей түскен.

- Жылапсың ғой? — дедім.

- Иә, аздап жыладым,- деді әпкем теріс айнала беріп,- Өз теріме өзім сыймай, тіпті қысталанып кеттім.

- Біреу ренжітіп пе еді?

- И-и...- деді қынжыла қолын сілтеп.- Неге ғана қызы болып жаралдым екен.

- Немене, қызы болған жаман ба?

- Несін сұрайсың, Қанатай, жаман болғанда жаман... Кім көрінгенге көз түрткісің. Сауды қойып ақсақ-тоқсаққа дейін сөз салады.

- Сен ондайлардың сөзін тыңдама, қағып жібер.

Әпкем күліп жіберді.

- Енді өзім де сөйтем,- деді жасаураған көзін сұрте түрьшіп.

Әпкем «ақсақ-тоқсаққа дейін» деген кезде, есіме әлгінде жолда бізге қарсы жолыққан Көбеген түсті. Балдағы қарға батыш, жалғыз аяқпен қиналып бара жатқан аянышты кейіпін ұмыту мүмкін емес қой. Мен әпкеме соны айтқам.

- Ауылға жаяу қайтып бара ма екен? — деді әпкем көзі шарасынан шыға.

- Иә. Біз қазір біраздан кейін кері қайтамыз, шанаға отырыңыз,- деп ек, өзімізді боқтап жіберді.

- Сонда ол неғылғаны? — деді әпкем үрейленген үнмен.- Кімге жасаған қиястығы?.. Сорлы жан екен ғой өзі. Сүмдүк-ай, егер осыдан бірденеге ұшырап болса ғой, бүкіл елге мен қарабет болам... Қанатай, оны

тездетіп қып жету керек. Әйтпесе ол бір пәлеге ұшырап жүрер,- деп дегбірсіздене бастаған.

Мен қазір екі сағаттан кейін Бектай екеуміздің ауылға кері қайтатынымызды, сонда Көбегенді қып жетіп, шанаға отырғызып әкететінімізді айтып, әпкемнің үрейін басқандай болдым.

- Сөйтіңдер, Қанатай, сөйтіңдер. Пәлесінен аулак,- деді әпкем көңілі орнына түскендей.

Мен әпкемнің мына мінезіне таң қалдым. Бірақ өзі айтпаса, қазбалап сұрауға және батпадым.

- Сен енді үлкенсің ғой,- деді әлден уақытта күрсініп.- Сол Көбеген үш күн бойы осында менің жүйкемді тоздырды.

- Немене, бірдеңе дей ме?

- Ашық айтып ештеңе демейді. Құр жатақхананың алдына кеп, балдағына сүйеніп сүмірейіп тұрады да қояды. Алғашқы күні МТС-қа бір шаруасымен келіп, содан маған соққаны шығар деп, жаным қалмай ағалап, бөлмеме шақырып шай бердім. Екінші күні сабақтан шықсам, тағы келіп тұр. «Иә, қайтуға көлік табылмады ма, аға?» — десем, «Жоқ, мен қайтқалы жүргем жоқ, саған келіп едім, Нәзираш. Сенде сөзім бар еді»,— дейді. Тағы да бөлмеме шақырып шай бердім. «Ал, аға, маған не айтпақ едіңіз?» — дедім. «Жай, өзінді көргім келеді де тұрады, қалқам»,— деп мінгірлейді. «Мені көре беріп қайтесіз, аға, маған аландаап, алданбаңыз»,— деп шығарып салғам. Сонымен кеткен шығар десем, бұғін ертеңгісін тағы келіп тұр. Ыза болдым да ұрсып-ұрсып жібердім. Бұрылып алып кеткен. Ауылға жаяу тартқаны маған ренжігендеріңі ғой. Онысы несі? Өзі жарымжан адам, егер жолда жазатайым бірдеңе болса ғой, бәріне кінәлі мен болам. Сонда жазығым -ұнатпайтынымды айтқаным ба?

Көбегеннің мына қылышына әпкеме қосылып мен де ренжідім, шынында да, уп-ұлken адамның онысы несі?

Апалығ-інілі екеуміз өстіп сырласып отырғанымызда, есік жүлқа ашылып, бөлмеге орта бойлы, қара торы біреу алқын-жүлқын кіріп келген. Біреу дейтінім, а дегенде қыз ба, ұл ма айыра алмадым. Мені көріп өзі де қысылып қалды.

- Үйде қонақ бар екен ғой,- деді күліп. Қыз екенін күлкісінен білдім. Нәзира әпкем ол екеумізді қысқаша таныстырып өтті. Бұл — әпкемнің қасында жататын курсас жолдас қызы Гүлсара екен. Мұның да басында әпкемдікіндегі құлақшының, қолындағы дорбасы мен күпәйкесін төсегінің үстіне қарай лақтырып тастаған, мұның да кигені сол әпкемдікіндегі комбинезон, бұл да шашын төбесіне түйіп апты. Мына қалпында қыздан гөрі талдырмаш жасөспірім бозбалға көбірек ұқсайды.

Бос түрған орындыққа кеп ғұрс етіп отыра кетті.

- Екі нанды да жақсы бағаға саттым,- деді ол Нәзира әпкеме есеп бере сөйлеп.- Оナン соң базардан шығып келе жатсам, әнеугүнгі сары кемпірдің кездесе кеткені, тағы бір ширек шай ұстап келеді екен, соны сатып алдым, анау дорбаның ішінде ал қалған ақша, міне, қалтамда.

- Жақсы болды. Шайды қазір әжеме беріп жіберейін,- деді әпкем де қуанып.

Мен келгенде отқа қойған шәүтімдегі су қайнап, әжем беріп жіберген талқан мен құрттарды ортаға қойып, үшеуміз шайға отырдық.

Гүлсара сөйлегіш те, кулегеш, көңілді қыз екен. Ауыз жаппай сөйлейді де, өзі мәз боп күледі. Күлген кезде, екі беті шұқырайып, сүйкімді боп кетеді.

Жаңа базарда бір әйел сыйырлап қана: «Әй бала, менде самогон бар»,- дейді, мен де сыйырлап қана: «Осы жерде тұрыңыз, қазір кеп ұстап әкетеміз»,- дедім. Әлгі

әйел: «Жә, бір стақанды өзіңе тегін берем», - дейді сыйырлап. Мен: «Жо, бір стақан аз», - дедім. «Екі стақан», «Екеу де аз». Әйел долданып: «Жап-жас болып құлқының кең екен өзінің!» - деді. Мен шыдай алмай күліп жібердім де, ары қарай жүріп кеттім. «Қаршадай болып шешесіндей адаммен қалжақтасады», - деді әйел соңымнан ашулы үнмен...

Гұлсараның әңгімесіне мәз боп күліп отырғанымызда, сырттан Бектайдың: «Қанат!» — деп айқайлай шақырған даусы естілді. Шағыр көз жиреннің біз отырған бөлменің терезесінің тұсына кеп, басын кегжитіп тоқтай қалғаны көрінді. Тез жиналып даалаға шықтық. Нәзира әпкем әлгінде Гүлсара әкелген ширек шайды және қайдан алыш шыққанын білмеймін, үш тілім қара бөлке нанды орап берді.

- Шайды апарсам да жетеді ғой, нанды алыш қал, өзінің қарның ашиады, - деп едім.

- Балалар жесінші, - деп бой бермеді. Мен оның бозарып жүдеу тартқан жүзіне қарадым, бір түрлі сырқаттанып тұрған сияқты боп көрінді. «Қанша дегенмен, үйден алыста жүргендікі-ау», - деп, жаным ашыды. Өзін жекелеп шығардым да:

- Өзің жүдеп барады екенсің, нан сатқаныңды қой, - дедім өзімше ұрса сейлеп.

- Жалғыз мен емес, басқалар да сөйтеді. Бір күндік нормамыздың жартысын сатып, ақша жинап киім-кешек алсақ дейміз.

- Кіім кимесең өлмессің, денсаулығыңды ойласаңшы, - дедім дәл осы арада әжемше ақыл айттып. - Жақын арада тағы да келем, егер нан сатқаныңды білсем әжеме айтам.

- Жарайды, Қанатай, енді сатпаймын, - деді әпкем мені күле құшақтап. Қоштасып жүріп кеттік. Шағыр көз жирен ауылға қарай заулап жөнелді. Биік дөңге көтеріл-

генде кейін бұрылып МТС-қа көз салғам, дүрілдеген, тарсылдаған-дүрсілдеген, бірі МТС ауласының ішінде, бірі ауланың сыртын айналып қым-қиғаш бірінің жолын бірі кес-кестеген тракторлар жерді солқылдатып сабылып жүр екен.

- Бұлары несі, босқадан-босқа жүргендері? — деп сұрағам Бектайдан.

- Двигательдерін қыздырып жүргендері ғой,- деді Бектай.

- Ә.

Биік дөңнен де астық, МТС кейіндеп тасада қалды. Бірақ тракторлардың тарылтұрылдары көпке дейін естіліп тұрды.

МТС-тан шығарда заулай жөнелгенімен, биік дөнді асып, ауылға баратын даланың сүрлеу жолына түскеннен кейін Шағыр көз жиреннің әлгіндегі екпіні бәсеңсіп, бұлкіл желіске ауысты. Тұс ауа жылымықтанып, жентек-теліп жатқан қар да жүрісін ауырлатса керек. Екі бүйірі солқылдан терлейін деді. Жайма-шуақ күннің сәулесіне шағылышып иі босап жатқан қарлы даладан үялшақтағандай Бектай екеуміздің көзіміз қарығып, сырғыған шананың үстінде маужыраған рақат күйде келеміз.

Екеуміз де үнсізбіз. Сөйлесуге ерінетін сияқтымыз. Мынау белес-белес боп созылып жатқан үшіг-қиыры жоқ аппақ дала, бір шөкім бұлт жоқ шыныңдай мөлдір көк аспан, май тоңғысыз жылым ауа — барлығы да шана үстіндегі бізді тербетіп келе жатқандай болады.

- Әлгі Көбекен байғұс көрінбейді,- деп қойды бір кез орнынан көтеріліп алға қараған Бектай. Менің есіме әпкемнің бағанағы айтқандары тұсті. Бір ауық ойша екеудің салыстырып көргем, сүмірейген балдақты ақсақ, әрі кексе Көбекен мен тепсе темір үзетін, оттай жайнап тұрған әпкем екеудің арасы жер мен көктей екен. Ақсақ

бұл түгілі қол-аяғы бұп-бүтін, түр десең түрі бар, өнер десең өнерлі, жігіттің сұлтаны бол көрінетін Ырысбекті де әпкем менсінбей қойды ғой. Әпкемнің теңі Тоқтар еді ғой. Шіркін, қандай әдемі жігіт еді! Шалдар айтқандаі, қынынан суырған қылыштай бол тұрушы еді. Ер жігіт сондай-ақ болар! Оның қасында Ырысбек кім, Көбеген кім? Қайран әпкем, түсінем мен сенің жайынды... Қалғып кетіспін.

- Аға, отырыңыз! — деген дауыстан көзімді ашып алдым. Шана тоқтапты. Жол шетінде тұрған Көбеген қарға сағағына дейін батқан қос балдағын әзер деп суырып алды да, шана үстіне лақтырып тастай берді, өзі бір аяғымен секіріп кеп, бар салмағымен менің қатарымға гұрс етіп отыра кетті, отыра кеткен жоқ-ау, құлап тұсті. Жақыннан анық көрдім, түрі адам шошырлық еді, ерт сөндіргендей қап-қара, бет-аузынан айғыз-айғыз аққан тердің іздері ақ таңдақтанып, жолақ-жолақ бол қапты. Шанаға жамбасы тиген бойда талмаусырағандай көзін жұмды. Танауы қусырылып, тынысын солықтай алып, тым-тырыс сұлық жатты да қойды. Өне бойы тегіс әбден тоңған адамдай діріл қағады.

Екі белесті асқан соң ауылға да жеттік. Нұсіп шалдың үйінің тұсында Бектай шананы тоқтатып, Көбеген түсіп қалды. Қалт-құлт етіп бір аттады да, босап жатқан қарға айыршағына дейін кеткен балдағын суырамын деп алға қарай ұмтыла тартқанда, жалап етіп ұшып тұсті. Бектай екеуміз шанадан секіре-секіре түсіп ұмтылғанбыз, осы кезде үйлерінен Нұсіп шал мен қызы екеуі де жүгіре шыққан. Екеуі бізден бұрынырақ жетіп Көбегенді қолтығынан демеп, көтеріп әкетті.

## ҚЫДЫРМАН ТОЙТЫҚ

Арада екі күн өтті ме, жоқ па, сәске кезінде күтпеген жерден Нәзира әпкем жетіп келді. Қасында сол әнеугұнгі мен көрген Гүлсара деген дос қызы. Екеуінің де үстінде сол ерекшора киімдері — комбинезондары, іштерінен жылы жемпірлерін киіп, белдерін мықтап буынып алған, бастарында құлақшын, білмеген адам екеуін де қыз деп ойламайды, ауыл арасының бозбалалары сияқты, жүрістері суыт, сонау МТС-тан жаяу келгендері көрініп түр. Әжем әуелде қуанып қалса да, артынша көңілі әлденеден секем алғандай:

- Әйттеу, бұл жүрістерің жайшылық па? — деп сұраған.

- Жайшылық. Сендерді сағынып кеттім,- деді Нәзира әпкем жайма-шуақ құлген болып. Бірақ үнінде де, құлқісінде де абыржу бар еді. Құлақшының шешіп, желкесіне түйген тоқпақтай ұзын бұрымын босатып әуелі өніріне түсіріп, үш жағын сәл тарқатыңырап барып өрді де, сәнімен арқасына қарай сілкіп тастап, әжемнен бастап барлығымызға тегіс күлімсірей қарап шықты. Құлкісі маған жасанды бол көрінді.

- Сонша неғып үрпісіе қалдындар? — деді тағы да көңілдене сөйлеген бол.

- Эй, сенің осы келісің тегін емес. Менен бірденені бүгіп тұрсың? — деді әжем.

- Айтып ем ғой,- деді Нәзира әпкем Гүлсараға қарап құле сөйлем,- Менің әжемнің көріп келі бар деп. Әне, бәрін біліп отыр.

- Эй, нені біліп отыр дейсің? Нені жұмбақтап тұрсың?! — деді әжем шыдамсыздана.

- Ештеңе емес. Сонан кейін айтам ғой.

- Жоқ, қазір айт.

- Айтсам айтайын,- деді әпкем сол көңілді үнін бұзбастан.- МТС мына Гүлсара екеумізді және бес-алты

қызды соғыстан азат етілген қалаларды қалпына келтіруге жіберіп отыр.

- Ойбай, не дейд?! Соғыс деймісің, ой-ба-ай!.. - деп әжем баж етіп, ойбайлап жөнелген.

- Жә... Ойбайлағаны несі, жаманшылық шақырып,- деп Нәзира әпкем қатулана дауыс көтерген.

- Ойбайламағанда маған қуан деп отырсың ба?! Ой-ба-ай-й!..

- Куан деп отырғам жоқ, бірақ ойбайлама деймін. Мен тірімін ғой.

- А! — деген сасып қалған әжем не дерін білмей.

- Мен тірімін ғой, жаманшылық шақырып ойбайлама деймін.

Тосылыңқыраған әжем сәл бәсенде:

- Өзің соғысты айтып отырсың ғой, қарағым-ау,- деген енді жыламсыраған үнмен.

- Мен соғыс деп отырған жоқпышын, соғыстан босаған, біздің әскерлер азат еткен қалаларды қалпына келтіруге барамыз деп отырмын.

- Ойбу-у, енді қайтейін-ай, ол да бәрібір соғыс қой. Эй, қу құдай, шұнақ құдай... - деп, әжем әлгіндеңгідей емес бәсен үнмен зарлай бастады. - Экесі мен шешесінен өлідей айрылып, енді бұдан тірідей айырайын дедің бе?! Бұл сүмдықты көрсеткенше мені неге алмайсың. Мен өліп, бұлар менің соңымда жылап неге қалмайды. Қу құдай, көзі жоқ соқыр құдай, тас керен құдай...

Осылайша әжем басқаны емес, дүниені тегіс уысында ұстап тұрған құдайың өзін көктен алғып, жерге салып қарғап-сілей бастады. Әншнейінде екі сөзінің бірінде «аллатап» сиынып отыратын діншіл әжем ашынған кезінде құдайыңың да бас-көзіне қарамайды екен. Қу да, шұнақ та, тас керен де, көр соқыр да — әйтеу, адамды қорлайтын кем-кетіктің бәрін соның басына үйіп-төкті-ай келіп.

Әжемнің мына қарғап-сілегеніне қарап құдайды Байдалы шалдың ар жақ, бер жағындағы біреу ме деуге болатын. Өйткені дәл қазіргі сәтте құдай бар болатын болса, әжемнің мына сөздерінен кейін: «Әй, осы кемпірден аулақ Жүрейінші» деп, біздің үйдің төңірегінен безіп кеткен шығар. Қашанғы қарғанып-сілене берсін, біраздан кейін құдайдың жер-жебіріне жеткендей болған әжем басылайын деді. Ойбайын токта тып, көз жасын тыйды да:

- У-үх... О, жаратқан, кеше гөр,- деді ауыр күрсініп. Онан соң үнсіз отырған Нәзира әпкеме қарап: — Қашан жүресіндер? — деп сұрады.

- Ертең таңертенгі сағат тоғызда МТС-та болуыңыз керек.

- Баратын жақтарың, әлгі бұзылған қалаларың алыс па?

- Поезбен барамыз ғой,- деді әпкем алыс, жақынын ашып айтпастан жұбата сөйлеп.

- Алыс десенші.- Әжемнің көңілін аударғысы келген әпкем:

- Мына Гүлсара үйімен қоштаса да алмай кетіп барады,- деген.

- Ойбуй, қарағым-ай, әй,- деді жаны ашып кеткен әжем.- Үйің алыста ма еді?

- Ақсу жақта, алыста.

- Ата-анаң бар ма еді?

- Бар, әкем де, шешем де бар, колхоздың малын бағады, қазір олар төменгі құмда Балқаштың бойында ғой. Бір-екі күнде үлгеріп барып келе алмаймын.

- Ой, әттегене-ай, а... Естігендерінде қандай анырап екен, сорлылар! Ең болмаса, мандаіынан бір ііскең қалмағандарына өкінеді-ау, ә... О, қараң өшкір, пәшістай!.. Ойдағыны ойда, қырдағыны қырда зарлаттың-ау. Өстіп зарлап қалғыр-ай...

Мұнан әрі әжем белін бекем буып, қайратына қайта

мінгендей орнынан тұрды.

- Эй, Қанат! — деді қатқыл үнмен маған,- анау көк тушаны ұста да, Нұсіп бола ма, Мақым бола ма, біреуін ертіп кел, мына әпкенді айналдырып айтып сойып, құдайы тамақ берейін.

- Эже-ау, көк тушаны қайтесің, буаз шығар.

- Буаз емес.

- Өздеріне қажет болады ғой, кейін көктемге қарай мына балалар ашығып жатса, сойып, көже қатық жасарсыздар,- деген әпкем бәйек болып.

- Жә, біз ел ішіндеміз ғой, өлмейміз,- деді әжем кесімді үнмен.

Мен әуелі жүгіріп барып үйі жақындау почташы Мақым шалды шақырдым да, одан қайтып кеп қораның іргесіндегі сабанды қажақтап жүрген көк тушаны ұстап есіктің көзіне жетектеп әкелгенімде, әжем Нәзира әпкемді ертіп шығып тұр еді. Әпкем мен Гүлсара бірбіріне қарап жымындасып қояды, бірақ ескіліктің қалдығы деп қарсылық етуге әжеме және батпайды, бәрін күлкімен жуып-шайған түрлері. Мақым шал көк тушаны Нәзира әпкемнен үш рет айналдырып бата жасады, «біссімілдә» деп союға кірісті.

Сол күні түстен кейін ауылдың біраз шал-кемпірлері кеп, үйден құдайы тамақ ішіп, Нәзира әпкеме оң сапар тілеп, баталарын берді.

Кешкісін Нәзира әпкеммен мектепте бірге оқыған дос құрбы қыздары: Нұрбике, Үміт; ұлдан Қызырман және бұлардан екі-үш жасы үлкен болса да Нәзира әпкеммен станцияға астық тартып бірге жүріп, бірге тұрып, аралас-құралас бол кеткен Зибаш жиналған. Соғыстан бұрынғы балалық шақтарын, мектепте оқыған кездерін еске алыш, мәз-мейрам бол құлісіп, ән салыш, біраз көнілдерін көтерді. Мен ес білгелі, Нұрбике, Үміт, Нәзира әпкем үшеуінің бастары қосылса болды,

ауыздары жабылмай, жыптылдастып ұзақты күнге сөздері таусылмайтын. Үшеуі де бірінен-бірі өткен күлегеш, үшеуі де сөзшен, сауысқанша шықылықтаап, шошаңдан қалған қыздар еді. Не сөйлеседі, неменеге сонша жыртақтасып мәз боп күлетіндерін адам ұғып болмайтын. Біріне-бірі мұрындарының үстінен алақандарын қырынан ұстап қарайтын да, соған көздерінен жас аққанша сықылықтасып кеп күлетін. Кейіннен білдім, ондағысы өздерімен бірге оқитын осы Қыдырмананды мазақтағандары екен де. Қыдырман мұрны қоңқиған ұзын, көзі қысықтау, мінезі әнгудіктеу бала болатын. Мектепте өзінше қыздардың қасына кеп қырындаған боп тұрады екен. Сондайда бірде қоңқақ мұрнын уқалап жиі-жіі тартқыштай берсе керек. «Немене, сенің мұрныңа бірдеңе болған ба?» — дейді қыздардың бірі кекетіп. «Ұйықтап жатқанымда шіркей кіріп кеткен бе, білмеймін», - депті Қыдырман мұрнын уқалай түсіп. «Қой, шіркей емес, шыбын шығар», - депті қыздар. «Шыбын болса шыбын шығар», - дейді қыздардың мазағына түсіне қоймаған Қыдырман. «Ой, мынадай танауға шыбын емес, ара кіріп кеткен шығар», - депті қыздардың бірі онан әрі қақпақылдап. «Жо, ара емес, ара болса ендігі шағып ап, мұрным ісіп кетер еді ғой», - деген екен Қыдырман. Содан үш қыз ішектері түйілгенше ал кеп күлсін. Неше уақытқа дейін бір-біріне мұрындарының үстінен алақандарын қырынан ұстап қараса-ақ болғаны, сықылықтап кулжіге бататын. Енді бүтін де естеріне алып, сондағы әзілдері мен күлкілері өздеріне ерсі көрініп отыр.

- Түк үқпайтын бала екенбіз ғой, - деседі.

Біраздан кейін Нұрбике кішкене баласының еметін мерзімі болғанын айтыш рүқсат сұрап, қоштасып кетпек болды. Осыдан бес-алты ай бұрын үйде отырып босанып, ұл тапқан. Жігіті Берік өткен қыста әскерге

кетті де, көп ұзамай артынан қара қағаз келді, ал Нұрбике болса не қыз емес, не күйеуге тиген әйел емес, балалы жесір боп қала берді. Ата-анасының бетіне мұнан өткен не шіркеу болсын. Нұрбикенің өзі де көпшілік жиналған жерге жоламай, көзге түспеуге тырысып, қашақтап жүреді. Әбден жүдеген, тек бажыг-райған мұң толы қөзі ғана қалған. Бүгін бірге өскен құрбысы Нәзира әпкеммен қоштасып қалу үшін ғана келіпті.

Нұрбике кеткен соң, құрбылары сырттай оған аяныш білдіре отырып, өз бастарындағы қайғы-қасіреттерін шағынғандай болды. Әсіресе Үміт Нәзира әпкемнің қасына отырып ап, құшақтап айырылғысы келмейді.

- Нәзирамен бірге мен де кетер едім, шіркін-ай,- деп қояды қөзі мөлт-мөлт жасқа тольып. Шынымен кеткісі келгені ме, әлде өзінің кәріп боп қалған күйін шағынған өкініші мен іш құса мұңы ма, кім білсін. Алдыңғы жылы қыста станцияға астық тартып жүргенінде Қараталдың мұзы ойылып кетіп, Үміт су ортасында қалған шанадағы астықты жаяулап су кешіп жүріп тасып өлім аузынан қалған, ақыры соның зардабынан қираландап журе алмайтын жарымжан болды. Қазір де өзінің жанына батқан сол кәріп халін шағынатын сияқты.

- Мені де ала кетші, Нәзира. Мен де бірге кетейінші,- дейді әпкемнің мойнына қыыла асылып. Үмітке салсаң Нәзира әпкем кез келгеннің қолы жете бермес керемет бір сапарға аттанып бара жатқан сияқты. Тіпті басқаның қолы жетсе де, өзінің қолы жетпейтініне анық өкініш білдіреді.

- Осы қыз қызық,- дейді Қызырман танауы делдиіп қызына сөйлеп.- Немене, Нәзира өз еркімен бара жатыр дейсің бе?! Ұл да әскерге шақырудың бір түрі. Қаншама қыындықтар күтіп тұрған шығар бұларды да.

- Мейлі, қандай қызындықтар болса да Нәзирамен бірге кетер ем.

- Түү, сен қыз да қойсаншы енді, адамның қитығына тие бермей,- деді Қыдырман кенет тісі ауырғандай кіржиіп.- Эділіне келсек бұл, ең әуелі, мына менің жолым еді ғой. Мен сияқты жігіттердің жолы еді. Эттең, амал қанша, ауылда жүріп-ақ аяқтан айрылып, тойтық боп қалған мына мені айтсаншы. Енді, міне, адамға да, құдайға да керексізбін,-деп, ақ таяғымен аяғын тоқылғатып ұрып қойды. Келте ұлтарылған дәу шарықтары кесілген қос томардай қолапайсыз жүп-жуан еді.

Жаңа жылдың алдында қатты боранда екі күндей малмен бірге ығып, далада қалып аяғын ұсіткен. Содан саусақтары қап-қара боп құлдіреп ісіп, аяқтарының басы көпке дейін жазылмай, ешқандай ем-дом қонбай, қағынды болып ұшыға бастайды. Күндіз-туні зар қақтыған ауыр азаптан өлер болған Қыдырман, мұнан әрі аяғының мал болмасына көзі жеткен соң, саусақтарын жаңғырыққа салыпты да, өткір балтамен тегіс қырқып шауып тастапты. Және осының бәрін ешкімнің жәрдемінсіз өзі істеген. Шешесі мен іні-қарындастары қарап тұруға дәттері шыдамай, безіп қашып кеткен екен. Міне, соңан кейін ғана беті бері қарап, аяғы жазыла бастады. Мына дәу шарықты өзі тігіп алған. Қалың орап кимесе, аяғы сұыққа шыдамсыз, өте тоңғақ көрінеді. Жүрген кезде аяғына кеспелтек екі томарды байлап алғандай қорбаң-қорбаң етеді. Осы күні балалар оны Қыдырман демейміз, тойтық дейміз. Өзі оған өлердей қорланады. Қуып жете алмайтын болған соң, қолындағы жуан ақ таяғын лақтырып ұрып, зәре-құтымызды ұшырады. Бірақ одан тілімізді тартып жатқан біз жоқпыш, анадайдан алдынан кесе-көлдененендей беріп: «Әне, Тойтық келе жатыр. Тойтықты қара. Эй, Тойтық!» —

деп мазақтап қаша жөнелеміз. Сол -Қызырман да жылар-мандай боп қорланып, түтігіп отыр.

- Аяғыңың үсігені жақсы болған екен, әйтпесе сен екеш сен де бізді тастап кеткелі жүр екенсің ғой,- деген Зибаш сыңғырлай күліп.

- Немене, менің кетпегенімді тілейсің бе? — деді Қызырман оған жалт қарап.

- Эрине.

- Апыр-ай, э, менің тілеуімді тілейтін адам да бар екен-ау,- деп Қызырман күлген болды. Бірақ Зибаш күлген жоқ, май шамның жарығында дәңгелек сұлу жүзін оған бұрып, көзін сүзілдіре қарады да:

- Мен шынымды айтып отырсам, бұл құледі ғой,- деді назданып.

- Ойбай, жеңешетай, күлмеймін, міне шыным, риза болып отырмын,- деп, Қызырман оның топ-толық біле-гінен қос қолдап ұстап, қысып-қысып қойды,- Мен тек өзімнің мына тойтықтығыма күйініп отырмын да.

- Жә, жә, сендерге не болған?! — деді Нәзира әпкем бұларға кезек қарап жеки сөйлеп.-Немене, мені тойға кетіп барады дейсіндер ме?! Әлде жетіскенімнен кетіп барады дейсіндер ме?! — Оナン соң кәннің үстінде бір-біріне тығыла түсіп, бүк түсіп жатқан әжем мен кішкене балалар жақты мегзеп қойып: — Мен кеткен соң, мына-лардың күйі не болады әлі?! — деді ауыр күрсініп.

Шынында да, солай екен-ау дегендей Үміт те, Қызырман да ынғайсызданып қалды. Ұйықтап жатқаны, әлде оуя жатқаны белгісіз әжем: «Е-е, алла...» деп аh ұра күрсініп, жаратқанға күбірлей сиынып қойды. Әпкем есіне енді әлдене түскендей Зибаштан:

- Айтпақшы, Қоғалыбұлақ жақтағы шөпті әлі тарқатқан жоқсындар ма? — деп сұраған.

- Кеше ғана екі шанамен Мамыр мен Махмұд барып

қайтты. Қар қалың ғой, әзірге жолы ауырлау көрінеді. Жай сұрадың ба?

- Жазда пішен кезінде бұлақтың жоғарғы жағындағы жыраның шөбін мына Қанат екеуміз шалғымен шауып, бергі қабаққа жинап қойып едім. Соны құзде жеткізіп алуға колхоздың жұмысынан қолым тимей кетті емес пе.

- Осы аптада ол жақтан шөп тартуға мына Қызырман екеуміз де барып қалармыз.

- Онда соны екеуің бөліп-жарып бірдене ғып үйге жеткізіп берсендерші, өзі бір шанадан аспайды. Мына Қанатты бірге ала барсаңдар, жолын көрсетіп көмектесер еді.

- Жарайды,- деп Зибаш Қызырманға қараған.

- Эрине, жеткізіп береміз,- деді Қызырман да іле қостап.

Тағы да тіршілікке байланысты ананы-мынаны сөз етіп біраз отырған соң, Зибаш та ата-енесінің бұл келгенше үйіктамай қутетінін айтып, кетуге ыңғайланған. Эпкем оған ризалығын білдіре отырып соңғы тілегін айтты: онысы мына қалып бара жатқан өлмелі кәрі шешесі мен көкқарын інілеріне көз қырын сала жүр деген еді. Бұл сөзін ол Зибашқа айта отырып, Қызырман мен Үмітке де құлаққағыс қылғаны еді.

- О не дегенің, қолымыздан келген жәрдемізді көрсетіп тұрамыз ғой,- деді Зибаш тағы да қоштау қуткендей Қызырманға, одан Үмітке қарап.

- Эрине, әрине,- десті анау екеуі де.

Зибаш Нәзира әпкеммен көзіне жас ала тұрып, құшақтасып қоштасты.

- Қайда жүрсөң аман бол... Аман-сау қайт, тентек қыз...

Зибаш кеткен соң, Қызырман мен Үміт екеуі тағы да мектептегі балалық кездерін еске алып, бірінен-бірі

сабақты қалай көшіргендерін, сабақ үстінде отырғанда қай баланың не істегенін айтып мәз боп күлісе бастады.

- Тағы да бір шай ішелік, Қанатай, сабан әкеп от жақшы,- деді қайта көнілденген Нәзира әпкем.

Мен сабан әкелуге сыртқа шықтым. Тұн жарымы ауа барып туған ай бір шекесі ойылып, солғындаған сәулесі төніректі бозамықтандырып тұр екен. Ауыл тегіс тымтырыс, ең аяғы мазасыз иттерге дейін тәтті үйқыға батқан сияқты. Тау жақтан болар-болмас қана қоңыр жел үріп тұр. Қораның сыртына қарай шығып сабаннан құшақтап ала бергенімде, арғы жақтан сабанды сылдырлатып біреу жүргендей болды. Селк етіп сабанды тастай қашуға шақ қалдым.

- Қанатай, қорықпа, бұл мен ғой,- деді үрлана шыққан дауыс, Зибаш екен.

- Жоқ, қорықкан жоқпын,- дедім мен өзімше сыр білдірмегенсіп. Өзім іштей таң қап тұрмын, әлгінде ғой: «Ата-енем келгенімше жатпай күтіп отырады»,- деп, асығып кеткен сияқты еді, енді біздің сабаның түбінде мына тұрысы не? Әлде қайтуға қорқып тұр ма екен?

- Қанатай, ақылтың бар ғой, айналайын, анау қыздарға байқатпай Қыдырманға ақырын ғана ымдал, бір кісі шақырып тұр деші,- деді сол үрлана сыбырлаған үнмен.

- Макұл.

Сабанды құшақтап үйге кірдім де Қыдырманға қарап «Әй, тойтық» деп қала жаздап барып:

- Сені есік алдында бір кісі шақырып тұр,- дедім еш ымдал жатпай-ақ бірден дүңк еткізіп.

- О кім? — деді Қыдырман таңырқап.

- Шықсан қөресің ғой.

Нәзира әпкем де, Үміт те қосарлана:

- Бар, бар! Шаруасы бар кісі шығар,- десті.

- Ой, о кім болды екен? — деп, Қыдырман тойтық

тойтаңдай басып сыртқа шығып кеткен. Үш қыз бір-біріне қарап сықылыштаса кеп күлді.

Қыдырман тойтың сол кеткеннен қайтып оралған жоқ. Мен от жаққам, ошак үстінде жылы тұрған шәугім сәлден кейін-ақ қайнай бастады. Қыздар тары да шай ішті.

- Енді жатпай-ақ қояйық,- деді Нәзира әпкем Гүлсараға.- Жол бойы әлі үйиқтармыз.

- Менің жатқанмен де бәрібір үйқым келмейді,- деді Гүлсара мұңайып.- Сен ғой, әжеңмен, інілеріңмен, құрбы-құрдастарыңмен, ауылыңмен қоштасып аттанып бара жатырсың, ал мен болсам әке-шешемнің қандай халде екенін де біле алмай кетіп барам. Ойласам-ақ жүргегім сыздап сала береді.

- Жә, ойлағанмен түк шықпайды. Бәлкім, солардың жылап-сықтап қалғандарын көргеннен де көрмей аттанғаның Да дұрыс шығар,- деді әпкем оны жұбата сойлеп.- Мен, міне, көңілім айран-асыр боп аттанғалы отырмын. Мен кеткен соң мыналардың күні не болады. Мына Қанатқа қарап қалғандары ғой.

Осыны айттып көзіне жас алды, апама ұқсаған ақ сүр өні дір-дір етіп, енді сәл болса еніреп жылап жіберуге шақ отыр. Эжем мен кішкене балалар жаққа жалтақтап қарап қояды.

- Елге аман-сау қайтып ораламыз ба, жоқ па? Қайтсақ қашан қайтамыз, кім біледі?!

- Сендер азат етілген қалаларға бара жатырсындар ғой,- деген Үміт.

- Азат етілгенмен, соғыс болып өткен жердің тірлігі қайбір жетіскең тірлік дейсің,- деді Гүлсара көңіліндегі күдігі ішіне сыймағандай.- Жарылмай қалған миналар, бомбалар көп болады екен, көмусіз қалған өліктерден тазартуымыз керек екен.

- Жоқ пәлені айтпай қойындаршы,- Деген Үміт көзі шарасынан шыға үрейленіп.

- Рас, бізге ескертіп айтты...

Осы тұста Нәзира әпкемнің көзі бағанадан өздерінің әңгімелерін сырттай үнсіз тындал отырған маған түсіп кетті де:

- Жә, сен де адамның зәресін ұшыратын не болса соны айтпай, жөні түзу әңгіме айтсаншы,- деп, ымдай сөйлеп, Гүлсараны тыйып таstadtы.- Эдейі мына Үмітті қорқыту үшін айттып отырсың-ау, ә,- деді сөзінің соңын әзілге сая жуып-шайып. Сәл абдырап қалған Гүлсара әуелі әпкеме, одан маған қарады да, лезде өніне күлкі үйіріп:

- Иә-да,- деді әзілдей сөйлеп.- Эйтпесе Үміт бізben бірге кетем деп отыр емес пе.

Осылайша үш қыз бір ауық көздеріне жас алып мұнайып, бір ауық әзілдесе қуліп ұзақ таңды көздерімен атырды. Өзіміздің үйдің, көрші-көлемдердің әтештері әуелі таңың атқанын хабарлап, бірін-бірі үйқыдан оятқандай кезектесе әдеппен шақыра бастады да, біраздан кейін үйқыларынан әбден оянып, тамақтарын қырына кенеп, нәшіне келтіріп алғандай болған соң,- ал енді қайсымыздың дауысымыз аңырақ шығар еken деп, жарысқандай азан-қазан болған болған сапар тілеп, бата жасады. Әпкемдерді сағат тоғыздан қалдырмай жеткізіп салмақ болған почташы Мақым шал да шанасымен есік алдына кеп тоқтаған. Әпкем, Гүлсара екеуі тез киіне бастады. Эжем де оянып, дастарқан жайып,- он сапар тілеп, бата жасады. Әпкемді мандайынан сүйе тұрып қоштасты, көзіне жас алғаны болмаса, дауыс шығарып жылаған жоқ.

- Мандайыңа бір жазғаны бар шығар, жыламайын,- деді.

Әжем жыламаған соң, басқаларымыз да көздеріміз жасаурап тұрып қоштастық.

---

Жексенбі күні ертеңгісін бір топ бала: Санат, Петька, Отто, Әбліттай және де, ортамызда бізден сәл ересектеу Фрицы бар, ескі клубтың іргесіне жинальш ап, садақ жасауға кіріскеңбіз. Бұл биыл қыстағы біраздан бері қызыға ойнайтын ойынымыз боп жүр. Қайыңнан, ырғайдан, талдан садақ иеміз, оған қамыстан жебе дайындал, ұшына қаңылтырдан жасалған үшкір оқ кигі-земіз. Садақты кере тартып атқан кезінде, ауылдың бір шетінен екінші шетіне дейін жетеді және тиген затын тесіп кетеді. Клубтың қалың тақтай есігін атқан кезінде, кірш етіп қадала түседі. Міне, осы садағымызben сауы-скан, қарға-құзғын атамыз. Өйткені биыл қыс қарға-құзғын, сауыскан дегендер мұлде көбейіп кетті, жыртылып айырылады. Ауыл төнірегіндегі арам өлген, қасқыр тартқан малдардың өллекселерін жайланаған қарға-құзғындар ертеден кешке дейін дар-дар етісіп есіріктеніп азан-қазан шуылдасады да жатады, ал онсыз да ыңыршақтары шығып титықтап жүрген өгіздер мен жауыр аттардың қыр арқаларына қонақтап ап, жануарлардың жараларының қанын сорғалата шоқып, ес таптырмай шықылтықтайтын сауыскандар мұлде басынып алған, шақ-шақ етіп шақылдағандары Байдалы шалдан бір кем емес.

Садаққа июге ағашты әркім өзі табады, ал жебеге колхоздың мал қорасының төбесін жапқан қамыстан үрлаймыз, қаңылтырды Фрицы тауып әкеледі және оны өзі әдемілеп үшкілдеп қыыш, ұшын үп-үшкір біздей етіп оқ соғады. Қолы майысып шебер-ақ. Жасап берген әр оғы үшін Фрицыға бір құрт немесе басқадай тамақ

төлейміз. Мәселен, біз: Санат, Эбілтай үшеуміз үйімізден ұрлап-жырлап құрт-ірімшік әкеп отырмыз да, Петъка отқа көміп пісірілген картоп әкеп отыр, ал Оттоның сыртын отқа қақтаған жарты жүгерісі бар. Осының бәрін дорбасына салып алған Фрицы жан-тәнін салып бізге оқ соғып отыр. Эрқайсымыз екіден-ұштен оқ соққызып мәз-мейрамбыз.

- Пірсіп-оу! Эй, Пірсіп, жер жұтқыр, қайда жоғалып кеттің?! — деген дауыстан Фрицыдан бастап бәріміз де селк-селк ете қалдық. Бұл — Байдалы шалдың кемпірі Упияның даусы.

- Ойбай, мені іздеп» жатыр,- деді Фрицы жасап отырған оғын тездете тықылдатып.

- Эй, Пірсіп! Тілеуің құрғыр, қайда жүрсің?!

- Апа, мен мұндармын.

- О, желкең үзілгір, анау малдарды суғар.

- Қазір, апа, қазір.

Фрицы соңғы жасаған оғын Эбілтайдың жебесіне кигізіп берді де, қаңылтырың орап, кетуге жиналды.

- Қалғанын қазір малдарды суғарып келген соң жасаймын,- деді.

Фрицы — жетім бала. Шешесі өткен күзде пішенде жылан шағып өлді. Содан бері Фрицы әркімнің есігінде күн көреді. Соңғы кездері Байдалы шалдың үйінің малын қарап, сол үтеге қол бала боп жүр. Қолы қалт етсе біздерге кеп бір жағы ойнайды, бір жағы бірдеңе-бірдеңе жасап, тамағын асырайды. Өзі бізден бірер жас үлкен, ұзын бойлы, өні боп-боз, имиген арық, тарамыстанып алып қолынан келмейтіні жоқ.

Эрқайсымызда екіден-ұштен оқ және әр оғымыздың батырлар жырындағыдай аты бар: Сүржебе, Көкжебе, Сойқанжебе, Қатержебе... деп түрлеп-түрлеп атамыз. Сауысқан, қарға атпас бұрын әуелі нысана көздеп жаттығып алмақ болып клубтың есігіне қарай күйемен

Гитлердің суретін салып, соны көздең атып ойнауға кіріскеңбіз. Клубтың арт жағынан тор жорғасымен енгелетіп Байдалы шал шыға келгенде, апыр-топыр қаша жөнелдік. О да атын тебініп қап:

- Θ, иттің қүшіктері, не істеп жүрсіндер?! — деп ақыра ұмтылған. Қуып жетіп әрқайсымызды қамшымен бір-бір салып өтетін шығар деп ойлағанбыз, жо, олай болмады. Ұзаңқырап барып кейін бұрылсак, Байдалы шал атының басын тартып, еңкейе түсіп клубтың есігін-дегі әлгінде біз салған Гитлердің суретіне қарап түр екен.

- Эй, қүшіктер, мыналарың кім? — деді қамшысының сабымен суретті нұсқап.

- Гитлер,- дедік біз бір ауыздан.

- Э. Соны атып жүрсіндер ме?

- Иә.

- Онда оларың дұрыс екен. Ал өздерің неге қашасындар? Шынында да, неге қаштық? Бұрын балалар Байдалы шалдың соңынан қалмай аталап оған бірдене деп сөйлесіп қалуға құштар ек, басқа үлкендерге қарағанда оны бір түрлі жақын тартып үйірсектеп, еркелегіміз кеп тұратынбыз. Өзі де бізben әзілдеп қоятын: «Эй, осы құнгінің балаларын қойшы»,- деп, ернін шүйіргенниң өзінде бізде кемсітіп жерлеуден гөрі, қайта намысымызға тиіп қайрап тұрғандай көрінетін. Байдалы шал бригадир болғаннан бері, сол өзара үйірсектік біртіндеп сүйп, қайта керісінше арамыз алшақтап кеткен. Бүгінде балалар Байдалы шалды көрсек өзімізден-өзіміз қаша жөнелеміз, ал ол өзі бізді көрген жерде атын тебініп қап, қамшысын үйіріп ақырып қуып береді. Біздің жазығымыз не, неліктен қашамыз, ал ол бізді не үшін қуады? Оны біз де білмейміз, Байдалы шалдың өзі де білмейтін болар. Эйтеу, біз қаша жөнелеміз, ол қуып береді. Қазір де ол клубтың арт жағынан оқыстан шыға келгенде, біз

топырлап қаша жөнелдік, ал ол ақыра үмтүлшіп, қамшысын үйіріп қумақ болды. Енді, міне, біздің неліктен қаша жөнелгенімізге ол түсінбей түр да, одан неліктен қашқанымызды білмей біз тұрмыз.

- Бері, жақын келіндер,- деді ол саябыр үнмен.- Неге қорқасындар? Тимеймін. Бері келіндер.

Біз өзімізді көтеретін, бірақ ат омбылап журе алмайтын қатқақ қардың үстіне шығып алғанбыз, енді оған қуса да ұстаптайтынымызды білеміз. Сондықтан тайсақтамай оның әр қимылын қалт жіберместен қадағалап қарап тұрмыз.

- Эй, қорықпандарап дедім той. Кәне, қайсысың хатты жақсы оқисың? Мен бір қағаз оқытып алайын деп едім,- деді ақыры өзінің бізге ісі түсіп тұрғанын білдіріп. Біз, балалар, ішіміздегі хатты ең жақсы оқитынымыз деп атын атамасақ та Санатқа қарағанбыз. Ол әлгінде қаша жөнелгенімізде, жерге түсіп қалған бір оғының торы жорғаның тағалы тұяғының астында быт-шыт бол сынғанын көріп, түршігіп тұрған.

- Мен үйге қайтам, мал суғаруым керек,- деді күнкілден.

- Эне, біздің үйдегі апаларың бауырсақ пісіріп жатыр, қағаз оқып бергеніне бір қалта бауырсақ бергізем,- деді Байдалы шал үй жағын нұсқап. Мұржасынан түтіні будақтап түр екен. Біздің мұрнымызды майға піскен ыстық бауырсақтың ісі жеткендей болды.

- Ата, мен оқыныши,- деді Әбліттай жулып алғандай жұлқына тілек білдіріп. Байдалы шал оның сөзін естімегендей Санатқа қарайлаған.

- Жоқ, мен үйге қайтам, мал суғаруым керек,- деді Санат кейін қарай бұрылып.

- Жүр онда, сен оқып бер,- деді Байдалы шал енді амалсыз Әбліттайға қарап.- Бауырсаққа бір тоясын.

Куаныш кеткен Әбліттай Байдалы шалдың соңынан

ілесе түсіп барып, қалған ұшеумізге жалт бұрылды да, тастап кете алмай:

- Ата, мына балалар да жүрсінші,- деді өтініп.

- Мейілдері, жүрсе жүрсін.

Байдалы шал торы жорғасымен алға түсіп, біз төрт бала садақтарымызды мойнымызға асынып, оның соңынан ілесіп шалдың үйіне қарай жүрдік.

- Бауырсақ бермек түгілі, өзімізді сабап-сабап жібер-месе неғылсын,- деді Отто сыйырлап.

- Сабап жынды ма, біздің еш жазығымыз жоқ қой,- деді Петъка.

- Сабамайтын шығар, солай ма, Қанат? — дейді Эбілтай да қорқақтанқырап.

- Кім білсін,- деймін мен иығымды қиқаң еткізіп. Шынында да, кім білсін, соңғы кезде Байдалы шалдың мінезін адам түсінетіндегі болыш жүр ме.

Есігінің алдына жетіп Байдалы шал атынан түскен кезде, отын бұтап жүрген біз танымайтын бір бейтаныс адам:

- Ассаламағалейкем-өм, Байага! — деп қарсы алған.

- Эликісалам. Эй, Тұржанбысың?!

- Иә.

- Қайдан жүрсің?

- Ауылдан. Сіздерді сағынып кеттім де, амандақта-рыңызды біліп қайтайын деп келдім.

- Е, жөн еken оның, қонақ бол кеп, отын бұтап жүргенің қалай енді?!

- Ой, Байага, сіздің үйдің отынын бұтамағанда кімнің отынын бұттаймын. Өзімсініп жүргенім ғой, а-а-а...- деп мәз бола күлді Тұржан.

Бұл — кішірек көзі жылт-жылт еткен, адамға тұра қараған кезде қос танауы таңқиып тұратын, ұртының үстінен жалбырап тұрған сұйық шалғы мұрты бар, ұзын бойлы, қайыстай қатқан қара кісі еді. Алдыңғы тістері

жоқ екен, сөйлеген, күлгөн кездерінде кішкентай бет әлпетінің қақ жарымын алғып тұрған дүрдік ерінді жайын аузы ұрадай боп үнірейіп, көмейіне дейін қара қошқылданып түтел көрінеді.

- Иә, үй ішің аман ба? Келіннің халі жақсы ма? — деген Байдалы шал амандық сұрай тұрып.

- Аман ғой, оларды ит жей ме, а-а-а-а... - деп Тұржан ұрадай аузын ашып тағы құлді. Жағыну үшін болу керек, сөзінің соңын: «а-а-а...» деп дарақты қулкімен аяқтайды екен. Эйттеу, қалай болған күнде де бір суқансыз адам екені бірден көрініп тұрды.

- Осы сенің балаңның аты кім еді?

- Сапыбек қой.

- Иә, ол қазір қай класта?

- Соғыс басталар жылы үшіншіні бітірген, онан кейін оқымай қойды, күшік. Жалғыз ұл болған соң тым ерке.

- Хат тануы қалай өзінің?

- Былай таниды ғой енді. Оқи алады.

- Хат тануы дұрыс болса, соны менің қолыма берші, өзім тәрбиелейін. Эйтпесе осында әр бокмұрынға жалынып ит болдым,- деді біздерге қарап қойып.

- Байага-ау, сіз тәрбиелесеніз, одан артық оның құдайдан не тілегені болсын.

- Жүр, үйге кір, оны сөйлесе жатармыз,- деген Байдалы шал енді Эбілтайға бұрылды да:

- Сен жүр, ал мыналар осы арада қүте тұрсын,- деді де жаңағы Тұржан үшеуі үйге кіріп кетті, біз Петъка, Отто үшеуміз үй іргесінде қала бердік.

Бригадир болғаннан бері Байдалы шалдың үйі біздің ауылдағы қызыр қонған үй боп саналады. Құт-береке, молшылық бүкіл ауылда тек осы үйде ғана бар, іші де, сырты да майлы. Қасынан өтсөн, ығына тұрып ап тاماқтың тәтті іісін ііскеп, кеткің келмей көзінді сатып еріксіз телміре қарайсың. Есігінің алдында тау-тау боп

үйілген ағаш отын (шешендер Махмұд пен Зокку осы төңіректегі ең қу ағаш отынды тек осы үйге әкеп түсіреді), атқарушы ЫІсқақ шал мен Фрицы екеуі кезек-кезек сол отынды шетінен бұтаумен болады, бұталған отын күндіз-түн жағылады да жатады. Қазан-ошақ дегендер бір босамайтын сияқты, ылғи ет асылып, бауырсақ пісіріліп, шай қойылып, ертеден қара кешке дейін дастарқан бір жиналмайтын тәрізді. Таңың атуынан күннің батуына дейін бар тіршіліктері осы үйге ғана байланып қалған үш-төрт қатын бірі су әкеліп, бірі от жағып, бірі тамақ пісіріп, салп-сұлп әбігерге түсіп еш тыным таппайды. Бастьқтың үйінің сұымен кіріп, құлімен шыққандары үшін бақытты. Бұлардан өзге бүгінде Байдалы шалдың үйіне бұрынғыдай баса-көктеп ешкім кіре де алмайды. Тек сырттай қызығып, сырттай тамсанып, сырттай телміріп қана өтеді тұсынан.

Біз де, міне, үй іргесіне кеп, майға піскен бауыр-сақтың аңқыған тәтті иісі есімізден тандыра жаздал манаурап тұрмыз. Танауларымызды қост-қостап тарта түсіп, сілекейімізді жұтынып қойып, бір-бірімізге құлім-сірей қараймыз.

- Бауырсақ пісіріп жатыр.

- Қандай тәтті иіс, ә?!

Сәскеге қарай әжептәуір көтерілген күн жал-жал қардың арасынан төбелері қарайған, әрқайсысының төңірегінде қыбыр-қыбыр тіршіліктері бар жадау-жүдеу үйлерге немкетті салқын ғана қарап, бар ықыласын іргесінде біз тұрған Байдалы шалдың үйіне арнаған сияқты. Анау үйлерден жоқшылықтың, жетім-жесір-ліктің қаралы ызғары азынаса, ал мына үйде жайма-шуақ тәтті қуаныштың лебі еседі.

Әлгіндегі мал суғаруға кеткен Фрицы да келе жатыр екен, біздерді көріп анадайдан даурыға:

- Анау тұманың арғы жағындағы кішкене сайда арам

өлген өгіздердің өлекселеріне үймелеген қарғалар құжқұж етеді,- деді ентіге сөйлеп, онан қасымызға таяп келген, неге елікпейсіндер, ұқпай тұрсындар ма дегендей әрқайсымызға бір қараған,- Қалың қарғалар, атуға бармайсындар ма?

Біз: «Тс-с, тыныштығымызды бұзба» дегендей, оған ұнсіз көз тастап, тым-тырыстана қалғанбыз. Шіркін, осындаид да тәтті иіс болады екен-ау!

- Эй, Пірсіп, о, жайрағыр, анау малдарға шөп салмайсың ба? — деп сұңқылдаған Үпияның даусы дәл құлағымыздың түбінен естілді. Сөйткенше болған жоқ, Үпия үйдің біз тұрған іргесіне қарай шыға келген, басында аппақ қардай кимешек, екі жағы мен маңдайына әдемілеп кәнуә тіккен, үстінде өніріне неше түрлі тана түймелер, күміс тиындар таққан көк пуліш қамзол, сары атлас көйлегінің етегі жер сыйады.

- Эй, сендер неғып тұрсындар бұжерде?! — деді дәл үрлігымыздың үстінен түскендей. Біз сасып қалдық.

- Біз жай... Эбілтайды күтіп тұрмыз.

- Немене, оны қасқыр жейді деп пе едіндер?! О несі-еї, үйдің іргесіне кеп топырлағандары, аулақ, анау көшеде тұрып күтіндер — деп, зіркілдеп ұрып қуып таставды. Біз, амал жоқ, үй іргесінен аулақтап, көшениң ортасына шығып тұрдық.

- Айтып ем ғой, бауырсақ бермейді,- деді Отто.

- Бермесе қойсын, бауырсақ жемесек те өлмеспіз. Тек Эбілтайдың шыққанын күтейік,-деді Петъка.

Осылайша бауырсақ жеуден күдер үзіп тұрғанымызда, бүкіл ауылды жаңғырықтыра: «Қанат! Қанат!» — деп, аттандай айқайлап шақырған дауыс мені селк еткізді. Дауыс шыққан ойға қарай жалт қарағам, мал қора жақтан Қыңдырман тойтықтың інісі Нәдірман келе жатыр. Бүкіл ауылды басына көтере айқайлайды. Өзі менімен жасты болса да алдығартына қарамайтын

әңгүдік мінезді болатын. Қазір де жау шапқандай аттандаш келеді. Анаңдан мені көре сап:

- Эй, Қанат, қайда жүрсің? Кел бері! — деді бұйырған үмнен. Өзі көшениң ортасына тоқтап, мен қасына барғанымша қутіп тұрды.- Эй, сені Қыңырман көкем мал қораға тез жетсін деді. Қоғалы бұлақ жаққа шөпке барады екен, соған бірге ала кетем дейді.

Әнеугүнгі Нәзира әпкемнің Қыңырман мен Зибашқа Қоғалы бұлақ жаққа барсанадар, біздің шөбімізді жеткізіп бергейсіндер деген тілегі есіме түсіп, мен дереу мал қора жаққа қараі жүгірдім.

- Эй, Қанат! — деді Нәдірман мені тоқтатып.- Алдың дағы садағынды маған қалдырып кет.

Нәдірманның ожар мінезін білетін мен екі ұшты ойда түрғам.

- Өй, садағынды жей қоймаймын, шөптен келген соң аласың ғой,- деп кеп, мойнымнан жұлып алғандай болды.- Оқтарынды да қалдыр.

- Байқа, оқтарымның ұшы өткір, біреуді атып ап жүрме.

- Егер жыныма тиетіндер болса ата салам,- деді Нәдірман екіленіп.

- Қой, садақпен кісі атуға болмайды.

- Жай айтам... Қалжынъым ғой,- деп мәз бола құлді ол.

Сөйтіп, Қоғалы бұлаққа шөпке бара жатқан Қыңырман мен Зибаш Нәзира әпкеме берген уәделерінде тұрып мені өздерімен бірге ала жүрген. Әлі таптаурын бола қоймаған жол ауыр екен, жазда екі-үш сағатта барып қайтатын жерге түске қараі малтығып әзер жеттік. Зибашты шанасымен осында біраз күн бұрын Махмұд пен Манар бұзған бергі шеттегі маяның түбіне қалды-

рып, Қыңдырман екеуміз бұлақтың жарлауыт қабағын жағалап, түфелі түсे берістегі біздің шөпке қарай жол аштық. Жазда Нәзира әпкем екеуміз жинағанымызда, кішігірім майдай көрінген шошағымызды қалың қар төбесіне дейін сіреп бүркеп тастапты, айдалада адасып отырып қалған жетім баладай көзге әзер шалынады Әпкем екеуміз күнделікті таңғы алажеуімнен тұрып, бірер сағат тан қол шалғымен бір ай бойы шауып едік. Бұлақтың төңірегіндегі жырым-жырым боп тарамданған құлама жыраларға өскен қалын шалғын таңға жуық шыққа бөгіп жататын, жапырақтар мен гүлдердің бүршіктеріне қонақтаған мөп-мөлдір моншақ тамшылар тиіп кетсең сау-сау ететін, сондайда жылы төсектен жаңа ғана түрған өне бойынды балғын леп тітірентіп, дірілдетіп жіберуші еді. Шалғыны біраз құлаштай тартып, бойың жылына бастаған кезде, балғын шалғыннан қышқылтый қошқыл иіс бүркірай бастайтын, бүкіл тынысың, көкірегің содан жарылып кетердей болатын. Қазір Қыңдырман әуелі шошақтың төбесіндегі қарды құрекпен опыра ойып аударып тастап, онан кейін алты айырлы ашасын бойлата сұғып, судыраған құрғақ шөпті аудара көтерген кезде, жаздан бері тұншығып бұғып жатқан көк шалғынның құп-құрғақ ашулы іісі кеңсіргі-мізді жарып жіберердей бүркірай жөнелді. «Апшхи!.. Апшхи!.. паһ, паһ, шіркін!..» Мойындары салбырап сүмірейіп түрған өгіздер де шыдай алмай, мойынтурықтарынан бұлқына тартынып шөпке қарай тұмсықтарын өзеуред созған.

- Жә, жә, Қанаттың азғантай шөбіне көз алартпанда-реј — деп қойды қозғалақтаған шананың үстінде көтерген шөбімен құлап қала жаздаған Қыңдырман.

Аяғының тойтықтығына қарамастан Қыңдырман өте қайратты екен, энегінде дегенше шошақты ойсыратып жіберді. Шамамның келгенінше мен де екінші бүйірден

тиеуге кіріскем. Жаздағы өзім орып, өзім жиған шөптің әр талшығы таныс сияқты, қайсысын қай жырадан орғаным даейін білетін сияқтымын. Сондықтан шашау шығарғым келмейді, ал Қыдырман болса алдыңартына қарамай опырта істегендіктен, қаншама шөпті жерге түсіріп шашып, ысырап қып тұрған сияқты, секіріп жерге түсіп, сол шашылған шөптерді жинаимын. Шошақтың жартысына жуығы тиелген соң, Қыдырман:

- Бір жолға осы да жетеді,- деді жарты шанадан аздау шөпті үстінен жаймалай тұрып.-Ендігісін тағы бір келгенімде жеткізіп берем. Эйтпесе әлгі Байдалы қақпас көріп қалса, колхоздың малы ашығып жатқанда, жеке меншіктің шөбін тартып жүрсін деп пәле қылады.

Онысы да рас, басқаны білмесек те Байдалыны білеміз ғой.

- Макұл.

Мұнан соң әлгінде Зибашты шанасымен қалдырып кеткен маяға қайтып келдік. Қыдырманның біз қайтып оралғанша дем ала тұр дегеніне қарамастан, Зибаш өз шанасына әжептәуір шөп тиеп қойыпты.

- Түү, жаңа айтып ем ғой дем алсаңшы деп,- деген Қыдырман оған ұрса сөйлеп.

- Қойшы, босқадан босқа қалай отырмақпын,- деді Зибаш күліп.

Қыдырман енді маяның үстіне шығып, жердегі шаналарға жоғарыдан жойқын күшпен шөптен қопара аударып тиеуге кірісті. Біз Зибаш екеуміз екі шананың үстінде тұрып, ол аударып тастаган шөпті жаймалап үлгере алар емеспіз.

- Шамаларың жетпесе онша қиналмаңдар. Артынан мен өзім жаймалаймын ғой,- деп қояды Қыдырман. Онан Зибашқа арнайы: — Сен онша. зорланбасаңшы, дем алсаңшы,-дейді.

- Зорланып тұрған жоқпын,- дейді Зибаш ерке үнмен.- Құрғақ шөп женіл ғой.

Біраз қымылдаپ тершігендікі болу керек, Зибаш өрттей боп қызарып тіпті әдемі боп кетті, күлкі ойнаған көзі жалт-жұлт етіп, сөйлеген, езу тартқан кездерде аппақ тістері жарқырай көрінеді.

Бір кезде Зибаш шөп түсіп кеткен болу керек, көзін уқалап тұрып қалған.

- Не болды? — деді маяның үстіндегі Қыдырман тойтың елең етіп.

- Көзіме...

Ойыр-ай, ертегі-аңыздардағы «Жолбарыстай атылып» деген осындай-ақ болар, сонау маяның үстінде тұрған Қыдырман қас-қағым сәтте бір-ақ орғып, Зибаштың алдына кеп дік ете түсті ғой, тіпті аяғының тойтың екенін ұмытып кеткен.

- Тұра тұр!.. Қолыңды тигізбе...- деп есі кете епелектей тұрып, Зибаштың көзіне түскен шөпті тілімен жалап шығарды.

- Тұу, көзің қызарып кетті ғой. Міне, көзіңе түскен мынау қылтанақ,- деді тілінің ұшымен алған шөпті көрсетіп.

- Тікенише қадалып еді, тікен бе өзі, немене?

- Тікен сияқты... Элі ауырып тұр ма?

- Қойды,- деді Зибаш қызара жасаураған көзін жыптылыштата тұрып. Онан соң Қыдырманға еркелегендей құле қарады: — Осының бәрін қайдан білесің?

- Нені?

- Көзге түскен шөпті тіліңмен жалап шығарғанды.

- Е, білем ғой,- деп Қыдырман да құліп, теріс айналып кетті.

- Құдай-ай, осыны да көп көрер ме екенсін,- деген Зибаш әлі де көзінен сорғалаған жасын тыя алмай тұрып.

Маяға өрмелеп бара жатқан Қызырман кейін қарай жалт бұрылды.

- Саған осындай сөзді айтпашы деп талай ескерттім ғой,- деді.

- Сенен де айрылып қалам ба деп қорқам.

- Қорықпа,- деді Қызырман көңілдене сөйлеп.- Ол жағынан қорықпа. Айрылып қалам деп емес, осы тойтықтан құтыла алмаймын-ау деп қорық. Солай ма, Қанат! — деп маған қарап көзін қысып қойды.- Эйел деген осы да. Қит етсе көз жастары дайын тұрады.

Осы сәтте Қызырман маған кереметтей әдемі, сұлу жігіт бол көрінді, ат жақты ақ сүр өні, күлімсірей қараған қысынқы көзі, қалың қабағы, дөңестене біткен үлкен мұрны — нағыз ерге лайық айбынды кескін-келбет екен ғой. Ой, аллай, осы уақытқа дейін қалай байқамай жүргенмін, кейін өскенімде осындай болсам дейтін жігіт қой мынау. Нәзира әпкемдер мұны неге мазақтайды екен? Оу, мазақтайтын емес, қызығатын, ғашық болатын жігіт қой. Сол Нәзира әпкем, сол Нұрбике, сол Үміттер кезінде мазақтап жыртың-жыртың құлгендерінше, мұның нағыз ер келбетті жігіт екенін аңғарулары керек еді ғой. Енді, міне, Зибаш иемденіп алған. Зибаштың қазір оған елжірей қарап.ғашық бол тұрғанына мен әбден сенем. Эне, ол маяның үстіне көтерілді, төмендегі біздерге күлімсірей қарап.а-шасын қолына алды да, шөптен қопара көтеріп екі шанаға кезек-кезек құлаштай лақтыра бастады. Шіркін, мен қашан осы Қызырмандай болар екем. Мейлі, тіпті тойтық болуға да бармын, тек тезірек ер жетіп, жігіт бол осы Қызырмандай болсам! Шіркін!..

Мұндай күшті бірінші көруім, алты айырлы ашасын алты ай қыстан тығыздалып басылып, киіздей бол жатқан шөпке бойлата сұғып одан үй орнындағы ғып қопара көтеріп ап, қайқайта тұрып шананың үстіне гүрс

еткізіп тастаған кезде, жер солқылдағандай болады. Зибаш екеуміз жаймаламақ түгілі, шөптің астында бастырылып қала жаздаймыз. Сөйтіп, екі шананы да қайқита тиеп болған кезде, дәу маяның да бір жартысы опырылып ортайып қалған еді.

Тұс ауылға бет бұрганбыз. Мен алдыңғы Қыдырманнның шанасында жалғызыбын да, ол өзі кейінгі Зибаштың шанасына отырған. Күн жылына, қары жантактала бастаған көпсік жолда өгіздер аяқтарын санап басқандай зорға адымдап, жон арқалары, сауырлары бірде созылғандай, бірде жиырылғандай мықшия тырмысып, әзер тартып келеді.

Әлгіндегі шөп тиеген кездегі терім біртіндең басылып, бойым тоңази бастаған соң, бастырықтың үстінен отыруға жайлыш болсын деп салынған бос шөпке үңги кіріп, шалқалай жатқам. Қысқы аспан бұлдыңғыр. Кірпік қақпай ұзақ қарасаң, көзінді бұлдыратады. Осы аспанның тәбесі тиіп тірелетін жері бар ма екен? Ал тәбесі бар болса, оның ар жағында не бар екен?.. Бірнеше күн толассыз боран соққан кезде, әжем жарықтық: «Аспанның тесігі ашылып кеткен бе?» — дейді, демек, аспанның тесігі бар да, оның аргы жағында аңырап соғып тұратын бораны бар; ал жағрапия пәнінен Әниша апайымыздың түсіндіруінше, аспан деген — түбі жоқ тұңғиық кеңістік, ешбір шегі жоқ, дейді; ал жеке мениң өзіме салса, сол «түпсіз», «шексіз» дегенге онша түсіне де алмаймын, сене де қоймаймын, маған со әжемнің айтқанының жаны бар сияқты көрінеді. Дүниедегі заттың бәрі көзге көрінетін, қолмен ұстайтындағы болуы керек қой, ал олай болмаған күнде сенуге болмайды. Боран соғады, тау бар, тас бар, дала бар, қар бар, шана бар, шөп бар, су бар, нан бар... Осы тұста жүргім сазып, іші-баурым бір түрлі темен тартып жаман боп талықсып кетті. Қарнымның ашқанын қанша

еске алмайын десем де, ұры мысықтай ішімді тырналай жөнелді. Жо, жоқ, тамақты ойламау керек. Эне, кең аспанды қарашы! Осыны шексіз дейді, тұңғиық дейді. Сонда ол қалай шексіз болады? Эйтегу бір жерде, тіпті сонау көзге көрінбейтіннің арғы жағындағы шексіздікте де түптиң түбінде бір шек болады ғой. Оны жаңағы жағрапия пәні де білмейтін тұста шығар... Өстіп ұйқылы-ояу қүйде маужырап жатқам, Қыдырманның қарқылдаған күлкісінен оянып кеткендей болдым.

- Қойдым... қойдым... айналайын...- дейді күлкісін тыя алмай жалына сөйлеп.

- Жоқ, сен бәрібір қоймайсың,- дейді сыңғырлаған Зибаштың үні. Басымды көтеріп кейін бұрылсам, Қыдырман шалқалаған қүйде қол-аяғын ербендетіп күлкіге түйіліп бұлқына тулап жатыр да, Зибаш оның үстінен төне түсіп қытықтап отыр екен. Қыдырманның қарқылдағаны бүкіл даланы жаңғырықтырып тұр, «қойдым... қойдым...» деп өлердегі сөзін айтады, ал Зибаш өзі де сиқылықтай күліп, Қыдырманның омырауына қолын тығып өршелене түседі. Ақыры қытықтан қашқан Қыдырман тулай дөңбекшіп барып шанадан домалап түскең, жол шетіндегі қалың қарға онқа-шонқа болды. Сонда да күлкісін тыя алар емес, бөксесіне дейін батқан қалың қардан үйелеп қалғандай тұра алмай жатып: «Қоймаймын!... Қоймаймын!..» — деп қарқылдай күледі, Зибаш шанадан секіре түсіп, енді Қыдырманды сол қарға батып жатқан жерінен үстінен бас салуға ұмтылған. Қыдырман жан дәрмен ұшып тұрып қаша жөнелген, бірақ тойтық аяғымен қайда барсын, Зибаш оны қия бастырмastaн қуып жетіп, бар салмағымен жігіттің мойнынан асыла құшақтай алған, екеуі де сол сиқылықтаса күлген бойлары омбы қарға ұмар-жұмар құлады. Лып етіп ұшып тұрған Зибаш жігіттің мойны-қойнына қарды тықпалап-тықпалап жіберді де, өзі қаша жөнелді.

«О-о-о!..» — деген Қыдырман қисаландай тұрып еңкейіп, мойнына, қойнына тығылған қарды еңкейіп қағып, тыржаландай күліп біраз тұрды да, ондайда қатқақ қардың үстінде бұған көлденеңдей сес көрсетіп ойнақшып тұрған Зибашты қуып берген. Міне қызық, жүгіре алмайды деген тойтық Қыдырманым тұлкідей бұлаңдаған келіншекті аттапастан лезде қуып жетіп, бас салды да (сірә, Зибаштың өзі де соны тілеп тұрғы-ау деймін), күректей алақанымен жерден қарды көсіп іліп ап, келіншектің мойнына салған, Зибаш: «И-и-и!..» — деп шыңғыра секірген, екеуі қар үстіне қайта құлады. Қыдырманың қарқ-қарқ құлкісі, Зибаштың еркелей шыңғырғаны, одан сықылықтап құлгені бұл дүниеде торығу барын, мұңаю барын мұлде ұмыттырғандай. Дөңес-дөңес боп мелшиіп жатқан қысқы дала да енді сылқ-сылқ құліп жатқан сияқты. Бірі тұра қашады, екіншісі тұра қуады, одан қалың қарға ұмар-жұмар қайта құлайды. Шаршау деген ойларына да келер емес, екі беттері нарттай боп қызырып, жүздері бал-бұл жайнайды, екеуі де ерекше құлпырып, сұлуланып кеткен.

- Қыдырма-а-ан-н!..- дейді Зибаш қасында жүрген тойтықтан адасып қалғандай шырқырай дауыстап.

- Зиба-а-аш-ш!..- дейді Қыдырман да даланы басына көтере айқайлап.

- Мен бақытты-ы-мын!..

- Мен де бақытты-ы-мын!..

Шананың үстінде отырып мен күлем: үп-үлкен адамдар да ақымақ бол кетеді екен-ау деймін, ал іштей екеуінің осы қылықтарына қызыға қараймын. Расында да, жаңағы өздері айқайлап айтқандай бақытты болған соң осылай шығар. Бір ауық қарнымның ашқанын да ұмытып кетіппін, тек ауылдың қарасы көрініп, мұржаларынан жарыса көтерілген көк шуда тұтіндерге көзім

түскенде ғана, ертеден бері аш екенімді есіме алдыым.  
Осы кезде Зибаш та:

- Бәлі, мына Қанатты байқамаппыз да ғой,- деді мені енді ғана көргендей көзі шарасынан шыға.

- Қанат, сен бізге күліп отырған шығарсың,- деді Қыдырман да.

- Үят-ай, ұят болды ғой,- деді Зибаш қызара тершіген бетін сүрте тұрып.- Қанатай, айналайын, сен біздің мұнымызды ешкімге айта көрме... Бала құсап кетіппіз ғой.

Қыдырман әуелі Зибашты көтеріп шанасына отырғызды да, өзі кеп менің қасыма өз шанасына шығып отырды.

- Қалай, ішің пысқан жоқ па?

Өні жақыннан тіпті әдемі, елжіреп түрған жылы еді. Мен Зибаштың мұны жайдан жай ұнатпағанын енді үққандаймын.

Мал қораның алдына кеп тоқтағанымызда, Байдалы шал бастаған сиыршы-малшы шал-шақпыт бір топ адам қарсы алдымыздан шыққан. Орталарында дөңгелек көк бөрікті, қара пальто киген күжірейген бір бейтаныс адам бар, ауданнан келгені айтпай-ақ көрініп түр.

- Әлтаев кеп қапты ғой,- деді Қыдырман.

Иә, ортада түрған шолақ қол өкіл Әлтаев жолдас екен. Бәрі біздің жолымызға қарап күтіп түрған сияқты.

- Қанат, сен қазір шанадан түс те үйіне қайта бер, шөбінді мен өзім артынан жеткізіп берем,- деді Қыдырман маған сыйырлай сөйлеп.- Әйтпесе мыналардың көзінше әкете алмаймыз.

- Мақұл,- дедім Мен жағдайды ол айтпаса да жақсы түсініп.

Байдалы шал топтан озынқырап шығып:

- Эй, тойтық, мына түрған жерге сонша жоғалып қайда жүрсің? — деген.

- Тұлкі қудық,- деді Қыңдырман жайбарақат үнмен.

- Не дейді?!

- Тұлкі қудық деймін.

- Жә, бос қалжақты қайтесің,- деді Байдалы шал зекіре сөйлеп. Онан соң малшы, сиырши шалдарға бұрылып: — Сендер мына екі шананың шөбін түсіруге Қыңдырманға көмектесіңдер! — деді бұйырып.- Ал, Зибаш шырағым, біз Әлтаев жолдас екеуміз сені күтіп тұрмыз. Сөйлесетін сөз бар,- деді жұмсақ үнмен.

Зибаш біз жаққа, Қыңдырманға жалтақтап бірер қарады да, енді қайтейін, менде ерік бар ма дегендей, шарасызыңған шанасынан сырғи түсіп, Байдалы шал мен шолақ қол өкілдің алдына барған. Шолақ қол өкіл оған күлімсірей қарап, сау қолын беріп амандасты.

- Түү, қолыңыз тоңып қапты ғой,- деген, Зибаш ұялшақтап теріс қарап, үндеген жоқ.

Біз де шанадан түскенбіз. Қабағы жабылып, тұнжырап кеткен Қыңдырман шөп бастырықтың бір басын ызалана кеп шешіп оқыс босатып жіберген, шіреп тұрған бастырық қатты серпіліп барып, Байдалы шалдың иығын жанап барып дәл арт жағына ұшып түскен.

- Ой, тойтық неме, кісі өлтірейін деп пе ең, абайла-майсың ба?! — деді Байдалы шал ақырып.

- Шананың іргесінде тұрмай аулақ барып сөйлеспей-сіңдер ме,- деді Қыңдырман да қиястанып. Онан соң өз қылышына өзі риза болғандай маған қарап көзін қысып қойды да, үйіне қайта бер дегендей ымдады.

Мен үйге қайтқам. Қарнымның қатты ашып, әлсіре-генімді енді сезіп, аттаған адымым кейін кетіп қиқа-лақтап келе жатқанымда, жолда Петька кездесті. Есі-дертім тамақ бол келе жатқан мен оған:

- Ертегісін Әбілтайдың арқасында бауырсаққа бір тойған шығарсындар,- дегем.

- Эбілтайдың арқасында дейсің бе? — деп күлді Петька сирек тістерін Эбілтайдан көк көзі құлімдеп.- Сабақты дұрыстап оқи алмайтын сол Эбілтайдан не шығушы еді,- деді.- Рас, бауырсақ жедік, бірақ Эбілтайдың арқасында емес...

Мен кеткен соң сәлден кейін, Байдалы шал Эбілтайды желкесінен түйгіштеп қуып шығыпты үйінен. Сөйтсе Байдалы шалдың оқытпақ болған қағазы жаңаша мен ескі латын әріптері араластырып жазылған екен, соны Әбілтай оқи алмапты. «Түк шықпайтын, адам болмайтын арам тамақ неме», - депті Байдалы шал. Онан соң есігінің алдында отын бұтап жүрген атқаруши Үісқақ шалға: «Қайтсөң де анау Санатты барып алып кел», - деп бұйырыпты. Содан Үісқақ шал Санаттың атасына барып айтып, Санаттың өзіне жалынып жүріп, ақыры атқа алдына мінгізіп әкетті. Ал Санат болса әскерден келген хаттарды оқи жүріп, латын әріптерін де жақсы танып алған емес пе, Байдалы шалдың әлгі қағазын мұдірмestен судыратып оқып беріпти.

- Сөйтіп, Санаттың арқасында үш-үштен бауырсақ жедік, тәтті болғанда тәтті,- деді Петька ертеңгісінгі жеген бауырсақтың дәмі таңдайында әлі де түргандай тамсана тұрып: «Қап, шөпке бармағанда мен де жейтін едім-ау», - дедім іштей өкініп.

Үйге кеп әжеме шөпті біраздан кейін Қыдырманның өзі әкеледі дедім. Бірақ Қыдырман шөпті әкелген жоқ, кешкілік інір кезінде шайқалақтай басып өзі келді. Мен мал қоралап сыртта жүргем.

- Қалай, Қанатай, шаршамапсың ба? — деген, Мен басымды шайқадым. Шөпке барған жолымыз, оны тиегеніміз, онан қайтардағы Зибаш пен Қыдырманның бала құсан ойнағандары бәрі есіме түсіп, еріксіз құлдім.

- Өте көңілді барып қайттық қой,- дедім ризалы-

ғымды білдіріп.- Ендігі барғандарыңда мені тағы да бірге ала жүрсөндерші.

- Эй, енді өйтіп бара алмайтын шығармыз,- деді Қыдырман күрсініп.

- Неге?

- Неге дерің бар ма. Қанатай, әзәзілдер жолымызды бұзғалы түр ғой.

Әлгіндең шолақ қол өкілдің Зибашқа күле қараганы, сау қолын беріп өбектеп кеп амандақсаны, Байдалы шалдың әлдеқандай боп панданып Қыдырманға қоны-рақтауы тегін болмады ғой. Бір түрлі әлденеден секем алғандай, жақсы бір нәрсемнен айырылып қалатындей, көнілім құлазыңқырап қалды.

- Жә, оларды да көріп алармыз,- деді Қыдырман мені жұбатып, әлдекімдерге кіжінгендей тіктене сейлеп.

- Олардың дегені бола қоймас. Эжең қайда?

Онан соң үтке кіріп әжемнен кешірім сұрай тұрып, өкіл мен Байдалы қадалып қарап тұрған соң, шананың астыңғы жағындағы біздің шөпті де амалсыз колхоздың мал қорасының төбесіне шығарғанын айтты.

- Сіздердің шөпті белгілеп бөлек жинап қойдым. Бірер күнде ретін тауып түсіріп берем, әже,- деген.

Бірақ Қыдырман солай деп уәде бергенімен де, біздің сол шөбіміз ақыры өзімізге бүйірмады.

## БАЙДАЛЫ БАСТЫҚ

Осы жолы шолақ қол өкіл ауылда біраз күн болып, елді біраз дүрліктірді. Сол келген күннің өртөңіне ол Байдалыны ертіп, Нұғыманнның үйіне көнілін сұрай кіріп шығыпты. Аурудың енді қайтып төсектен түрмасына көзі анық жеткен соң, келесі күні түске қарай жаңа

бастық сайлау үшін көпшіліктің жалпы жиналысын шақыртқан. Анда-санда бір өтетін осындай жиналыстың өзін тойдан кем көрмейтін біздің ауылда үлкендерден қалмай балалар да тегіс жиналатынбыз. Бір-бірімізді тұртпектеп, алысып-жұлдызып ойнап, клубтың арт жағындағы қара көлеңке бұрыштарда топырласа тұрып, үлкендердің аузынан шыққан сөздерін де, іс-қылыштарын да қалт жібермейтінбіз. Жиналысқа кімнің қалай келгені, қандай киіп келгеніне дейін біздің назары-мыздан қақас қалмайтын. Ондайда шетімізден мысқылшыл, қалжақ сөзді қақпақылдай қағар керілдеу боп аламызыз. Сол әдетпен бүгінгі жиналысқа келгендерді де өзімізше мінеп-шенеп, іліп-шалып сөз етіп тұрғанбыз.

- Ойбай-й, энең қарандар, Зибаштың бүгінгі әдемі-леніп келгенін,- деген балалардың бірі ішегін тартып.

Шынында да, есікten басында бөртпе шәлі бар, үстінен қара пуліш пальто киген, шашының мандаійын қақ жарып жылтырата тараған Зибаш кіріп келгенде, балалар тегіс ішегімізді тартып, аузымызды ашыптыз да қаптыз. Зибаштың дәл осылай үлде мен бүлдеге орануын көргеніміз бірінші рет еді. Бұрынғы сұлұлығы сұлұлық па, мына сұлұлығына тіпті тіл жетпестей. Өзі бұрала басып, былқ-сылқ ете қапты.

- Пан, пан!.. Уай, шіркін-ай!..

- Тура Қызы Жібектің өзі ғой!

- Әжібек ғашық болса болғандай ғой,- деседі балалар тамсана тұрып бір-бірімен сыйырласып. Артынша біреу, сірә, Қайрат болу керек:

- Әй, өзі бүгін неғып сонша сәндене қалған? — дейді таңырқап.

- Ой, маубас, соны да білмейсің бе?! — дейді екінші бала, сірә, Бәтен болу керек, оны кінәлағандай.- Анау, шолақ қол өкіл келген соң, ол сәнденбей кім сәнденсін.

«Біліпсіңдер,- дег қоям мен оларды іштей қыжырта,

Зибаштың ендігі жерде кім үшін сәнденетінін дәл осы арада өзімнен жақсы білетін ешкім жоқ екенін еске ала тұрып. Сондықтан Зибаш қақында айтылған әлгіндей болса сөздерді басқым кеп:

- Бәрі бос сөз,- деймін.

- Иә, саған бос сөз, бүкіл ауыл шулап жүргенде.

- Мейлі, шулай берсін, бәрібір бос сөз,- деймін нық сеніммен әр сөзімді шегелеп. Өз сөзіме қолдау ізде-гендей көзіммен Қыдырман тойтықты қарастырам, бірақ ол көріне қоймайды. «Қайда жүр өзі, мына жүрттың Зибаш туралы қанқу сөздерін неге басып таста-майды»,- деп қоям.

Қыдырман тойтық кешігіңкіреп келді. Устінде сол кешегі шөпке барғандағы киімдері, сірә, мал қора жақтан келген беті болса керек, түсі бір түрлі сұық, ашулы көрінді. Кимелеп барып көпшіліктің орта тұсына сығы-лыса отырды.

Жиналыс басталып, бірден сөз алған шолақ қол өкіл әуелі соғыстың барысы туралы, біздің әскерлеріміздің қанқұйлы жауды ес таптырмай өз жеріне қарай түре қуып, қаһармандықпен соғысып жатқанын әңгімелеп өтті де, онан соң біздің ауылдың жағдайына ауысты. Соңғы кезде Нұғыманның төсек тартып мулде жатып қалуына байланысты жаңа колхоз бастық сайлау қажет-тігін айтты және аудан атынан бастықтыққа осы уақытқа дейін бригадир боп істеп көзге түскен, тәжіри-бесі бар, шаруа жайын жақсы білетін, іскер адам деп Байдалыны ұсынады деді.

Мұндай тосын шешімге көпшілік бірден не дерлерін білмей әуелі тосылып отырып қалған, артынша кейбіре-улері күнкілдеп Байдалының сауатсыздығын айта бастап еді, ондайларды шолақ қол өкіл қабақ шытып тыйып тастады.

- Бізге Бәкеңнің сауаты емес, шаруа жайын білетін

іскерлігі керек,- деді қатқыл үнмен қайталай мақтап.- Қағаз жазуға осында есеп-қисапты жүргізуші бала бар ғой,- деп осы тұста иегімен жиналыстың хатшысы бол отырған Бектайды меңзеп өтті,- осылар істейді. Қазіргі кезеңде бізге колхоз жұмысын ақсатпай жоспарды орын-датып отыратын белсенді адам керек. Міне, сондай адам деп біз, аудан Бәкенәнді ұсынып отырмыз.

Өкілдің өзі сейлеп тұрған соң кім не десін! Қатын-қалаш, бала-шаға Байдалыға қарсы сөйлеп өле алмай жүр ме, мақұл десіп, бір ауыздан қол көтерді. Осылайша Байдалы шалдың колхоз бастық бол сайланғанын, шолақ қол өкілдің оны әлгіндей деп қайталай мақтағанын өз көзімізben көріп, өз құлағымызben естіп, біз, балалар да, көпшіліктің арт жағында тым-тырыс тұрдық. Колхоз-шылардың жалпы жиналысы осылай деп қаулы алды, Бектай есепші осының бәрін хаттап қағазға түсіріп отырды. Сөйтіп, әліпті таяқ деп білмейтін Байдалы шал колхоз бастық бол шыға келді.

- Енді Байдалы шал біздің Санатты өзіне хатшы етіп алатын шығар,- деген Петъка қалжындаидай күліп.

- Егер бауырсаққа тойғызып тұрса, қағаздарын оқып беріп тұрам ғой,- деді Санат та күліп.

- Эй, балалар, шуламандар,- деді осы кезде шолақ қол жиналысты әрі қарай жалғастырып: — Жолдастар, енді екінші мәселе қаралады.

Көпшілік бастық бол сайланған Байдалының орнына кім бригадир болар екен деп елеңдескен. Оны да Әлтаев жолдас өзі айтатын шығар деп, шолақ қол өкілдің аузына қараған.

- Бригадирді Бәкең өзі тағайындасын,- деді өкіл бұл жолғы билікті жаңа бастықтың өзіне беріп.

Көпшілік арасында күбір-сыбыр гулей жөнелді. Эркім өз жорамалын айттып, анау болатын шығар, мынау болатын шығар деп, ауылдағы азын-аулақ ерекек кіндік-

тердің аттарын атасып дуылдастып кетті. Байдалы шал орнынан көтеріліп, сөзін неден бастарын білмегендей жөткірініп, тамағын кенеп, құбір-сыбыры басыла қоймаған көвшілікке бір, одан менің шаруам жоқ, кімді атасаң да өзің біл дегендей боп, еріндері дүрдиіп, алдына бедіре耶 қарап, мелшиіп отырған өкілге бір қарап жөткіріне берген.

- Ал айтыңыз ойыңызды,- деді өкіл оған демеу бергендей, онан соң гүілдесіп отырған көвшілікке қабағын шытып: — Жолдастар, тынышталыңыздар, бастықтарыңыз сөйлегелі тұр ғой,- деді.

- Мен айтсам... менің ойым... мен тағайындасам...- Жайшылықта боқтықты қардай боратып, жарықшақ аңы даусы ауылдың бір басынан екінші басына дейін шарылдан, құлағынды жарып жібере жаздайтын айқайшының аяқ асты дымы бітіп, мыңқылдан қапты.

- Иә, кімді айтасың? Ойың кім? Кәне, аташы? — десті шыдамсызданған көвшілік жан-жақтан кеу-кеулен. Байдалы шал жалтақтап өкіл жаққа тағы бір қарап алды да:

- Біргәдір Зибаш болсын,- деді.

- Эй, не дейді?!

- Зибаш болсын дей ме?!

- Атпал азаматтар тұрғанда Зибашы несі-ей, мына-ның? — десіп, көвшілік мүлде гүілдесіп кетті.

- Жолдастар, тынышталыңыздар! — деді шыдай алмай кеткен Әлтаев жолдас столды тықылдатып, көвшілік оған да тоқтай қоймаған соң орнынан тұрды.- Кәне, шуламаңыздар!

Өкіл орнынан тұрған соң, көвшілік басыла қалды.

- Жолдастар! — деді Әлтаев жолдас тағы да со қабағын шытқан күйі, кәне, осыдан қайсың дауыс көтерер екенсің дегендей, көвшілікке жағалай қарап өтті де, ақыл айтқан сабырлы үнмен: — Бригадирді басты-

қтың өзі тағайындағап алады. Өйткені ол адам бастықпен тіл табысып істей алатын болуы керек. Бәкең сол себепті Зибашты атап тұр.

- Өзі тағайындағап алғанына қарсы емеспіз, бірақ енді еркектерден алуы керек қой,- деді көпшіліктің орта тұсынан гүжілдей шыққан жуан дауыс. Бұл — Қызырманның даусы еді. Жүрттың бәрі бірден соған бұрылып, елең ете қалды.

- Сен кімсің? — деген өкіл қабағын кіржитіп.

- Мен Қызырманмын,- деп, тойтық орнынан тұрды.

Қызырман тойтықтың Зибашқа қарсы болғанына көпшіліктің таңырқағаны өзінше бір басқа шығар, ал менің таңырқауымда тіпті шек жоқ еді.

- Өй, мұнысы қалай? — деппін қасымдағы балаларға. Маған жауап берген ешкім болған жоқ, бәрінің назары сахнада тұрған шолақ қол өкіл мен Қызырманда. Енді не болар еken деп, бір қызықты күткендей телміре қалған.

- Ал керек болса!.. Міне, қызық!..- деседі балалар да сыйырласып.

Шолақ қол өкіл:

- Сен қарсымысың? — деп қайталай сұраған.

- Иә, мен қарсымын,- деді Қызырман тойтық та қайталап.- Ол қатын біргәдіріңе ешкім бағынбайды. Осы ауылда біраз ерек бар ғой, біргәдірді солардан қою керек. Мысалы, эне, жақында ғана әскерден қайтқан Көбебен бар, ал егер ол жарымжан десендер, есепші боп жүрген анау Бектай, әр түрлі жұмыста жүрген мына мен бармын...- Ол өзін айтқан кезде, жүрт ду күлген. «Алда, шіркін-ай, мұның өз ойы бар еken ғой!», «дәмесін қарай гөр, тойтықтың!», «қайтсін енді, өзін-өзі айтпаса басқалар аузына алмайды»,- десіп, дуылдасып қалған. Жүрттың құлкі-мазағына Қызырман ыза боп кетті.- Эй, сендер неменеге құлесіндер?! Осы да құлкі ме? — деп төңірегіндегілерге көзін аларта қарады, жылқының ту

құйрығындаі қайратты шашын артына қарай қақыра сипап қойды да: -Бәрібір ол Зибаш бригадир боп ондырмайды, мен қарсымын, өйткені ол...

- Эй! — деп Элтаев жолдас мұнан әрі оны сөйлетпей ақырып қалды.- Сен өзің қазір не сөйлеп түрғаныңды білесің бе? Үкіметтің саясатына қарсы сөйлеп тұрсың. Эйел жолдастарды көтеру, оларды басшылыққа сайлау — бүгінгі таңдағы үлкен саяси мәселе. Ал ол саясатқа қарсы адамды біз маңдайдан сипай алмаймыз...

- Мен саған маңдайымнан сипа деп түрған жоқпын,- деді Қыдырман тойтық дүңк етіп.-Мен саясатқа қарсы емеспін, мен мына қатынның біргәдір болғанына қарсымын.

- Тоқтат, кәне, сөз таластырғанды! — деп, Элтаев жолдас столды қойып қалды.- Бұл негылған бейбастақтық!

- Сен өйтіп айқайлама! — деп, Қыдырман да орнынан қай- тадан атып түрған.— Эркім өзі ұнатқан қатынды біргәдір сайлай берсе, іс бола ма екен.

- Мынау не сөйлеп тұр, жолдастар?! — деді кенет қызырақтай бастаған өкіл лажсыз күліп.

Осы кезде әр түстан:

- Эй, Қыдырман, қойсаныш! Ол қатынға сен де алыс емессің ғой.

- Өкілмен салғыласып қайтесін, ұят болады.

- Кімді сайласа да бәрібір емес пе,- дескен басу сөздер естілді.

- Өкіл жолдас, ол тойтықтың сөзін тыңдамаңыз,- деді Байдалы шал да бәйпектеп. Элтаев жолдас та сабасына түскендей болды.

- Жолдастар,- деді енді сабырлы сөйлеуге тырысып,- аудан Бәкенің таңдауын қолдайды. Өзі таңдаған адамын бригадир қоймақ екен, онысын құптаймыз. Кәне, осыған кім қарсы?

Көпшілік тым-тырыс отырып қалды.

- Бәрібір мен қарсымын,- деді Қыдырман тойтық.

- Сен қой... Сенімен басқа жерде сөйлесеміз елі.

- Құдай өзі берген жанын өзі алады. Ал мына қатын біргендіріңе мен бағынбаймын.

- Бағындырамыз.

- Бағынбаймын... Жарайды, Көбеген ақсақ болсын, мен тойтық болайын, ал енді анау отырған Бектайды лайық емес деп кім айтар екен. Қолы хат таниды, жазуы да жақсы, шаруа жайын да Байдалыдан артық білмесе, кем білмейді.

- Дұрыс, дұрыс! Сол Бектай болсын да бригадир! — дескен құптаған дауыстар әр түстан естілген.

Шолақ қол өкіл сау қолымен столды тағы да қойып қалды.

- Тоқтатындар тәртіпсіздікті! — Онан соң көзі шатынай тұрып көпшілікке төне қарады да: -Бастықтарыңыз бұл баланы емес, Зибашты атап тұрғой, кәне, кім соған қарсы, тұрсыншы орындарынан?! — деді.

Қыдырман тойтықтан өзге ешкім тұрған жоқ.

- Эй, тойтық неме! — деді осы шыдай алмай кеткен Байдалы шал.- Эй, осы жүрттың шырқын бұзбасаң отыра алмайсың ба-ей, сен ит, а?! Қойсаншы енді! Мына жүртқа қырсығың тиеді ғой. Өкіл жолдаспен салғыласып нең бар-ей, а?!

- Өкіл болса қайтейін. Мен одан қорқады дейсің бе?! Мен кейбіреулер сияқты бай-қулақтың құйыршығы бол көрген емеспін, сондықтан құдайынан да қорықпаймын.

Эрине, «кейбіреулер» деп тұрғаны Байдалы шалды айтқаны. Үлкендер жағы Байдалы шалға ренжігендерінде, ылғи да өстіп оның бір байдың атшысы болғанын еске алып, бетіне басатын. Қыдырман да сонысын мегзеп тұр.

Мұнан әрі Қыдырман тойтықпен сөз таластырып жеңе алмайтынын білген Байдалы шал:

- Жарайды, қыңыр адам бір жақ, қырық адам бір жақ демекші, сенің сөзің өтпейді. Ал басқа кімнің қарсылығы бар? — деген.

Шолақ қол өкілден ығып қалған жұрт үндеген жоқ.

- Ал, жолдастар, онда көпшілік жиналыстың қолдауымен Зибаш біргәдір боп сайланды,-деді Байдалы шал сөздің тоқ етерін айтып.- Енді келесі мәселеге — зайдымға жазылу мәселесіне көшеміз...- дей берген, осы кезде өкіл оған бірдене деп күнк ете түсті.- А! Иә, айтпақшы, ұмытып барады екем,- деді сасып қалған Байдалы шал.- Жолдастар, Зибаш мына жерге шығып отыруы керек. Зибаш! Әлгі Зибаш қайда? Кәне, бері кел, мына біздің қатарымызға кеп отыр. Кел, кел! Ұялатын дәнене жоқ, еркек көрмей жүрсің бе?!. - деп сөзінің соңын бәдік қалжыңына айналдырып, жұртты бір күлдіріп алған.

Алдыңғы жақта шетте отырған Зибаш ұялшақтай басып сахнаға көтерілді. Ұялшақтығы сонша, жерден басын көтермesten аяғы-аяғына шалынысып, жығылып қала жаздады. Устіне бар жақсысын киіп әдеміленіп келгені енді белгілі болды, бригадир сайланатынын білген еken ғой. Байдалы шал мен Бектайдың ортасына барып отырған. Екі беті өрттей боп қызыарып, көзін көтермейді. Дәл осы сәтте көпшіліктің орта тұсынан бір әйел даусы:

- Эй, жаман қар, ақыр отырған соң тұп-тура анау өкілдің қасына отырмайсың ба?! — деген самбырлай жазғырып.

Жұрт тағы да ду күлді. Әлтаев жолдас қабағы тұксисіп әлгі жаққа жалт қарады.

- Эй, жолдастар, қалжақ сөзді қойсандаршы,- деді Байдалы шал қипақтап.

- Қап, мына қатынның Қыдырманды жер ғып кеткені-ай! — деген бізден ілгерірек тұрған Татубай сиыршы күнкілдең.

- Шынында да, тойтыққа обал болды,- деді екінші біреу.

- Е, біраз күн сусындағы ғой, жетер,- деді үшінші біреу.

- Қыдырман тойтықтың қызығы осымен бітті.

- Өзі Зибаш болсын да, тойтыққа байланып қалсын.

- Бәсе десенші!..

- Эй, мына шолақ өкілің де мұттәйім екен, бұғалықты қыл сағақтан салды ғой.

- Е, қолында билігі болса керек еді...

Біздің алдыңғы жағымызды тұрған үлкендер осылайша қақпақылдасып, күнкілдесе бастаған.

- Эй, арт жақта тұрғандар, тынышталыңдар! — деді Байдалы шал.

Мұнан әрі заемға жазылу жүргізілді де, біздер — балалар үшін қызықсыз көрінген соң, сыртқа шығып ойынға кірістік. Барлығымыздың тамсана сөз қылғанымыз Қыдырман тойтық. Эне, ешкімнен қорықпайды деп соны айт. Тіпті әуелі өкіліңнің өзімен тайталасты ғой.

Біраздан кейін жиналыш бітіп, жұрт үйді-үйіне тарай бастаған, үлкендермен бірге біз -балалар да қайттық. Қыдырман тойтық жеңгесі Сәруеге ілесіп, біздің жаққа қарай жүрген.

- Эй, жүгірмек-аяу, немене, сендер істеген жұмысты біз істей алмайды дейсің бе, бір Зибашқа бола бүкіл қатын атаулыны кемсіткенің не?! — деген Сәруе былай шыққан соң жазғырып.- Екі ортада жеки, үкіметтің саясатына қарсысың деп өкіл өзіңе айып тақты.

- Ой, жеңеше, барлық қатындарда шаруам қанша, бірақ сөзім солай шығып кетті. Эйтпесе мына сендерді

сайлап жатса, қарсы сөйлеп нем бар,- деді Қыдырман ақталғандай үнмен.

- Тіпті со Зибашты сайлағанға да қарсы бола қоятын дәнене жоқ. Сайлана берсін. Жүгірмек-ау, содан зиян шегемін дейсің бе? — деген сөзінің сонын сыйырлай күліп.

- Жоқ, маған оның ондай пайдасының керегі жоқ. Мен ол шолақ қол өкілді өлтірем,- деді женгесінің әзіліне міз бақпаған Қыдырман кіжіне сөйлеп.

- Жә, жайрағыр, қатын үшін кісі өлтіремі несі мына-ның?! Бірденеге ұрынып, сотталып кетіп жүрерсін.

- Сотталсам, кетем.

- Не дейді?!. Бетім-ау, әркімнен қалған бір салдақыға бола өмірінді қор қылып не көрінді, сонша?! Жә, мына сөзінді менен басқа ешкім естімесін,- деді ұрса сөйлеген Сәруе.- Эй, осы ауылда не көп, бойжеткен қыз-қырқын мен жесір келіншек көп. Соларды шетінен шертіп жүріп ұнатқаныңды айтшы маған, алдыңа өзім жетектеп әкеп беремін.

- Жоқ, маған басқа ешкімнің керегі жоқ. Бәрібір мен ол өкілді Зибашқа жолатпаймын. Ерегескенде мен оның анау сау қолын сындырам енді.

- О, шірік!.. Жақсы ағама тартпай кеткір шірік!..- деді қайнысының мына қылышына қүйіп-піскен Сәруе ыза болып.

Мұнан әрі Сәруе бұрылып өз үйінде қалып қойды да, Қыдырман тойтық ақсандай басып әрі қарай кетті. Біз, балалар, енді бір сойқан болатын шығар деп, сол күні сырттай Қыдырманың қайда барып, қайда жүргенін аңдумен болдық.

Петъканың: «Байдалы шал енді біздің Санатты өзіне хатшы етіп алатын шығар», - деген қалжыны шынға айналды. Айтқанындай-ақ бастық болған күннің ертеңіне Байдалы шал Санатты сабакта отырған

жерінен шақыртып әкеткен. Содан бір сабақты өтіп, одан келесі сабаққа кірерде ғана, Санат қалтасы толы бауырсақ, жымың қағып тоқ көңілмен оралды.

- Иә, не болды? Неге шақырыпты? — деп, жан-жақтан жапырлай қалған біздің сұрауымызға Санат:

- Жай,- дей салды.- Мә, одан да бауырсақ жеңдер,- деді онан соң қалтасындағы бауырсақтан бәрімізге жеткенінше үлестіріп. Ақ үннан пісірілген иісі аңқыған қызыл сары бауырсақ нанды ұмыта бастаған біздер үшін тәттіден бір кем емес еді. Соңдықтан бәріміз шетінен аз-аzdan қана тістелеп дәмін алсақ, енді біріміз құрт құсатып сөлін сорып тамсанамыз. Бүкіл класс ішін бауырсақ иісі алыш кетті. Тек бір кезде біздердің аузы-мыздың малжандап отырғанын сезіп қалған Энипа апай:

- Кәне, сабақ үстінде тاماқ жегендерінді қойындар! — деп зеки ұрысқан, аузымыздағы бауырсақты жұтып-жұтып жібердік.

Ертеңіне атқарушы Ысқақ шал тағы келген, бірақ бұл күні Санат ауырып қалған еді.

- Онда,- деп ол кластиғы балаларды тегіс шола қарап шықты да, көзі маған түсіп: — Қанат, сен жүр,- деді. Мен оның назарына іліккеніме қуана қорбандаң орнынан түрдым. Төңірегімдегі балалар: «Бауырсақ экелетін бол... бауырсақ...» — деп сыйырлап қап жатыр.

Атқарушы шал мені алдына сап кеңсеге қарай алыш жүрді. Байдалы шал қақ төрдегі қызыл мата жабылған үлкен столдың басында көк мауыты тысты бөркін бір шекесіне қарай қисайта киіп, бүктеп ұстаған қызыл тобылғы қамшысымен алдында қобырап жатқан қағаздарды түртпектеп қойып отыр екен. Мені көріп қабағын кіржитіп, тіксініп қалды.

- Элгі Санат ауырып қапты, оның орнына мынаны алыш келдім,- деді атқарушы шал.

Байдалы шал астыңғы ерініндегі насыбайды алыш

тастап, аяғының астына қақырына былш еткізіп бір түкірді де, маған шегір көзімен шашыла қарап, атқарушы ІІсқақтан:

- Мұның аузы қалай еді, берік пе еді? — деп сұрады дәл бір өмірі мені көріп, білмеген адамдай.

- Ол жағын қайдам, бірақ хат тануы жақсы деп жүрген балалардың бірі ғой.

- Эй, онда бері кел, отыр,- деді Байдалы шал қарсы алдындағы орындықты нұсқап, өзі менен көз айырап емес. Бұрын байқаған баламен де, шағамен де қалжақтасып жүретін, бірде бату, бірде тату дегендей мінезі бар, өзіміз кейде «аталап» соңынан қалмай әзілдеп, кейде сыртынан мазақтап жүретін, ақ көніл сияқты көрінетін Байдалы шалдың қазіргі сұсы адам қорқарлық еді. Шегір көзі өңменімнен өтіп, ішіп-жеп, бет қаратар емес.

- Сенің өзі, аузың қалай, берік пе? — деп сұрады.

- Берік,- дедім мен.

- Кеңсенің құпиясын сыртқа шашпайсың ғой?

- Шашпаймын.

- Егер осыдан сенен естідік деген бір сез шықса, мына қамшы төбенде ойнайды. Үқтың ба?

Мен басымды изедім.

- Эй, ІІсқақ! — деді ауыз үйге қарай дауысталап. Есіктен қорбандаі басып атқарушы шал кірген.

- Элі бағанағының әкеп бергені мына хат па? — деді көк конвертті көрсетіп.

- Иә, осы төрт бұрышты. Ауданға жазылған еken деді ғой.

- Жә, онда орныңа бара бер.

Атқарушы шал шығып кеткен соң, әлгі көк конвертті маған ұсынды да:

- Онда, мә, оқышы,- деді. Мен әлгінде атқарушы шалдың өзім туралы «хат тануы жақсы» деген мақтауын ақтау үшін айдақ-сайдақ жазылған қағазды бар ынтамды

салып судыратып Оқи жөнелдім. Өйткені жақсы хат танудың басты шарты қағазды тез оқуғой.

- Эй, тоқта,- деді Байдалы шал мені бөліп.

- Жау қуып келе жатқан жоқ қой, сен өйтіп аптықпай, әр сөзді түсінікті етіп, дұрыстап оқы деп, өзі ұғып қалған алғашқы сөйлемді қайталап шықты: «Арыз. Аудандық партия комитетіне. Біз бір топ колхозшы осы арызды жазуға мәжбүр боп отырмыз...»

Мен Байдалы шалдың өзінің мақамына салып, әр сөзді дауысты дыбысы бар тұсында соза отырып, қайтадан оқи бастадым.

«Арыз. Аудандық партия комитетіне. Біз бір топ колхозшы осы арызды жазуға мәжбүр боп отырмыз. Өйткені Байдалы колхоз бастық болып ешкімді көгергепейді. Өзі бұрын бай-құлақтың құйыршығы болған адам...

- Не дейді?! Жә, тоқтат иттің күшігі! — деп үшіп тұрған Байдалы шал қамшысымен столды салып қалды. Шетір көзі шатынап ашудан қалш-қалш етіп маған төнен қарайды. Енді болмаса қамшысымен салып жіберетіндей. Қорқып кеткен мен қағазды өзінің алдына тастай сап зыта жөнелмек ем, дабыр-дұбырға ауыз үйдегі атқарушы шал кіріп, жолды бөгеп, есікке кесе-көлденең тұра қалды.

- Эй, күшік, не оқып тұрсың-ей, а? — деген маған тап бере ақырып.

- Өзінің оқы дедіңіз ғой қағазда жазылғанды...

- Мына қағазда шынымен солай деп жазылған ба?

- Иә. Солай жазылған.

- Эй, бұлар ма?! Бұлардан бәрі шығады. Ел емес қой,- деді тағы Байдалы шал түніле сөйлеп.- Шетінен жер аударып жіберсең обалы жоқ иттер ғой. Кәне, отыр орныңа! — деді маған ақырып. Амал жоқ, оның қарсы алдына барып қайтадан отырдым.- Иттің балалары,

баяғыда менің Мәтіжан байға жалшы болғанымды әлі күнге бетіме басып, бай-құлақтың құйыршығы болған деп жала жапқылары келеді.

- Көре алмайтындардың ісі ғой,- деді Ысқақ шал жағына сөйлеп.

- Со көре алмайды. Жә,- Байдалы шал біраз бұлқанталқан бол барып сабасына түсейін деді.- Сен орныңа бара бер,- деді атқарушы шалға, онан соң орнына отырып, шегір кезі со шатынаған қалпында маған қарап:  
— Оқы әрі қарай! — деп бұйырды. Мен әлгіндегі тоқтаған жерімнен әрі қарай жалғастыра оқыдым: — ... Сөзінде еш пәтуа жоқ. Тек одырандап қатын-қалаш, бала-шағаға қамшы үйіргеннен басқа қолынан түк келмейді. Ойлайтыны қара басының қамы. Соңғы кездерде жас келіншектерге қырындастын әдет шығарды...

- Жә, оқыма, әкел бері,- деп Байдалы шал мұнан әрі шыдай алмай арызды жұлып алды.-Ойпырай үйің күйгір-ай, қайсысы еken мұны жазып жүрген?!. Қайсысы еken, ә? -Ойланып қалған ол қарсы алдында менің отырғаным біраздан кейін барып есіне түскендей: — Эй, сен неғыл деп омалып отырсын?! Кәне, жоғалт көзінді! — деп, қамшысын үйіре ақырған. Мен зытып сыртқа шықтым. Эуелі таяқ, жемей аман құтылғаным қуансам да, кеңседен ұзай бере құр қол кетіп бара жатқаным есіме түсіп, Саматтың бауырсақ әкелгеніне үиреніп қалған балалар қолыма қараса не деймін. Құр қол сүмірейіп қайтқанымды көрсе, бәрі де: «Әй, сені қойышы...» — деп бірден теріс айналады ғой. Эй, тәуекел, не болса о болсын,- деп кеңсеге қайта қайттым. Ауыз бөлмеден өтіп, ішкі есікті ашқам, Байдалы шал әлгіндегі бір парақ қағаздың басы қайсы, аяғы қайсы екенін біле алмай айналдыра қарап тұр екен.

- Ата, бауырсақ берші! — дедім.

- А! Э, сен кетпеген екенсің ғой,- деді әлгіндеғідей емес ашы тарқағандай үнмен Байдалы шал. Онан соң:

- Мә, бауырсағың,- деп қалтасынан бір уыс бауырсақты алып столдың шетіне қойды. Оның бір уысы менің кішірек қалтамды толтырды да қойды. Кете беріп едім:

- Тұра тұр, енді мына бір қағазды оқышы,- деді ол тағы бір парапты ұсынып. Бұл — акт қағаз екен. Мен әлгіндеғідей әр сөзді анықтап, мақамдан оқып шықтым:

- Акт. Мен колхоздың бақташысы, Шотай Дайырбеков, колхоздың қызыл қасқа құнажынының ақырға құлап, қазыққа арандан өлгенін хабарлаймын. Мұны күэ Көлбай керен мен Сағила кемпір растайды. Сол үшін қол қоюшылар...

Мұнан әрі ирек-ирек адам түсініп болмайтын әріптермен үш адам қол қойған.

- Жандарың шыққырлар, ақырға құлап өлді деп өздері сойып алмаса неғылсын,- деді Байдалы шал кіжініп.- Басқаны білмесем де Шотай итті білем ғой. Кәне, берші,- деп актінің қағазын қолына алды да: — Эй, Қанат, сенің көзің өткіріек қой, анықтап қарашы, мына екі қағаз бірдей емес пе? — деді.

Расында да, әлгіндеі арыздың қағазы мен мына актінің қағазы бірдей екен, бір дәптерден жыртып алынған. Мен соны айттым.

- Бәсе, бұ Шотай қайдан тыныш жүрсін деп едім-ау. Кәне, қарашы, жазулары да бірдей ме екен?

- Жоқ, жазулары екі түрлі, екі адам жазған.

- Жә, ол жағын анықтармын.

- Эй, Ысқақ! — деді ақырып. Ауыз үйден атқарушы шал кірген.- Мына қағаздарды менің алдыма кім қойды? — деп сұрады әлгіндеі екі парапты көрсетіп.

- Қайдам?! Бар қағаз кешеден бері осы үстелдің үстінде жатыр ғой.

- Үстелдің үстінде жатқанын білем. Соны кім қойды деймін?

- Казиттерді мен әкеп қойдым, тағы бір қағаздарды шатауат әкеп қойды, басқасын білмедім.

- Бар, шақыр шатауатты.

Атқарушы шал көрші бөлмедегі счетовод бүкір Бектілеуді шақырып келді. Бектілеу ертеден кешке дейін есепшоттан бас көтермейтін, ешкіммен шаруасы жоқ, ешкіммен сөйлеспейтін, өкпесі сырылдан отыратын аурушаң, құныс адам еді. Ауыл адамдары: «Бектілеу мен қара шот бір туысқан»,- деп күлетін. Ол сөзге Бектілеу өзі де мәз боп қалатын. Қазір сол Бектілеу үлкен қой кезі бағжан-бағжан етіп, Байдалы шалдың алдына қорқақтай кірді.

- Эй, Бектілеу, мына қағаздарды менің алдыма кім қойғанын білесің бе?

Бектілеу әлгіндегі арыз берін акті қағаздарын қолына алғып көрді де:

- Жо, бұ қағаздарды кім қойғанын білмеймін, менің қойып кеткенім мәлімет қағаздар,-деп барып, Байдалы шалдың алдында жатқан қағаздардың ішінен өзі қойғандарын тауып берді.- Міне, мына қағаздар, ал мыналарыңызды білмеймін.

- Эй, сонда осы сендер не білесіндер-ей, а?! Жалғыз бастықтарыңың алдына кімнің арыз қойып кеткенін білмейсіндер. Мына қамшымен шеттеріңен пәре-пәрелерінді шығарсам, обал жоқ иттерсіндер ғой. Тфу, енді қайтейін-ай!..- деп ыза боп бір түкірді де, қайтадан атқарушы шалға бұрылды: — Эй, әлгі Бектай қайда жүр?

- Ертеңгісін мал жаққа кеткен.

- Эй, мына жақта дүние қирап жатқанда, ол малды жау шабады дей ме-ей, а?! Бар, шақырып кел, тез! Осыдан бірдене көрем демесе, жетсін тез!

Атқарушы шалға ілесіп мен де кете бермекші едім,  
Байдалы шал қайыра тоқтатты.

- Эй, мә, енді мыналарды оқы,- деп алдындағы қағаздарды шетінен бере бастады. Эр түрлі арыздар еді: әскер семьясы ретінде азық-түлік жәрдем сұраған, отын сұраған, шөп сұраған құлағалы тұрған үйіне тіреу қоюға бөрене сұраған. Байдалы болса әр арыздан кейін: «Жә, оттапты», «былшылданты», «сандалмасын», «Әй, шіркін-ай, бөренені мен қайдан тауып береді дейді-ей, дәл мен бір қарағайдың ортасында жүргендей»,- деп, арыз иесі дәл алдында тұрғандай бірде кекеп-мұқап ауызша жауап қайырып отырды да:

- Жә, енді мына қағаздарды оқыши,- деп алдында жатқан басқа парастарды ұсынды. Бұлар бүкір шатауат Бектілеу мен Бектай есепші берген мәлімет қағаздар мен актілер екен: ауырып өлген, көтеремнен өлген малдар туралы, қайсының қалай өлгені, қай жерде өлгені жазылған. Байдалы шал бұл актілерді жазған адамдарды да бір-бір сыбап боқтап алады: «Әй, жаның шыққыр, өтірікті көйітүін»,- дейді, екіншісіне: «Е, жарайды, көрерміз»,- дей салады, енді біріне: «Мұны анықтау керек шығар»,- деп қояды.

Ауыз бөлменің есігі сықыр етіп ашылып, біреу тарстұрс басып кеп ішкі бөлмеге басын сұққан. Байдалы шал маған тоқтай тұр дегендей қолын сілтеді де, есік жаққа ежіреи қалды. Әлгі адам сол басын сұққан күйде бізге қызықтағандай қарап есік көзінде тұрып алды, екі көзі жылт-жылт ойнақшып, қос танауы таңқиған, жалбыраған қияқ мұртты қайыстай қатқан қара кісі — кәдімгі анау кездегі Байдалы шалдың үйінің отынын бұттайтын Тұржан. Әлден соң бас жоқ, аяқ жоқ: «А-а-а-а...» деп шақылдай күлген, бүкіл аузы ұрадай боп үнірейіп, көмейіне дейін қара қошқылданып түгел көрінді.

- Пан, пан, баяғының болысы да бүйтіп отырған жоқ

шығар! Глаһ, паһ, отырысынан айналайын, Байағам! — деді ернін сылпылдатып.- Аруақ!.. Аруақ!.. Жарықтық, Шорағұл бабамыздың аруағы қолдаған екен де!..- Енді сәл болса жылап жіберердей күйде тұр.-Құлдық еттім!.. Құлдық еттім!..- деп басын еңкейтіп табалдырықça тигізді. Тек сонан кейін ғана:

- Кіруге рұқсат па, Байаға? — деген.
- Кір,- деді Байдалы шал.

Осыдан кейін ғана есіктен кірген Тұржан:

- Ассалаумәлейкө-өм! — деп, сәлем беріп қаудырлаған сары тонының дедліген етегімен жолындағы орындықтарды қаға-маға қос қолын созып төрге ұмттылды.

- Эликісалам!

Қол алыса тұрып ұрадай аузын ашып тағы да таңқылдай күлді.

- А-а-а-а...- дейді тісі жоқ болғандықтан түкірігін шашырата тұрып.- Уай, колхоз бастыққа баса-көктемей, естіп рұқсат сұрап кіру керек қой! Солай ма, Байаға, а-а-а-а...- деп үп-үлкен басымен кейбір шолжаң балаларша бет-аузын қисандатып еркелегендей, ырбаң-ырбаң етіп. езуін жия алар емес, әйтеу өзінен-өзі мәз-мейрам біреу.- «Өзінді өзін жаттай сыйла, жат жанынан түңілсін» дейді ғой Байаға, алдиярым, міне, алдыңа кеп тағы да басымды нем... а-а-а-а...

- Қашан келдің? — деп сұраған Байдалы шал.
- Келген бетім осы. Үйге соқпай, әуелі кеңсеге бұрылыш, алатаудай боп төрде отырганыңызды көргім келді. Ризамын аруаққа!
- Ал отыр,- деді Байдалы шал оған деген риза көнілін жасыра алмай.- Иә, үй ішің аман ба? Келіннің халі жақсы ма? — деп дәл әнеугүнгідей амандық сұрастыра бастады.
- Аман ғой, оларды ит жей ме, а-а-а-а...- деп, дәл әнеугүнгідей жауап қайырған Тұржан ұрадай аузын

ашып тағы күлді. Сөзі ұнап отыр ма, ұнамай отыр ма, онда шаруасы жоқ, әйтеуір өзі мәз боп қүледі. Осы уақытқа дейін маған үлкен адамдардың бәрі ақылды боп көрінетін, тіпті кейбіреулері туралы: «Әй, соны қойшы, түйір ақылы жоқ», - дегеннің өзінде ондай адамның ақылсыздығын андай алмайтынмын. Ол да кәдімгі басқа адамдар сияқты көрінетін маған, ақылдының жоқтығы үлкенге білінсе де, маған білінбейтін. Ал мына адамды әнеугүні де көрген жерден бір түрлі ұнатпап едім, ал қазір: «Әй, мынаның түйір ақылы жоқ қой», - деген ой бірден оралып шықпай қойды. Сейлекен сөздері қандай парықсыз, күлкісі қандай дарақы, жүріс-тұрысы, қымыл-қозғалыстарына дейін еш түйсік жоқ, санасыз адамның ісі. Өзі түк-түк ойланбайтын адам сияқты. Тышқанның көзі құсап жылт-жылт еткен көзінде де, түрінде де ешқандай ой жоқ.

- Ауыл-аймақтарың қалай? — деп сұраған Байдалы шал.

- Ауыл-аймақ қайда көшер дейсіз енді, сол өкімет қондырыған орнында түр ғой, а-а-а-а...

Байдалы шал тағы біраз амандық-саулық сұрастырды да, Тұржан оған таңқылдай күліп жауап қайырумен болды. Енді бір сәт сөз кезегі өзіне тиген:

- Байаға, сіздің бастық болғаныңызды естігенде, тәбем көкке екі елі жетпей қуандым, деді Тұржан.- Құдай, аруақ бар екен ғой, біздің де көз жасымызды көреді екен ғой деп жылап жібердім. Аруағынан айналайын, Шорағұл бабам өзі қолдан жүр ғой сізді.

- Жалғыз мені ғана емес, бүкіл ұрпақтарын қолдан жүр ғой, жарықтық. Мына сені де қолдайды.

- Байаға, беліп-жаратын несі бар, мына сізді қолдағаны — бәрімізді қолдағаны ғой.

- Оның рас.

- Эне, дәл таптым ба?! А-а-а-а...- деп Тұржан тағы да мәз болды.

Сөз әлпеттерінен менің түйгенім — Тұржан Байдалыға төрт-бес атадан барып қосылатын туыс екен, мына көрші Ақтасты колхозында тұратын көрінеді. Туысының әлгі сөзіне көнілі өсіп әбден риза болған Байдалы шал қалтасынан шақшасын алғып, түбін столға тыңқылдатып қағып, көк бүйра насыбайдан алақанына молдау етіп салды да, шалқая түсіп аузына тастап жіберді, онан соң астынғы ернін бұлтита жымқырып сақаулана:

- Эй, осы сені әскерге неге алмаңы? — деп сұрады.

- Ойбай-ау, Байаға-ау, менің жасым асып кеткен ғой.

- Қалайша? Қырыққа енді ғана келдің емес пе?

- Анау жылы пашпырттымды жоғалттым деп қайта пашпырт алғанда, бір мүшел жасты қостырып жазғызғам, сонымен әскерден қала бердім. Мениң тісіме кім қарап жатыр, тіпті қараса да тісім жоқ, а-а-а-а...

- Оның дұрыс болған екен,- деп Байдалы шал да рақаттана күлді.- Сен осы кішкентай күнінен-ақ тапқыр едің, әлі соныңнан жазбапсың. Баяғыда байдың қойын бағып жүргенінде, өрісте саулықтардың астына шалқалап жата қап емуші ен.

- Иә, а-а-а-а... Байдың бәйбішесі ыдысымды тауып алмақ боп талай аңдып, тінтіп еді. А-а-а-а...

Мұнан әрі екеуі баяғы кездегі бастан кешкендерін айттысып, біраз мәз боп қалды. Тіпті жасаған ұрлықтарының өзі ерлік сияқты көрініп даурығысады.

- Байаға,- деді енді бір сәт ыржандай құлғен Тұржан.- Баяғыда Бейсенғазы бай болыс болғанда, інісі Сейсенғазы: «Бейсекем болыс болды дегенше, Сейсекең нойыс болды десенші» демекші, сіз колхоз бастың болды дегенді естігелі, мына жаман інінің де тақымы қопаңдайтынды шығарды. Қашанғы мен де тентіреп анау

Ақтастыда жүре бермекпін, өзінің қасынан келгім келеді. Сіз бастық болғанда, мен неге біргәдір болмаймын деймін. Ашсаңыз алақаныңызда, жұмсаңыз жұдырығыңызда емеспін бе? Менен сенімді кім бар сізге?!

- Ондай ой өзімізде де болып еді, бірақ әлгі шолақ қол өкіл еркіме қойды ма?! Осында бір қатынға көңілі ауған екен, шолақ ит соны біргәдір сайла деп отырып алды ғой. Бұ қазақтың қатын десе жан беріп, жан алысатынын білесің ғой, амал жоқ, айтқанын орындауға тұра келді. Жә, келем десен, біргәдірліктен де өзге жұмыс табылады ғой. Мысалы, мына маған ары-бері шапқылап жүретін атқарушы керек.

- Ойбай, Байаға-аяу, ол атқарушылығында мен дөй деймін ғой.

- Е, онда болды. Сапыбекке де бір жұмыс табылар.

- Хат тануы жақсы дедің бе осы?

- Үш класс бітірген, таниды ғой.

- Энеугұні қайтып барған соң сіздің айтқандарыңызды айтқам, қуанғаны сонша: «Мен Байатама барлық балаларды бір шыбықпен айдалап бағындырып берем», - дейді.

- Былай,- деді Байдалы шал ойына бірдене түскендей,- Сен мені «Байаға деме. Құрысын, «бай» деген сөзді қайтесің, пәледен аулақ.

- Онда, аға дейім.

- Мейлің, тек «бай» дегенді айтпа.

Байдалы шал көз алдында отырған мені енді ғана көргендей.

- Эй, сен неғып отырсың? — деді.

- Өзінің мына қағаздарды оқы деп жібермей қойдыңыз ғой,- дедім.

- Э, солай ма?! Онда қалғанын ертең оқырсың, бара

бер,- деді маған, онан соң Тұржанға: -Жүр, үйге баралық,- деді.

Мен шықтым, менің соңымды ала Байдалы шал мен Тұржан да шыққан тысқа, атқарушы Ысқақ шал ертіп келген Бектай есепші екеуін аттарынан түсіп, кеңсеге кіргелі тұр екен. Бектай есепшіні көріп Байдалы шал бірден ақырып сала берді:

- Эй, сен осы қайда жүресің?

- Қора жақта, мал жақта жүрмін,- деді Бектай.

- Эй, сениң ол жақта нең бар-ей, а?! Малдың заппермесі, бақташысы бар емес пе, а?!

- Қазір енді, қыс кезінде...- деп Бектай міңгірлей берген.

- Өйтіп қыс кезі деп сылтаураттын тұқ те жоқ,- деді Байдалы шал аузын қисаңдата, даусын жіңішкерте мазақтай сөйлем.- Шикін-ай, ә, қайбір малсақтанып жүрмін дейсің, есі-дертің, айналышық жегендей барғыштап, жағалап жүргенің, анау әлгі сиыршы Құныпияның қызы Қаншайым фой.

- Онда сіздің шаруаңыз болмасын.

- Жо, болады... Жаман неме, өзіңше сен де текешіктенейін дедің бе? Байқа, етінді сылып алам.

- Ақсақал, айтар сөзіңізді ойланып айтыңыз,- деген лезде өрттей боп қызыарып кеткен Бектай көзін алақ еткізіп.

- Өй, мынаны қара, маған ақыл үйретеді-ей!

- Аға-ая, осындейлармен де тәжікелесіп тұрасыз ба, дырау қамшымен өрім-өрімін шығармайсыз ба?! — деген шетте тұрған Тұржан кікіне ұмтылып.- Эй, колхоз бастықпен бүйтіп сөйлесетіндей сен кімсің-ей, а?! Кәне, ағамның бетінен алмай тарт тілінді, әйтпесе тұра көресінді көрсетем!

Бектай да ыққан жоқ, қамшысын оңтайладап безере қарсы тұрды, салғыласып және сөз қайтармады.

- Эй, Тұржан, жүр кеттік. Бұл жүгірмекпен сөзім соナン кейін болсын,- деді Байдалы шал.

Екеуі аттарына мініп, Байдалы шалдың үйіне қарай кетті де, Бектай есепші мен ІІсқақ шал үшеуміз кенсенің алдында қала бердік.

- Энеугұнгі жиналыстан кейін-ақ соңыма түсіп алды,- деді Бектай шағынғандай.

- Е, шырағым, бастықтың қырына іліге беріп қайтесің, айтқаныңыз құп деп журе бермейсің бе? — деді ІІсқақ шал.

- Сөйтпегенде қайтіп жүрмін енді.

Мұнан әрі мен өз жөніммен мектебіме кеттім. Қалтамдағы иісі аңқыған бауырсақтан басым айналғандай болса да, жол бойы, ең болмаса, біреуін аузыма салмадым. Балалардың алдына барғанымда, қалтам ортайып қалатындаі көрінеді. Үзіліс кезі екен, класқа кірер-кірмесімнен мені де балалар жапырлай қоршап ап: «Иә, неге шақыртады екен? Не істедің?» — деп үздіге сұраған. Санат құсан мен де олардың төбелерінен қарай тұрып:

- Жай, әншайін,- дей салдым немқұрайлы үнмен.- Онан да мә, бауырсақ жендер,- деп жеткенше бір-бірден үлестіріп бердім. Өзім бір бауырсақ қана алыш қалғам.

- Қанат, мен құр қалдым ғой,- деген кластағы ең кішкене бала Көпен жүгіріп кеп. Амал жоқ, соңғы бауырсақты соған ұстата бердім. Сөйтіп, бір қалта бауырсақтан өзім ауыз да тие алмадым. Оның есесіне Санат сияқты кластағы балалардың алдында менің де шоқтығым бір өсіп қалды.

Тұsten кейін ертеңгі үйге берілген тапсырманы орындаپ сабақ оқып отырғам, сырттан кірген әжем:

- Эй, Қанат, шық, әне, Қыдырман шөбінді әкелді, түсіріп жібер,- деді.

Тонымды иығыма іле сап атып сыртқа шықсам, Қыдырман шананың ұстінде тұрып ортадан аз тиелген шөптен қораның төбесіне қарай лақтыруға кірісіпті. Мені көріп:

- Жоғарыға шық, тез түсіріп алайық,- деді.

Мен қораның арт жағындағы күнделікті өзім шығып жүрген басқышпен төбеге көтеріліп, Қыдырман әперген шөпті іліп ап, кейін тартып жаймалай бастағам.

- Эй, иттің балалары, тоқтаңдар, кәне! — деп ақыра боқтаған Байдалы шалдың даусы селк еткізді.

Кеңседен шыққан беті болу керек, торы жорғасын борбайлата қамшылап құйынданша шауып келеді екен. Жетпіс жеті атамыздан бері қарай сыбап келеді.

- Иттің ғана балалары, тапайдың тал түсінде колхоздың шөбін ұрлап... Құртам екеуінді де... Тұрмеде шірітем!..

Ағып келген бойда дойыр қамшысымен жеткенше сілтеп шана ұстінде бейқам тұрған Қыдырманды салып-салып жіберген. Қыдырман шөпке шаншып тұрған ашасын суырып ап өзіне қарай ұмтылғанда ғана, атының басын кілт бұрып, кейін тайқыды. Бірақ боқтауын тоқтатар емес, бүкіл ауылға естіртіп азан-қазан бол түр. Әуелде «иттің балалары» деп екеумізді қоса қабаттап боқтаудан бастаған, енді аша ала ұмтылған соң Қыдырманның жеке өзіне ауысты: «ұры» дейді, «қаскунем» дейді, «пәшіссің» дейді, «колхоздың жауы» дейді, тақпаған айдары қалып жатқан жоқ, «ертең айдатам», «тұрмеде шірітем», «тұқым-тұғияныңмен тұздай құртам» — деп, зәре-құтты алатын сөздерді және қосақтайды. Әлден уақытта Байдалы шалдың соңын ала кеңседен шыққан беттері екеуі екі атқа мінген шолақ қол өкіл мен Зибаш та жетті. Екеуі бар жайды анадайдан-ақ көріп, біліп

келеді. Әсіресе басқа білмесе де бұл шөптің жайын Зибаш жақсы білетіні анық. Сондықтан Байдалы шал алғаш ақырып аттандай жеткенде, зәрем үшып кеткенмен, Зибашты көріп ес жигандаі болдым.

- Бұл біздің өзіміздің меншікті шөбіміз, жазда Нәзира әпкем екеуміз шалғымен шауып жинағанбыз, нанбасыңыз, әне, Зибаштан сұраңыз,- дедім төбеде тұрып айқайлап.

- Мен саған көрсетем өз шөбінді, иттің күшігі, кәне, осыдан түssі бері! — деп, Байдалы шал атымен қораның төбесіне шығып кетердей емініп қойып қамшысын сілтей ақырды.

- Рас айтады, бұл Қанат пен Нәзираның өздері шапқан шөбі, мына Зибаш та біледі ғой,-деп енді Қыдырман да соны арқалана сөйлеген.

Зибаш шолақ қол өкіл екеудің қатарласа кеп тоқтаған, қазір бірдене дейтін шығар, шындықты айтып ара түсетін шығар деп Қыдырман да, мен де енді соған жалтақтай қарағанбыз. Зибаш қабағын шытынып томсырайған күйде шанадағы шөпке, одан сендерді қайда көрдім дегендей, әуелі Қыдырманға, одан қораның төбесінде тұрған маған бажырая бір-бір қарағаны болмаса, не дұрыс деп, не бұрыс деп бір ауыз сөз айтпастан сыйданып, үнсіз тұрды да қойды.

- Айтсаңшы! — деген Қыдырман оған шаншыла қарап.

- Зибаш тәте-ау, әнеугұні шөпке бірге барғанымызда, мен өзім бастап апарып, Нәзира әпкем екеуміз жазда жиған бір шошақ шөбімізден жарты шана тиеп әкеліп едік қой. Мынау сол шөп емес пе? — дедім.

Зибаш үндеңген жоқ, тіпті жұмған аузын ашқан жоқ. Біздің сөзімізді естімеген адамдай сол безерген күйі атын тебініп қалды да, жүріп кетті.

- Эй, қарағым,- деді осы кезде әжем шолақ қол өкіл-

ге.- Мен мына Байдалыға сөзімді қор қылып ештеңе демеймін. өйткені бұл өзімізге белгілі Байдалы. Мен айтарымды жөн білер деп өзіңе айтам. Соғысқа барып қан кешіп қайтқан азамат екенсің. Ал менің балам сол соғыста қаза болды. Келінім осы колхоздың жұмысында жүріп ұрықарының қолынан опат болды. Улken немере қызыымды күні кеше үкімет бұзылған қалаларды салғызамыз деп және әкетті. Қалған шиеттей балалар мен өлмелі кемпір менің түрім мынау. Енді өзіміз шапқан шөпті зорлық қып тартып әкетсендер, сонда біздің күніміз не болады? Әскер семьясына жасаған жәрдемдерің осы ма сонда?

Әжемнің сөзін үнсіз тындаған шолақ қол өкіл ымдан қасына Байдалыны шақырып алды да, бізге естіртпестен бірдеңе-бірдеңе деп күңкілдеді де, атын тебініп Зибаштың соңынан жүріп кетті. Өзі қалған Байдалы шал қаһары қайтпаған сол ашулы қалпында Қызырманға қарап:

- Ендігі жерде ісім сенімен болсын, тойтық ит! — деді кіжініп.- Мына шөптің жартысын ғана түсір де, жартысын қайтадан колхоздың мал қорасына алып жүр.

- Өзі азғантай шөптің не жарты дейтіні бар,- деген Қызырман.

- Эй, тойтық, дәл бірдеңе көрейін демесен, айтқанды істе! — деп ақырды Байдалы шал.

- Эй, Байдалы, өз шебімізді өзімізге қимай тұрсың ба? — деген әжем.

- Колхоздың малы ашығып жатқанда, мен сендерге шөптерінді колхоздың шанасымен тартындар деген жоқпын.

- Сонда біз арқалап әкелеміз бе?

- Арқалап әкеліндер, бірақ колхоздың көлігіне тимендер.

Сөйтіп, Байдалы дігерлеп тұрып алған соң, Қызырман

амалсыздан шанадағы өзі аз шөптің жартысын ғана түсіріп, қалғанын колхоздың мал қорасына қайтадан алып кетті.

Қораның тәбесінде азғантай шөпті жинастырған бол қала бердім. Көзіме ып-ыстық жас құйыла береді, өзімен өзім тығылыш не істерінді білмей қыстығып тұрмын. Кімге баарарсың, кімге шағынарсың? Егер балалар зорлық жасаса, үлкендерге барып шағынуға болар еді, ал үлкендердің өзі зорлық жасаса, кімге шағынарсың? Нәзира әпкем екеуміздің таң алажеуімнен тұрып жүріп тірнектеп шауып, тірнектеп жинаған шөбімізді зорлық қып тартып әкеткеніне қалай жыламайсың. Тапайдың тал түсінде бүкіл ауылдың алдында бақырайтып қойып тартып әкетті ғой. Әне, әркім үйді-үйіне кіріп жүр, әншайінде ағайынсымақсып өбектей қалатындарын қайтерсің, ал жаңа Байдалы кеп жер-жебірімізге жетіп, зікінеп, тапап кеткендей бол түрғанда, ең болмаса біреуі келіп: «Әй, мұның қалай?» деуге жарамады-ау.

Әжем маган төменнен аянышпен қарап:

- Жә, қапаланба, қозым, тіршілікте мұндаидың әлі талайын көресің, тек бас аман болсын дейік,- деді жұбата сейлеп.- Құдайдан тапқырлар... Үн-а-а...- деп сөзінің соңын ауыр күрсініспен аяқтады.

Сонда бұл дүние әлсізге әлі жеткен, өстіп қиянат жасаудан түрғаны ма? Жарайды, Байдалы шалға әлгін-дегі әжем айтқандай сөз тауыспай-ақ қоялық, ал сонда Зибаштың жаңағы көрсеткен мінезі қай мінез? Бригадир болғанына бес-ақ күн етті ғой, әйтпесе қысы-жазы бірдей Нәзира әпкеммен бірге осы колхоздың ең ауыр жұмыстарында телім-телім бол журуші еді ғой. Жағдай-ымызды, халімізді басқа білмесе де, Зибаш біледі емес пе. Әнеутүні Нәзира әпкем көз қырынды сала жүр деп бізді тапсырғаны да осы Зибаш еді ғой. Әжем айтқандай: «О-о, опасыз дүние... Опасыз адамдар...»

## ТҮРЖАН — АТҚАРУШЫ

Сәске кезінде сары тоны қаудырлап Ысқақ шал класқа тағы кіріп келген. Бұл күні тіпті Әнипа апайымызды көзіне де ілмеген күйде, біздің сабақ оқып отырғанымызға да пысқырып қарамастан, ақай жоқ, тоқай жоқ, бірден Санатқа таяп: «Бол, жинал, колхоз бастық тез жетсін деп жатыр», - деп, қолдығаяққа түрғызбай дігерлей жөнелді. Атқарушы шалдың бұл қылығы, әрине, Әнипа апайымызды қатты ренжітті. Ол көзілдірігі жарқ етіп, қағаздарын жинастырып орнынан тұрмақ болған Санатқа:

- Отыр! — деді қатқыл үнмен. Онан соң Ысқақ шалға қарай шұғыл бұрылып: — Сабакты бұзуға сізге кім рұқсат берді?! Бұл қандай әдепсіздік?! — деп тап бередей бол қарсы жүрген.

- Колхоз бастық... Колхоз бастық Байдалы айтқан соң... - деген қапелімде сасып қалған Ысқақ шал шегіншектеп.

Біз, оқушы балалар да, үрпісіе қалдық, енді болмаса Әнипа апайымыз шалдың сақалына жармаса кетіп, бетін тырнап алатындаі көрінді.

- Оқушы баланы сабактан кетуге рұқсат етпеймін, - деді.

- Қарағым, ол енді колхоздың жұмысы ғой, - деген Ысқақ шал.

- Мейлі, колхоздың жұмысы үшін де рұқсат етпеймін. Мектеп оқушысын колхоз жұмысы үшін сабактан босата берсін деген заң жоқ.

- Өзің білесің де онда, тек, әйтеу, бастықтың қырына ілігіп жүрмесең болды да, - деп Ысқақ шал тоны қаудырлап есікке қарай беттеген.

Осы сәтте атқарушы шалдың бетін қайтаруын

қайтарып жіберсе де, колхоз бастығымен тіресудің арты қынға соғарын сезетін екі үшты ойда тұрған Энипа апайымыз іі босап:

- Жарайды, бүгінше барсын,- деді даусы жұмсарып.-  
Тек бастыққа сіз де айта барыңыз, классымыздың іші мынау анырап тұрған, сабан отынға жылиттын түрі жоқ,  
бізге қызыу бар отын қарайлассын.

- Макұл,- бұл тілегінді айта барайын.

Атқарушы шалға. ілесіп бара жатып Санат біздерге қарап қалтасын ұстап, жымындан көзін қысып қойды.  
Онысы, сәті түссе бүтін де бауырсақты толтырып әкелем ғой дегені еді.

- Бауырсақты қайтесін, одан да отын сұрасаңшы,-  
деді арт жақта отырған балалардың бірі дауыстал.

- Иә, отын сұра... Отын...- десті үш-төрт дауыс іле қостап.

- Кәне, тышталындар! Бері, мына сабаққа қарандар!  
— деді Энипа апай үстелін тықылдатып.

Тобылғы отынның таусылғалы, класссымыз қайта азынап сүйеп кеткен. Сабанды ертеден кешке дейін жаққанмен, қауқары жоқ. Байдалы бастыққа кластың сүйектіғын айттып, отын сұрап екі рет барған, қазір түсіріп бере қоятын отынным жоқ, реті кеп жатса көрепміз деп жіберіпті.

Тобылғы жаққанда жып-жылы бол қалған класссымында қалтырап әзер отырмыз. Дәметкен кемпір бет-аузы күйелеш-күйелеш болып от жағуға таң сәріден-ақ кіріседі, содан қара кешке дейін отын қоймадан мектептің ауыз бөлмесіне құшақ-құшақ етіп сабан тасумен күні өтеді. Омырайған пештің аузы абжыланша ысылдан, сабанды үсті-үстіне тыңпалап жатсаң да бір тоймайды, гу-ту етіп жұта береді, жұта береді. Бірақ шығарар жылуы шамалы. Кластың ішінде аузынан шыққан деміміз буланып күрк-күрк жөтелгенімізде,

ХТЗ-ның тұтініндегі бүрк-бүрк етеді. Әнипа апайымыз да көкпенбек бол дірдектеп тоқып отырады. Өзі де қызызық, класқа кірісімен палътосын шешіп, қолдан тоқылған қоңыр жемпірімен ғана қалады. Қалың бүрим қоңырқай шашының мәндай жағы, самайы бүйраланып, кішкене танауының үстінен сырғи беретін көзілдірігі буалдырланып, бізге кіп-кішкентай бол көрінеді. Тонғаның білдірмеуге тырысып сабақтарды саңқылдай айттып түсіндіреді. Сірә, қатты саңқылдаап сөйлесем, тоңғанымды онша сездірмеймін дейтін болар. Тақтага жазған кезде, бор ұстауға икемсіздене бастаған қолын демімен жиі-жіі үрлеп қойып тұрады. Соның өзінде жазуы жіпке тізген маржандай әдемі, әр әрпі сұлу суреттей бол түседі. Шіркін, Әнипа апайымыз құсатып әдемі жазсақ-ау деп қызығамыз.

Бүгінгі Әнипа апайымыздың Санатты сабақтан жібермей қоя жаздағаны әсер етті ме, кім білсін, үшінші сабақты өтіп жатқан кезімізде, терезенің тұсынан торы жорғасымен қалың қарды омбылай омыраулап кеп тоқтаған Байдалы шал тобылғы сапты қамшысымен әйнекті ұшырып жіберердей сартылдата қаққан.

- Эй, мұғалім қыз! — деді ат үстінен еңкейе дауыстал. Жалғыз қабат терезеден даусының жарықшағына дейін анық естілді.

- Мына балалардың әжетке жарайтындарын ертіп апарып, анау шешендер шапқан отыннан тартып алындар!

Кешеден бері Махмұд пен Зокку тау бөктеріндегі қалың алма ағаштарға қарай жол салып, отын шауып жүрген. Байдалы шалдың алындар деп тұрғаны сол. Соны айтты да Байдалы шал жөніне кетті, аңырып тұрып қалған Әнипа апайымыз көзілдірігін алып сұртіп қайта киді де, сендер не дейсіндер дегендей бізге қарады.

- Не істейміз, балалар? Бүйтіп бұрсектеп тоңып отырғанша, отын тартып аламыз ба?! — деген.

- Барамыз! Барамыз! — дедік сұық қласта отырғаннан гөрі далада жүргенді құп көрген біздер қуанғаннан жамырай дауыстал.

Бірер сағаттан кейін әжетке жарайды-ау деген балалар тегіс анау жолғы Әжібекпен тобылғы шабуға шыққанымыздай бір-бір жіпті белімізге буып Әнипа апайымыздың бастауымен тау бөктеріне қарай шұбыра бет алдық. Ол жолы беталысымыз қоңыр таудың күнгей беткейіндегі қалың тобылғы болса, бұл жолы сол таудың батыс жақ бүйір бөктеріндегі қалың алма ағашқа — кәдімгі, жазда өзіміз күнделікті өріп жүретін, жабайы алмаларға апаратын кәнігі бағыттымызбен келеміз. Аязды дала мұнартып, сәскеге таяған күннің көзі төнірегі шелдене қызырып, кіртип тұр. Беті-қолды қарыған ызғар бұрсектетіп уысына сыға түскісі келеді. Аяққа жүқпайтын сіре қар шарық табанға шик-шиқ етсе, етік табанға сықыр-сықыр етіп, құп-құрғақ боп осы қүйінен еш уақытта ерімейтін сияқты көрінеді. Кешеден бері бөктерге — алма ағаштарға қарай өгіздермен ерсілі-қарсылы жүріп отын тартып Махмұд пен Зокку сұқпа-сұқпа қалың қарда ойқы-шойқы жол салыпты. Өгіз-дердің сирақтарын сындырып алмай қалай жүргендерін кім білсін. Біз әлті жолда біресе сұқпаға түсіп кетіп аяғы-мызды суыра алмай, біресе сүріне құлап әзер келеміз. Алып алма ағаштың тұсынан өткенбіз, сол анау кездे-гідей ұшар басындағы бұтақтарында қатып-семген қоңырқай алмалар ызғар өтінде көк аязданып, болар-болмас селкілдеп тұр екен. Бұл жолы әнеугүнгідей қызыг-қсан ешкім болған жоқ, тіпті өздері үзіліп тусе қалса да, бұрсектеп тоңып келе жатқанда жей қоюға онша құштар емес едік.

- Киелі ағаш осы екен ғой?! — деген Әнипа апай.

Біздер бір ауыздан: «Иә», - дестік. Басқа білімді адамдар сияқты Әнипа апайымыз да: «Жә, бұл ағаштың киелі түгі жоқ, оның бәрі ескі адамдардың қараңғылықтан шығарған бос әңгімелері», - деп айтатын шығар деп күткенбіз. Бірақ апайымыз ештеңе де деген жоқ. Бала-лардың бірі шыдай алмай кетіп, бұл алып алма ағаштың түбінде үңгір барын, сонда баяғыда аюлардың патшасы мекендерегенін айтқан.

- Солай ма?! — Онда қызық екен, - деп Әнипа апай басын шайқап күлді де қойды.

Таудың күнгей етегінен батыс жақ бөктеріне қарай асып түсетін беленге көтерілгенімізде, аңтарыла тоқтағанбыз, жазда арасынан мал өте алмайтын, сыңсып тұратын қалың алма ағаштардың жолға жақын төмен жақ жартысы тып-типыл бол орны сипалып қалыпты, тек әр жер — әр жерде еніске қарай сұлай құлаған бес-алты ағаштың балта шапқан түптері ақпанқаланып етегі түрілген қыздар құсан жатыр.

- Эй, анау аю алма еді ғой?!

- Анау тәтті сары алма емес пе?

- Киіз алманы да шауып тастапты, - десіп балалар ішігімізді тартып, дабырладық та қалдық.

Бұл жақсы ырым ба, әлде жаманшылық па — ол жағын білмейміз.

- Балалар, отын алыңдар! — деді алма ағаштарды бұтарлап жүрген Махмұд дауыстал.

Біз қия жолда тайғанақтап, бір-бірімізді сүйемелден, сүріне-қабына барып Махмұд бұтарлап берген алма ағашты әрқайсымыз шама-шарқымызға қарап, екі бұта, үш бұтадан беліміздегі жібімізбен бастарын біріктіріп, буып ала бастадық.

Әуелде көзімізге Зокку түспеген, әлден уақытта оның:

- Цо-оп!.. Цо-оп!.. Содалха, лалха...4- деп тау жаңғы-

рықтыра ақырған аңы даусы естілген. Енді ғана көрдік, қалың алма ағаштың тауды алқымдаған түкпір жағында бәйтерек құсан өскен жалғыз түп долана болушы еді, Зокку сол ағашты екі өгізбен бері қарай сүйретіп келеді екен. Арық өгіздер омырауларынан қарға батып мықшиып алға ұмтылады да, шамалары келмей кейін қарай тәлтіректейді, Зокку болса ақыра боқтап екеуін де сырғауылдай көк таяқпен белдерін қайыстыра соққының астына алып тұр. Өгіз байғұстар сіңірдей созылып жан дәрмен алға қарай тағы да ұмтылады, аяқтары шалынысып сәл де болса жылжы қозғалады. Сәл жүре түседі де дымдары таусылып, тәлтіректей тоқтайды. Жануарлардың әл-қуаттарының біткені едәуір жерде тұрған бізге де көрініп тұр. Бірақ оларды аятын Зокку жоқ.

- Вай Меск! Халхадаг ког бикх!... — деп ақырып кеп, гүрсілдетіп таяқтың астына алады.

Ақыры өгіздің бірі тәлтіректей ұмтыла беріп құлан түсті, қүйіп-піскең Зокку оны боқтықтың астына алып, басқа-көзге періп-періп жіберген. Өгіз ұмтылғанмен, қайтып тұра алмады.

- Эй, өлтірдің ғой, обал емес пе!.. — деді Махмұд шыдай алмай дауыстал.

- Барзу баирг!.. — деді Зокку кіжініп. Оナン соң құлаған өгіздің басын мойынтырықтан шығарып таstadtы да, оның орнына екінші өгізге қатарласа өзі тұра қап:

- Содалха, лалха! — деп екінші егізге кіжіне ақырып жіберді де, мойынтырықты алға қарай итере ұмтылды. Екінші өгіз күш алғандай жылжып жүре бастады.

- Цо-оп!.. Цо-оп!.. Халхадаг ког бикх! — деп, тістене кіжінеді Зокку, өзі де тоқтамай, егізді де тоқтатпай долана ағашты сүйретіп келеді. Едәуір жер жүріп кеп тоқтап, сәл тыныстап алды да: «Әүп!» деп қайта жүріп

кетті. Сөйтіп, екі дем алыш, долана ағашты біз тұрған кезеңге дейін сүйретіп экелген.

- Эй, Зокку, сен тұрғанда осы өгіздерді қинап қайтеді-ең, а! Отынды сениң өзіңмен-ақ тартпаймыз ба, а.. Ха-ха-ха!.. - деп, Махмұд тау-тасты басына көтере жаңғырықтырып көзінен жас аққанша күлді. Оның күлкісін қағып алған тау-тас «а-а-а» деп созып әкеткен. Біз де Зоккудың мына күшіне сүйсіне күлдік. Зокку сәл тыныг-стап алды да, әлгі жатып қалған өгізін әкелуге кетті. Өгіздің қасына барып шешенше бірдеңе деп ақыра сөйлеп, қазақша боқтанып, таяғымен жон арқасынан бір көсіп өтті де, қозғала қоймаған соң еңкейіп мүйізінен ұстап, ақыра дауыстап, өгіздің кеуде жағын жұлқи көтеріп алды жерден, бірақ бөксе жағы сүйретіліп қозғала қоймады. Соңда да Зокку оны тұрғызам деп біраз жер сүйрелеп келді де, ақыры өгіздің тұрмасына көзі жеткен соң сылқ еткізіп тастай салды, ызалана бір түкірді де кері қайтты.

- Біраз жатып дем алсын, өзі тұрады,- деген Махмұд.

- Содалхада! — деді Зокку қолын бір сілтеп.

Махмұд оған шешенше бірдеңе-бірдеңе деп сөзінің арасында «колхоз, колхоз» деп қойып, қолымен анадай жердегі қорым тасты жағалай өскен бұта-қурайларды нұсқай тұрып зіркілдей сөйлеген. Зокку тағы да:

- Лалхада! — деп күнк ете түсті.

Махмұд одан әрмен өршелене сөйлеп айқайлап берді. Қолындағы балтасымен Зоккуге тұра ұмтылар ма еken деп қорқып қалдық біз. Зокку болса оған тіктеп қарсы-ласпай со шешенше құңқілдеген күйінде «содалхада! лалхада!» деп барып, Махмұд нұсқаған бұта-қурайларды күректей қолымен жапыра сындырып біраз жанап алды да, жатып қалған өгіздің алдына апарып таstadtы. Бірақ оған қозғала қойған өгіз болған жоқ. Со жатқан қалпынан тырп етпеді.

- Байдалыны ертіп әкеп көрсету керек. Арам өліп қалса көрсін,- деді Махмұд Зоккуге.

Бұдан әрі біз, балалар, буып алған отындарымызды сүйретіп келген ізімізben кейін қайттық. Жас алма ағаш ауыр екен, иығымызды жаншып, қарымызды талдырып аздан кейін-ақ маңдайымыздан тер бүршақтап, ауылға сан дем алып әзер жеттік. Өзі де отын көтеріп қара терге түскен Әнипа ашайымыз біздің титықтаған түрімізді керіп, бір сағаттай дем алып келуге үйге жіберді.

Түстен кейін отынға қайта барғанбыз. Сол екі арада Махмұд пен Зоккудің артынан қосымша төрт өгізбен тағы екі шешен барып, қылған алма ағаштарды түгел тартып әкетіпті, ал бізге дегенді сүйреп жүруімізге оңай болсын дегендей, тегіс бұтарлап бір жерге үйіп қойған екен. Сірә, Байдалының бұйрығы солай болса керек.

Тау бөктері тып-типыл жылан жайланаңдай болты, құлазыған аңғал-саңғал иесіз жүрттың үстінен түскендей күйде турмыз. Эр алма ағаштың орнында тізеден шабылған сирақтар құсап сойдиган-сойдиган түбірлер қалған. Қалың қардың астынан әр жерде көсенің иегіне шыққан сақалдай боп итмұрын, бөргездердің селдіреген шоқ-шоқ бұталарының бастары қылтияды. Анадай жерде бағанағы тұра алмай қалған орнында тарғыл өгіз қозғалыссыз жатыр, байғұс жануардың арам өлгені айттай-ақ түсінікті еді. Үстіне жапырлай үимелеген қарға-құзғын бізден үркіп дүркіреп үшқан болды, бірақ бір-біріне: «Тоқтаңдар, тоқтаңдар! Кетпендер, кетпендер!» — дегендей, тау-құзды бастарына көтере азан-қазан боп қарқылдастып шуласып, төніректен кетер емес. Басқа көз тоқтатар ештеңе жоқ, тау-тас, төнірек өзіміздің талай аралап, шарлап жүрген жеріміз ыстық тартып таныс көрінгенімен, дәл мынау жалтырап жатқан қарлы қия бөтен бір жер сияқты эсер етіп тұр.

Мал бауыздарда шалдар: «Сенде жазық жоқ, бізде азық жоқ, біссімілдә» деп, қыл кеңірдектен пышақпен орып жіберетін, сонда бауыздалған майдың алдындағы кінәсі жуылып-шайылғандай болатын, сол сияқты біз де қазір, өзіміз шаппасақ та, бізге деп отынға бөлінген алма ағаштарды «сендерде жазық жоқ, ал бізде отын жоқ» дегендей, үш бұта, төрт бұтадан әрқайсымыз шамашарқымызға қарай бөлісіп, ауылға сүйреп қайтуға ынғайлай бастадық.

- Эй, ана шалды қарандар! — деді осы кезде балаардың бірі. Нұсқаған жағына жалт-жалт бұрылғанбыз, әлгінде өзіміз сүрініп-қабынып әзер жүрген ойқы-шойқы жолмен қолында таяғы бар, қалт-құлт басып, тоқсандағы Куатбек шал келеді екен. Ауылдағы жасы ең үлкен сыйлы ақсақал тоқсанға келсе де бойын тік ұстайтын, қалың қабағы түксіп, түсі суық болатын: Біз:

- Ассалаумалейкүм!

- Ассалаумалейкүм! — деп жарыса сәлем бердік, бірақ ол кісі біздің сәлемімізді естімеген адамдай қасымызға үн-тұнсіз таяп кеп, әуелі жалаңаш қалған бөктерге сығырая көз тігіп біраз түрдү, одан біздің не істеп жатқанымызды білгісі келгендей таяғына сүйенген күйде бөлісіп-бөлісіп алған бұталарымызға шүқшия қарап:

- Мұны кім шауып берді? — деп сұрады.

- Шешендер,- дедік біз Махмұд пен Зоккууды айттып.

- Шекендер ме?! Э-э,- деді шал даусын соза басын изей тұрып. Шалдың шешен деуге тілі келмейтін де «шекен» дейтін.

- Шешендерге бүйрық болса болды ғой... Апымай, бір бұта қалдырмапты-ау!.

- Иә, бір бұта қалдырмады,- дедік біздер іле қостап.

Шал сығырая тұрып төніректі тағы да шола қарап шықты да, біздерге оқыс бұрылып:

- Ал енді жазда алманы қайдан жейсіндер? — деген. Даусында сұрақпен қатар кінәлау, сөгу бар еді. Біздер не дерімізді білмей бір-бірімізге қарадық. Шынында да, жазда алманы қайдан жейтініміз ешқайсысымыздың ойымызға да келменті-ау.

Шал мұнан әрі әр адымын абылап басып тарғыл өгізге қарай жүрді. Ол жақындаған сайын, өлексе үстін төніректеп ұзап кете алмай үйіріліп ұшып жүрген қарға-құзғындар естері шыға шаң-шүң бол мұлде шуылдасып кетті, тіпті кеп біреуі қалт-құлт еткен шалды қағып еткісі келгендей, далығұлы ұшып кеп жанап өтеді. Шал өгіздің қасына барып, оның өліп қалғанына көзі анық жеткен соң, енді аяғын санап басып жоғары өрледі, енді шабылған алма ағаштардың сойдіған түбірлеріне барып әрқайсысына еңкейіп, үңіле түсіп, сипалап ұстап көріп, төрт-бесеуін қарап шықты да, белін жаза тұрып:

- Эй, балалар, бері келіндер! — деді бізге.
- Барындар! — деді шал келгеннен оған үнсіз қарап тұрған Энипа апайымыз.

Біз қасына таяған кезде, шал таяғымен бөктерден әргі асып түскендегі екі шоқының қуыстانا қосылған тұсын нұсқап:

- Қазір анау арадағы Тасбұлақтан барып, түбі қата қоймаған шығар, саз балшық әкеліндер де мына түбірлерді сылап қойындар,- деді.

Он шақты бала қос шоқының қуыстانا қосылған тұсындағы өзіміз жақсы білетін, жазда мынау бөктерге алмаға келгенде күнделікті басына барып рақаттана отырып су ішетін Тасбұлаққа қарай тартып кеттік. Бұлаққа асып түсетін қабаққа көшкін тұрған екен, тепкілеп ойып, алма ағаштан сындырып алған таяқпен қазғыштап баспалдақ жасап, бұлақтың басына жеткенбіз, сірескен қалың қардың ортасында буы бұрқырап жатыр екен. Мұз болып қату деген мұлде ойына келер емес,

бұрқ-бұрқ қайнап қос шоқының бірге біткен кіндігі сияқты көрінеді. Жазда ішкенінде сұзы шекенді жарапдай тастай сұық болушы еді, шөлдемесек те қазір де бұлақтың ойпандау тұсынан кезек-кезек жата қап еңкейіп ұрттап су ішкенбіз, жоқ, жаздағы сұықтығы білінбейді, қайта жылы сияқты, сарайынды ашатын кәусар еді, тамсанып-тамсанып қойып іштік. Жоғарыдан тұрып қараганда кішкентай ғана бұлаққа бүкіл көк аспан төңкеріліп тұскендей көкпеңбек түпсіз тұңғиық боп көрінсе, еңкейіп су ішкенінде бұрқылдан қайнап су шығып жатқан тас көмей жаны бардай бұлк-бұлк етеді еken. Толассыз қайнау, толассыз бұлкіл. Қыстың құні айдаладағы тау қуысындағы кішкентай Таасбулақтың мынау тірлігі еріксіз таңдандыратын ғажап еді.

Бұлақтың көзінен сәл төмендеу шымдауыт саз да қатпапты, әлгіден әрқайсымыз кесек-кесек балшық қопарып алып кері қайттық. Сол балшықпен Куатбек шал айтқандай етіп, сойдиган сирақ түбірлерді сылауға кіріскеңбіз. Осы кездे ауыл жақтан атын борбайлай қамшылап Тұржан жетті. Эуелі ол біздерді көзіне де ілмestен, арнайы келген шаруасы сол болу керек, бірден тұп-тура өлген өгізге қарай бұрылған. Бағанағыдан кейін басылғандай болған қарға-құзғындар тары шуылдаса бастады. Бірімен-бірі қайшы алысып, жалт-жұлт етіп кеп, Тұржанға тап-тап берердей боп жанай үшады.

- Өй, мыналар қайтеді-ей?! — деп, ақыра дауыстаған Тұржан қапелімде қағып тұсіргісі келгендей қамшы сілтеген. Қарға-құзғын онан әрмен шулап кетті, кейбіре-улері бүріп түсердей боп шаншылады. Қызық көргені ме, әлде бас айналдырғандай азан-қазан шудан сасқаны ма, Тұржан сол онды-солды қамшысын сілтелеген күйде:

- Мыналар қайтеді, ей?! А-а-а... - деп аузын аша құлген. Тау-тас әлгі күлкіні қағып ап ондаған дауысқа салып: «А-

а-а-а»... жаңғырыға жөнелген. Өз даусының жаңғырығына өзі таңданғандай Тұржан қайталай күлген, тау-тас та ондаған дауысқа салып қайталап берді. Өлген өгіздің қасына барып, ат үстінде тұрган күйде қамшысымен екінші рет салып-салып жіберді де:

- Өй, мынау шынымен өліп қапты ғой, а-а-а-а... - деп өгіздің өлгеніне анық көзі жеткен соң, тағы мәз бола күлді.

Тек сонан кейін ғана біздің әрекеттерімізге таңырқай қарап:

- Эй, не істеп жүрсіндер?! — деп дауыстай сұрады да, түбірлерді саз балшықпен сылап жүргендерімізді көріп:  
— Эй, мыналарың не-ең?! А-а-а-а... - деп бұрынғы күлкісі күлкі ме, шын күлкіге енді батты. Басы балшықпен сыланған әр түбірге қолын шошайтып қойып, ішін баса тұрып көзінен жас аққанша күлсін кеп, атының үстінен құлап қала жаздайды.

- Мүгедек сорлыларды шүберекпен байламайсындар ма-ең, а! А-а-а-а... - дейді мәз болып. Үрадай аузын үнірейте ашып шалқалай тұрып күлгендеге, бүкіл тау-тас күлкіге толып кеткендей болады.

- А-а-а-а... А-а-а...

Әуелде оның күлкісіне мән бермегендей боп тұрсақта, сәлден кейін біртүрлі тітірене бастадық. Тау-тасты жаңғырықтырған ессіз күлкі көнілге үрей туғызып, қорқыныш, күдік ұялатайын деді.

Тұржан осылайша өзімен-өзі біраз тұрып, күліп-күліп алған соң, атын борбайлата бір тартты да, жүріп кетті. Біз сойдиган түбірлердің балта кескен жерлерін біршама сылап қойдық.

- Эй, мына нәлдеттің есі дұрыс емес шығар,- деді Қуатбек шал оның соңынан сығырая қарай тұрып.

- Эзірге осы жарай тұrap, кун жылыған кезде кеп дұрыстап сылап қойындар, сонда мына түбірлер

өлмейді, алма ағаштар қайтадан өсіп кетеді әлі,- деді шал, онан соң Әнипа апайымызға қарап: — Қарағым, өзің бір есің бар бала көрінесің, мына шәкірттеріңе баскөз бол, Алмалының алмасы құрып кетпесін,- деді.

- Мақұл, ата.

Тек осыдан кейін ғана Қуатбек шал бастап, отында-рымызды арқалай сүйретіп ауылға қарай қайтқанбыз. Алып алма ағаштың тұсынан өткенімізде, Қуатбек шал бұрылыш барып таяғымен оны әр жерінен бір тоқылдатып ұрып көрді де басын шайқады.

- Мұның да ортасы шіріп тұр екен ғой,- деді өзіне-өзі сөйлегендей құңқілдеп, онан соң үйріле тоқтап тұрган біздерге: — Егер жазға дейін сынып қалмаса, мынаның түбіндегі үңгірді көміп, сыртының закымданған жерлерін балшықпен сылап қойындар, ең болмаса біраз жылға дейін осының алмасын жеп жүрерсіндер,- деді. Біз мақұл десіп, бас изедік.-деді, Ысқақ шал іштегі әнгіменің мәнін сыйырлай түсіндіріп. Сөйткенше болған жоқ, іштен:

- Эй, колхоз бастықтың тілін алмайтын сен кімсің-ей, а?! Осы ит сілікпенді шығарайын ба?! — деген Тұржанның даусы қосарлана естілген.

- Тұржан да осында ма еді? — деп сұрадым мен таңырқап.

- Осында. Ойбай-ау, ол біздің колхозға біржола ауысып келді ғой,- деді Ысқақ шал даусын көтере сөйлеп.- Менің орныма атқарушы сол болады енді.

- Ал сіз ше?

- Е, мені қойшы, колхозда жұмыс көп қой.

- Жазасың ба?! — деп ақырған Байдалы шал.

- Жазбаймың,- дейді Санат тістенген үнмен.

- Жазасың! Мен саған жаздырам иттің күшігі.

- Жазасың. Біз саған жаздырамыз! — деп қораланды Тұржан.

Мұнан әрі бөстекті ұрғандай қамшының сарт-сарт еткені естілді.

- А-а!..- деп баж ете түсті Санат.

Көз алдыма Байдалы шалдың тобылғы сапты дырау қамшысы келеді.

- Жазасың ба? — дейді Байдалы шал.

- Өлтірсөніз де жазбаймын,- дейді Санат.

- Қаршадай боп қасаруын.

- Мә, ендеше!..- дейді Тұржан кіжініп, тағы да қамшының ысқыра сарт еткені естілді.

- А-а!..- деп шыңғырып жіберді Санат.

- Мен сендей күшікті бүйтіп өлтіре салам!..- дейді онан әрмен ызалана кіжінген Тұржан.

- А-а!..- деп Санат тағы шыңғырды.

- Жә, болды. Қоя берші әрі! — деді осы кезде Байдалы шал.

Есік сарт етіп ашылған, құлағын тосып тұрған Ысқақ шал жалп етіп, ұшып түсе жаздал тәлтіректеп әзер қалды. Иштен тұтіге долданған Байдалы шал:

- Эй, Ысқақ, мына күшікті әкетші! — деді ақырып.

Есіктің тасасына тығыла қалған мені байқаған жоқ.- Иттің күшігі, жазбасаң жазба, тек бірақ осыдан аузынан бір ауыз сөз шығатын болса, менен жақсылық қутпе. Анау көксау шал әкеңнен бастап, тұқым-түяғыңмен тегіс құртам. Бар кет! — деді қатты ескертіп.

- Тек аузынан шығып көрсін! — деді Тұржан да ескертіп.

Ысқақ шал ішкі бөлмеден мұрнынан қан дірдектеген Санатты алып шығып, маған «бол, тез әкет» дегендей ымдаған. Мен Санатты қолынан ұстап сыртқа шығарып, біраз жер кеңседен ұзағанымызша дедектетіп жетелеп жөнелдім. Жақын маңдағы үйдің тасасына жеткен соңғана аялдап, әуелі қар басып мұрнының қанын тоқтаттық, онан соң омырауын тазалап, үсті-басын жөндестір-

дім. Өксігін баса алмай солықтап түрған Санат кейінге, кенсе жаққа қайырыла қарап:

- Бәрібір жазбадым ғой,- деді тістене құліп.- Эй, әнеу Тұржан деген тіпті жынды екен. Байдалы шал ымдаса-ақ болды, өлтіруге дайын.- Сол желкемнен қойып қап, бетімді үстелге тоқ еткізген, мұрным содан қанады.- Онан соң маған бұрылды да:

- Атам естісе, жүргі ауырады ғой, ешкімге айтпай-ақ қой! Сүрініп жығылдым дей салармын,- деді қиыла өтініп.

- Мақұл, ешкімге де айтпаймын,- дедім мен уәде беріп.

Сөйтіп, еш жанға қысасы жоқ, қиянатсыз деп жүрген Байдалы шал қолына билік тиген соң, қатын-қалашты қойып, бесіктен беліміз енді ғана шыққан бізді де өзінің былғаныш ісіне араластырып, көнбесек басымызға әңгір таяқ ойната бастаған еді. Ал оның аталас туысы Тұржан мандайымызға біткен сор болды.

Екі-үш күн өткен соң, Бектай есепші мен Нұсіп шалдың қызы Шынарга ФЗО-ға шақыртқан қағаз келген. Бектай келесі күні-ақ ел-жүртпен қоштасып жүріп кетті. Кетерінде маған кеп оңашалап шақырып алды да:

- Қанат, саған салар бір қолқам бар,- деді маған тесіле қарай тұрып.- Біздің ауылдың поштасын өзің білесің ғой, қыздарға келген хатты әркім бір ашып оқып, қолына тигізбейтінін. Сондықтан мен Қаншайымға жазған хаттарымды, қарсы болмасаң, сенің атыңа салып тұрайыншы.

- Мақұл,- дедім мен.

- Сенің қарсы болмайтыныңды өзім де біліп едім. Рақмет,- деп Бектай құшақтап арқамнан қақты.- Кебенек киіп кетіп барам ғой, күндердің күнінде бір қайтармын. Сенің бір әжетіңе мен де жарармын, элі.

Ал Нұсіп шалдың қызы Шынар сол шақыру келген күні ақсақ Көбегенге тұрмысқа шығып, кешкісін үйлену тойын жасады. Ертеңіне Көбеген екеуі ауданға кетіп, екі күндей сонда жүріп, соғыс мүгедегінің әйелі болған сон, ФЗО-ға бармайтын боп босап қайтты.

---

Атқарушылығын сол әнеугүні кеңседе Санатты ұрудан бастаған Тұржан, соның өртөніне Байдалы шалдың үйінің малдарын уақытында сұгара қоймадың деп, Фрицыны көк ала қойдай қып сабапты, бірер күннен соң шөпке барып қайтқан Манар шарығынан су өтіп тұс кезінде үйіне келе жатқанда, жұмысттан қаштың деп соңынан қуып кеп, ауылдың қақ ортасында көшеде аттың бауырына альп тұрып, пәре-пәресін шығарышты.

Сөйтіп, аз күннің ішінде-ақ Тұржан бүкіл ауылдың зәре-құтын ұшырып аяғынан тік тұрғызды. Көзі құты-рған иттің көзіндегі қанталап, ұрадай үңірейген аузынан боқтықтың неше түрі қардай борап, ақыра қуып берген кезде, қатын-қалаш, бала-шаға кірерге жер таптай безіп кететін болды. Ендігі жерде Тұржанның даусы естіл-генде, үрек қалмайтын. Не үлкен деп, не кіші деп қара-майтын, жолында тұрсаң қамшысын бір көсіп өтетін, «Жазығым пе?» — дегендеге ол қарқылдап күле тұрып: «Жолымда тұрма!» — дейтін. Қалқыны да, шыны да осы еді. Ауылдағы бүкіл ит екеш иттерге дейін Тұржанды біліп алған. Ол көшениң бір басынан шауып шығып екінші басына жеткенше тұс-тұстан шабалай қосылған иттер жау шапқандай шулап кететін. Тұржан болса одан әрмен еліріп, қамшысын онды-солды құлаштай сілтеп, екі жағына алақ-жұлақ қарап, ұрадай аузын үңірейте ашқан кезде: «А-а-а-..лап», қарқылдай құліп бара жатқанын аңғаруға болатын. Сол күлкісі иттерді мұлде

құтыртып жіберуші еді. «Е-е, дүние, шабарманын тауып, заман Байдалынікі болды ғой», десті ұлкендер. Енді Байдалы шал бұрынғыдай көшеде шапқылауын қойған, ешкімге қамшы да үйірмейді, торы жорғасын бүлкіл-детіп қойып ұнатпағанына көзінің астымен ғана қарап өтіп кетеді, артынша-ақ сол жерге Тұржан келіп, әлгінде Байдалы шалға ұнамағанның быт-шытын шығарады. Шынында да, Байдалының өзі бастық болғанынан да, Тұржан сияқты атқарушы тауып алғаны керемет эсер еткен еді елге. Және атқарушы болғанда қандай, шаш ал десе бас алатын, жамандық істеуде алдына жан салмайтын, құдай алдында да, адам алдында да айылын жимайтын нағыз есірік нақұрыс еді. Өзі өлмейтін жерін және білетін. Кімге тиіссе де колхоз үшін, колхоздың жұмысы үшін құйіп-пісіп, колхоз құрылышының біздің ауылдағы жалғыз жанашырындай болып алды.

- Колхоз үшін, колхоз жолында мен ешкімді де аямаймын,- дейді еліре кікініп.- Егер колхоздың суыртпақ жібін алған адамды көрсем, ондырады еken демендер!

Және сол айтқанында тұрып, «колхоздан астық ұрлаған», «колхоздың шөбін ұрлап жүр», «колхоз жұмысынан бас тартты» деп сылтауратып, талайды зар қақтырып қамшының астына ала бастады. Мен өзім оның бір есерлігінің — Күлғайша деген жесір әйелді сабаганының күәсі болдым.

Ертеңгісін мектепке бара жатқам. Күн бұлышынғыр, ызғарлы еді. Санаттардың үйінің тұсында көшеде Оттоның шешесі Кәрелен мен әлгі Күлғайша екеуі сөйлесіп тұр еken. Күлғайша — күйеуінен өткен жылы қара қағаз келген, алды сегізге енді жеткен үпір-шүпір үш баласы бар жесір әйел еді. Сонау қыс ортасында Нұрсұлудың баласы Серікті жалмаудан бастаған жұпар ауруы содан бері үйден үйге ауысып, жас балаларды баудай түсіріп келе жатқан, соңғы кезде осы Күлғай-

шаның үйін де шырқ айналдырып, балалары бірінен кейін бірі ауырып, мазасы болмай жүр екен деп ести-тінбіз. Міне, осы Құлғайша мен Кәреленнің тұсынан өтіп бара жатып, Оттоның кеше сабаққа келмей қалғаны есіме түсті де, мамасынан не болғанын сұрай кетейінші деген оймен әлгі кісілерге қарай бұрылғам. Кәрелен Санаттардың үйінен тамызық от алып шыққан беті болса керек, қолында ұзын сапты қалаққа салып алған, тұтіндең бықсыған жарты кесек тезегі бар, көзінің асты қөлдіреп, арықтықтан бозаң өні арса-арса боп, сүйекті ірі денесі иінагаш құсан ілмиіп тұр. Қолы жақсы тоқу білетіндіктен, үстіндең киімдерінің бәрін жүннен өзі тоқып киген кішкентай Құлғайша оның кіндігінен ғана келіп тұр. Ертеңгі ызғарда екеуі де бұрсек-бұрсек етеді.

- Кизин қалай? — деп сұрайды Кәрелен.

- Ой, қыын боп тұр, Кәрелен. Тұні бойы күйіп-жанып көз ілген жоқ,- дейді көзі қызарған Құлғайша.- Анау сиыршының үйінен сұт сұрап әкеле жатырмын. Ыстық сұт берсем тәуір бола ма деймін де,- деді қолындағы кіренкені көрсетіп. Бұл кіренкені мен де айтпай танимын, кәдімгі Петъканың үйінің жалғыз кіренкесі, біздің қоңыр сиыр бұзаулаған кезде, Петъканың шешесі Бөлке апай осы кіренкемен кеп біздің үйден ылғи сұт алып тұратын. Петъка ылғи мақтанатын, кіренкеге құйған сұт еш уақытта ірімейді, сап-салқын боп тұрады деп. Солай болса солай шығар. Ауылда басқа үйде мұнданай кіренкесі жоқ. Жалпы соғыс жылдары бүкіл ауылда бұтін бір ыдыс болған емес, темір ыдыстардың түбі тесік, оларға түйін-шектеп шүберек өткізіп қоятын, ал шыны ыдыстар шетінен құрсауланған қырық жамау боп келетін, сондықтан Петъканың үйінің жалғыз кіренкесін көрші-көлен-дері аса бір зәру шақта сұт құюға ғана сұрап алатын, міне, Құлғайшаның қолындағы сол кіренкесі еді.

- Сүт жақсы. Жақсы,- дейді Кәрелен басын изей мақұлдаپ. Онан соң өзі білетін қазақша сөздерді есіне түсіре тұрып: — Үй сүйк болмайды...- дейді басын шайқап.- От... көп от...

- Үйіміз салқындау,- дейді Күлғайша құрсіне сөйлеп.- Сабанның басқа отынымыз жоқ. Жазда жұмыстан қол тимей тезек те жинай алмадым...

- Мен саған тезек береді. Кел,- деген Кәрелен.

- Келем, қазір келем,- деді Күлғайша.

Осы кезде қайдан тап болғаны белгісіз, бір топ иттерді шылдатып соңына ертіп Санаттардың үйінің тасасынан Тұржан шыға келген, көшеде тұрган әйелдерді көре сап:

- Ой әкеңнің!.. Мына жақта колхоздың малы қырылып жатқанда, бұлардың таң атпай сенделіп жүрістерін! — деп ақыра ұмтылды.

«Ойбай, мына жынды сүрей кеп қалды» — деп, Күлғайша өз үйіне қарай, «Хо, Готт... Готт!» — деп, Кәрелен өз үйіне қарай жүгірген.

- О тотыңмен қоса әкеңнің! — деп Тұржан әуелі Кәреленді бір салып өтті де, онан соң Күлғайшаның соңынан бастырмалата тап берді.- Не ұрлап әкеле жатырсың? Алдындағының ішінде не бар? Кәне, жаныңың барында көрсет?

Күлғайша тоқтай қоймаған соң, қуып жетіп қамшымен салып-салып жіберген. Бүрсектей қашқан Күлғайша өзі бір жаққа, қолындағы кіреңкесі екінші жаққа ұшып кетіп күл-парша болған.

- О, әкеңнің... иттің қатыны! Колхоздың сүтін ұрлап келе жатыр екен ғой. Бәсе! Әлгінде сиыр қора жақты жағалап жүр еді. Мен саған колхоздың сүтін ұрлағанды көрсетейін! -деп, Тұржан қолымен бетін, басын қорғалап, ойбайлап жатқан Күлғайшаны қамшының астына алып кеп берді.

Айқай-шұға төңіректегі үйлерден қатын-қалаш, бала-шага жүгіре-жүгіре шыққан, араларында еркек атаулыдан жалғыз Қыдырманғана.

- Ойбай, өлтірдің ғой, сорлыны! — деп әйелдер шуылдаса кеп ара түскен. Қыдырман да:

- Қойсанышы! Эй, қойсанышы! — деп ұмтыла жеткен.

Дәл осыны күткендей Тұржан Құлғайшаны тастай бере, атын еміне тебініп қап, «құдай берді ме, сені» дегендей, Қыдырманға қарай жалт бұрылды, қуанып кеткені сонша, аузын арандай ашып: «А-а-а-а-а» — деп сақ-сақ күлді. Атын ойқастата шауып кеп қамшысын бар құшімен құлаштай сермен Қыдырманды салып өткен, соққының қатты тигені сонша, Қыдырман жалп етіп ұшып түсті, енді Тұржан атының басын кейін бұрып, екінші жақтан ойқастата кеп Қыдырманды жатқан жерінде тағы бір көсіп өтті, бұл жолы қамшы Қыдырманның қоңыр тонын дәл жауырынан пышақпен тілгендей қақ айырды. Тұржан үшінші қайырылып келе жатқанда, Қыдырман жан дәрмен ұшып тұрып, екі қолымен басын, бетін қорғалай берді. Тұржанның қамшысы тағы да жауырынан сарт етіп кеп, ұшы қолтығының астын ала оралған кезде, Қыдырманның да қолы іліккен еді. Енді бұл да бар құшімен қамшыдан жұлқа тартып қалған, қапелімде Тұржан аттан ауып түсе жаздады, бірақ тез түзеліп, атының басын шұғыл бұрып, Қыдырманды омыраулата қағып өтпек болған. Қыдырман шетке қарай жалт бұрылып шығып кетті, бірақ қамшыдан айырылған жоқ, ұшын қолына орап үлгерді, шірене тұрып тағы да тартқан, бұл жолы Тұржанның қолы артына қарай қайырылып, дәрте құсан созылып барып, ақыры бұлдіргесі үзіліп қамшысы қолынан шығып кетті. Қамшы қолына тиген Қыдырман тойтық жаздады ғой. Ал бұл ат — колхоздың аты, яғни өкіметтің меншігіндегі ат,-деді Тұржан.

- Қыдырман қамшыны сізге қарай сілтегені болмаса, сізге де, атқа да тигізген жоқ болатын,- дедім мен ағымнан жарылып.

- Сен байқамағансың ғой, аттың басынан екі-үш рет ұрып-ұрып жіберген, мына қамшы көзіне сонда тиді,- деді Тұржан мені сендіргісі келгендей төндіре сөйлеп. Онан соң есіне түскендей: — Эй, осы сендердің жеке меншік шөптерінді сол Қыдырман колхоздың шебіне қосып жіберген көрінеді ғай,- деген.

- Иә, жарты шана шебіміз колхоздың шебіне қосылып кетті,- дедім мен.

- Е, оны мына маған айтпайсың ба. Өзім ертең-ақ үйлеріңде түсіріп берем. Тағы жартысы бар ма еді шебінің?

- Иә, Қоғалы бұлақта әлі жарты шанадай шебіміз қалған.

- Ол шебінді де түсіртіп берем.

Мен қуанып кеттім. Осы уақытқа дейін соншама, жексүрын көрінген Тұржан дәл қазір маған аса бір қайырымды, қамқоршыл адам боп көрінді.

- Тезірек түсіртіп берсеңіз жақсы болар еді, аға, әйтпесе шебіміз бітіп қалды,- дегем мен.

- Сөз боп па, ертең-ақ түсіртіп берем. Тек менің де саған салар қолқам бар,- деді ол маған жылтылдаған кішірек көздері шашыла қарап.- Бүгін ертеңгісін анау күлиган Қыдырманнның менің қамшымды тартып алып, өзімді, мына колхоздың атын басынан ұрды деп жазып берсең болды.

- Ол ұрған жоқ қой, сіз оны жақындағатпадыңыз ғой.

- Ал сен ұрды деп жаз. Колхоздың атының көзін ағызып түсіре жаздады де.

- Ой, ағай, өйтіп өтірік жала жаба алмаймын ғой,- дедім мен.

- Эй, мен саған шөптерінді түсіртіп берем деп

тұрмын ғой.

- Бәрібір мен өтірік жаза алмаймын.

- Эй! — деді Тұржан кенет ақырып қап.- Мен айтып тұрмын ғой саған жаз деп. Солай жаз!

- Мен ешқандай да жаза алмаймын.

- Егер жазбасаң көресіңді көрсетең мен саған.

Мен үндемедім, тістенген күйде теріс қарап кеттім.

Ту сыртынан сарт ете қалған қамшыдан ұшып түсे жаздаپ барып жүрелеп отыра бердім, он жақ шекем тыз етіп, көзімнің оты жарқ ете түскен. Тағы да ұратын шығар деп бұғып қорғаншақтай бергем, бірақ қамшы қайтып тиген жоқ. Біраз тұрған соң, неғып тым-тырыс бола қалды деп басымды көтергем, Тұржан кейін кеңсеге қарай шауып кетіп барады еken. Сөйтіп, бір қамшымен құтылғаныма қуанып, мен өз жөніме кеттім. Тек ендігі жерде Тұржан тұрғанда, шебімізді түсіріп ала алмаспыш деген ой қайта-қайта келе береді. «Қыдырман бар ғой, бірдене ғып сол жеткізіп берер», - деген жалғыз ғана көмескі үміт көнілге жұбаныш еді. Екі-үш күннен кейін сорымызға қарай сол көнілге жұбаныш болған жалғыз үмітімізден де айырылуға тұра келді.

Мектепте үлкен үзіліске шыққан кезіміз болатын. Қыдырман тойтықтың үйінің төңірегінде қантап жүрген адамға көзіміз түсті. Мұндайда бала қалушы ма еді, екі өкпемізді қолымызға алып, шуылдаса жүгіріп біз де жеттік. Келсек, біз танитыннан шолақ қол өкіл Әлтаев жолдас және колхоз бастық Байдалы шал, бригадир Зибаш бар, басқалары ылғи бір түстері суық бөтен адамдар, орталарында екі милиция Қыдырманның үйіне тінту жасап жүр еken. Есіктерінің бәрі аңғал-саңғал ашылған, үй ішіндегі азын-аулақ дүние: көрпег-жастық қалай болса солай шашылған, аурулы шешесі мен іні-қарындастары жалаң аяқ, жалаң бас дірдек-дірдек етісп біресе сыртқа шығып, біресе ішке кіріп шуылдаса жылап

жүр де, Қыдырман тойтықтың өзі өнінен қаны қашып, қу шуберектей боп бозарып үй мен қораның ортасында тұр.

Тінту жасап жүргендер бүгін МТС-тан келген комиссия екен. Кірген бетте-ақ сиыр қорадағы ақырдың ішінен шөптің астына тыққан екі пүттай бидайды тауып алышты. Колхоздың түқымға деген астығынан ұрланған екен. Қыдырман тойтық тістене дірілдеп:

- Жок, мен мұны көрген де, алған да жоқсын, білмей-мін,- деп азар да безер боп тұр.

- Мынау тесік қаптан түскен бидай астық қоймасынан осы үйге дейін шашылып келген ғой. Міне, ізі де жатыр,- дейді шақылдай сөйлейтін бітік көз қара жігіт. Кіміне, жүріс-тұрысына, сөз әлпетіне қарағанды бәрінің басшысы сияқты.

- Мынау менің ізім емес, менің аяғым, міне, мынадай және біздің үйде мұндай қап жок,-дейді Қыдырман тойтық.

- Қарағым, мұндай қап бізде болған емес. Бұл кім де болса ауылдағы біреудің бізге жамандық жасау үшін істеп отырған қиянаты,- дейді Қыдырманның шешесі де көз жасын көл-көсір төгіп, енірей тұрып.

- Ол жағын әлі тексереміз,- деді қара жігіт, онан соң әр жерді бір шұқылап тінту жасап жүрген милицияларға: — Эй, анау төбедегі шөптің арасын, мынау күлдің астын қарандар! -деп бұйырды.

Екі милиция қолдарына аша, күрек алып деруе қораның үстіне шығып, ондағы шөптің астан-кестенін шығарып ақтарыстырып таstadtы, одан осы үйдің ала қыстай қүресінге төккен күл-қоқысын бүркүлдатып аударыстыруды, сәл күдік туғызады-ау деген жерлердің бәріне бойлата істік темір сүкқыланып, үй маңайында қопарыла қазылмаған төмпешік қалмады, бірақ әлгі ақырдан шыққан екі пүт астықтан басқа ештеңе табыл-

мады. Бітік көз қара сүп-сүр боп қанын ішіне тартып соның бәріне сүзіле қарап, темекісін сорып қойып бақылап тұрды. Шын мықтты бастық болса керек, тіпті шолақ қол өкілге дейін оның алдында бәйек қағып именшектеп тіке беттей алмай, анадайдан қас-қабағын андал, өзара күнкілдесіп қана сөйлеседі.

Тінту бітіп, келгендер қайтуға ыңғайланған. Байдалы шал әлгі бітік көз қараға таяп кеп, үйіне шайға шақырды.

- МТС-қа дейін талай жер. Дайын шай екен, ішे кетелік,- деді шолақ қол өкіл де.

- Жарайды, дайын болса ішнейік,- деді бітік көз қара зорға көнгендей боп, одан бағанадан тінту жасап тыным таппай қара терге түскен екі милицияға: — Эй, сен екеуің мынаны экете беріндер,- деді иегімен Қызырман тойтықты нұсқап.- Мен сондараңынан қуып жетем.

Сөйтіп, өзі екі милициядан өзге комиссия мүшелерін ертіп Байдалының үйіне қарай бет алды. Ал екі милиция қос торы ат жегілген шаналарының арт жағына қолын артына қайырып байлад Қызырманды отырғызып алып, МТС-қа баратын жолға түсіп жүріп кеткен. Қызырманның шешесі мен іні-қарындастары кісісі өлген үйдей боп ұлардай шулап, шуылдаса жылап қала берді. Дәл осы кезде ғана байқадық, тінту басталғаннан анадай шетте ат үстінде бір жамбастай қисайып бар оқиғаға сырттай қарап тұрған Тұржан атын тебініп қап, шананың соңынан таяп барды да, Қызырманды қамшысымен тартып жіберердей боп төне түсіп:

- Өзінде де осы керек, күлиган, а-а-а... - деп рақаттана күліп алды да, кілт кейін бұрылып шаба жөнелді. Қуанышында шек жоқ еді. Төңіректегі бес-алты үйдің иті осыны қутіп тұрғандай-ақ оның соңынан шуылдаса шаптығысып қуып берген. Оларға басқа иттер қосылып, лездің ішінде ауыл арасы уылған-шуылған ит базары болды да кетті.

Бұл сүмдық еді. Кеше ғана жайрандал жүрген, ешкімге залалы жоқ, қолынан келсе тек жақсылық жасағысы кеп тұратын Қызырман тойтықтың аяқ асты ұры атанип, айдалып кетуі еш көңілге қонбайтындей. Мен сабақ үстінде отырып не оқып, не қойғанымды білген жоқпын, ойымнан Қызырман тойтық кетер емес.

Ауыл арасында Қызырман біреудің жаласымен нақақ күйіп отыр деген сыйбыс тарады. Өйткені Қызырманның шешесі көшеге шығып, қолына дәм-тұз ұстап тұрып, баласының ешқандай бидай ұрламағанына қарғанып-сіленіп ант-су ішіпті.

- Балама жала жабылып отыр, еш жазығы жоқ еді... - деп еңірегендеге етегі толыпты.

Улкендердің сөзінен тағы бір аңғарғанымыз, Қызырманның ұсталуына шолақ қол өкілдің де қатысы бар сияқты, ол тойтықтан Зибашты қызғанатын көрінеді. Бұрын Нұғыман бастық боп тұрған кезде, Зибаш турады пәлен деуге батпаған өкіл, оған тек сырттай телміре қарап айналшақтап көзін сатқаннан әріге бара алмай діңкелеп жүрсе, енді Байдалы шалды өз қолынан бастық сайлаған соң, айтқанын екі еткізбей орынданып Зибашты дереу бригадир қойғызды, сөйтіп, келіншектің көнілін алып, өз дегеніне жетті десті. Елдің аузына кім қақпақ болады, біраз күннен кейін: «Қызырманға қиянат Тұржанның қолымен жасалыпты» деген сөз де шықты, астық қоймасынан бидайды тесік қапқа сап көтеріп апарып Қызырманның қорасындағы ақырға тыққан сол екен. Тұржанды қаршадайынан білетін кейбір үлкендер: «Ол жүзіқараның сырты қандай қара болса, іші де сондай қара еді, одан бәрін де күтуге болады», - десті.

Зибаш болса жорғасы Байдалының торы жорғасынан кем емес, бұрын Нұғыман мінетін қара жал Құла-жорғаны бас аты етіп мініп, ертенді-кеш көше ортасында жайқақтата жүріп дік-дік етіп сөйлейтін әдет

шығарды. Аз күннің ішінде-ақ өнінің тотыққаны кетіп, ақ құбаланып, мәндайы жарқырап, өзі тіпті әдеміленіп кетті. Ұяң сияқты көрініп сзызылып тұратын мінезінен із де қалған жок, үлкенге де, кішіге де ат үстінен шашыла тік қарап: -«Сен анау жұмысқа бар!», «Сен мына жұмысқа бар!» — дейді кесімді нық үнмен. Әуелде кейбіреулер оған: «Әй, сен өзіміз білетін Зибаш едің ғой» дегендей жүре тындалап қалжақтамақ болған екен, ондайларды қара жұмыста жүріп білегі қатқан қарулы келіншек қамшымен бір-екі рет қайқайтып тұрып көсіп-көсіп жіберсе керек. Ал таяқ кімді де болса көндіреді ғой. Сөйтіп, қолында билігі бар, атқа мінген адам, мейлі тіпті әйел болса да бағынуға мәжбүр етеді екен.

## ЖАУЫЗДЫҚ

Қоңыр сиыр күннен күнге іші жер сыза үлкейіп, көзінің ағы молайып аларып, пыс-пыс етіп есіктің көзінен кетпейтін боп алды. Үйден қайсымыз шыңсақ та ыңырана мөніреп қолымызға қарайды, тұмсығын созып иіскелеп жем тілейді. Өзіміз шыңпа жаным шықпалап арпа сұлныны қуырып, әр түйірін таңдайымызға сап талшық етіп отырганымызда, оған қайдан жем берелік. Соңғы кезде шөпті де ертенді-кеш қора төбесінен уыстап қана түсіремін. Эжем: «Балам, алдымызда қандай-қандай құн бар, шөбінді үнемдеп ұста, әлі мал төлдегенде керек болады», - деген. Соңдықтан уыстап санап түсірген шөптің өзін бірден малдың алдына тастамай, сабанға араластырып жіберем. Қоңыр сиыр да, екі ешкі де қалың сабанға араласып кеткен шөптерді теріп жейміз деп тінтінектеп жүріп сабаннан да біраз жеп алады. Мен

соған қуанам. Эйтеуір, қаңтарылып қалмай, сабан да болса жей берсе екен деймін. Қоңыр сиыр мен екі ешкінің сабанды үнгілегендеріне қарап тұрып Петъка:

- Сұлы талқанға бидай талқанды араластырып жегендей болатын шығар,- деп күлді. Онан соң:- Шөпті неге көбірек салмайсың?- дейді мені сараңсып тұрсыңғой дегендей.

- Көп салуға болмайды, шөп аз,- деймін.

- Эй, былтыр жазда, пішен кезінде Нәзира әпкең екеуің erteңді-кеш жүріп бір қысқа жетерлік шөп шауып едіңдер ғой. Оларың қайда, бітіп қалды ма?

- Жоқ, біткен жоқ, ол шөп өзімізге бұйырмай тұрғой,- деп, мен Қоғалы бұлақтағы шөбіміздің жайын айтқам.

- Сен өзің қызық екенсің, бар шөптен күдерінді үзіп,- деді Петъка мені жазғыра сөйлем.-Жарайды, колхоздың қорасына тұсірілген шөбінді ала алмай-ақ қой, ал қалған шөбінді неге тұсіріп алмайсың?

- Немен тұсірем? Тұржан тұрғанда колхоздың шана-сына жолатпайды.

- Колхоздың шанасының керегі де жоқ. Ол Тұржан мен Байдалыны қайтесің жаман атты бол. Шөбінді біз өзіміз-ақ жеткізіп алмаймыз ба?! — деді Петъка қызыныш.

- Немен?

- Қол шанамен. Оттоның отын тасып жүрген үлкен қол шанасы бар емес пе?! Сонымен екеуміз барып әліміздің жеткенінше тартып әкелеміз. Үш-төрт рет барсақ бәрін болмаса да біраз шөпті жеткізіп алуға болады ғой. Қоңыр сиырдың сүтін ішкенде құдай құрлығымыз. Соңдықтан оның шөбін жеткізууді парыз деп білейік.

Сонымен Петъка екеуміз Оттоның отын тартатын үлкен қол шанасын сұрап алып, демалыс күні Қоғалы

бұлаққа бара жатқан шөпшілер Көлбай керең мен Манаға ілесіп жолға шықтық. Бізben бірге Оттоның да барғысы келген, бірақ аяқ киімі жыртық болған соң амалсыз қала берді.

- Қоғалы бұлақтың қыста қандай болатынын көру керек еді, мына аяқтың жарамай түрғанын қарашы,- деді тұмсығы сөгіліп бақаның аузындай боп түрған шарығын көрсетіп.

Ауылдан ұзап шығып төбе асқанша өгіз шаналардың соңынан жаяу ілесіп жүрдік. Шаналардың артына жармасып отыруға, көріп қалса пәле қылар деп Тұржаннан қаймықтық. Төбені асып, ауыл қарасы көзден таса болысымен-ақ арттағы Манағардың шанасына жабысып-жабысып алғанбыз.

Тоз-тоз болған боз тонының жағасына тұмсығын тығып альш, шанасына жантайған қуйі көзін бір ашып, бір жұмып қалғып-мұлғіп жатқан Манағар ләм деген жоқ. Тіпті біздің сондарынан ілесіп келе жатқанымызды, баржоғымызды елең қылар емес. Бұрын адамға құлімсірей қарап, жылы тартып тұратын өні де бір түрлі сұсты еді. Энеутүні Тұржанның қамшысынан қалған көзінің астындағы көгілдір ісік әлі тарай қоймаған, сол да өнін тұнертіп сұсты ғып түрған сияқты.

- Рұқсатсыз отырдық па, қалай өзі? — деген Петъка құліп. Эрине, маған сейлемеген боп Манаға естірте айтқаны, бірақ Манағар елең еткен жоқ.

Біраздан кейін етіміз үйренген Петъка екеуміз шананың үстіне жайғасып отырып еркінси баstadtық.

Манағар бізді енді ғана байқағандай алара бір қараганы болмаса үндеғен жоқ. Оның үндей қоймағанынан тартынған Петъка жоқ, сәлден кейін тағы сейледі.

- Біздің Зоя үйде ылғи сені аузынан тастамай айттып отырады,- деген. Осы сэтте ғана Манағар көзі жарқ етіп

басын көтеріп алды. Петька болса сөзін әрі қарай жалғастырған.-Бірге оқығандарында бір партада қатар отырыпсындар ғой.

- Иә... - деді Манаар күрсініп.

- Сені жақсы оқыды дейді Зоя. Арифметиканың есептерін өте тез шығаратын еді дейді. Егер оқи бергенде керемет математик болатын еді дейді.

- Иә...

- Бір рет мұғалім шығара алмаған мәселе есепті сен шығарыпсың ғой.

- Иә...

- Мінезінді қыздай еді дейді Зоя. Бетіне тұра қарасаң қып-қызыл бол қызырып кететін еді дейді. Есеп көшіру үшін балалар сенің қасыңа отыруға таласады екен ғой. Сонда біздің Зоя бәрін жеңіп кетеді екен. Манаардың қасына өзім ғана отыратынмын дейді. Кластағы балалардың бәрімен тәбелесетінмін, тек Манаар екеуміз тату отырушы едік дейді.

- Иә-ә...

Манаардың даусы бір түрлі дірілден, қыстығып шықты, жалт қарасам, ол қалғып кеткендей көзін тарс жұмып алыпты, көзінің астындағы көгілдір тартқан ісіктің үсті жылтырап көрінеді. Жалғыз тамшы жас жол сызып бетінің үшіна қарай сырғып барады екен. Ойында ештеңе жоқ, самбырлап сөйлеп отырған Петьканы ақырын ғана түртіп, Манаарды ымдадым. Петька оған аңыра қарады да тілін тістеп алғандай үнсіз қалды. Енді екеуміз де бір түрлі ыңғайсызданып, не бол қалды дегендей бір-бірімізге жалтақтасып. Манаарға ұрлана көз тастап қойып теріс қарап үнсіз отырдық. Шана ақырын ғана жылжып сырғиды, табанының бір қалыпты сзызыла шыққан шиқылы ыңғырсып жылағандай естіледі. Таусылмайтын ыңғырсу. Іңышақтары шыққан қабы-

рұлары арса-арса өгіздер аяқтарын санап басқандай ілбіп келеді.

- Жаяу-ақ жүреікші,- деді Петъка бір кезде сыйырлап. Сірә, өгіздерді аяп кетсе керек. Екеуміз шанадан қарғып түсіп, қатты қардың үстімен қатарласа жаяу жүрдік.

Аспан ашық, әбден ысқылап сүртілген көк мөлдір шыныңдай тап-таза боп төбеге төңкеріле қалған. Сәскеге көтерілген күн де ерекше маужырап тұр. Мынау қарлы далаға бүтін бір мейірі түскендей елжірей қарайды. Көптен үстеме жаумай сұр тартқан қардың үсті ескірген бәтестей сарғыштанып, қыраттар мен дөңестеу тұстарда әр жер — әр жерінен сетінегендей, яки тігісі сөгілгендей ақырында жыртылып, астынан қара жер көрініп жатыр. Қыс көрпесінің тоза бастаған белгісі де.

Манарадың шанасынан ілгерілеп, озып шыққан соң, Петъка қайтадан даусын шығара сөйлеп:

- Мен Жиленқасқа айғырмын, ал сен Құла айғырсын,- деді, сөйтті де қабағын түйіп Жиленқасқа айғыр боп кісінеді: — И-и-а-а-а!.. Оған ілесе қабағымды түйіп Құла айғыр боп жер тарпынып мен де кісінедім.

- И-и-а-а-а?...

Бұл екі айғырдың екеуі де ауылдың мақтанышы, күшті десен қүшті, жүйрік десен жүйрік, екеуінің адамдай ақылды қасиеттері туралы талай ғажап әңгімелер тараған, небір ақ түтек борандарда үйірлерін шашау шығармай өздері қайырып бағып, ит-құска жасаған айбат қарсылықтарын жылқышылар аныз ғып айтатын. Міне, Петъка екеуміз сол екі айғыр боп кісінеп, жұлқына алға ұмтылып, екпіндесе желіп жүріп кеттік. Алдыңғы шанадан оза бергенімізде:

- Эй, сен екеуің қайда баراسың?-деді бізді енді ғана көрген Көлбай керен.

- Шөпке! — дедік қосарлана дауыстал.

- А!

- Шө-өп-ке-е! — деді Петъка оның құлағына таяп айқайлад.

- Шөпке?! Мына шанамен бе?! — деп Көлбай керен шанамызға саусағын шошайтып ал кеп құлсін.

- Пысқырма,- деді Петъка.- Өзі өгізben ілбіп келе жатып Жиренқасқа айғыр мен Құла айғырға қүледі ғой. Кәне, жер тарпып жүрелік.- Сөйтті де өзі «И-и-а-а-а!..» кісінеп оң аяғымен қатты қарды теуіп-теуіп қап секіріп түсті. Оның істегендерін мен де айнытпай қайталағам. Қарсы алдымыздан жел есіп, құлшына түсіп келеміз. Манғайымыз тершіп, өніміз алабұрта қызырып етіміз қызып алғанбыз.

- Эй, балалар!- деді осы сәт Көлбай керен соңымыздан дауыстап,- онша алыс кетпендер, қазір қасқырдың адамға шабатын жаман кезі.

Иә, Көлбай кереңнің бұл айтқанына құлақ аспаса болмайды. Соңғы кезде қасқыр деген ауылды төніректеп шашау шыққан мал болсын, ит болсын жеп кететін, тіпті адамдарға да шапқанын, жалғыз-жарым жолға шыққандарды жеп кетіпті-міс деген үрейлі әңгімелер де естілетін.

Біз екпінімізді баяулатып, енді Көлбай кереңнің шанасына қарайлап қапталдаса жүрдік. Көлбай керен біздің шанамызға қарап қояды да, екі құлағына жете мәз боп қүледі. Құлген кезде онсыз да жап-жаптақ бет-аузы ет табақтай боп мұлде жалпайтып, шегір көзі мұлде көрінбей сығырайтып кетеді. Тек әлден уақыттан кейін ғана:

- Эй, сен екеуің менің күлгеніме ренжімендер,- деді езуін жимастан,- Мен сендердің мына тірліктеріңе риза болғаннан құліп келем. Жарайсыңдар! Үлкен жігіт болыңдар!

- Рақмет! Айтқаныңыз келсін,- деді Петъка.

- А! Не дейсің?

Петъка шанаға таяп барып оның құлағына әлгі сөздерін айқайлай қайталаған. Көлбай керең мүлде риза боп құлсін.

- Эй, осы, сен сарыдан түбі мықты азamat шығады-еї,- деп қойды онан соң.

Өстіп Көлбай кереңмен сөйлесе жүріп, Қоғалы бұлаққа қалай жеткенімізді де аңғармай қаппызы. Анау кездегі Қыңдырман тойтық пен Зибаш үшеуміз келген-дегі маяның орындары да тақырланған екен. Қоғалы бұлаққа таяу біздің шошақтың бір жағында қатарла-стыра салынған үш мая болатын, соның да біреуі бітіп, екіншісі орталана бастапты. Сол орталанған маяға кеп Көлбай керең өгіздерінің басын тіреді. Өгіз байғұстар шөптің қарасы көрінгеннен жүрістері ширап алға қарай ентелей үмтүлыш келе жатқан, маяға жете бере жан дәрмен пысылдасып тұмсықтарымен кіріп кете жаздал тоқтады.

Біз Петъка екеуміз әрі қарай, біздің шошаққа қарай өте бергенбіз, шанасынан түскен Көлбай керең тоқтай тұрындар дегендей ишарат жасады. Онан соң үстіндегі қалың тонын шешіп тастап желбекейленіп алды да:

- Эй, Манар, сен өзің ақырындан шанаңа шөп тией бер,- деді дауыстап, одан бізге бұрыльып: — Сен екеуің бері жүріндер! — деп қолын бұлғап бұлақтың жоғарғы жағындағы қожыр-қожыр жартастарды мегзеді.- Анау араға кеше мен тұзак құрып кеткем, соны барып көрелік,- деп қорбандай басып алға тұсті.- Егер де кекілік түссе сендерге сауға берем.

Біз, Петъка екеуміз, сөзге келмestен шанамызды әлгі араға тастай сала, Көлбай кереңнің соңынан ере жөнел-дік. Бірде қатқақ, бірде ойдым қардың бетінде соқамен жыртқандай жалғыз аяқ салған жол жатыр. Бұл кеше тұзак құруға барған Көлбай кереңнің ізі екені айтпаса да

түсінікті еді. Өзі сол ізімен алдымызға түсіп, аппақ киізбен ұлтарған дәу қара пимасымен әлгі жолды жапыра тегістеп келеді.

- Бұйыртса бүтін кешкісін кекіліктің сорпасын ішіп бір қарық болып қалындаршы,- деп қояды бізге бұрыла сөйлеп,- Кекіліктің сорпасы деген, шіркін, дәмді ғой.

Осыны естігенде Петъка екеуміз де мұлде ес қалмады.

Иә, соғыс жылдары біздің ауылда кекілік аулау да үлкен кәсіп болатын. Кекіліктің қайдан өріп, қайда жайылатынын білетін кейбір үлкендер тұзак құрып сорпа-суын сонымен айыратын. Міне, сондай кекілік ұстағыш үлкендердің бірі осы Көлбай керең еді. Мұның үйінде болып кекіліктің етін жеп, сорпасын ішкен көрші-көлемдерінің балалары тамсана отырып әңгімелеген кездерінде сілекейімізді шұбыртатын. Енді, міне, сол кекілік аулағыш Көлбай кереңнің өзі тұзак құрған жеріне сауға берем деп ертіп бара жатса, қалай ес қалсын. Тұзакқа түскен кекілікті бас салып өз қолынмен ұстаганнан өткен не қызық болсын. Петъка екеуміз бір-бірімізге қарап жымындастып қоямыз.

- Бұл бір күтпеген тамаша болдыға!

- Көлбай керең молодең! — дейміз.

Көлбай керең өзін біздің мақтап келе жатқанымызды, әрине, естімейді, сондықтан ол бізге өзінше сөйлеп келеді.

- Екеуінің жолдарының қандай болатынын қазір көреміз, енді,- дейді бізге бұрылып қойып.- Егер тұзаққа кекілік түссе, ауыздарының салымы бар болғаны, түспесе, екеуінің де табан аяқ қу болғаның. Онда екеуінді де қамшының астына алам,- деп күлді.

- Вообще, менің аузым салымды,- деді Петъка.

Мен де өзімнің мұндайда жолымының болғыштығын айттым.

Қожыр-қожыр жартастардың күнгей жағы ықтасын, ерекше жайма-шуақтанып бусанып жатыр екен. Бетімізге кәдімгі қоқтемнің жылы лебі келгендей болды. Жақындаған бергенімізде жартастың етегіндегі сабан шашылған тұстан жыптыраған кекіліктің біразы шықылышқап жартастың қуыс-қуыстарына өрмелей қашып, біразы еніске қарай пырылдаса ұшып азан-қазан болды.

Сабанның үстінде далш-далш етіп қанаттарын сабалап ұша алмай аласұрып қалған кекіліктер де көрінді.

- Эне, түсіпті, ал жүгіріндер! — деді керен.

Петъка екеумізде тіпті ес қалған жоқ, жолымыздагы тастар мен бұта-бөргездерге сүріне-қабына ұмтылдық. Мұндай қызықты кім көрген! Көз алдында тұзаққа түсken кекіліктердің жан ұшыра бұлқынғаны керемет еді, тұзақты быт-шыт қып ұзіп кетер ме екен, деп қашан жеткенше дегбіріміз қалмады. Қанатымен жер сабалап жатқан шеткі кекіліктің үстіне кеп бауырыма баса құладым да, мыжып өлтіріп алмайын деп қанатынан қыса ұстадым. Жан дәрмен тыптыраған аласұрған кішкене құстың жұп-жұмсақ, жып-жылы бауырына қолым тигенде-ақ дірілдеп кеттім. Жұмсақтығы сондай, қысып жіберсем өліп қалатындаі көрінді. Сондықтан бір қолыммен абайлап қана тұзаққа ілінген аяғын босата бастадым. Тыптыраған кекілікті қыл тұзақтан босату да оңай емес екен. Тұзақтың ілгегі сәл босай бастаған кезде, кекілік бұлқынып қалса болды, қайта түйіліп қалады. Ал тұзақ қайта түйілген кезде, шырпыдай ғана жіңішке нәзік түқәк түбінен қылып түсе жаздайды.

- Байғұс-ау, шыдасаңшы, мен сені босатып алғалы отырмын ғой, мынау буындырған қыл тұзақтан,- деймін жаным ашып. Оны кекілік ұқсын ба, шиеленісе түйілген тұзақты ақырындан босата бастағаным сол еді, тағы да бұлқынып қалды, тұзақ қайта түйілді. Қойшы, терлеп-тепшіп отырып әзер деп босатып алдым-ау, ақыры. Бұл

кезде Петъка да бір кекілікті босатып алып, қос қолдан бауырына қысып, есі шыға қуанып отыр екен. Көлбай керең болса біздің әрекетімізге қызықтай қарап ыржия күліп тұр.

- Алындар, екеуіңе байладым осы екі кекілікті,- дейді. Енді ғана байқадық, тұзаққа тұскені де осы екі кекілік қана екен. Тарының қауызындағы күрен қызыл көздерін үрейлене аударып-төңкеріп бұлқынып қояды. Петъка екеуміз қатарласа кеп отырғанбыз, ойпырмай, екі кекілік егіз туғандай бірдей екен. Тұмсықтары, тұяқтары бояп қойғандай шымқай қызыл, қара сұр қауырсындары біресе күлгінденіп, біресе жасылданып, біресе көгілдір тартып сан құбылышп тұр. Тірі кекіліктің мұндай сұлу, мұндай сүйкімді екенін кім білген. Петъка өз кекілігін, мен өз кекілігімді сылап-сипап қуанышмында шек жоқ.

Көлбай керең қалтасынан қолдан соғылған добалдай бәкісін шығарды.

- Ал, балалар, ауыздарың салымды екен, әкеліндер, бауыздап берейін,- деді бәкісінің жүзін ашып, алақанына сап жани тұрып. Көк көзі шарасынан шыға бажырайып кеткен Петъка кекілігін бауырына қыса түсіп:

- Ағатай-ай, менікін бауыздамаңызшы, тірідей алып жүрейінші,- деді жан даусы шыға жалынып.

- Мейлін, өзің біл,- деді Көлбай керең сол күлкісін жимаған қалпы. Онан соң маған бұрылған, мен де кекілігімді бауырима қысып қорғаштап:

- Тірідей алып жүрейінші,- дедім.

Көлбай керең басын шайқай күліп, бәкісінің жүзін жауып қалтасына салып қойды да:

- Жүріндер, мына жартастың арғы жағында тағы бір тұзағым бар,- деді.

Біз кекіліктерімізді құшақтап, енді бұта мен тастарға сүрініп кетпейік деп, абылап басып оның соңынан ердік.

Көлбай керең алда, онан кейін оның ізін дәл басып Петька, сондaryнан мен келем.

- Балалардың бәрі екеуміздің кекіліктерімізге қызығатын болды,- дейді Петька маған қайырылып даурыға сейлеп.- Мен мұны соймаймын, қолға үйретіп асыраймын әлі...

- Мен де соймаймын...

Осы мезетте Петька: «Ой!» деп қолын шошына сілкіп қалған, кекілігі пыр етіп төмен құзға қарай зымырап ұша жөнелді.

- Эй, кекілігін ұшып кетті ғой! — деп мен айқайлап жібергем. Алдағы Көлбай керең де жалт қарады.

- Тістеп алды,- деді Петька оң қолының сыртын сипалап.

- Қап! Жаңа бауыздап берейін дегенім сол еді,- деді Көлбай керең өкініп.- Енді кекілік те тірі жан ғой, айбат жасамай ма екен?! Абайламасаң, сөйтіп шоқып алады. Жә, екінші тұзаққа да түскен шығар, жүріндер!

Екінші тұзаққа жеткенімізде мұнда алғашқы тұзақтағыдай емес, жайылған кекілік тым аз екен. Біздің қарамыз көрінісімен-ақ, төрт-бесеуі шықылықтасып, бастарын қазықша қақшитып ап, зымырай жортып жоғарыдағы жартастың қуысына өрмелеп зым-зия көрінбей кетті.

Тұзаққа бір-ақ кекілік түскен екен, жан дәрмен аласұрып қанатымен жер сабалап жатты. Байғұс тұзаққа мойнынан түскен екен, бұлқынған кезінде басы үзіліп қала жаздайды. Көлбай керең әлгіндегі добалдай бәкісін ашып, сол тұзақта жатқан жерінде бауыздап алуға ыңғайланған. Ол енді еңкейе бергенде, Петька жан ұшыра ұмтылып барып оның қолына жабыса кетті.

- Ағатай-ай, обал ғой, бауыздамаңызышы,- деді шырқырай жалынып. Тіксіне тоқтап қалған Көлбай керең:

- А! — деп Петъкаға бұрылған.
- Бауыздамаңызшы! — деді Петъка айқайлад.
- Неге?
- Обал ғой?
- Солай ма? — дедіabdыраған Көлбай керең кейін серпіліп.- Енді не істейміз? — деп біресе Петъкаға, біресе маған қараған.

Петъка деренде отыра қап мойнынан қылғынып жатқан кекілікті босатып алды. Мойын жүні үрпе-сүрпе бол есенгіреп қалған кекілік байғұс көзін жұмып екі-үш рет басын сілкілеген.

- Түү, байғұс-ай!.. Байғұс-ай! — деп Петъка оны мұсіркеп бауырына басқан, кекілік көзін жұмып тығыла түсті, енді байқадық, тұмсығынан қан шығып тұр екен, оны көрген соң Петъка мұлде жыларман халге жетті.- Обалы-ай!..

Сәлден соң көзін әзер ашып-жұмған кекілікті орындық тәрізді жайпақ тастың ұстіне апарып жатқызған. Бауыры тасқа тиген кекілік есін жиғанша біраз жатты да, бір сәт аузын кере ашып-ашып қойып, мойнын созып жан-жағына қарап алды да, әлгі тастан жерге секіріп түсіп бұталарды тасалап жорғалай жөнелді.

- Енді өлмейді,- деді Көлбай керең әрмен қуана дауыстап.- Кекіліктің жаны сірі болады, қазір біраз қарға аунаса, құлан таза жазылып кетеді.

Мен өзім бауырима басып қысып ұстап тұрган кекілігіме енді ғана назар аударғам. Көзі жылт-жылт етіп қолтығыма қарай тығыла түседі. Өзі жып-жылы жұп-жұмсақ. «Мен жалғыз қалдым ғой» деп өксіп дірілдейтін сияқты. Ойланып тұрмасстан қос қолдан жоғары көтердім де:

- Бұл да үйірінен қалмасыншы,- деп әуелете лақтырып жібердім. Бұл да әлгіндеңі қалың кекілік үшқан жаққа қарай зымырай жөнелді.

- Ал кекіліктің сорпасына қарық болдындар енді,- деді Көлбай керен әлде бізді жазғырғандай, әлде өкінгендей үнмен. Онан соң: — Эй, Петъка, мына тұзақтың арғы басын шешіп алшы,- деп өзі еңкейіп тұзақтың екінші басын шешуге кірісті.

Мұнан әрі үшеулем жүріп әлгі жердегі тұзақты жинап алдық, қайтар жолымызда сол үнсіз қуйімізде алғашқы тұзақты да жинап алдық. Содан маяға қайтып жеткені- мізше ләм-мим дескен жоқпыз. Шанасына жақындей бергенде, ашаға сүиеніп үнсіз қарап тұрган Манаға Көлбай керен:

- Эй, мына екеуімен тұзақ құруға болмайды екен,- деді даурыға күліп.- Екеуінің де жандары ашығыш немелер екен.

Біз, Петъка екеуміз, қол шанамызды сүйретіп анадай жердегі шошаққа қарай кеттік.

- Шынында да, қолыңа ұстап сылап-сипаған сұп-сүйкімді тірі кекілікті сойып жеу деген сұмдық қой,- деді Петъка былай шықсан соң, әлде ақталғандай, әлде біреуді жазғырғандай үнмен.

- Эрине, сұмдық,- дедім мен де іле қостап.

- Ал тездетеійік, айтпақшы, мен Жиренқасқа айғыр едім ғой, и-и-а-а-а!..- деп кісінеп жер тарпынып секіріп қойды.

Мен де кісінеп, жер тарпып Құла айғыр боп қалпыма түстім.

Мұнан әрі анау кездегі Қыдырман тойтық жартылай бұзған шошаққа жетіп, Оттоның қол шанасына Петъка екеуміз, әдемілеп шөп тиеуге кірістік. Үлкен бір арқадай шөпті тиеген соң, ойқы-шойқы жолда аударылып қалмасын деп жіппен ұзынынан, көлденеңінен шалып алып мықтап байлап таstadtық. Тартып көріп едік, шаманың табаны қарға батып зілдей ауыр екен. Кішкене

азайтайық деп едім, ұлken жолға түскен соң жеңіл болады деп Петъка бой бермеді.

Сонымен Жиренқасқа айғыр мен Құла айғыр боп бағанағы бос шананы сүйретіп келгендеңідей кісінеп жер тарпып ойнақтайды алмай, табаны қарға батқан шананы күшнене тартып кері қайттық. Көлбай керең мен Манар да шаналарына шөпті тиеп боп, өгіздерінің басын ауылға бұрган.

- Эй, балалар, шаналарыңды мына менің шанамның артына тіркендер де, өздерің шананың үстіне отырыңдар,- деген Көлбай керең.

Арық өгіздердің шөп тиелгөн шананы мықшия сүйреткен түрлерін көріп, ол байғұстарға жармасуға көніліміз дауаламады.

- Жоқ, біз өзіміз жүреміз,- дедік қосарлана дауыстап.

Көлбай керең жауабымызға тағы да мәз боп күлді.

- Мейілдерің, өздерің біліндер,- деді онан соң.

Лібіген екі шананың соңынан біз де ілби жүріп кеттік. Петъка екеуміз шанамыздың ауырлығын, ауылға дейінгі жолдың алыштығын қалай да еске алмау үшін ананы-мынаны айттып бірімізді-біріміз сөзге алдандырып, күлдіргі бірденелерді еске түсіріп қайдағы-жайдағыны қозғап мәз боп келеміз. Осыдан төрт жыл бұрын алғаш біздің ауылға көшіп келгенде, Петъканың қойларды маңырағандағы дауыстарының жуан, жініш-келігіне қарап ерек, ұрғашыға бөлгенін еске алыш бір күлдік. Қойдың даусы маңырағанында жуан болса «дядя баран» деп, ал жінішке болса «тетя баран» деп айтқанын естіп бүкіл ауыл күлген-ді. Даусы дарылдай маңыраған саулықты қозысы еміп жатқанда да: «Эй, Петъка, анау қозы дядя баранды қалай еміп жатыр екен, қарашы?» — деп оны мазақтағанымызды қалай Ұмытармыз... Бірде Петъканың үйінде капуста көже ішіп отырып менің: «Опыр-ай, Петъка, жапырақтан да тәтті көже пісіруге

болады екен-ау», - дегенімде, ол ішіп отырған тамағына шашалып қала жаздал күлгөн еді... Тағы бірде Әжібектің кіжінен құтылу үшін Петъканың үйінен алғы шыққан бір кесім шошқаның майын екеуміз оған қойдың құйрық майы деп алда беріп, артынан жегені шошқаның майы екенін біліп қалған Әжібек өлердей құсып, ақыры ұшынып ауырып, он күндей төсек тартып жатып еді. Эрине, кейіннен Әжібек Петъка екеумізге де жақсылап сыбағамызды берді, алайда өзі де бүкіл ауылға құлқі болып еді. Көпке дейін одан қорықпайтындар: «Әй, Әжібек, құйрық май жейсің бе?!» — деп мазақ етіп жүрді ғой...

Тұстен ауған күн ашық аспанда жерге еңкейіп кеп тәніп, маужыраған сәулесін ерекше төгіп тұр. Жылуы жотамыздан өтіп әжептәуір қыздырып келеді. Петъка екеуміз де көзіміз қарығып төнірекке сығырая қараймыз. Ақ қар басып жатқанда да осындан жылы күн болады екен-ау дейміз. Иі босаған қар соқталанып, әр басқан қадамызды кейін кетіріп жүрісімізді өндіретін емес. Оның үстіне шанамыздың да табаны құпсегіне дейін батып зіл батпан боп келеді, шөп емес, тас тартып келе жатқандаймыз. Қалжырай бастағанымыз болар, әлгіндеңі күлкілі әңгімелерді айтуда да зауқымыз соқпай тұнжырап келеміз. Элден соң Петъка бас жоқ, аяқ жоқ:

- Шіркін, қыс болмайтын жақта тұрсақ, - деді.

- Ондай жер бола ма екен? — дедім мен.

- Болады, - деді Петъка сенімді үнмен. Онан соң үйлерінде бір кітап барын, сол кітапта бір адамның жиырма сегіз жыл бойы мұхит ортасындағы бір аралда жападан-жалғыз өмір сүргенін және сол аралда еш уақытта қыстың болмайтының қызына әңгімелеп кетті. Жаңағы кітаптың әңгімесінің қызықтығы сонша, және Петъканың оны тамылжыта айтқаны сонша, екеуміз де бір сәт шанамыздың ауырлығын да, қысқы жолдың

ұзақтығын да ұмытқандай, әлгі бейшара жалғыз адамның үрейлі де, қызғылықты тірлігіне араласқандай күйге түстік.

- Сен сол кітабыңды окуға маған да берсеңші,- дегем әңгіменің соңында.

- Пожалуйста, тек ол орысша ғой.

Осы тұста орысша білмейтініме тұңғыш рет өкіндім. Петькаға достығымызды базына ғып:

- Олай болса маған орыс тілін үйретсеңші, ең болмаса сол кітапты оқыын,- дедім.

- Пожалуйста. Үйренем десең күнде төрт-бес сөзден үйретіп тұрайын, бір жазда-ақ, орыс тілін біліп кетесін,- деді Петька маңғаздана.- Мен де, міне, қазақ тілін тез үйреніп алдым ғой. Мысалы, бүтін «мен», «сен», «ол» деген үш сөзді үйрен. «Я», «ты», «он». Тек орыс тілінде баланы «он» дейді де, қызды «она» дейді. Кәне, айтшы.

- Я, ты, он, она,- деп, мен тақылдап оп-оңай қайталап шықтым.

- Міне, уже төрт сөзді білесің. Осыларды әзірше қайталай бер, ал кешке қарай тағы төрт сөз үйретем.

Мен қуанып кеттім. Әлгі сөздерді дауыстап та, іштей де бірнеше рет қайталап шықтым.

- Я, ты, он, она...

Мен бұл сөздерді оңай жаттап алған соң, кешке дейін күтіп көрге шыдамым жетпейтінін сезіп Петьқадан тағы төрт сөз үйрет деп қолқа салдым.

- Онда өзің сұрашы, кәне, қандай сөздерді білгің келеді?

Мен қапелімде қандай сөздерді сұрапымды өзім де білмей сасып қалдым да, алдағы шаналарға қарап:

- Шананы не дейді? — дедім.

- Шананы «саня» дейді.

- Ой, мынауың тіпті оңай ғой, шананы — саня дегенің. Ал шөпті ше?

- Сено дейді.
- Өгізді ше?
- Вол дейді.
- Жолды ше?
- Дорога дейді.

Ұмытып қалмайын деп әлгі төрт сөзді тез-тез қайталай бастанып.

- Молодец! — деді Петьяка риза болыш.

Ауылға жақындай бере шөпшілер мал қораға қарай бұрылды да, біз тұра жолмен кеттік. Қарнымыздың әбден шұрылдаап ашқанын да, титықтап шаршағаны-мызды да енді ғана сезгендей Петьяка екеуміз аяқта-рымыз шалынысып әзер журіп келеміз. Ауылдың қарасы көрінген соң-ақ өзімізді-өзіміз алдаусыратып сөйлесуді де қойғанбыз. Шынымызды айтсақ, сөйлеуден де мүршамыз келмestен құлап түсетіндей көрінеміз.

Тұтқылдан шыққан аңы дауыстан екеуміз де үйқыдан оянғандай селк-селк ете қалдық.

- Э, екеннің... иттің балалары!..

Мал қора жақтан атын борбайлата қамшылап Тұржан келе жатыр екен. Ата-баба, тұқым-тұғияндарымыздан түк қалдырмай Петьяка екеумізге боқтықты қардай боратып келеді.

- Бізді боқтап келе ме-ей?!

- Мұнысы несі?! — десіп біз Петьяка екеуміз аң-таң боп бір-бірімізге қарадық.

- Біздің жазығымыз не?! Біз не бұлдіріп қойдық сонша?! — дейміз.

- Иттің балалары!.. Күлигандар!.. Ұрылар!..

Солқылдаап босап жатқан қардың сұқпалығына да қарап емес, атын борбайлай қамшылап өлермен боп еліріп, құйғытып келеді.

- Мынау жынданған ба-ей?! Дені сау емес шығар!..- деп Петьяка айтып үлгергенше болған жок, Тұржан ағып

келген бойда дырау қамшымен екеумізді қоса қабаттап бір осып өтті. Ол ағынымен өтіп барып атының басын кері үбрып қайта қайырылғанша, Петъка екеуміз жол шетіндегі оппа қарға қашып ұлгердік.

- Колхоздың шебін ұрлаған ұрылар! Екеуінді де қазір табанда айдатам!

Бірақ өзі қанша содыр болса да, астындағы аты қанша құтырынып түрған мықты болса да, оппаға беттей алмады.

- Эй, иттің балалары, колхоздың шебін алуға сендерге кім рұқсат етті?! — деді қамшысын білеп ұстап ақырып.

- Бұл колхоздың шебі емес, жазда қол шалғымен шапқан өзіміздің шебіміз,- дедім мен де ызалана айқайлап.

- Көрсетем мен саған өзің шапқан шөпті! Кәне, бері келші, анау сайрап түрған тілінді түбімен қосып жұлып алайын.

- Біздің өзіміздің шебіміз екенін жүргіттың бәрі біледі.

- Сенде шөп жоқ, иттің күшігі, сен ұрысың! Сені көзіңе көк шыбын үймелетіп анау Қыдырманның сонынан айдатам, әлі.

Онан соң көзі қанталаған Тұржан атынан қарғып түскен, бізді оппа қардың ұстімен жаяу қуатын шығар деп Петъка екеуміз әрі қарай қаша жөнелдік. Біраз қашып барып артымызыға үбрылғанбыз, жоқ, Тұржан бізді қумаған екен, шөптің түбіне еңкейіп құжындалп бірдене істеп жатыр. Шөпті байлаған жібімізді шешіп жатқан шығар деп Петъка екеуміз аңтарыла қарап түрғанымызда, кенет көк түтін бүрк ете қалды.

- От тұтатты... - деді Петъка кіжіне тістеніп. Сәлден кейін, құрғақ шөп лауылдан жана бастады. Тұржан кейін серпіліп, бізге қарап аузын арандай ашып масайрай күлген. Маған ол өзінің кәдімгі есірік әдетіне басып «а-а-

а» деп қарқылдаپ мәз болып түрғандай көрінді. Мен дүниедегі ең жаман қарғыс сөздерді айттып, аттан сап айқайламақ болып едім, тамағыма тас тығылғандай даусым шықпай қалды. Өне бойым қалтырап көзіме ып-ыштық жас толып кетті. Тек менің айтпақ болған сөзімді Петъканың ышқына айқайлағанынан естідім.

- Жау-ыз-з!.. Жау-ыз-з!.. - деді шырқырай қайталап.- Қанатай, анау жауыз екеуміздің шөбімізді өртеп тұр ғой! — деп еніреп жылап жіберді. Екеуміз де солқылдай жылап, сонау Қоғалы бұлақтың басынан шаршап-шалдығып тартып әкелген шөбіміздің жауыздың қолынан лауылдаپ қалай жанғанын қарадық та түрдік. Еңбегіміздің еш кеткеніне, өзіміздің дәрменсіз түрімізге, осынша қорланғанымызға налыдық. Ал Тұржан болса шөбіміз Оттоның шанасымен қоса түгел жанып боп, жол үстінде тек бір шөкім боп бықсыған күлі қалғанға дейін, қамшысын жалаңдатып біз жаққа көзі қанталай қарап, аузын арандай ашып масайрап: «А-а-а-лап» — қойып тұрды.

Желсіз тымық, ашық күнде көк жауқазын шөптен шыққан қою кек түтін аспанға шаншыла көтерілген. Бұ не болды еken дегендей көшеге шыққан ауыл адамдары біз жаққа, қол шанадағы өртеніп жатқан шөбімізге аң-таң боп таңырқай қарайды.

## ПЕТЬКА, ОТТО, БӘККЕ

Қыс бітіп, көктем айы туғанымен, сірескен қардың діні бұзылар емес. Бір-екі рет құс қанаты жауып, ескі қардың кем-кетігін толтырып, сөгілген тұстарын жамап-жасқап, қыстың соңын онан әрмен созып кетті. Жуанның жініш-керіп, жінішкенің үзілер шағында қыстың бүйтіп созба-

ланданғаны адамды да, малды да күйзелтіп, есендіретіп-ақ тұр. Қашшама үнемдесем де шөбіміз таусылған. Сонда де қоранын үстіне күніне бір шығып, қоқым-соқымды тырмалап түсірген болам. Ендігі жерде сабанды да бұрығ-нғыдан аяқ асты тастай салмай, қоңыр сиыр мен екі ешкіге уыстап, үнемдеп беретін болдым.

Сүті уызданып барады деп, әжем қоңыр сиырды сауын тоқтатқан. Енді мүлде қара талқан мен қара суға қарап қалған едік. Ертеңді-кеш құр суға шыланған қара талқан мен (әрқайсымызға үш қасықтан ғана өлшеп) шай (шай деген аты болмаса қайнатқан қарасу ғой) ішеміз, ал түсте бір мезгіл іштеріңе ыстық нәр барсын деп, әжем қайнаған қара суға бір қасық тоң май салып атала көже жасайды. Біз осыған да шукіршілік айтып тамағымызды тоқ санаймыз. Ал кейбір үйлерде осы үш мезгіл қара талқан да бола бермейді. Ендігі жерде көнілге бір демеу — қоңыр сиырдың сүтінің уызданғаны. Демек, амандық болса бірер айдың ішінде бұзаулайды деген сөз. Әлі-ақ аузымыз аққа жарып тойынамыз ғой дейміз. Өзіміз ғана емес, көрші-көлемдер де бір жетісіп қалады, әлі. Өйткені қоңыр сиыр бұзаулаған кезінде өте сүтті болады, бір сауғанда бір шелек сүт береді. Сол кездे біздің үйден шайлышқ сут алмайтын көрші-көлем кемде-кем. Сондықтан қоңыр сиырдың аман-есен тезірек бұзаулаудың тілеушілер көп-ақ. Осы күні Петъка мен Отто да қоңыр сиырдың қамын менен кем ойлап жүрген жоқ. Қолдары сәл босаса-ақ, біздің үйге қарай тартады. Есік алдында шашылған азын-аулақ шөпті отша жаландаған тілімен сынырып-сынырып жүрген қоңыр сиырды айналышқтап, соның желінінің қандай боп өсіп келе жатқанын, шөпті қалай жейтінін сөз етеді: «Кеше желіні анадай еді, бүгін мынадай боп өсіп қапты», «Кеше анау шөпті өйтіп жеп еді, бүгін мына шөпті бүйтіп жеп тұр», - десіп мәз болады. Онан соң қоңыр сиырдың бұзаулайтын күнін

сөз қыламыз, ол күн — уызға бір тоятын күніміз дейміз. Енді бірде уызды кімнің үйі қалай пісіреді және не қосып пісірсе тэтті болады, соны әңгімелейміз, өткен жылғы уызды қалай жегенімізді еске аламыз.

- Сенің әжең тұра бір шелектей уыз берген бізге, мамам соны дәу табақ қып пісіріп, екі күн талқан қосып жеп едік,- дейді Петъка сол уыздың дәмі әлі күнге таңдайында тұрғандай тамсанып.

- Ал менің мамам жұмыртқа қосып пісіріп еді,- дейді Отто.

Шіркін, қарның ашып жүргендे, тэтті тамақты сөз еткеннен асқан қандай жақсы әңгіме болушы еді. Піскен ыстық сүттің иісін, қазанның түбіне жабысқан қаспақтың, сүттің бетіне бір елі бол тұратын сары қаймақтың дәмдерін еске түсіріп, сілекейіміз шұбырады. Біріміздің сөзімізді біріміз киіп-жарып ес таптай кетеміз. Тек қоңыр сиыр тезірек бұзауласа еken. Ал оны ашықтырмая біздің міндетіміз. Екі күн болды үшеуміз мектепке баруды да қойдық. Әжеме: «Оқудан шаршап жүрміз, біраз күн демалғымыз келеді»,- деп едім; «Мейіл-дерін, құлыным, өздерің біліндер»,- дей салды. Қайран әжем-ай, басқалар құсан оқуға дегенде дігерлемейді-ау әсте, тіпті мен мұлдем оқымай қойсам да қынқ демейді, «тек денің сау болсыншы, құлыным, қой бақсан да өлмессің», - дейді.

Петъка мен Отто таңертеңгісін үйлерінен шықсан бойлары кітап-қағаздарын салған боқшаларын құшақтаپ, шет көшелермен тасаланып біздің үйге келеді. Өйткені олардың мамалары қатал, оқудан қашып жүргендерін біліп қойса, ондырмайды. Ал менің әжем болса ол екеуін мұсіркеп, аяп: «Қарақтарым-ай, өзектерің талып, қажып жүрсіндер-ау, ә?! Осы оқу деген пәлені кім ойлад тапты десенші», - деп қояды. Сондықтан сабақтан қашқан үшеуміз біздің үйде емін-еркін жүреміз. Ұзақты

күнге сөзіміз де, шаруамыз да қоңыр сиырдың қамы, қайтсек соған шөп тауып береміз, қайтсек соны аш қылмаймыз деп мазамыз кетеді. Егер осыдан ашығар болса, әлі күні ертең бұзаулағанында уыз шықпай қалады ғой. Ал уыз шықпаса оның бұзаулағанынан не пайда?! Осыны ойлағанда үшеумізде де ес қалмайды. Көшеде көзімізге түскен бір уыс шөп болса жерден жеті қоян тапқандай қуаныш, талшығына дейін қалдырмай жинап аламыз. Сол бір уыс шөпті қоңыр сиырдың алдына әкеп, соны қалай жегенін қызықтап қарап тұрудың өзі қандай қуаныш! Қызыл тілін жалан-жалаң еткізіп, азғантай шөпті қарбыта асағанында, таңдайына жұқ та болмай қалатын. «Әттегене-ай, аз бол қалды-ау! Өстіп тағы бірекі асайтындаш шөп болар ма еді?!. Бір тойып қалар еді-ау», - дейміз, қоңыр сиырдың емес, өзіміздің ішіміз жаланып тұрғандай. Бірақ онша шөпті қайдан аларсын.

Әне, Байдалы шалдың қорасының төбесінде мол шөп бар. Көк жауқазын шөп алты ай қыс үстемелене түспесе, еш азайған емес. Бес күнде бір Махмұд жоңышқалы шөптен ғана қанатты кең шанаға таудай ғып ыңқита тиеп әкеп түсіріп тұрады. Шіркін, Байдалы шалдың ай муйіз қызыл сиыры бақытты сиыр ғой! Күндіз-түні сол көк жауқазын шөпке тұмсығын тығып қойып күрт-күрт күйіс қайтарып тұрғаны. Энеу бір күні біздің үйдің түсынан өтіп бара жатып Махмұд шірей тиелген көк жауқазын шөпке қызыға қарап тұрған маған күлімсірей көзін қысып, бір ашадайын сырғытып түсіріп кетті. Сырт көзге шөп өзі сырғып түскендей көрінді.

- Тұржан көрмесін, тез кіргізіп ал,- деді.

Сол бір аша шөпті қоңыр сиырдың қомағайлана жегені-ай! Дәл бір әлгі шөпті алдынан біреу жинап әкететіндей көзі шарасынан шыға аларып, пыс-пыс етіп шайнамай жұтты-ау! Кеше Петька пошташы Мақым шалдан сұрап алдым деп бір құшақ шөп әкелген. Сабанға

араластырып беріп едік, қоңыр сиыр күні бойы соны қаужақтады. Бүтін мынау бір құшақтай шөпті Отто тауып әкелген, көшеде шашылып қалған екен, сыйырып жинап алдым,- дейді. Кеше кешкілік көрші колхоздағы етікші Жақыпбай шал келіп жүрген, сірә, соның шана-сынан түсken болу керек деп түйдік. Қоңыр сиырдың қазір ашқарақтана жеп тұрғаны сол шөп.

Бұл шөп қоңыр сиырға бүгінше ғана талшық, ал ертең не жейді? Ертеңгі шөпті қайдан аламыз? Петъка, Отто үшеуміздің басымызды қатырып тұрған осы жай. Алыстырына, жолдың ауырлығына қарамастан Қоғалы бұлаққа барып өзіміздің шөпті-ақ тартып әкелуге болар еді, бірақ, әнеугүнгі Тұржанның жауыздығынан кейін жүргегіміз шайлығып қапты. Ол тұрғанда біздің үйге күндіз бір уыс шөп әкелу мүмкін емес екенине көзіміз жеткен. Қайдан тапсақ та Тұржанға көрсетпей кештетіп әкелуіміз керек. Қайдан табамыз? Қайдан әкелуге болады? Ойдана тұрып бір-бірімізге қараймыз. Соқтал-дай-соқталдай үшеуміз бірігіп, бір сиырға шөп тауып бере алмағанымыз ба?!

- Зоя келе жатыр! — деді кенет көше жаққа қарап тұрған Петъка зәре-құты ұшып. Өзі еңкейе қап, зып етіп аузы ашық тұрған қораға кіріп кетті, оның сонынан Отто екеуміз де еңкендей бұғып, қораның ішіне зып-зып бердік.

Зоя — Петъканың әпкесі, бізден төрт-бес жас үлкен. Мамасына тартқан бойшан, қысыг-жазы жұмыста жүріп қол-аяғы балғадай бол алған, ерекек тұрпатты ірі қыз. Бұрын көк көзі күлімдеп, ақ сары өні нұрланып сұлу көрінуші еді, соңғы кезде қарайып, тотыққаннан кейін бе, мұрны добалдай бол үлкейіп, бет-әлпеті қатпарла-нып, жібектей көрінетін ақ сары шашы да, қасы да, кірпігі де өніне онша жараспай тұратын сияқты. Бәлкім, басқаларға ол қазір де сұлу көрінетін шығар, бірақ Петъ-

каның жолдастары бізге ұнамайтын болып жүр. Өйткені Петьканың аяғын қия бастырмайды, көшеде көбірек ойнаса да, киімінің бір жерін жыртып алса да, аяқ киімін сұласа да, сабакқа бармай қалса да мамасы емес, оны осы әпкесі Зоя құлағынан бұрап шырылдатып-ақ жатқаны. Сондықтан да ол соңғы кезде бізге сүйкімсіз қыз бол көрінетін. Қазір де, міне, қолына оқтаудың жуандығындаі көк таяқ альп, біздің үйге қарай ентелей басып келеді. Қатулы екені жүрісінен де, алақ-жұлақ етіп жанжаққа қарағынан да білінеді. Үйге кіріп-шығып жүрген әжемнің қасына кеп «амансыз ба» деп дүңк ете түсті де:

- Элгі үш қу кешеден бері сабакқа барманты ғой,- деді зілденіп. Және «үш қу» дегенді ерекше мәнерлеп, ызамен созып айтты. «Қу» деген дүниедегі ең ұнатпайтын сөзім еді. «Залым», «екі жүзді», «жауыз» тағы басқа осындай небір адамды ластайтын жаман сөздердің бәрі осы бір сезге сыйып жататын сияқты көрінетін. Сондықтан осы сөзді естігенде, Зояға деген ызадан өне бойым дірілдеп кетті.

- Окудан шаршадық деген соң, дем алындар деген мен едім,- деді әжем түк болмағандай жайбаракат үнмен бізге ара түсে сөйлеп.

- Шаршағандары қалай, әже-ау, олардың көктемгі демалыстары әлі басталған жоқ қой,-деп, Зоя әжеме оқу жылының тәртібін түсіндіре бастаған. Бірақ әжем оның айтқандарының бірін де түсінген жоқ және түсінгісі де келмеді білем:

- Эй қарағам, осы қаршадай балалардың миын ашыт-пасаңдаршы. Оқымаса да бір нанын тауып жер, тек дендері сау болсын де,- деген.

Әжемнің бұл сөзіне Зоя шарт кетті.

- Эже, сіздің балаңызда жұмысым жоқ, ал окудан қашқаны үшін анау інімнің жанын шығарам қазір,- деп

қаһарланып қораның аузына қарай жүрді.- Петъка, кәне, шық бері! -деді ақырып,- Егер өзің шықпасаң, қолымда, міне, таяқ бар, сабап шығарам.

Үрейі үшқан Петъка:

- Мен өзім шығам, тек сен сабамашы,- деген жылам-сырай шырылдап. Осы кезде әжемнің:

- Эй, Зоя, орыс болсаң қайтейін! Эй, менің көзімше сол балаға қолынды тигізіп көрші осыдан,- деп, оған қарай тап бермесі бар ма.

- Жо, сабамаймын, әже, жай қорқытқаным ғой,- деді сасып қалған Зоя сыйырлай сөйлеп. Бірақ айтқандары бізге анық естілді.

- Қорқытпа да! Оқуың бар болғыр, онысы несі-еї, баланың зәресін алыш! — деді әжем онан әрмен қатулана сөйлеп.

Зоя да қайсар қызы ғой, ә дегендे сасып қалғанмен, өз дегенінен қайта қоймады.

- Оқу керек, әже. Оқымай қалса бұлар адам болмайды,- деген.

- Оқымаған жұрт адам болмайды екен ғой сонда.

- Адам болады, әрине, бірақ нашар адам болады.

- Әдірем қал! Әдірем қалғыр! Оқымаған ата-бабам нашар болған екен ғой сонда!

Мұнан әрі әжеммен сөз таластырғысы келмеген Зоя:

- Әже, мен сізді айтпаймын, мен өз інімді айтам,- деді жалтара сөйлеп.

- Е, онан да сөйлемейсің бе жөніңмен.

- Петъка! — деді енді шындал ашуына мінген Зоя шаңқылдап.- Шығасың ба, жоқ па?

- Сен тиіспесен, шығам,- деді Петъка сәл жыламсы-раған үнмен.

- Жарайды, егер өзің шығып, алдыма түсіп жүрсөн, тиіспеймін.

- Жоқ, тиісесің.

- Тиіспеймін! Міне, таяғымды әжеге бердім.

Ала қоленеке қораның ішінен үшеуміз саңылау тесіктерден сыртқа сығалай қарағанбыз, айтқанындай-ақ Зоя қолындағы таяғын әжеме берді.

- Жә, тимейді енді, шығындар! — деді әжем де.

Петъка Отто екеумізге кезек қарап:

- Жүріндер, сендер де шығындаршы,- деді қиыла отініп. Эрине, жалғыз шығуга қорқыш тұр.

- Жүр, бірге шығайық, не көрсек те бірге көрейік,- деп, Отто екеуміз де есікке беттедік. Алдымен мен, менен кейін Петъка, ең соңымыз Отто болып қорқақтай басып сыртқа шыққанбыз.

Зоя көк көзі тұздай боп шақырайып, бізге жеп қоярдай ызалана қарайды. Эттең, әжемнен батпай тұр да, әйтпесе оңашалау қолына түссек, үшеумізді де желкемізден алып бүріп жіберер еді.

- Алдыға тұс те, сабағына жүр! — деді інісіне келте бүйірып. Петъка жаутаңдаң бізге қараған, Зояның алдына түсіп жалғыз кетуге бізді қимай тұр. Соны сезген Зоя енді Отто екеумізге де:

- Сендер де жүріндер, оқудан шаршаған түрлерінді көріп түрғам жоқ,- деді.

- Эй, бұл екеуіндеңі жұмысын не?! — деген әжем Отто екеумізге ара түсіп.

- Босқа тентіреп жүретін түк те жоқ, сабактарын оқысын,- деді Зоя енді әжемнің ара түскеніне де илікпеген түрмен, онан соң мені нұқып тұрып: — Егер осыдан мына бала оқымай қалса, ертең Нәзира келгенде сізді емес, мені сөгеді ғой,- деді.

Зоя Нәзира әпкемнің атын атаған соң-ақ, әжем тосылып қалды.

- Қарғам... қарғам... қайтып қана жүр екен жаудырап,- деп, даусы бұзылып, теріс айналып кетті.

Енді әпкесінің алдында жаутаң-жаутаң етіп түрған

Петъка да бізге қарап:

- Жұрсендерші,- деді. Жалғыз кетсем мына Зоя жолда ондырмайды ғой дейтін сияқты. Амал жоқ, жолдасынды жалғыз жіберуге қимайды екенсің. Отто екеуміз де боқшаларымызды алып, үшеуміз Зояның алдына түсіп мектепке қарай жүрдік. Әжемнің қолындағы көк таяғын қайтып алған Зоя соңымыздан ентелеп келе жатқан, былай шыққан соң:

- Кулар,- деді тағы да үрса сөйлеп.- Оқымаған әжені алдап, сабақтан қашқандарыңа мәссиңдер. Үшеуінді де осы көшениң ортасында көк таяқтың астына алып, масқаралайын ба? Біздің әскерлер ғой, эне, немістерді талқандап қуып барады, көп ұзамай жеңеміз енді. Сонда сен үшеуің не бітірдік дейсіндер-ей?

- Ал сен не бітірдім дейсің? — деп, осы тұста алда келе жатқан Петъка әпкесіне шап ете қалған.

- Менімен салыспа. Менің жөнім бөлек. Мен жұмыс істеп жүрмін,- деді Зоя маңғаздана.

- Біз де жұмыс істейміз.

- Сен алдымен мұрнынды сүртіп ал.

- Ой, үлкен бола қалғанын.

- Үлкенмін.

- Үлкен болсан, онда күйеуге тиерсің.

Петъканың бұл сөзі, әрине, Зояның жынына тиетін сөз.

- Мә, саған, күйеуге тию! — деп, Зоя ұмтылып барып таяғымен Петъканы қойып қалған.

- Ой, ой, ой... - деп, Петъка иығын сипап отыра кетті.

- Тұр! Әйтпесе бұл соққан соққан ба, тұра жанынды шығарам,- деп, Зоя оның үстіне төне түсіп кеп, жұлқып-жұлқып қалды.

Петъка ыңырсып жылап орнынан тұрды.

- Тұра тұр, бәлем, мамама айтам әлі,- деген.

- Айт, айт. Мамам кімді жақтар екен. Сабақтан

қашқан сені жақтар ма екен, әлде мені жақтар ма екен.

- Ал мен Манар екеуінің хат жазысқаныңды айтам.

- Өтірікші, жаның шыққыр!..- деп бажылдаған Зоя інісінің құлағынан ұстап бүрай жөнелді.

- Ой, ой, ой...- деп Петъка шыңғырган.

Зоя қып-қызыл бол түтігіп, оның құлағын онан әрмен бүрайды.

- Қоясың ба осы сен, жоқ па? А?!

- Ой, ой, ой... Қанат!.. Отто!.. Аяғынан тартып қалыңдаршы!..- дейді шыңғырган Петъка бізді көмекке шақырып.

- Тартып көрсін!.. Мына көк таяқпен аяқтарын сындырайын,- дейді өршеленген Зоя біздерге қарап қойып, бір қолымен таяғын оңтайтай ұстап. Біз Отто екеуміз әуелі жолдасымызды құтқармақ болып ұмтылыса түстік те, Зояның түтіккен түрін көріп тоқталдық. Рас, кейде біз Петъкаға көмектесіп, Зояға жабыла кететінбіз, өйткені Зоя онша ашулы болмайтын, сондықтан біздің жабылғанымызды кек алмайтын, ал қазіргі мына түрі қатқылдау көрінді.

- Қоясың ба?

Бізден жәрдем болмасын білген Петъка ақыры:

- Қоям, қоям! — деді жалынып.

- Міне, қиқарлансаң осылай болады,- деді Зоя енді оны орнынан өзі түргызып, үсті-басын қаққыштап.

Петъка қызырып кеткен құлағын сипалай тұрып біздерге қарады.

- Сендер неге көмектеспейсіндер? — деді бұртындағы өкпелеп. Біз Отто екеуміз оның бұл өкпесін үнсіз мойындал, үндеңеніміз жоқ.

- Петъка, сен нағыз ақымақсың! — деді Зоя оның үсті-басын әлі де жөндестіре тұрып.-Сонда, немене, жолдастарыңмен мені төбелестірмексің бе?! Ақымақ!..

Мектепке келген соң Зоя бізді класқа кіргізіп, Энипа

апайымызға тапсырды да, өзі үлкен іс тындыргандай бізге ернін шүйіре қарап сыртта қалды. Энипа апайымыз да бізге ренжулі екен.

- Үшеуінмен сабақтан кейін қалып сөйлесеміз,- деді қатулы үнмен.

Эрине, Энипа апайымыздың сабақтан кейін алып қалғанда не айтатыны белгілі ғой, баяғы оку-білімнің пайдасы туралы да. Талай естіп жүрген сөзіміз. Сондықтан өтіп жатқан сабақты тындаған боп отырып, қоңыр сиырдың қамын қайтадан ойластыра бастадым. Не істеймін? Шөпті қайдан табам? Қайдан алуға болады?.. Бір сэт көніліме үрей ұялайды. Қоңыр сиыр да қыстағы аштан өлген өгіздер құсан ыңыршағы шығып, бұральып жатып өлеңтін сияқты бол көрінеді. Ондайда жаным шырқырап, партада отыра алмай кетем. Не істеуім керек? Не амал бар?

- Мен таптым,- деді осы кезде Петъка құлағымның түбінен сыбырлад.- Күнде кешкісін Мақым шал жатқан кезде, Шағыр көз жиреннің алдындағы шөптен алу керек. Түгел алмай, жартысын ғана алсақ, ешкім де білмейді. Ал почтаның атына колхоз шөпті құнделікті беріп тұрады. Сонда күн жылдынып, жер қарайғанға дейін құнделікті алып тұрамыз.

Шынында да, мынау — табылған ақыл. Маладес, Петъка! Қуанғаным сондай, күліп жіберсем керек.

- Қанат! — деді Энипа апай санқ өтіп, даусы қатты, ашулы шықты. Селк ете қалдым.-Сабақ тын damp;асан, бар, далаға шығып күл! — деді.

- Апай, байқамай қаппын.

- Бар, бар, далаға!

Энипа апай көзілдірігінің астынан тесірейе қарап, қарсы алдыма кеп тұрып алды. Маған аса ренішті, ашулы еді.

- Мен кімге айтып тұрмын?! Бар далаға!

Амал жоқ, кластан шығуға тура келді. Бұл менің төрт жыл оқығандағы алғаш рет кластан қуылғаным еді. Көнілім жабығып, өзімді де кінәлі санап, жайымды ұқпаған Энипа апайға да іштей ренжіп, сыртқы есіктің көзіне шықтым. Қайда барам? Балалардың бері класта отыр, үйге баруға зауқым жоқ, мектеп есігінің алдынан ауыл түгелге жуық көрінеді екен, келесі үзіліске дейін осы арада тұруды үйғардым.

Сүрқай тартқан бұлынғыр аспан. Бір апта болды, өстіп тұтін басқандай тұнереді де тұрады. Құннің көзін көруден де қалдық. Құннің көзі көрінбеген соң, ауа да жылынбайды екен. Тұстіктен бір өкпек жел үрлейді де тұрады. Ызғары қозғалмай тұрсаң лезде бойды қалтыратып, сүйектен өтеді. Қардан құлантаза тау құнгейі де күннің көзі болмаған соң бойы құрысқандай боп сұрық-сызданып, тоң-торыс жатыр. Жауын-шашын мен жел мужіген ауыл үйлері қабырғалары алапес-алапес болып, қалай болса солай тігілген қотыр асықтар құсан сол сұрықсыз тауды алқымдай орын теуіпті. Бір қарағанда тіршілік белгісі жоқ сияқты, тым-тырыс, тек кейбірінің төбесінен тұтін будақтайды... Көшеге шықсан мал да, адам да шеттерінен жүдеу, аяқтарын қалт-құлт басады, бұрсек-бұрсек етіп жел өтіне шыдай алмай, әлгі қотыр асық үйлердің ықтасын, тасаларына тығылады.

Албыр-жұлбыр домаланған біреу көшениң басынан бері қарай үйден үй аралап келеді. Бұл — жетім қыз Тоштан. Бұбітай боранда ұшып өлген соң, оның мал-мұлкін жамағайындары бөлісіп алды да, бұл мұлде панасыз қалды. Содан өстіп күніне бір ауық үйден үй аралап қайыр тілейді. Біреу бір уыс бидай салып береді қалтасына, біреу бір кесе айран ішкізеді, енді біреулер құрт-ірімшік ұстаратады, бір кезде әкесін-шешесін көргендер мұсіркеп, аяушылық білдіреді де, ал ештеңесі жоқ үйден сүмірейіп бос шығады. Осы күні ауылда өстіп

қайыр тілейтіндер шыға бастады. Тоштаннан кейін үйден үй аралауға кішкентай Көпен шығады. Кәдімгі бізбен бірге оқытын Көпен. Біраз болды, ашыққан соң окуды тастап кетті. Шешесін колхоз қыс ортасында ағаш қиоға жіберген, жетпістен асқан атасы екеуі ғана тұрады. Бұрын атасы колхоздың малын бағатын, біраз болды, аяқ асты көзі көрмей үйінде отырып қалды. Азын-аулақ жиган-тергендері біткен соң, соқыр шал мен немересі қайыр-садақамен күнелтуде. Бұлардан да ғөрі жағдайы ауыр бір қайыршы бар ауылда. Ол — шешен әйел Хая. Мұрны қоңқиган, көзі шұңғрайған ұзын бойлы әйел кішкентай қызы Айнаны ертіп алғып, үстібасы алым-жұлым боп ертеден кешке дейін ауылды дамыл таппай аралайды. Бір кірген үйіне бірнеше рет кіреді. Соңда да байғұсқа ешкім ештеңе бере қоймайды. Аяп кеткендері қызына сүт немесе айран ішкізеді, ал Хауаның өзі мұлде аш жүреді десе де болады. Кейбір қатығездер: «Саған бірдене бермек түгілі, өзіміз де аш отырмыз, әрі, аулақ жүр!» — деп, есігі нің алдынан малды күғандай таяқпен ұрып қуып жатады. Ондайда Хая байғұс шешенше бірденелерді айтып, ыңырси сейлеп, соққыдан басын қорғалап өңкендей қашпақ болады. Соңғы кезде өзінің аяқ-қолы, бет-аузы домбығып ісіне бастаған сияқты. Әлтіректей ілбіп әзер жүр. Біз балалар жалғыз-жарым, бетпе-бет кездесіп қалғанда Хауадан қорқамыз да. Жо, ол тиіседі, тарпа бас салады деп қорықпаймыз, тірі аруақтай түрінен қорқамыз.

Қазір де ауылдың әр түсында жүрген осы қайыршылардан өзге ешкім көрінбейді. «Тезірек қоңыр сиыримыз бұзауласа, Тоштанға да, Көпенге де, Хая мен қызы Айнаға да уыз берер едік-ау,- дедім оларға жаным ашып.- Тіпті құнделікті сүт те беріп тұрар едік».

Бір сәт Байдалы шалдың үйінен шыққан Тұржан сол

төніректегі біраз иттерді улыған-шулыған ғып, мал қораға қарай шауып өтті.

Осы кезде іштегі кластың есігі ашылып, Петъка жүгіріп шыққан.

- Жұр, Энипа апай ішке кірсін деді,- деп, жеңімнен тартты.

Энипа апай әлгіндегідей емес, түк болмағандай жылы жүзбен қарсы алды.

- Отыр орныңа, ендігәрі сабақ үстінде күлуші болма,- деді ескертіп.

Сонымен кешкісін Шағыр көз жиреннің алдындағы шөптен ұрламақ болып бекіндік. Мақым шал күнделікті Шағыр көз жиренді далаға, қорасының іргесіндегі қолдан тоқылған шарбақ ақырға байлап, алдына шөпті үйіп салып қояды. Оны күнде көріп жүрміз. Біз сол ақырдағы шөптен үшеуелеп көтергенімізше алуымыз керек. Онымыз қоңыр сиырдың бір күп тойып жегеніне әбден жетеді. Келесі күні тағы да аламыз. Қысқасы, сөйтіп, қоңыр сиырды қыстан асырап шығарамыз. Шөп іздеп те бас қатырмаймыз, ешкімге жалынбаймыз да, көз тұрткі де болмаймыз. Және мұнымызды ешкім білмейтін болады.

Әуелі күндіз ойнаған бол жүріп Мақым шалдың үйін төніректеп, ақырға қай жақтан барып, шөпті қалай альп, қалай әкетуді ойластырыңық. Эрине, шөпті көтеріп көшениң оргасымен жүргүте болмайды, шет-шетпен тасалып айналып, жүруіміз керек. Ол жолымызды да мөлшерлеп көрдік, біраз үйлердің сыртын айналып өтуіміз керек екен.

- Ал енді үшеуміз шөпті құр құшақтап альп жүреміз дейміз, меніңше, онымыз жарамайды,- деді Петъка әлгі шет жолымызды көзбен шола отырып.- Қанаттың үйіне жеткенше, құшақтаған шөбіміздің жартысы жолда шашылып түсіп қалады.

- Онда бір-бір жіппен буып байласап алайық,- дегем мен.

Сонымыз дұрыс сияқты көрінген. Бірақ біраздан кейін Отто:

- Өйтіп алып жүргенде де шөп шашылады,- деді,- Шөптің аты шөп қой, қанша мықты байласаң да бәрібір шашылады. Арқалап тасығанда көріп жүрміз ғой. Ертең шашылған шөптің ізі Мақым шалдың ақырынан Қанаттың үйіне дейін жол боп жатса, масқара боламыз ғой.

Расында да, жаны бар сөз, шөпті шашпай алып жүру мүмкін емес қой.

- Ең дұрысы, шөпті үлкен қапқа істелеп-істелеп салып алып жүру керек,- деді Отто.-Сонда қапқа шөп көп сиядьы және еш шашылмайды, үшеуlep көтеріп жүруімізге де оңай. Біз күзде матраң жасаймыз деп сабан тасығанымызда, екі матраңтың қабына жарты арба сабан сыйып кеткен.

Бұл тіпті табылған ақыл болды.

Енді, міне, кештің батуын, қарандылықтың тезірек түсін күтіп, үшеуміз Оттоның үйінде отырмыз. Себебі бұл үйдің терезесінен Мақым шалдың үйі, қора-қопсысы алақанға салғандай көрініп түрады екен. Біздің бүйтіп қызыл інірден үйге топырлай қалғанымызға Оттоның мамасы таң. Өзі әуелде бұлыңғыр ымырт жарығында, онан соң сиғырандаған май шамды жағып ап тоқыма тоқып отыр. Немішшелеп ұлына сөйлеп қояды. Сірә, үйге топырламай сыртқа барып ойнасандаршы дейтін сияқты. Отто болса неміске мен қазақшаны араластыра сөйлеп жауап қайырады.

- Кішкене жылынып алайықшы, мама, сонан соң тағы да ойнауға кетеміз,- дейді.

Біз Петьяка екеуміз онсыз да тар үйде отыра бермей кетейік десек, Отто екеумізді де қозғалтпайды.

- Асықпасанңдаршы, кішкене қараңғы болсын да,- деп безектейді.

Оттолардың үйі — ауылдағы көп үйлер сияқты шағын-шағын екі бөлме. Қыста отын ұнемдеу үшін үйштері тегіс: мамасы, екі әпкесі Ирма мен Берта, Оттодан үш-төрт жас үлкен ағасы Лио — барлықтары осы төргі бөлмеде жатып-тұрады да, ауыз бөлмеге отынсу қойылады. Ал төр бөлме айтартықтай кең де емес, жалғыз терезесі бар, оның алдында тамақ ішетін биік стол мен қолдан жасалған (Лио жасаған) үш-төрт орындық қойылған. Төрде жалғыз темір төсек, оның үстіне қампиған сабан матрацтар жиналған, қозғап қалсаң сыйдыр-сыйдыр етеді. Көрпе деген атымен жоқ, бәрі осы сабан матрацтардың арасына кіріп жатып үйиқтайтын болуы керек. Өйткені кейде ертеңгісін кіріп қалсан, Отто әлі матрацтың арасынан басы ғана қылқып сары бас шымшықтың балапаны құсап жататыны бар. Үйдің бір жақ қабырғасын ала салынған кән пеш бар, ылғи жып-жылы боп тұрады. Оттоның мамасы қашан келсең де көзі сыйырайып, терезеден қашық болса да, әлті кәннің үстінде тоқыма тоқып отырады. Бұдан өзге үйлерінде ешқандай дүние де, мұлік те жоқ. «Еділ бойынан көшкен кезімізде, дүние-мұліктеріміз тегіс сонда қалыпты», - дейді Отто.

Оттоның үйінен ымырт үйіріліп, қараңғылық түсебастаған кезде шықтық. Әуелі біздің үйге соғып, әжеме білдірмей ауыз үйде тұрған екі ала қаптың біреуін бүктеп алдық. Басқа балалардың көзіне түспеуге тырысып, өзімізше ойнаған боп Мақым шалдың үйін айналышықтан журміз. Перде ұсталмаған терезесінен үйдің іші қараңқұраң ғана көрінеді. Мақым шал МТС-тан бүтінгі почтаны бесін кезінде әкелген болатын. Шағыр көз жиренді содан бері мама ағашқа қаңтарып, қазан сұбытып қойып, өзі құнделікті әдетінше шайға бас қойған. Құніне

бір ішетін шайы болғандықтан, асықпай, терлеп-тепшіп отырып ұзак ішеді. Ауылда осы Мақым шалдың шайды көп ішетініне байланысты тараған күлкілі әңгіме де бар, кемпірімен сөйлесіп отырып бір самаурынды тегіс тауыгасын көрінеді, сондайда шалының көніл-күйін бұзғысы келмеген кемпірі ыстық су болмай қалса, самаурынды жылы сумен-ақ ұстемелеп қойып, шалы ұсынған шыныгаяққа жай судан құйып береді екен де, ал Мақым шалға шұрылдаپ самаурынның шұмегінен құйылса болғаны, басқа ештеңеге көніл аудармастан тершіген маңдайын орамалымен сұртіп қойып, әлгі жылы суды да рақаттана отырып сораптай түседі екен.

Бүтін де Мақым шал әдетінше шайды ұзақ ішті. Орнынан іңір шақта бір-ақ көтерілді. Тысқа шығып, есік алдында жүрген ұсақ малдарын қоралап, онан соң бір уыс шөпті бүктеп ап, сонымен Шағыркөз жиренниң ұстібасын сұрткіштеп, терін үгіп, сылап-сипады да, қора іргесіндегі ақырға мол етіп үйіп шөп салып, атты соған апарып байлады. Онан соң үйінің алды-артына шығып, қараңғыда ананы-мынаны қарап шұқылаған болып біраз жүрді де, бар шаруасын тындырғандай үйіне кірді. Мұнан кейін тысқа кемпірі шығып, әлгіндегі шалының шұқылаған тұстарын байқастап қарап, қалай жабылып, қалай қойғандарын тексеріп өтті.

Сәлден кейін үйқыға жатқан болу керек, май шамдары да сөнді. Біз әр тұстан ашылып-жабылған ауыл үйлерінің сықырына, әрбір тықыр еткен дыбысқа елеңдеп құлақ түре тұрып, Мақым шалдың үйінің біраз үйқыға кеткенін құттік. Ауыл-үй арасындағы жүрістүрystар, кіріп-шығулар басылғандай болған кезде, Шағыркөз жиренниң шөпті күтір-күтір шайнағанына дейін анық сөтілді. Ауық-ауық пысқырып қойып құрғақ шөпті тары жегендей құтірлетеді. Сірә, жоңышқалы,

шұрайлы шөп болу керек, күтірлетіп шайнағанына адам қызыңқандай.

Мақым шалдың үйі үйкітады—ау деген мезетте, құні бұрын белгілеп қойған тұсымыз қораның сырт жағынан тасалынып, біріміздің соңымыздан біріміз ептең басып ақырға қарай жүрдік. Алда — Петъка. Алдыңғы құні шөп алғанда, ақырдың қандай екенін көрген адам. Ақырдың шетіне жете беріп:

- Қап қайда? Аузын керіп ұстап, әзірлендер! — деп, ол сыйырлай сейлеп бүйрық беріп шөптен құшақтап ала бергенінде, бірдене сақ ете қалды. Петъка кейін қарай шалқалай барып құлап тұсті. Сөйткенше болған жоқ, қатар тұрған Otto екеуміздің бетімізге бірдене сарт етті. Сол бір қас қағым сәтте аттың бізге қарай құлағың жымырып, аузын арандай ашып тістемек болып ұмтыла бергенін көріп қалдым. Үшеуміз бірімізді-біріміз басажанша кейін қаштық. Бір көрімі байлаулы ат жете алмады. Орнынан тұрған Петъка:

- Мынау керемет тістейді ғой-ей! — деді есі шыға. Енді білдік, әлгіндегі Otto екеуміздің бетімізге тиген Петъканың құлақшыны екен. Шағыркөз жириен тістеймін деген кезде, аузына сол Петъканың құлақшыны ілігіп, соны тістеп лақтырып жіберсе керек.

Үшеуміздің де есіміз шығып қалды.

- Арам қатқырды қара-ей!

- О, шағыр көзінді... қыршанқы ит! — десіп, біраз сыбап боқтап алдық та, енді ақырға аттың басы жетпейді—ау деген тұстан келмек болдық. Бірақ қай тұсынан жақында мақ болсақ та, Шағыркөз жириен құлағын жымырып, тісін сақ-сақ еткізіп, тіпті маңайлатпады. Ойпыр-ай, малдың да мұндай тістеуігі болады екен-ау! Тура қабаған ит дерсің. Қораның арт жағынан сипалап жүріп, бір ағаш таяқ тауып алып, сонымен жасқамақ болып көргенбіз, енді Шағыркөз жириен тісте-

генді қойып, қос аяқтап тебіне бастады... Ақыры Шағыркөз жиреннің алдындағы ақырдан бізге шөп алдырмайтынына көзіміз анық жетті. Мұнан гөрі Мақым шалдың қолынан жұлқа қашып тартып әкету оңай шығар.

Үшеуміз де шарамыз таусылып, не істерімізді білмей ыза бол тұрмыз.

- Аша әкеп қарнына қорс дегізіп сұғып алар ма еді,- дейміз.

Бірақ сол ашанды әкелсең де, мына Шағыркөздің маңайлатпайтынын, қарнына сұқтырмайтынын сезіп тұрмыз.

Салымыз суға кетіп, шөптен күдер үзіп, қабымызды сүйретіп үйге қарай қайттық. Мұндай мазақ, мұндай қор болмаспыз. Элдеқандай болған үшеумізге бір жаман қыршаңқы алдындағы шөптен алдырмады-ау. Мұнымызды басқа балалар естісе, мазақтап қалай күлдер еді. Балаларды қойып, бүкіл ауылға күлкі болар едік. Тіпті мазақ пен күлкіні де қойып, бәрінен де бататыны — ертең қоңыр сиырға не берем? Жесең де осы, жемесең де осы деп құр сабанға қаратам ба? Шөп жоқ болса екен-ау!.. Бар ғой. Қоғалы бұлақта жарты шошақ шөбіміз қалды, жарты шана шөбімізді колхоздың малы жеп қойды...

- Кеттік! — дедім кенет мен Петъка мен Оттоны тоқтата тұрып.- Жүріңдер, колхоздың шөбінен ұрлаймыз. Біздің жарты шана шөбімізді колхоздың малы жеп қойды ғой, соның есесіне ұрлаймыз,- дедім кеткен есемді қайтарғым кеп. Сыртқа білдірмегенмен, көптен ішімде жүрген қыжылым еді. Тіпті анау екеуі бас тартса, жалғыз кетуге бекіндім.

- Шынында да, мал қорадан алайық та,- деді Петъка мені іле қостап.- Энеутгүні ғой Тұржан біздің қанша азаппен сонау Қоғалы бұлақтан сүйретіп әкелген шөбімізді өртеп жіберді. Сол итке ерегіскеңде колхоздың

шөбінен алайықшы. Немене, колхоздың малы мал да, қоңыр сиыр мал емес пе?!

- Колхоз үшін ата-аналарымыз қан төкті дейміз. Ал сол колхоздың пайдасын Байдалы шал мен Тұржаннан басқа ешкім көріп жүрген жоқ. Шөптің жақсысын солардың малы жейді, майға пісірген бауырсақты өздері жейді. Сонда осындай колхоз бола ма?

- Шынында да, олар бұрынғының байлары да, біз кедейлері сияқтымыз,- деді Отто да көніліндегі наразылығын білдіріп.

Сөйтіп, ушеуміз ойдағы колхоздың мал қорасына қарай тарттық. Қораға баратын жолмен тұра жүрмей, талай жерді айналып сырт жағынан келгенбіз.

Сиыршының үйі жатып қалған еken, қораның төнірегі тым-тырыс, қыбыр еткен жан жоқ. Тек іштегі малдың жөтеліп-пысқырғандары, қасынғандары, күтір-күтір шөп жегендері, күйіс қайырғандары естіледі.

Бойы бізден биқтеу болғандықтан, Оттоны Петъка екеуміз еki жақтан аяғынан көтеріп қораның төбесіне шығардық та, өзіміз қабымыздың аузын ашып, жоғарыдан түсірілген шөпті салып тұруға онтайландық. Отто шыға сала шөпті жұлқылап сұыра бастаған, бірақ бір уыс, жарым уыс шашылғаны болмаса ештеңе түсे қоймады.

- Эй, түсірсөнші енді, неғып жүрсің? — дегенбіз төмennен шыдамсызданып.

- Басылыш қалған шөп еken, алу қыын,- деді Отто.- Қазір үстіне қарай шығайынши...

Осы кезде қораның екінші жақ басынан арс-арс етіп шыға келген сиыршының тайыншадай көк төбеті бізге қарай шабалана ұмтылған. Жайшылықта, күндіз келгенімізде, бізді адам еken деп көзіне де ілмей маңқылап тұратын көк төбеттің бүйтетінін кім білген?! Петъка екеуміз жан ұшыра далаға қарай безіп жөнелдік. Бірақ

адуынды төбет бізді аттатсын ба, әудем жер қашып үлгермей-ақ артта келе жатқан мені бүйірлете жамба-сымнан жұлқып қалып, бір-ақ бүктеді. Сол сәттегі жан дауысымның шырқырап шыққаны өзімдікі емес, өлім алдындағы басқа біреудікіндей, өз құлағымды жарып жіберердей болып естілді. «Ар-р-ар-р» еткен ашулы төбеттің тістерінің сақылдағаны, тамағының гүрл-сырылына дейін төбемнен құлағыма дейін анық білініп тұрды. Осымен өлген шығармын деген ғана ой келді. Онан әрі не болғанын білмеймін... Есімді жиғанымда, әлі тірі екенімді ұқтым, тәбет мені со бір бүктеп алып соққаннан кейін, қайтып тиместен, кейін қора жаққа қарай үріп кетіп барады екен. Сол арсылдан үрген бойында алыстай берді де, бір кез қараның арғы жағына кетті. Өйткені арпылдай үргені тасадан талып қана жетіп тұрды. Мен ұшып тұрып жан дәрмен бетім ауған жаққа қарай жүгіре жөнелдім. Біраз жүгіргеннен кейін алдынан Петъканың:

- Қанат! — деп шақырған даусы естілді.

Екеуміз қосылып ап тағы біраз жүгірдік. Едәуір ұзадық-ау деген кезде барып тоқтап, есімізді жиып, артымызға қайырылғанбыз. Төбеттің үргені тіпті алыстан әзер естіледі.

- Сені қапты ма? Сонша қатты шыңғырдың ғой? — деді Петъка.

- Қапты,- дедім мен өзіме-өзім келе алмай дір-дір етіп.

- Қай жерінді?

- Жамбасымды болу керек, ауырып тұр.

- Кәне? — деп, Петъка қараңғыда еңкейіп кеп шалба-рымның ит жыртқан жерінен сипалап көрді де,- Бір тісі аздал қана батқан болу керек, кішкентай ғана қарайып, қанап тұр,- деді жұбатып.- Бірақ тоныңның етегін дал-

дұл ғып тастапты. Сені сақтап қалған да осы тоныңның етегі болар.

- Енді үйге қайтамыз ба?
- Элгі Отто қайда, ол не болды екен?

Демімізді ішімізге тартып, тың тыңдағық.

- Кәне, ысқырайыншы,- деп, Петъка қос саусағын аузына салып қатты бір ысқырған, іле-шала жауап ысқырық шықты. Оттоның ысқырығы. Петъка қайыра ысқырды, жауап ысқырық тағы шықты. Бізге қарай жақындан келе жатқаны байқалады.

- Біз мұндаамыз? — деген Петъка дауыс беріп.

- Келе жатырмын,- деді Отто.

Алқына жүгіріп қасымызға келді де:

- Біреуінді қаптығау деймін? — деді үрейленіп.

- Иә, мені қауып алды.

- Қалай?

- Қорқатын ештеңе жоқ, тек тонын далалап жыртып тастапты,- деді Петъка.

Отто өзі дін аман екен. Қораның төбесінде тығылып отырыпты да, төбет үріп әрі қарай басқа жаққа кеткен кезде, секіріп түсіп зытыпты.

Осылайша колхоздың мал қорасынан шөп ұрлау жорығымыз да сәтсіз аяқталып, үшеуміз сүмірейіп үйге қайттық. Ала қабымыз сол қораның артында қала берді.

Тастай қараңғы тұн түмшалап тастағандай, не жүлдіз көрінбейді, не жылт еткен жарық жоқ. Сүйектен өткен өкпек жел өне бойды қалтыратып жіберді. Ауыл үйлердің арасында да иттердің үргенінен өзге дыбыс та, жүріс-түрыс та жоқ, тым-тырыс. Мынау түнде бәрі де тұншығып жатқан сияқты.

Төбеттің тісі батқан жер енді ғана сыздап ауыра бастады. Әлде сол жаныма батты ма, әлде шарасыз хал қинады ма, еніреп жылағым келді. Даусымды шығарып өксіп-өксіп жыласам деймін. Бірақ жолдастарымнан

Петъка мен Оттодан ұялдым. Бұлар да небір қиындығтарды көріп жүр ғой. Тек ешқайсысы еш уақытта жылаған емес. Сондықтан мен де жыламауым керек. Үйлеріміздің тұсына жеткен ұшеуміз үш айрылдық.

- Ал жақсы, ертең тағы бірдене ойластырмыз,- деді Отто.

- Эрине, қол қусырып отыра алмаймыз,- деді Петъка оны іле қостап.

Құдай-ау, бұл не деген созылмалы ауыр қыс?! Күн неге жылымайды?! Қоқтем айы болды емес пе? Қашанғы естіп қыса бермек. Тақа діңкелетіп барады ғой. Құдай-ау, бар болсаң, естісөнші! Қоқтемінді келтіріп, күнінді жылтытсаңшы. Сонда саған сенейін: Сенің бар екеніне сенейін! Еш уақытта сені жоқ деп айтпайын... Құдай-ау...

---

Ертеңгісін боз ала таңнан оянғам. Әжем болса менен де бұрын тұрып, күнделікті әдетінше далаға шығып, қорадағы қоңыр сиыр мен екі ешкіні қарап, одан от жағып, шай қойып, балалардың түнде жатарларында қалай болса солай шашып тастаған киімдерін жинастырып жүр екен. Бір сәт көзі түнде кеп босаға жақтағы шегеге іле салған менің тоныма түсіп кетіп, сыйырайып барып соны ұстап көрді.

- Қарағым-ау, мына тоныца не болған, ит талаған ба?  
— деді тонымның албыр-жалбыр шалғайын жарыққа тоса тұрып.

- Түнде ойнап бол үйге келе жатқанымда, арт жағымнан кеп бір бүралқы ит арс етіп ала түсіп жыртып кеткені,- дедім әжемді қалай да сендірмек боп қисындыра сөйлеп.

- Эй, осы түнде ойнаған дегенді қоймадындар-ау,-

деді әжем кейіп,- Әйтеуір, еш жеріңе, денене тісі тиген жоқ па?

- Тиген жоқ,- дедім тұнде иттің қапқанын жасырып. Өйткені оны айтып, әжемді құр несіне үрейлендірем... Тек шалбарымның мына жерін жыртып жіберіпті, тігіп берші,- деп, төсегімде көрпеге оранып отырған қүйде шалбарымды алдына қарай лақтырып тастағам.

Әжем тебендей жуан инесі мен шуда жіп әкеп өзіме сабақтатып алды да терезенің алдына жарыққа барып отырып әуелі шалбарымның жыртығын, онан кейін тонымынға жалбыраған шалғайын жамап берді. Жамап отырып өзі біраз кейіп, ұрысып алды, көп ойнайтынмызды, әсіресе тұнге қарай көп жүретініме ренжіді. Мен бүгіннен бастап тұнге қарай үйден шықпаймын деп уәде бердім.

Сыртқа шығып, қоңыр сиыр мен екі ешкіні қорадан шығарып, алдарына біраз сабан шашып, сол сабанға араластырып беру үшін қораның ұстіндегі шөптің ең соңғы қоқым-соқымдарын сыптырыстырып тұрғам.

- Қой деймін, қойсаңшы! — деген дауысқа жалт қара-сам, көшениң ортасымен біздің үйге қарай Отто бір бау шөпті арқалап келеді екен. Бір қолымен шалбарымның ышқырынан ұстап алған. Соңынан ере жүрген Бәтен тырқылдай күліп, оның шалбарын төмен түсіріп жібермек боп тартқылап келеді. Бір ауық Отто қайырылып, оны теуіп жібермек болады, ондайда Бәтен кейін қашып барып тоқтайды да, Отто қайтадан кете берген кездे, жүгіріп кеп шалбарымның артынан төмен тартып қап мәз болады.

- Қой деймін-ей, әйтпесе, мына шөпті тастай сап көресінді көрсетем ғой,- дейді ыза болған Отто қызыараңдал. Бірақ өзі шөбін тастамайды. Эрине, шөбін тастай салып, бас салып ұстаған күнде де Бәтенге ол ешқандай көресінің көрсете алмайды. Элі де жетеді. Бәтенге

қарағанда күші де басым, бірақ ұстемдік жасап ұра алмайды. Оны Бәтен де жақсы біледі. Сондықтан ол Оттоның соңынан қылжактай еріп, біздің үйдің қасына дейін келді де, қоранаң төбесінен түсіп, өздеріне қарсы жүрген мені көрген соң ғана, кейін қайтты.

Бір баян шөпті Отто жаңа Мақым шалдан кәдімгі Шағыркөз жирен атын тұмаға апарып, сұғарып кеп, со кісіден сұрап апты. Жібі болмаған соң, қайыс белбеуімен буып, арқалап алған ғой, бір қолымен шалбарының ышқырынан ұстап жүргені содан екен.

- Бәрінен де Шағыркөз жиренді тұмаға апарып сұғарып қайтқанша, қос өкпеге тепкілең, тұндегі кегімізді бір қайтардым,- дейді Отто мәз бола құліп.

Сонымен қоңыр сиырға бүгіндікке де біраз шөп табылған еді.

Мектепке келген соң да сабақ арасы Петъка, Отто үшеуміздің қыбыржыбырымыз, сөзіміз онан әрі жалғасқан. Шыдай алмай кетті-ау деймін, бір сәт қасымызға келген Санат:

- Соңғы кезде үшеуің ерекше бөлініп, сыйырласып кеттіндер, жайшылық па, айтсандаршы? — деген. Сырымызды басқа балалардан жасырсақ та, Санаттан жасырғымыз келмеді. Бар шөбімізді Тұржан атқарушының қырығынан жеткізіп ала алмағанымызды, енді, міне, бұзаулайтын шағында қоңыр сиырдың ашыққалы тұрганын, соған шөпті қайдан аларымызды білмей, басымыздың дал болып қатып жүргенін айттық. Санат та ойланып қалды. Келесі үзілісте ол үшеуміздің қасымызға қайта кеп, көңілге қонар бір ақыл берді. Мынау ауылдың іргесінде, Жарбұлақтың бергі тұсында, жолға жақын жерге қара күзде тасып алынған екі маяның орны бар ғой, талай шөп ысырап боп шашылып қалған, сол араның үстінің қарын аршып көрсе қалай болар еді?

- Иә, ол жерді мен білем ғой, талай шөптің шашылып

қалғанын өз көзіммен көргем,- деді Otto жұлып алғандай.

- Мен де білем,- деді Петъка да.

Ол екі маяның орны менің де көз алдыымда еді. Күзде талай рет Нәзира әпкем арба айдал келе жатып «шашылып қалған шөптен жинап ала келсем бе дедім де, колхоздікі болған соң алуға қорықтым», - дейтін.

Иттің тісі батқан жер қанша сыр бермеймін десем де сыздап ауырып, аяғымды аттатпайды. Сабақтан шыққан соң үйге қайтарда сүйретіліп әзер жүрдім. Бұл күнде Жарбұлаққа қалай шөпке барам? Бір үйдің тасасына келгенде Петъка бой бермей шалбарымды түсіріп, жамбасымды сипап қарады да:

- Тіс батқан жердің төнірегі қызырып ісіп тұр екен,- деді жаны аши сөйлеп.- Сен бүгін үйінде бол, Жарбұлаққа Otto екеуміз барып қайтамыз ғой.

- Жо, мен өзім бармасам, сендер де бармайсындар.

- Немене, бізге сенбейсің бе?

- Сенем, бірақ өзімнің де барғым келеді.

- Вот қиқар,- деді Петъка мырс етіп күліп.- Жарайды, біз Otto екеуміз сені шанаға отырғызып ап сүйретіп апарамыз.

- Шанаға сүйретпей-ақ мен өзім барам...

Сөйтіп, үшеуміз бір-бір күрек алып, үш кішкентай қол шанамызды сүйретіп, Жарбұлаққа қарай тартттық. Бұл жолы қайда баратынымызды, не әрекет жасайтынымызды үйден жасырғамыз жоқ. Қоныр сиырға шөп табу үшін маялардың орнын аршимызың дегенімізге Петъканың мамасы да, Ottoның мамасы да қарсы болмады. Эжем болса:

- Қарағым, абай болындар, әйтеуір. Қар басып қалған шөпті аршып алу да оңай болмас, мұз боп қатып жатқан шығар,- деген.

Егер аршып алғандай болсақ, шөбімізді Тұржан

көрмеуі үшін қапқа, мөшекке салып әкелеміз деп үйлері-мізден бір-бір ыдыс алғанбыз. Мен жалғыз қалған ала қапты алдым. «Біреуі ғана қалыпты, біреуі қайда кеткенін білмеймін», - деп, әжем ауыз үйдің қуыс-қалта-рыстарын тінтілеп қалды. «Іздемей-ақ қой, ол қап табылмайды», - деп айтуга дәтім бармады. «Іздер-іздер, табылмаған соң қояр», - деп ойладым.

Жарбұлаққа барад жолдағы қар қыстағыдай емес, жұқарып, қатқақтанып, мұздаққа айналыпты. Ауылдан шыққан соң оймауыт тұстарда үшеуміз үш шанаға отырып, жарыса сырғанаймыз да, өрге келгенде Петъка мен Отто мені қосақталып сүйрелей жөнеледі. Мұздақ қардың үстінде шана да лыпып сырғанайды.

Маялардың орнын оғ-оңай таптық. Жолдан жұз метрдей жерде кедір-бұдыр төмпешік-төмпешік болып жатыр екен. Кей жерлерде еріп, мұжілген, қар астынан селдіреп шығып қалған шөп те көрінеді. Қуанғанымыз сондай, шаналарымызды тастай бере әлгі шөбі көрінген тұстардан кеп үшеуміз үш жерден тұра қап, оюға кіріспін те кеттік. Құректерімізді тіктеп шаншып, шөпті бүркеп жатқан көрпе сияқты жұқа қаңылтақ қарды лездің арасында қопарып-қопарып тастамақ болғанбыз. Бірақ жұқа көрінгенмен, қар деген аты болмаса, сіресіп қатқан мұздан бір кем емес екен. Құректеріміз тасқа тигендей шақ-шүқ ете қалды. Сонда да бой бермей ұрғылай бердік. Элі-ақ мына төмпешіктеніп жатқан мұздақ қарлардың тас-талқанын шығарып ойып-ойып, астындағы шөпке қарық боламыз да қоямыз. Алайда күзгі жауында әбден шылқып су болып, жерге басылып, одан үстінен қар жауып, алты ай қыс қатып жатқан шөпті аршып алу деген оңай емес екен. Біраздан кейін-ақ алғашқы аптығымыз басылып, меселіміз қайтайын деді. Өйткені тас уатқандай шақылдатып ұрғылап жүріп ойып алғандағы бір уыс, жарым уыс шөбіміздің

жартысы мұз бол шығады. Тастанайын десен, онан кейінгі ойып алған шөбің де сондай. Жалпы көзіміздің бір жеткені маяның орнында қалған шөптің бәрі осындай жартылай мұз бол жерге жабысып қатып қалған екен.

- Мейлі, осы мұзымен болса да үйге алып барайық,- дейді қара терге түсіп тұтіккен Петъка әлгілерді бір жерге жинастырыш.- Мұзын ерітсек, шөбі қалады ғой.

Онысы да ақыл Әйтеуір, шөп аты бар ғой. Жоқтан гөрі бар.

Ит қапқан саным күректі қолыма ұстап, қар оюға кіріскенімде-ақ сыздап ауыра бастаған, бірақ оған бой бермеуге тырысып қимылдай бердім. Күректі құлаштап көтеріп зірк-зірк ете бергеннен соң ба, біраздан кейін жанға батып ауырайын деді. Енді қаттырақ қозғалған сайын, саныма ине сұғып алғандай болады. Бұкіл аяғым тұтасып, зіл батпан бол ауырлай түседі. Тағы біраздан кейін ауырғаны сондай, шыдай алмай шанама барып қисайып отыра кеттім. Жамбасым тегіс өртеніп бара жатқандай сыздап, ес таптырар емес. Өне бойым тегіс ауыр тартып, көзім қарауыттып кетті. Жатқым келеді. Бірақ жатсам қайтіп тұра алмайтын сияқты көрінем, сондықтан өзімді-өзім: «Түү, осы да сөз бе екен, иттің бір тісі батқанға ауырып», - деп, жігерлендіріп, бір ауық Петъка мен Оттоға қараймын. Ол екеуі менің мына хәлімді де, отырғанымды да байқар емес. Еттері қызып алған, қара терге түсіп, күректерімен мұздақ қарды ғүсілдете ұрғылайды. Мұз бол қатқан бір кесек шөпті ойып алса, мәз болады.

- Міне, мынаның шөбі көп екен! — дейді қуана дауыг-стап. Одан әрі күректі қайта құлаштайды. «У-ух, У-ух» дейді бірінен-бірі қалыспай. Енді бір сәт көзімді жұмып, талықсығандай бол отырған маған екеуі мұздақ қар емес,

тау ойып жатқандай естіледі... Қанша отырғанымды білмеймін, бір кездері Петъка мен Оттоның:

- Эй, анау Қанат неғып отыр? Ауырғаннан сау ма?
- Өзінің отырысы бір түрлі ғой?!
- Эй, Қанат! — деген дауыстары алыстан талып естілді. Оларға жауап қайырмақ болып едім, шамам келмеді.

Қасыма жүгіріп келіп, біреуі мандаіымды ұстап көрді де:

- Ой, ой, ой!.. Қүйіп тұр ғой! — деді.
  - Қап, ауырып қалатын болды-ау!
  - Бүгінше осы ойғанымыз жетер, енді қайтайық.
  - Қайтайық. Ертең екеуміз кеп тағы оямыз ғой.
  - Эрине...
  - Давай, Қанатты өз шанасына жатқызып сүйретейік.
- Ал екеуміздің шаналарымызды бір-біріне тіркеп, үстеріне мешоктар мен қапқа салып мына шөптерді тиейік.
- Жарайды...

Екеуінің ақылдаса сөйлесіп жүріп, мені шанама жатқызып, одан ойған мұз шөптерін ыдыстарға салып шаналарына тиегендерінше қанша уақыт өткенін білмеймін, бір ұйқыдан оянғандай болған кезімде, өзімді сүйретіп келе жатқандарын аңғардым.

- Іңқылдайды, жанына батып келеді-ау деймін.
- Аяғы тегіс күп бол ісіп кетіпти.
- Эне, тағы да ыңқылдады.
- Шыда, Қанатай, шыдашы, бауырым, қазір ауылға жетеміз.

Мұнан әрі тағы да ұйықтап кеткем... Біреу көтергендей болды. Әлуettі күшті қолды сездім, үлкен адам сияқты.

- Түү, жеп-женілі-ай! — деген ер адамның бейтаныс даусы құлағыма жетті.

- Мына араға жатқыз,- деген екінші үлкен адамның даусы. Мұны айнытпай таныдым, Мақым шал ғой. Мені әлгі күшті қол жайлап әкеліп жұмсақ шөптің үстіне жатқызды.

- Бұл әлгі ҮІқсанның баласы ғой,- деген Мақым шал.

- Қанат па? Бойы сыриып дырдай жігіт бопты ғой,- деді әлгі бейтаныс адам мені танып, еңкейіп кеп мені бетімнен сүйді.- Тұу, ыстығы қатты көтеріліп жатыр екен.

- Мыналар ит қапқан деп тұр ғой, үйге барған соң ұшықтап жіберсе, бір-екі күнде жазылып кетеді,- дейді Мақым шал жайбақақ ұнмен.

«Мынау мені бетімнен сүйген ер адам кім болды екен?» — деп ойлаймын. Көзімді ашқам, айдалада тоқтап тұр екенбіз. Почташы Мақым шал соңымыздан қуып жетіп, мені өз шанасына жатқызыпты. Бас жағымда бір жақ шекесі тегіс ойдым-оидым, бір көзінің үстін бастыра қара былғарымен байладап алған түсі суық біреу екен. Күімдеріне қарағанда әскерден қайтып келе жатқан адам сияқты.

- Мынау кімнің баласы? — деп сұрады әлгі адам.

- Бұл кәдімгі соғыстан бұрын колхоздың шошқасын баққан Крешке деген орыстың баласы ғой,- деді Мақым шал.

- Бәрекелде, Крешкенің баласы ма-ей? Эй, бері келші. Атың кім?

- Петъка.

- Ой, үлкен жігіт боп қапсың ғой, Петъка,- деп әлгі адам Петъканы құшағына алып, бетінен сүйді.

- Эй, сенің әкеңмен бірге талай арақ ішіп, ел тыржығ-ндаш қашып жүргенде, шошқаның етін жеп ем,- деді мәз бола күліп. Онан соң Оттоны нұсқап:

- Ал мынау кімнің баласы? — деген.

- Бұл соғыс басталғанда көшіп келген немістің

баласы, Ота деген жігіт. Қазір өзіміздің ауылдың баласы боп кетті ғой.

- Кел бері, біздің ауылдың баласы екенсің, сенің де бетінен сүйейін,- деп, әлгі адам Оттоны да шақырып ап бетінен сүйді.

- Эй, Бетке, Ота! Шаналарыңды мына менің шанама тіркей салындар да, ауылға жүгіріндер сүйінші сұрап. Соғыстан Қөпеннің әкесі Әбен аман-есен келе жатыр дендер.

«Қөпеннің әкесі екен ғой! Байғұс Қөпен, кіп-кішкентай, аптарық боп үйден үй аралап, соқыр бол қалған атасы екеуіне қайыр-садақа сұрап жүруші еді. Мандаи-ының бағы бар екен де. Енді аштан өлмейтін болды. Ол енді әкесі бар бала. Ауылдағы ең бақытты бала сол болды ғой!..» деп ойлаймын.

Содан мен бір аптадай ауырып жаттым. Бүкіл бір жамбасым, аяғым тегіс күп боп ісіп, алғашқы күндері мүлде қозғалтпай қалды. Мақым шал сиыршының мені қапқан көк төбетінің қылышығын жұлып әкеп, сонымен үшкірген. Екі-үш күннен кейін кезек алып, біртіндеп жараның уыты қайтайдын деді.

Мен жатып қалған кезде, қоңыр сиырдың бар тауқы-меті Петъка мен Оттоға түскен. Екеуі сабактан шыққан соң, күнде түстен кейін Жарбұлақ жақтағы маяның орнынан ойып шөп әкеледі, оның мұзын ерітіп, желге жайып кептіріп, сабанға араластырып, қоңыр сиырдың алдына тастайды.

- Жақсы жейді,- деп екеуі де мәз болады.

Мен жатқан күндері екеуі сырттағы жаңалықтарды түгел күнделікті жеткізіп түрді. Біртіндеп күннің жылдынып, қардың кете бастағанын солардан естідім. Ауа райы осылай боп тұрса, енді біраз күнде жайма-шуақ көктемнің келетінің, сонда малды тау бөктерлетіп, жайылымға шығаруға болатынын сөз етеді. Келесі

келгендерінде қардың астынан қалың көктің қылтишп қаулап келе жатқанын жарыса айтады. Осыларды естігендеге тезірек аяғымның ісігі қайтса екен деп шыдамсызданам. Күнде ертеңгісін әжем тұрған кезде, мен де басымды көтеріп, мойнымды созып, терезеден сыртқа қараймын. Күн ашық болса қатты қуанам, көктемнің жақындай тұсуі осы күннің ашықтығына байланыстығой.

- Қалайсың? — дейді әжем.

Мен аяғымды қозғап қойып:

- Жақсымын,- деймін. Әжем кеп көрпемді ысырып, аяғымды сипап ұстап көреді де:

- Ісігі әлі қайтпапты, қозғалмай жат,- дейді.

Одан соң ұзақты күнге терезеден бозара қарап жатып кешті батырам. Түстен кейін бір ауық Петъка мен Отто кеп отырып кетеді, сонда біраз серпіліп қалам. Қалған уақытта сарылып жата берген адамға таңның атуы да, күннің батуы да қын екен.

Бір күні ертеңгісін сыртқа шықсан әжем сәлден кейін абыржып кірді үйге.

- Қанат-ай, балам-ай, қоңыр сиыр жок,- деді есі шыға.

- Қайда, кетіпті?

- Білмеймін. Түнде мықтап байлап қойған сияқты едім. Қораның аузын да мықтап бастырып жауып ем. Әлде жібі шешіліп, бошалап шығып кетті ме?..

Осыны айтты да әжем қоңыр сиырды іздеуге бел бүған тұрмен қайта шығып кетті. Ұшып тұрып киініп, бір аяғына ағаш байланғандай сүйретіліп мен де іздеуге шықтым. Қоңыр сиырдың жоғалғанын ести сала Петъка мен Отто да безек қағып, ауылдың төңірегін айналып зыр жүгірді. Бүкіл көрші-көлем тегіс тік тұрып, аяқ жетер жерді аралап, бірге іздесті. Бірақ қоңыр сиырдың ізі де білінер емес, ұшты-күйді жоқ. Сол күні кешке дейін аяғымның ауырғанына қарамастан талай жерді

шарлап, сілем қатып кешкісін үйге келсем, кішкене балалар ұлардай шулап жылап отыр екен. Көп жүргеннен бе, әлде сүйк тиді ме, менің аяғым тағы да құп бол ісіп кетті. Төсегіме сұлқ етіп құлап түстім. Біраздан кейін шаршап-шалдығып әжем де келген. Көзі шүңірейіп, екі жағы мұлде суалып, бір уыс қана бол шүпіп қапты. Алдынан шуылдаса шығып, жылап қарсы алған балаларға қабағын түйіп:

- Жә, түге, олары несі кісі өлгендей күніреніп! — деп қатты ашумен басып таstadtы.-Жыламандаr әрі, жаман ырым бастап. Басымыз аман болсын деп тілеңдер!

Кішкене балалар әжемнің мына қату түрін керіп жылағандарын пышақ кескендей қойып, тыйыла қалды.

- Эй, Болат, от жағып, шай қойып жіберші, балам! — деді бүйірып. Сөйдеді де төсегімде сұлқ жатқан менің қасыма кеп еңкейіп, аяғымды сипалап ұстап көрді.-Балам-ай, эттеген-ай, аяғында тағы ісіріп апсың ғой,- деді жабырқай кейіп.- Бекер көп жүргенсің. Әуір болғанында тағы жатып қалатын болдың-ау.

Пысылдап жүріп ошаққа от жағып, Болат қайнатқан шайға отырдық. Әжем қара суға шыланған талқаннан бір-екі рет қана таңдайына салып, қайнаған суды тұз салып терлеп-тепшіп ұзақ ішті. Шай үстіндегі әңгімелеріміз ұсақ-түйек үй тірлігі төнірегінде: «Су әкеліп қойдың ба?», «Отын жардың ба?» тәріздес болды да, қоңыр сиыр туралы ешқайсымыз жарып аузымызға алмадық. Аңы жараны тырнаудан қашқандай маңайлағымыз келмейді. Онан бір ауық әжем осындағы жадап-жүдеп тарыққан кезімізде, көнілімізді жұбататын дағдысына бағып, ертегі тәріздес әңгімелердің бірін бастап кетті.

- Баяғыда, осы сендердей кезім, бір қатты жұт болып, мал тегіс қырылыш қалды. Эй, сол жылғы қыс та ерекше қатты болып еді. Жауған қардың қалыңдығы сондай,

мына Қоғалы бұлақтай жерде отырғандарға алты ай қыс бір қатынаса алмадық қой. Ол заманда бүгінгідей колхоз деген жоқ, пішен шабу, қысқа шөп дайындау дегенді білмейді жұрт. Содан қалың жауған қарда мал тебіндей алмай аштан қырылды дейсін. Қектемге қарай қалың елде тігерге тұяқ қалмады ғой...

Терезе қағылды да сырттан:

- Қанат, Қанат! Тез далаға шықшы! — деді біреу дауыстап.

Эрине, аяғым ауырып отырған мен тұра қоймадым да, менің орныма сыртқа Болат жүтіріп шықты, лезде тапырақтай жүгіріп қайта кірді де:

- Эже, Бәкке біздің қоңыр сиырды әкеп тұр! — деді жан даусы шыға айқайлап.

Үй ішімізбен ауырған-сырқағанымызға қарамастан дүрліге көтеріліп, сыртқа ұмтылдық. Шынында да, есік алдында Бәкке қоңыр сиырды жетектеп кеп тұр екен. Куаныштан есіміз шығып кетті.

- Қайдан таптың?

- Қайдан әкелдің? — дейміз шуылдаса жамырап.

- Мына жақтан,- деп Бәкке қараңғыда белгісіз жақты үңісқағандай болды. Есі шыққан әжем:

- Ой, өркениң өскір қарағым-ай, мың бол, мың болғыр!.. Қөзің жамандық көрмесін!.. Өмірің қызыққа толы болсын!..- деп, Бәккеге алғысты батасын үсті-үстіне жаудырып, айналып-толғанып жұр. Онан қоңыр сиырды бас жібінен алып, қораға қарай жетелей жөнелген.

- Эже, қораға емес, ауыз үйге кіргізіп байланызышы,- деді Бәкке.

- А! Сөйтейін бе? О да жөн екен,- деп, әжем енді қоңыр сиырды ауыз үйге қарай жетектеді. Қоңыр сиыр үйренген қорасына қарай тартқылап қиқалақтай бастаған, бәріміз артынан қаумалай айдаған соң, амал

жоқ, ауыз үйге кірді. Эжем ауыз үйдегі май шамды жағып, білтесін көтеріңкіреп, сиыр тұратын жақ бұрыштағы ондық-мұндық заттарды басқа жаққа алып қойды. Қоныр сиыр тап-таза ауыз үйді жатырқағандай көзі шарасынан шыға пыс-пыс етеді.

- Өзі тоқ екен,- деді әжем бүйірінен сипалап.- Эй, Болатжан, балам, астына бір құшақтай сабан әкеп тасташы, жатқанына жұмсақ болсын.

Болат лып етіп барып сабан әкеп төседі әлгі бұрышқа.

Онан соң «сақтықта қорлық жоқ» деп екі ешкіні де ауыз үйге кіргіздік. Сыртқы есіктің ілгегін жауып ап, қуаныштан есіміз шыға абыр-сабыр боп, ауыз үйде қоныр сиырдың қасында бір шай қайнатым тұрдым-ау деймін. Ішкі үйге кіргіміз келмейді. Ауыз үйдің аты ауыз үй емес пе, тек тоңа бастағаннан кейін ғана ішке кірдік. Болат от жағып, қайтадан шай қайнатты. Мына қуаныштың үстінде әжем мырзалығы ұстап, тағы бір-бір қасықтан талқан шылап берді. Ризалығын білдіріп Бәккенің алдына, жеке өзіне жарты тостаған талқан шылап қойды.

- Мен үйден шай ішіп келдім, рақмет, әже,- деп Бәкке бас тартқан.

- Жоқ, қарағым, рақметінді қоя тұр. Сен бүгін талқанмен емес, мал сойып құрметтейтін қонағымыз-сың, ұялмай же,- дейді әжем жаны қалмай қалбалақтап.

Шай үстінде мен Бәккені өзімсіне:

- Қайдан таптың? — деймін анықтай білгім келіп. Осы сэтте балалардың бәрі тегіс: Болат та, тіпті кішкентай Жанарға дейін көздері жайнаңдал Бәккенің аузына қарай қалған.

- Ат суарайын деп барсам, тұманың басында жүр екен, шөп беріп ұстап алдым да, үйлеріне жетелеп әкелдім,- деді Бәкке міз бақпастан. Соған бәріміз иландық.

Эрине, мен іштей иланғам жоқ, Бәккенің шынын жасырып отырғанын сездім, бірақ кішкене балалардың көзінше қазбаламадым.

Шай ішіп болған сон, Бәкке маған:

- Мен сендердікіне жатайыншы,- деді.

- Жат. Екеуміз бірге жатамыз,- дедім мен қуаныш.

Әжеме айтып ем, ол кісі де қуана құптады.

- Қарағым-ау, үй кең ғой, оның не қысылатыны бар, жатсын,- деді.

Сөйтіп, менің төсегімді кеңейтіп салып Бәкке екеуміз бірге жататын болдық. Әжем ауыз үйге шығып тағы да қоңыр сиырды сылап-сипап жататын жерін ыңғайластырды. Қоңыр сиыр тұмсығын созып ыңырана ақырын мөңіреген.

- Ойбүй, байғұсым-ай, шөлдеп түр екенсің ғой,- деп шелекті салдырлатып су берді.

Енді шамды сөндіріп жатқалы отырғанымызда, сиртқы есімізді біреу жұлқа тартып, онан тықылдата қақты.

- Ол кім? — деген әжем есік ашпас бұрын.

- Мен Бакка апа! — деді әйел даусы.

- Менің апам ғой,- деді Бәкке елең етіп.

Әжем есікті ашып, үйге Бәккенің шешесі Зейнат кірді. Бұл баданадай қой көзді, пышақпен қырнап жасағандай қыр мұрынды, өні ажарлы болса да, бір түрлі сұық көрінетін, орта жастағы ақ сұр әйел еді. Бәккенің кескін-келбеті әкесі Адудан гөрі осы шешесіне көбірек ұқсайтын. Ал әкесі Аду сақал-мұрты қап-қара, қоңырқай жүзді, доғал мұрын, кішірек көзі құлімдеп, жұмыльып кете жаздал тұратын адам.

Зейнат кірген бойда әуелі әжеме:

- Амансыз ба,- деп амандасты да, (Бәккенің шешесі қазақша басқа сөздерді сөйлей алмаса да, «амансыз ба?» дегенді өте анық және дұрыс айтатын) шәлісінің астына

тығып әкелген бір күлше дөңгелек наны бар екен, соны ұсынды.- Бала тіс жейді,- деді күле сөйлеп. Әлгі құлшениң жүгерінің ұнынан пісірлгенін мен айнытпай танып отырмын. Анда-санда Бәккенің үйіне кіре қалғанда жайтінбіз. Өте тығыз боп піскен, тәтті болады.

- Рақмет, қарагым,- деді күлше нанды алған әжем.

- Балалар тас берсең де жеп қояды ғой.

Мұнан әрі Зейнат баласына шешеншелей жөнелген. Даусы қатқыл, әр сөзі ұрысқандай естіледі. Бір жылдан бері шешенше пәлендей сөйлеп үйренбесем де біраз сезін түсінетімін. Сондықтан Бәккенің шешесінін айтқандарын түгел ұқпасам да, ұзын-ыргасын сезіп тұрмын: әкең жұмыстан қайтқанша неге шыдамадың, дейді жазғырып. Бәкке де қатты сөйлеп жауап қайырды: «Әкем келгенше, олар сиырды сойып алса не істеймін» дейді. Шешесі тағы да жазғыра сөйледі: «Егер қолдарына түсіп қалсаң қайтетін едің, олар өлтіріп тастаудан тайынбайды ғой» деген. «Жоқ, өлтіре алмайды, мен оларға өлтіртпеймін», - дейді Бәкке де қайтпастан. Шешесі мұнан кейін де жазғырып ұрысқан, бірақ Бәкке де өз дегенінде тұрып алды, шешесіне көзін аларта қарап «уай-уай» деп шатынай сөйлейді. Осылайша шешесі мен баласы біраз дауласып сөйлесіп алды да, ақыры Зейнат шарасы таусылғандай лажсыз күлімсіреп әжеме қарады.

- Бала жаман... жаман...- деді қолын сілтеп.

- Жоқ, қарағым. балаң жаман бала емес, жақсы бала,- деді әжем оған қарсы дауласа сөйлеп.- Осы үйге келгенде байқаймын ғой, тәрбиесі де, тәртібі де жақсы бала.

- Вай, вай,- деп Зейнат қарсылық білдіргендей басын шайқап күлді де.- Мен бала, сен бала... - деп баstadtы да, әрі қарай аузына қазақша сөз түспей тұтығып тұрып қалды, онан соң баласына сен түсіндіріп жіберші дегендей айттар сөзін шешенше жалғастырып әкетті. Бәкке күлді де:

- Эже, менің апам айтады, менің балам сізді өзінің әжесіндей жақсы көреді деп,- деп аударды.

- Е, айналайын, мен де сені мына отырған Қанатымнан кем көрмеймін,- деді әжем де.

Бәкке енді өз шешесіне әжемнің сөзін аударған.

- Вай, вай! — деп Зейнат сақылдай күлді.

Мұнан әрі шешесімен Бәкке тағы біраз сойлесті де, ақыры шешесі кетуге ынғайланды, әжеме қарап:

- Мен бала...- деп қолымен ишараттап Бәккені нұсқап, осында қонады дегенді білдірген.

- Қонсын, қонсын. Қорықпа, баланды сабамаймыз,- деді әжем әзілдеп. Әжемнің әзіліне бәріміз де мәз болып күлдік.

Зейнат кеткен соң шамды өшіріп жатқанбыз. Әжем мен балалар тез үйқтап қалды да, Бәкке екеуміз қатар жатып ап алаңсыз еркін әңгімеге кірістік. Әуелі Бәкке:

- Қанатай, бұл әңгіме тісіңен шықпасын, әйтпесе екеумізді де өлтіреді,- деп, маған өзінің қоңыр сиырды қалай тапқанын айттып берді.

Қоңыр сиырды бір шешен (Бәкке ол шешениң де атын айтпады) өткен түні таң алдында кеп әкетіпті. Содан күні бойы алдына шеп салып қораның түкпіріне қамап қойыпты. Ондағы ойы алғашқы күнгі абыр-дабыр іздеу басылған соң, бүгін түнде сойып алу екен. Мұның бәрін Бәкке әлгі шешениң бес жасар баласының айтқанынан (балалы үйдің ұрлығы жата ма) естіпті. Оның үстіне Бәккенің өзі де сабактан қайтып келе жатқанында, әлгі шешениң қорасына шеп кіргізіп жүргенін байқап қалады. «Мұның ешқандай малы жоқ еді ғой, шөпті неменеге салып жүр екен?» деп ойлады. Сөйткенше болмай ойнап жүрген баласы «Бүгін менің әкем сиыр сояды» деп мақтанып, бар жағдайды айттып береді. Содан Бәкке әлгі шешениң үйін сирттай андиды. Әкесі болса жұмыста, басқа ақылдасатын адам жоқ. Бәкке не істерін

білмей аласұрады. Бізге кеп айтса, ұрлығын ашқаны үшін әлгі шешен мұны бауыздап тастайды, өйткені шешендердің заңы солай. Кешке қарай көрші колхоздан жасырынып әлгі шешеннің бір-екі сыйбайласы келеді. Үшеуі үйге кіріп, пышақтарын қайрап, қараңғылықтың түсін күтіп отырған кездерінде, Бәкке ақырын барып есіктерін сыртынан бекітіп, қоңыр сиырды жетектеп, біздің үйге қарай тайып тұрыпты. Әлгі шешендер әзірге өздерін кімнің тотитып кеткенін, әрине, білмейді.

- Ал егер білсе ше?

- Тіпті білсе де бұл шешендер үшін кешірімді. Олар үрлады, олардан мен үрладым. Мықты болса ұрлатпаулары керек еді. Ал егер ұрлағандарын келіп айтсам, онда кешірмес еді. Өштесіп, кек қайтарар еді. Сондықтан ертең ешкімге ештеңе демей, түк білмегендей болайық. Сұрағандарға тұма жақта жүрген жерінен тауып алдық дей сал.

- Мақұл, Бәкке.

Көзіміз үйқыға енді ілініп бара жатқан, үйдің түбінен жүріп өткен дүбірден Бәкке де, мен де қатар оянып, басымызды көтеріп-көтеріп алдық.

- Біреу жүрген сияқты болды ғой.

- Иә, біреу есік алдында жүр.

Ұмтылып барып терезеге жабыса тұрып, тастай қараңғы сыртқа қарағанбыз. Қараңдаған еңгезердей біреу қораға кіріп кетті де сәлден кейін қайта шықты, арығ бері үрлана қарап біраз жүрді де, енді кеп есікті тартқылады.

- Соның өзі,- деді Бәкке сыйырлап.

- Киініп алайық.

Қараңғы үйде сипаланып тұрып, тез киініп алдық. Бәккені қайдам, менің өне бойым безгек ұстагандай дірілдеп кеттім. Әуеліде есікті жай тартқылағандай тықырлатып тұрған, әлгі бір кез сарт еткізіп жұлып

алғандай болды. Бәкке екеуміз жүгіріп ауыз үйге шыққанбыз, жоқ, есік ашылмапты. Сырттағы адам бар күшін салып тағы да жұлқып-жұлқып қалды, бүкіл үй солқ-солқ еткен.

- Қанат, балта бар ма? — деген Бәкке.

Мен қараңғыда сипаланып барып, босаға жақта сүйеулі түрратын балтаны тауып әкеп Бәккенің қолына ұстарттым да, өзім ашаны алдым.

- Сен не алдың? — деп сұраған Бәкке.

- Ашаны алдым.

- Дұрыс. Енді қорықпаймыз. Егер есікті бұзып кіретін болса, мен оны тұра балтамен шабайын, ал сен қарнына ашаны сұғып ал.

- Мақұл.

- Эй! — деді енді Бәкке сырттағы есікті тықырлатып түрған адамға: — Біз біріміз балтамен, біріміз ашамен қаруланып тұрмыз.

- Бәкке?! — деген сырттағы адам таңырқап.

- Иә, Бәккемін.

Анау шешеншелеп бірдене-бірдене деген, менің ұққа-ным: сенің бұл үйге қандай қатысың бар дейтін сияқты. Бәкке де шешеншелеп жауап қайырды: бұл менің досымның үйі дейді. Анау: «мен қазір сені досыңмен қосып бауыздаймын» дегендей болды. Бәкке: «Бауыздап көр, менің әкем сені бауыздасын деді». Анау: «Мен сенің әкенен қорықпаймын» деген. Бәкке менің әкем күшті, сені құртады, деді ызақорлана дауыстап. Сырттағы адам бар күшін сап есікті тағы да жұлқып қалған. Осы кезде сырттан, арғы жақтан шешенше айқайласап ақырған ереккің даусы да шықты. Есікті жұлқып түрған адам тапырақтай жүгіріп ары қарай кетті. Сойткенше болған жоқ, әлгі екі адамның дабыр-дұбыр сөйлескендері әріректен, көше жақтан естілді.

- Менің әкемнің даусы ғой! — деді Бәкке. Жүгіріп

барып есіктің ілгегін ашып жіберіп, сыртқа атып шыққан. Мен де ілесе шығып, есіктен аттап барып тоқтадым. Анадай жерде ақ қардың үстінде арсыл-тұрсіл алысып жатыр екен. Жүгіріп барған бойда Бәкке де қазақша боктанаң кірісіп кетті. Үлкендер шешенше боктасып жүр, ара-арасында: «О-о», «а-а»...», «Вай, Миск!..» деп ышқына ыңыранғандары естіледі. Бірін-бірі сарт-сүрт ұрғандары, ыңыранған, ыңқ-ыңқ еткен дыбыистары естіледі. Бір сәт Бәкке: «А-а... әкеңнің!..» — деп баж ете қалған. Жаным шыға жаздаған мен:

- Бәк-ке! — деп жүгіре ұмтылғам. Осы мезетте үлкендердің бірі кескен теректей серенде деп барып анадай жерге ұшып тұсті. Мен жандарына таяп келгенде, екінші үлкен адам әлгі сұлап түскеннің үстіне төніп, еңкейіп қарады да, тістене тұрып шешеншелеп:

- Тірі екен,- деді. Даусынан таныдым, Бәккенің әкесі екен. Мені көріп:

- Хәэт, Хәэт! — деді зеки дауыстап. Онан соң Бәккеге бірдене-бірдене деп тез-тез сөйлеген. Бәкке жүгіріп кеп мені үйге қарай жетелей жөнелді де:

- Қанат, тісіңнен шықпасын. Мұны ешкімге айтушы болма. Онда менің әкемді құртады. Бар үйіңе! — деді сыбырлай сейлеп.

Үйге кіріп, есікті іліп ішкі бөлмеге енгенімде, әжем:

- Қанатпысың? Не боп қалды?! — деген.

- Жай. Даға шығып жүрмін,- дедім дауысынан бойымды билеген үрейді де, тоңғанымды да білдірмеуге тырысып.

Бірден жата қоймай, терезенің алдына барып көшे жаққа қарағам. Бәкке мен әкесі көрінбейді, кетіп қалса керек, ал әлгі серейіп жатқан адам әлден соң орнынан тұрды. Тағы да біздің үйге кеп есікті бұзып жүрмесе деп зәре-құтым қалмады. Жоқ, бері қарай жүрмелі, бір аттап,

бір тоқтап, ілби басып қараңдап ары қарай кетті. Тұлтіректеп бара жатқаны байқалады.

Ертеңгісін тұра сап қоңыр сиыр мен екі ешкіні сыртқа шығарып, ауыз үйді тазалап, онан соң тұндегі арпалыс болған жерге барғам, әр жерде қардың үстіне тамған қанның ізі қапты. Сірә, шешендер пышақтасқан болу керек. Тұндегі Бәкке алып шыққан біздің балта анадай жерде жатыр екен.

- Эй, Қанат, бірдеңе жоғалттың ба? Не іздеп жүрсін?

Мен қапелімде ұрлығымның үстінен түскендей селк етіп қалдым. Үйінен шыққан Петъка боқшасын арқалап бері қарай келе жатыр екен. Мен жауап берем дегенше болған жоқ, ол есік алдында жүрген қоңыр сиырды көргенде қуанғаны сонша:

- Табыльшты ғой! — деп есі шыға жүгірді.

Петъканың көңілі басқа жаққа ауғанын пайдаланып, мен де балтаны алып үйге қарай жүрдім.

Тұнгі оқиғаны — шешендер тәбелесін Бәкке екеумізден басқа ешкім білген де, естіген де жоқ. Егер МТС — тағы шешендерді бақылайтын коменданттың құлағына болар-болмас сыйбыс тисе-ақ, ұры шешенді де, Бәккенің әкесін де айдал әкететіні сөзсіз еді. Сондықтан Бәкке екеуміз кездескен жерде көзімізben ғана ұғысып, болған оқиға жайлы ләм-мим деп сөз қозғағамыз жоқ. Бәкке біраз күнге дейін мектепке де барған жоқ, он қолымды темір пешке күйдіріп алдым деп мойнына асынып байлап, үйінде отырды. Ал әлгі біздің қоңыр сиырды ұрламақ болған Солтыйұрат деген шешен екен. Оны білгенім, сол Солтыйұрат қорадан құлап, қазыққа жығылдым деп, екі қабыргасы сынып, үйінде бір айдай төсек тартып жатты.

Петъка, Otto үшеуміздің тірлігіміз со бүрынғыша — сабақтан шыға сала қоңыр сиырдың қамына кірісеміз. Әр жерден үзіп-жүлкүп бір уыс шөп тапсақ, алтын

тапқандай қуанамыз. Сірекен қар өмірі кетпестей боп мұрты шетінер емес. Шіркін-ай, жер қарайған көктемге жетеміз бе, жетпейміз бе деп зарыға күтіп жүргеніміз. Амал-әрекеттің бәрі таусылған, ешкімнен қайыр болмайтынына көз жеткендей үміттің де үзілген шағы.

Сол күндері Нәзира әпкемнен хат алғанбыз. Бұл — үйден аттанып кеткеннен бергі үшінші хаты еді. Аман-дық-саулығын айта келіп, өздерінің — ылғи Қазақстаннан барған қыздардың — Еділ бойындағы жаудан азат етілген қаланы қалай қалпына келтіріп жатқандарын жазыпты. Эр тараптан барған талаі қыздармен достасып, апалы-сіңлідей туыстасып кеткендерін, қандай қыыншылықтар болса да солармен бірге көтерісіп «көппен көрген ұлы тойдың ішінде жүргенін» мақалдан білдіріп, әжем мен бізге — іні-сіңлілеріне: «Мені ойлад қайғырманңдар, халім жаман емес, ойнап-куліп жүріп жатырмын»,— деп қойыпты. Бірақ хатының кейбір тұстарындағы бірді жарым сөздерді андан отырған әжем: «Тоқта, жаңағы жерін қайта оқышы»,— деп маған қайталай оқытты да:

- Не дейді, құдай-ау, аяқ астынан жарылатын...— дей ме? — деп сұрайды.

- Минаны айтқаны ғой,— дегем мен білгішсініп.

- Е, бір алла өзің жар бола гөр,— деп әжем күбірлей күрсінді.— Бүгін хат жаз, абылап жүрсін деп жаз. Дауыстап айтпаса да іштей аллаға сиынып жүрсін.

- Ой, Нәзира әпкем құдайға сенбейді,— дегем мен әжемнің не болса содан қорқатынына қитыға сөйлеп.

- І! Өйдеме! — деп, әжем кәдімгідей қатуланып сөгіп тастады. Эжімдері қатпар-қатпар боп тереңдеп, өні қатты сұрланып кетті.— Осы кесір сөздерің ғой сендердің...

Әжемді дәл бұлай ренжір деп ойламаған мен сасқанымнан:

- Жарайды, жазам, аллаға сиынып жүр деп жазам,- деп әзер жұбаттым.

Міне, сол хатының соңында әпкем ауылдағы ағайын-тұғандарға тегіс сәлем жолдай отырып, Зибашқа да бірекі ауыз сөз арнапты: «Зибаш жеңгеме көп-көп сәлем айтындар, талай жауынның астында бірге суға малтығып, талай боранда бірге тоңып ек. Қайран жеңгем, азаматтан бір кем емес еді, сендерге де көз қырын салып жүрген шығар. Аман-сау елге оралсам, мен де қарыздар болып қалмаспым...»

- Е-е, қарғам-ай, жүрттың бәрін өзіндей көреді ғой,- деді осы тұста әжем еріксіз қатты күрсініп.

- Зибаштың опасыз екенін қайдан білсін,- дедім мен де шыдай алмай.

- Қайтесің, дүние шіркін деген сол ғой, балам. «Адам аласы ішінде» деген емес пе. Нәзираға жазып қойып жүрме. Алыста жүрген адамға ауылдағыны жамандамайық,- деді әжем.

- Онда әпкемнің сәлемін Зибашқа айтпайық па?

- Айтайық. Хатын апарып өзіне оқытайын,- деп түйді әжем.

Сол күні әжем Нәзира әпкемнің хатын алып Зибаштың үйіне кеткен, біраздан кейін қуанышпен оралды.

- Балам, әлгі Зибаш сиырларыңызға шөп берейін, кешкісін балаларыңызды жібере қойыңыз деді.

Айтқанындағы кешкісін інір кезінде Болат екеуміз екі жіп алып Зибаштың үйіне келгенбіз. Зибаш сыртқа өзі шыққан. Кешкі апақ-сапақта жүзі аппақ бол айдай жарқырап керемет әдемі көрінді, қылған қастары сәл түйліп, бізге жай ғана бір көз тастады да, былқылдай басып кеп қораларының іргесіндеңі тал шарбақтың ішіне жиналған шепті иегімен мегзеп:

- Көтергендеріңше буып алындар,- деді.

Біз Болат екеуміз көк жауқазын шөптен өзіміз

жейтіндей боп, қуанғаннан есіміз шыға жіпке бууға кірістік.

Дәл осы сәтте ауыл иттерінің азан-қазан үргені, айқай-шу естілген. Эрине, атқарушы Тұржанның көшеден өтіп бара жатқанын айтпай-ақ ұқтық. Сөйткеніш болған жоқ оның:

- Эй, Зибаш сұлу, а-а-а... - деген дарақы құлқілі даусы естілді.- Естідің бе, жоқ па, әлгі сенің шолақ қол өкілін, Әлтаевың басқа жаққа жұмысқа ауысып кетіпті, а-а-а...

- Оны кім айтты?

Естідік қой, а-а-а... Енді сен бұл ауылда біргәдір боп қалар ма екенсің, а-а-а... - деп сол еліре мәз боп құлғен күйі, атын қамшылап әрі қарай шаба жөнелді.

Зибаш болса, сол шарбақ қоршаудың есігіне сүйенген күйі, Тұржан басынан қамшымен осып-осып өткендей боп, сілейген күйі Тұрып қалған. Біз ініміз екеуміздің қанша шөп алғанымызда да, кеткенімізде де шаруасы болған жоқ. Тіпті айтқан рақметімізді де естіген жоқ. Үйіріле бастаған ымырт қарандырығында әлгінде ғана аппақ боп жарқырап тұрған айдай ақ жүзі біртіндеп солғын тартып, бір түрлі шаршаған, қалжырағандай күйде қала берді. Бұқіл иттерді шулатып ауылдың екінші басына шыққан Тұржанның есірік құлқісі ымыртта бұрынғысынан да гөрі жаңғырығып, екіленіп, еліріп естіледі: «A-a-a!..»

Біз, Болат екеуміз, буып алған шөптерімізді бүкшендей көтеріп, үйге қарай жан дәрмен ышқына ұмтыламыз, құдайдан бар тілегіміз, Тұржан кейін қарай қайта шаппаса екен, бізді көрмесе екен дейміз. Тілегіміз қабыл бол, Тұржан қайтып кейін қарай шаппады, біз аман-есен Зибаш берген шөпті арқалап үйімізге жеттік-ау. Сол күнгі қуанышмызда шек жоқ еді. Қоңыр сиыр да, екі ешкі де шөпті көргенде, бас жіптерін үзе жаздал

тұмсықтарын созып мөніресіп-маңырасып естері шықты.

Обалы не керек, Зибаш берген сол шөп бізге біраз күнге әженттәуір талғажку болды.

Ал сол күнгі Тұржан айтқан хабар ертеніне-ақ бүкіл ауылға тарауды: шолақ қол өкіл шынымен-ақ басқа жаққа қызыметке ауысқан екен. Ауыл адамдары ендігі жерде Зибаштың бригадирліктен түсетінін де сөз етісті. Қолдаушысы, қорғанышы жоқ әйел қанша тұrap дейсін, Байдалы шал аман болса, әлі-ақ қағып тастайды ғой десті. Әрине, бригадир етіп Тұржанды сайлап алады. Осы пікірге тірелгенде елден маза кетейін деді. Атқарушы боп істеп жүргені мынау, ал егер бригадир бола қалса, бұл Тұржан шетімізден жон арқамыздан таспа тілер десті. Жоқ бұл онбағанды, бұл лағыннетті бригадирлікке жолатуға болмайды. Амал табу керек. Әрекет жасау керек.

Зибаш болса екі-ақ күннің ішінде үсік ұрған жапырақтай боп өні қуарып, көзінің асты қалталанып, түрі мұлде тұр болмай қалған. Үшінші күні Байдалы шал колхоз активтерін жинап жиналыс өткізіпті. Сонда арт жақта отырған біреу әзіл-шыны аралас:

- Шолақ қол өкіл кетіпті ғой. Енді колхоздың кейбір басшыларын өзімізше сайлайтын шығармыз,- деген екен, Байдалы шал көзі шақшаң етіп әлгі адамға:

- Шолақ қол өкіл кетсе, мына бүтін қол біз бармыз ғой, тізгінді өзім-ақ алам,- деп жауап беріпті. Сөйтіп екі-үш күн ауылды кеулеген қаңқу сөзге бірден тыю салған екен. Әлгі адам да, басқалар да жым болса керек. Содан кейін-ақ Зибаштың жүзіне қайтадан қан жүгіріп жадырай бастады.

Сол жиналыс өтіп жатқан кезде, Санат бір топ баланы кенсениң қасына шақырған:

- Келіндер, қазір бір қызық болады,- деп.

Үлкендер жиналыстан шыққан кезде, біздер анадай жерде жентектенген сүр қарды домалатып ойнап жүрдік. Кеңседен бірінші боп Тұржан шыққан, бізді көре сала елірмесі ұстағандай:

- Эй, кулигандар, қазір сендерді ме! А-а-а!..- деген сақылдай күліп.

Кеңседен Байдалы шал бастаған басқа активтер де шыққан.

- Эй, Тұржан! — деді Байдалы шал дауыстап.- Эйел адам ғой, анау Зибашты атына мінгіз.

- А-а-а... мақұл аға,- деді Тұржан ыржалақтап.

Тұржан барып Зибаштың атын шешіп әкеп, алдына көлденен тартып, қолтығынан демеп мінгізді.

- Енді менің атымды әкел! — деді Байдалы шал. Тұржан енді Байдалы шалдың атын шешіп әкеп алдына көлденен тартты да, оны да қолтығынан демеп жіберді.

Атына мініп, қоқылана отырған Байдалы шал:

- Эй! — деді тағы да Тұржанға иегін көтере тұрып,- Біз ұзап кеткенше, сен осы арада кідіре тұр, эйтпесе сен атқа мінсен, бүкіл ауылдың итін улыған-шұлыған қыласың.

- А-а-а... Мақұл аға,- деді Тұржан бұл жолы да ыржалақтап.

Байдалы шал мен Зибаш ауылдың ортасымен қос жорғамен қатарласа жүріп мал қораға қарай кетті, басқа активтер де әрқайсысы өз шаруасына бет алған. Жүрттың ең соңында қалған Тұржан қамшысын үйіріп қойып, көзі құтырына ойнақшып біздер жаққа бір қарап:

- Эй, күшіктер! — деп қойып атына қарай жүрген.

- Ойбай, қашайық! — деді балалардың бірі зәресі ұшып.

- Қорықпандар! — деді Санат күле тұрып.

- Қазір қызық болады.

Сөйткенше болған жоқ, еліре басып барып атының

басын шешіп, ерге енді қарғып міне берген Тұржан, аты осқырынып мөңкіп кеткенде, ер-мерімен жалп етіп үшіп түсті. Мөңкіген аты құлап бара жатқан оны қос аяқпен тепкен, көрім болғанда аттың қос тұяғы Тұржан құшағындағы ер-тоқымға тиіп, аман қалды. Біз, балалар, қыран-топан құлкіге баттық. Біразға дейін тұра алмай тырбаңдап жатқан Тұржанды мазақтамағанымыз жоқ. Енді байқадық, Тұржанның ер-тоқымының айылдарын біреу пышақпен қиып, іліндіріп қана қойған екен. Міне бері үшіп түскені содан. Сәлден соң тәлтіректей көтерілген Тұржан бет аузы қан-қан бол:

- Күшіктер!.. Кулигәндар!.. Көрсетем мен сендерге! — деп шарылдай бастады. Біз тым-тырақай қаша жөнелдік.  
- Кім істеді? Кім қиды айылдарын? — деп бір-бірі-мізден сұраймыз.- Кім болса да жарады! -дейміз сүйсініп.

Сөйтіп, барлығымыздың өшіміз бір қайтқан еді Тұржаннан. Ол бір аптадай үйінде төсек тартып ауырды, сірә, қатты жығылса керек.

Сол екі арада бір күні түстіктен лекілдеп жылды жел соғып берсін. Қар сұнының күлімсі иісі әлгі желмен анқи жөнелсін. Леки соққан бір күннің ішінде-ақ сіресіп жатқан қарды тоз-тоз етіп сөгіп, шоқпыт киіздей іргелете түріп, сілікпесін шығарды. Тіпті шыдатар емес. Үлкендердің айтуынша, бұл молшылық болар жылды соғатын ескек желі еді.

Ой, дүние-ай, сөйтіп, көктемге де жеттік-ая!  
Бұл — зарыға күткен жеңіс көктемі еді!

